



BIBL. NAZ.
VITT. EMANUELE III

XVIII

D

9

NAPOLI

D-9-

E. 50. 4



e. 50. 4.

1000



AMEDVS PACIFICVS.

S E V

DE EVGENII IV. ET
AMEDEI SABAVDIAE DVCIS

IN SVA OBEDIENTIA FELICIS PAPÆ V.
nuncupati controuersijs

COMMENTARIVS

*Jussu Serenissimi Ducis ab eius Historiographo
digestus.*




TAVRINI, Apud HH. Io. Dominici Tarini, 1624.


De Superiorum licentia.

ELOGIA AMEDEI.


NICOLAUS PP. V. In Epist. ad Ludou. Sab. Ducem.

 **A**LEM se ad Vniōnem, & Pacificationem Ecclesie in oculis nostris, & omnium fidelium exhibuit
AMEDEVS: ut quidquid nobis factu possibile videremus, sua recordationi, ac honori, & utilitati dilecti filij Nobilis viri **LVDOVICI** Ducis Sabaudie eius nati, ac ipsorum Illustri Domui libenter tribuamus.

Idem in Bulla an. 1448. 15. Kal. Febr.

 **M**T **AMEDEI** honor fama, & reputatio illasi, & integri remaneant, Literas, Processus, Mandata, & Decreta quaecumq; .&c. contra presatum **AMEDEVM**, Felicem V. in sua Obedientia nominatum, decernimus, & decretamus nullum effectum penitus sortiri: Sed porinde haberi debere, ac si nullatenus emanassent: Ea q; omnia, & singula cum inde sequentis in Registris ipsius Eugenij predecessoris, & nostris, & alijs locis, quibuscumq; aboleri, & deleri mandantes, omnino tollimus, & cassamus, irritamus, & annullamus.

PIVS PP. II. apud Gobelin. lib. 7. Comm.

 **A****MEDEVS** procul ab armis in montibus regnans, nunc horum, nunc illorum Arbiter eligebatur, atq; vnus omnium existimabatur, qui sibi, & alijs re-
Et consulere nosceret: quia ad eum quasi ad alterum **SALOMONEM** hinc Itali, hinc Galli pro Consilio de rebus arduis recurrerunt.

ONVFRIVS Lib.3. de Pontif. creat.



MEDEVS in solitudine Ripariæ Gebennensis
Diacesis vitam ANGELICAM agens, in Põ-
tificem Romanum electus est.

FRANCISCVS GONZAGA Episcopus Mantua-
nus, Tertia parte Histor. Ord. S. Franc. in Prou.
S. Bonau. Conu. 45.



MEDEVS defuncta uxore, relicta Ducali cu-
ra Ludonico filio, studio rerum diuinarum, ac cæ-
lestium contemplatione affectus, cum paucis suo-
rum in agrum Gebennensem secessit, & prope Lacum Le-
manum cænobium construxit, ibiq; diu, noctuq; fidelis-
sime Altissimo Domino famulabatur. Cuius odor SAN-
CITATIS in omnem terram ubi fides CHRISTI co-
lebatur, effusus cum esset, in Concilio Basileensi ad Sum-
mum Pontificatum ex illo cænobio assumptus fuit, Felixq;
nuncupatus, cui suprema dignitati concordia & gratia sese
postea VOLVNTARIE abdicauit.

PHILIPPVS BERGCMENSIS in Chron.



Im PACIS, & HVMILITATIS amator exi-
eret AMEDVS, mortuo Eugenio Pontifice,
nullis pulsatus precibus, Nicolao Pontifici eius
successori humiliter cessit, & in loco pristinae Humilitatis
rursus redijt, &c. Deficiens demum in senectute bona
post obitum etiam MIRACVLIS MVLTIS clarus
effulsit.

F E-

F E L I X

A Maledicorum conuitijs vindicatus.

Dum se sponte premens Felix in bar abdidit antris,
 Altra suum lucis repperiere ducem.
 Sparsit nigra suos nubes vbi liuida nimbos,
 Incestare nouum queis fuit ausa diem,
 Ardet stella recens regalibus excita flammis,
 Nimborum innocuo, quæ fuget ore globos.
 Bellè vtrimque: ramen multò hæc felicior illis,
 Plurima, quod possunt sydera, sola potest.

G. V.

NOS *infra scripti Theologi Commentarium hunc ab Historiographo Serenissimi Ducis elaboratum, ex præscripto Illustrissimi, ac Reuerendissimi Archiepiscopi, ac Sacre Inquisitionis legimus, ac diligenter examinavimus: In quo non modò nihil contra fidem, aut bonos mores inuenimus, sed singularem auctoris industriam probavimus, qui in asserenda optimi Principis, & M. E. D. E. I. inno. entia S. Ecclesie Romanæ, Summorumq; Pontificum: atque adeo ipsius Eugeny Quarti, quæ ut verum, legitimumq; Pontificem reueretur) auctoritatem agnoscit. Erigitur ex utilitate publica, & maximo Historiæ Ecclesiasticæ commodo, ut opus hoc publici iuris fiat.* Augustæ Taurinorum Idib. Mart. 1624.

Fr. Ioannes Baptista Ferrerius Ord. Prædicatorum, Sacre Theologiæ Doctor,
 Prior Sancti Dominici Taurinen.

Fr. Ioannes à Moncalerio Capucinus.

Iosepheus Alemannius Rector Collegij Taurinenfis Societatis IESV.

Imprimatur

Philibertus Milietus Archiepiscopus Taurinen.

Fr. Camillus Ballianus Inquisitor Taurinen.

Argenterius.







SERENISSIMO D V C I CAROLO EMANVELI.



ORACVLI vox est, SE-
RENISSIME DVX, *Filio-
rum filios, Parentum Coro-
nam esse.* Neque temere
Principū sapientissimus
pronunciat, non liberos

modo iplos, sed quandam quasi libe-
rorum catenam maioribus suis glorię
Coronam aptare: Non enim iisdem
spatijs fama, viresq; hominum decur-
runt: istę, ætate marcescunt; illa, ef-
florescit illustrius; Quo fit, vt Avis,
Atauisq; tanto iucundior à Nepoti-
bus accedat gloria, quāto diuturnio-
re lucta à contumaci temporis obli-
uione studiosiùs vindicatur. Facis

†

igi-

igitur, SERENISSIME CAROLE, quod re,
& pijsimum Nepotem decet, vt non
modo Heroicis virtutibus tuis maio-
rum famam augeas, sed illam fatali
inuidiæ, vel incuriæ nebula circumfu-
sam splendori suo reddas. Cæteris
Principum in eo fere Consilia stant, si
Decessorum suorum, aut existimatio-
ne, quamuis fugiente securi, aut con-
gestarum opum opinionē formidabi-
les videantur: quibus verò generosior
indoles maius aliquid suaserit, ardua
maiorū vestigia pressisse, in summis
famæ conatibus habuerūt. Tua vero,
DVX INVICTISSIME, adolescens virtus
ijs glorię nobilitata est rudimentis, ad
quæ vix ambitiosa senū vota festināt,
effecitque vt non tam maioribus tuis
vitā, quàm illi immortalitatē tibi de-
berent: Quæ enim de eorū magnani-
mitate, liberalitate, victorijs, ac in
Religione propaganda triumphis p-
pe incredibilia fama celebrat, facile
Posteritas credet, quia maioribus ausis,
illorum miraculis fidem addidisti, in-
solentiā detraxisti. Credet iam non
inuita Posteritas Imperatorias legio-
nes

nest triumphata Bohemia, Austria, &
Germania superbas in Sabaudia fi-
nibus ad Paterniacum à Philippo Co-
mite vinci se posse didicisse, Quia Po-
tentissimos, florentissimosq; si quos
vnquam misit Iberia, magni Regis
exercitus in ipso Subalpina Prouinciæ
aditu, vno magnanimi pectoris tui p-
pugnaculo, verius quàm Alpium tua-
rum munimentis repressos, pene vidit
diriguisse: Credet Amedeum Quin-
tū cōiuratis in se vicinorū Principum
odijs vnum omnium inuidiæ suffecis-
se, interq; medias acies exultantē ma-
gni nomen sibi peperisse, Quia te vel
Hæreticorū audacia, vel Aemulorum
artibus, vel temporum iniquitate in
eo vidit æstuario positum, vt cū eos
patereris infestos, quos non sola vic-
niæ, sed necessitudinis iura beneuolos
facere debuerant, inter tamen tot as-
sultantes fluctus, scopuli instar infra-
ctus, excelsusq; consisteres, ac magni
nomen etiam viuus sine inuidia pos-
sideres, quòd plerisque mortuis vix
præfica concessit adulatio. Credet
in Amedei viridis semper nouis lauro-

Anno 1131.

rū virētibꝫ castris , quasi in Achillis
Christiani schola celeberrimos Prin-
cipes adollescere contendisse, qui Po-
tentissimi, bellicosissimiq; Regis vo-
tum nuper in oculis tuis Auenione
conceptum, vel auribus vsurparit, vel
fama referente didicerit ; quod tanto
illustriore præconio posteritas cele-
brabit, quanto maior illi ex modestia
tua, quæ id silere me iubet, cōmenda-
tio existet. Creder Humbertorū , &
Amedeorum pietate(à qua Præconū
fidei nomen Pontificis calculo me-
ruerunt) factū esse, vt plurimi in Oriē-
te schismate , erroribusq; suis eiuratis
in catholicæ fidei castra felici insta-
bilitate trāsirent, quia te subactis ho-
stibus(quorum in Deum, & homines
fidem perduellis Geneva corruerat)
geminata victoria adeo feliciter spe-
ctauit triumphantē , vt plenis agmi-
nibus, quibus mortalem virā clemen-
tia tua indulserat , ijsdē Pietas tua
aternā aperiret. His MAGNE CAROLE
virtutibus coronā texere mihi videris
nimio lumine, & pretio ignotam, quā
Auorum tuorū lato capiti circūpo-
nas,

nas,

nas, quibus nihil contigit honorificentius, quàm tanto Nepote gloriari, cuius laudès, & feliciter illis accrescāt, & propriarum sint argumenta virtutum.

Quanquam neque satis habes (quæ tua est, SERENISSIME DVX, in maiores tuos pietas) si illos ex tuis virtutibus æstimari facis, nisi etiam ipforum Innocentiæ studiosissimus patronus accedas : & hanc igitur Coronā Pijssimo Nepoti Atauus optimus debebit AMEDEVS, quòd famā suam temere, ne dicam impiè, profcissam, tuis auspicijs integritati suæ sentiat restitutā. Quia in re ita claritati generis tui consultū esse voluisti, vt singularis obseruatiq̃, qua VERTICEMECCLESiarvm ROMAM, eiusq; Pastorem summum veneraris, quasi gentilitium ederes argumentū. Nam cū maiores tui gregis Dominici Pastores primogenitos Romanos Antistites, operosè adeo sēper coluerint, vt isti de eorum ingenito prope obsequio nō vulgari gratulatione sibi applaudant, vel vnum ex illis existimari temere aliquid in Pontifices ausum,

•contu-

contumelia tibi, tuis, ipsiq; adeo Pō-
tificibus visa est non diutius ferenda:
Eo maximè sacrorū arbitro, qui fe-
licem generi tuo VRBANI Quinti me-
moriā videtur instauraturus. Huius
enim Auspicijs Amedeus viridis (quē
FORTEM ATHLETAM FIDEI vocare cō-
fuerat) victricia in Orientem Crucis
signa circumtulit: Ac consanguineū
suum Ioannem Paleologum, Purpu-
ræ primum, dein Ecclesiæ Romanæ
græco schismate damnato reddidit:
Sicut igitur Diuino Consilio factum
est, vt VRBANVM haberemus Chri-
stiani Orbis spes, quamuis auidas, su-
peraturum, ita VRBANO AMEDEVM
in te, DVX INVICTISSIME, haud de-
futurum, vel eō argumento signifi-
care voluisti, quod qui nē Regios
quidem generis tui Cineres Sedi Apo-
stolicę pateris non esse deuotissimos,
te, tuosque superstites, Regiam sci-
licet prolem, sibi intelligat addictis-
simos. Eo fine lætior prodit in lucē
AMEDEVS, Amedeus inquam PACIFI-
CVS, tuis Bellatorum maxime CARO-
LE defensus auspicijs; Amedeus æta-
tis

ris suæ constanti omnium voce SALOMON, tuo Aevi nostri DAVID fortissime ductu securus: Qui tuis in meritis id præter cætera (DEO cui inter Cœlites famulatur exorato) repender, ut sicut ipse Imperij diuturnitate omnes familiæ suæ Principes, ita tu ipsum longissimè superes.

Serenitati Vestræ

Fidelissimus Historiographus.



ÆQVO LECTORI.



AEQVITATEM tuam, mi Lector, primum conuentam volo, fauentia tua securus, si Aequum amas. Amabis vero, sat scio, operis huius Aequitatem, illius si occasionem didiceris, scopum attenderis, modum, rationemq; scribendi expenderis, quatria paucis tibi suggero.

OCCASIONEM igitur huic Commentario prauit Religiosissimum illud obseruantia studium, quo Serenissimi Sabaudia Duces Sedem Apostolicam, illiusq; moderatores supremos semper coluerunt. Cuius studij adeo illustria dedere documenta, ut uni fere Principum Christianorum sint, quos nunquam nominatim Roma ultrici censurarum suarum sideratione perstrinxerit. Imo vero adeo experta est Benueolos, & obsequentes, ut primum illis secundum Reges locum, & vicariam ad Stratoris munus operam hoc rescripto Benedictus eius nominis duodecimus assignarit. Ipsum D.

Papam

Papam cum de Coronatione exhibet,
per frænum ducet Comes Sabaudia,
nisi Reges ibidem fuerint eum ducē-
tes; vnico tamen Rege ad hoc presen-
te, & ducente idem D. Comes ab al-
tero latere Papam ducere debebit.

Comit. Amic-
n. An. 1339.
6. April.

*Et meritò, cum tam incensa in Pastorem
summum charitate flagrant, ut celeberrim-
um inter eos Thomam, quem nulla pra-
liorum discrimina terruerant, vnus de ve-
xato Friderici Imperatoris artibus Ponti-
fice, moror prostrauerit. Quanquam mo-
riens ea consolatione frueretur, quod su-
perstitibus liberos haberet, quibus nihil anti-
quius esse vellet quàm Sedis Romana per-
petua defensio; quo factum est, ut Innocen-
tius IV. alterum ex illis Patri cognominem
Ecclesia Proto vexillarium (Consalonensiū
vocant) crearet, alterum Guglielmum no-
mine, Patrimonio Ecclesia, Vrbiq; Roma-
na præsiceret; quā in administratione tāta
integritate, & magnanimitate versatus est,
ut non nisi eo sublato Pontificem euertere
se posse insensissimi eius hostes sperarent,
vnde illum medicata potione clam oblata
per summum flagitium interemerunt. Po-
steri verò ita se gesserunt, ut qui inter eos*

Parad. lib. 1.
cap. 65.

Paradi. cap.
64. lib. 1. Hist.
b. edit. an
no 1602.

† †

Ducis

Eug. 4. epist.
1d. Ame. 1. an.
1437. 15. kal.
Mart.

Ducis nomen primus assequutus est (Amedeus nempè noster) hac ex adyto Romano iam olim audire meruerit: Quemadmodū maiores tui Ecclesiæ Dei, & Apostolicæ Sedis quieti, paci, & vnitati consilijs, & auxilijs, etiā personis proprijs astiterunt, ac fidem catholicam longis finibus, & limitibus ampliari adiuuerunt, exterminātes etiā gladio sæuissimos hostes, qui illius gloriā obtenebrare conati sunt: Ita, & te ad has necessitates felicibus auspicijs seruātū esse ostendas, vt in tēpore opportuno tua PROTECTIONE, tua cura, tua opera defensentur.

Neque sanè de nihilo maiores Amedei tam illustri praconio commendabat Eugenius.

Etenim, vt reliquos taceā, recens erat memoria inuictissimi illius Pōtificum Achillis, Amedei cognomento viridis, quem Italice simul, Ecclesiasticaq; libertatis aduersus Barnabonis, & Coniuratorum insultus, vindicem, & assertorem acerrimum Urbanus V. & Gregorius XI. profitebantur, atq; adeo ipse Carolus IV. Imperator agnoscebat, qui cum in finem Vicariam ipsi in vniuersa Italia potestatem contulerat: Vt ad honorem,

Ex Bulla
Car. 4.

honorem, cōmodum, & defensionē
 Sāctæ Matris Ecclesiæ (*verba sunt Im-*
peratoris Amedeum alloquentis) in tantis
 opportunitatibus tuæ virtutis indu-
 stria suffrageris; præsertim cum Do-
 minus noster S. Pontifex a deo grandē
 erga te gerat benignitatis affectū, ut p-
 tua persona ad infra scriptos effectus
 nobis singulariter direxerit sua vota,
 &c. *Verum ne Italia finibus eximiam Pie-*
tatem suam circumscriberet Amedeus, Ro-
mana Sedis amplificanda gratia, nullis ex-
ternis auxilijs, suorum dumtaxat virtute
fretus Orientem penetrare non dubitavit;
tam felici successu, ut Ioannem Paleologū
ex Anna Sabaudica Patris sui Sorore pro-
genitum, è Bulgarorum servitute creptum
Solio suo reddiderit, neque aliud tam
præclari facinoris ab Imperatore pramium,
quamvis studiosè interpellatus optaret, quā
ut hic schismate eiurato Romano Antistiti
dicto audiens fieret: Quid cum Imperator
facturum se recepisset, ac deinceps nonnul-
lorum artibus de sententiā dimotus tergiver-
saretur, Amedeus è vestigio Constā: inopoli
digressus, Peram colligendis copijs delegit,
& iam incredibili magnanimitate infide-

Ex Epist. Vr-
bani V. ad
Amed. Sab.
Com. ann.
1369.

litatem ulcisci parabat, cum Ioannes mis-
so Patriarcha, oppigneratisq; apud cognat-
um Diademate, & Sceptro Imperiali, iustā
eius indignationem placauit, ac demum, ut
fidem suam liberaret Romā non multo post
venit, ubi praeunte in verba Urbano V.
Catholica Religionis leges professus, aeternū
Sabaudici nominis monumentum statuit.
Non potuit Urbanus effusa latitia gestiens
non agere, atq; habere uberrimas Amedeo
gratias; his igitur verbis animi sui sensa
expressit. Ad tuæ consolationis aug-
mentū tibi læti præsētibus referamus,
quòd Carissimus in Christo filius no-
ster Ioannes Palæologus Imperator
Græcorū illustris Cōsanguineus tuus,
secundum quod olim per ipsum. & te
fuerat Peræ ordinatum, ad Sedem no-
stram reuerenter accessit, præmissisq;
per eum abiuratione schismatis, &
professione Catholicæ Fidei, ac op-
portuno præstito iuramento de parē-
do mādatis Ecclesiæ, atq; nostris, die
vicesima prima mensis Octobris p-
ximè præteriti in Basilica Principis
Apostolorum eum solemniter, ac Pa-
terna recepimus Caritate, de quo Ec-
lesia

Ilesia Sancta Dei lætatur in Domino,
sperans ipsius Imperatoris ministerio
subditos sibi Populos ad gremiū eius-
dem Ecclesiæ reuersuros, &c. Datū
Romæ non. Nouemb. Pontif. nostri
Ann. 7.

*Hac cum utriusq; Palladis delictum Serenif-
simus CAROLVS EMANVEL reuolueret,
gauderetq; in suis Decessoribus agnoscere
illius Pietatis imaginem, quam erga Sedem
Apostolicam semper aluit: facere non po-
tuit quin scriptorum quorundam intempe-
rantiam coerceret. (Quos enim familiares
non habet alter hic Augustus, qui uerè, ut de
suo canebat Ausonius.*

quantum cessat de tempore belli

*Indulget Clarijs tantum inter castra Camænis;
Vix posuit celeres stridentia tela sagittas,
Musarum ad calamos fertur manus: otia nescit)
Qui scriptores, vel maledicendi lasciuia,
vel veri indiligentia Amedeum V III. Sa-
pientissimum, Religiosissimumq; Principē
in Basileensium Patrum conuentu ad Pon-
tificiam dignitatem vocatum, sædis calum-
nijs lacerarunt, alijsq; ut eadem deinceps
auderent præiuerunt. Is igitur pro summa
illa obseruantia, qua Romanos Antistites
semper*

lis nempe
tas in To-
u 16. infer-
t.

n epist. ad
undem an.
433. non.
dant.

In Breui ad
Ludo. Ducē.

*semper veneratus est, hunc ex integerrima
familia naum emaculare studuit, tum cō-
municatis cum eruditissimo Annalium
Ecclesiasticorū auctore tabulis: in hac edi-
ta defensione, in qua illustribus euinceret
documentis Amedeum illum non modò Sedi
Apostolica iniquum non fuisse, sed ipsum
Eugenium tantis cumulasse beneficijs, ut
fateretur iste Amedeum reliquos omnes
Christianos Principes in hoc officij
genere facile superasse: eaq; Nicolaus
Eugenij successor in se, totamq; Ecclesiam
eiusdem Amedei merita agnosceret, ut ea
omni amplitudine fauorum psequi,
& quicquid sibi factu possibile videretur
recordationi eius, & honori tri-
buendum decerneret. Ac prater ea se-
uere iuberet, ut ea omnia inducerentur,
quæ vel temporum iniquitas, vel ma-
leuolorum proteruia in tantum Prin-
cipem excogitasset.*

*Habet igitur Serenissimus Dux Consilij sui
auctores ipsos summos Ecclesie Antistites:
stimulos admovent innocentia patrociniū,
familia decus, eximia in Sedem Apostoli-
cam pietas, & obseruantia, quam nec in
maioribus, nedum in se, vel minimo aspergi*

nauo

nauo patitur.

Hinc scopus, in quem scriptio ista collineat, facile sese aperit: propositum enim mihi est Eugenium semper verum, legitimūque Pontificem agnoscere, & venerari. Actametsi in plerisq; fortasse hominem se esse verbis, factisq; ostenderit, vero propius existimare, quod de eo in sua retractione Pius Secundus prodidit: Illum scilicet falsò de multis accusatum, & Cardinales, qui Basileam venerāt ob priuatas inimicitias bono, & sancto viro notam inurere voluisse. Quae igitur Historicè in hoc commentario ex antiquorum monumentis deprompta legentur, quae alicuius noxae illum facient, eo dumtaxat sine hic recensentur, ut Amedeum à temeritate absoluant, qui tot grauissimis, doctissimisq; viris accesserit, apud quos Eugenius haud vulgari inuidia flagrabat. Faciunt ad eundem finem, quae ex actis Synodalibus Basileensibus de Concilij auctoritate in medio ponuntur. Scio enim, & profiteor cum eodem Pio Secundo, eum qui Romanae secundum Canonicas sanctiones praeficitur Ecclesiae, quā primum electus est in sacro Collegio, su-

Pius 2. in
Bulla Re-
tract.

pre-

premā à Deo potestatem sine me-
dio consequi, & per ordinem in om-
nem diffundere Ecclesiam, cuiusque
peccata Diuino Iudicio relinqui. Scio
Leonis X. Constitutionē de ijs, quæ post Ba-
sileensis Concilij ad Ferrarienses transla-
tionem sequuta sunt, integrā, illibatāq; esse
conseruandam: Neq; illa hūc in Cōmenta-
riū refero, vel asserendi, vel disputādi cau-
sa, quæ summis Pontificibus deinceps haud
ita probata esse satis intelligo. Quorsum
igitur? vetus paræmia est, posteriorem diem
prioris magistrā esse. Multa nimirum
nunc expedita sunt, & obuia, quæ retrosio-
ribus erant admodum perplexa temporibus,
& incerta. Vt igitur non satis sanus ha-
beretur, qui nunc in ea contumaciter nite-
retur, quod plurimos olim renitentes habue-
rint; Ita prudenter parum faceret, qui ve-
teribus insultaret, quod ea non viderint,
quæ doctior nobis atas aperuit. In his mul-
ta pono, quæ de Pontificis in Concilia au-
thoritate Eugenij temporibus disputaban-
tur: Quæ si ex ea, quæ id ætatis apud do-
ctissimos viros, & celeberrimas Acade-
mias inualuerat senectia, æstimabat Ame-
deus, quis ei meritò possit succensere? imo

vero

vero quis nobis, si ea dumtaxat referimus,
que passim ea atate usurpata?

Καὶ Ἀποστόλῃ

Αἱ δὲ λοιπαὶ πᾶσι ἐπερὶ τῶν σοφιστικῶν.

Urgitur certa nobis esse debent, que Amedeum sequuta atas illis de rebus, vel statuit, vel exposuit, ita minimè dubium esse potest innoxio errore à plerisque tunc, & pronuntiata, & credita: lapsum itaque Amedeum ingenuè fatemur, sed innocenti lapsu; Basileenses autem, qui ei in lubrica via praeiuerunt, ut à culpa minimè vindicamus, ita plurimos illorum in Ferrerorum, Lucemburgiorum, & aliorum virorum pietate praestantium albo ponimus, qui schismatis tempore ei se Parti addixerunt, quam tutiore conscientia minimè temeraria suggererat. Quos, vel eo maiori laude dignos nemo ibit inficias, quòd in eorum numero esse noluerunt, qui ne vel ad horam videantur errasse, semper errant, infami pertinacia constantia famam aucupantes: superbissimi mortalium, qui videri Dei non homines volunt; quem enim, qui se hominem cogitarit errasse puduerit? Quos igitur hortatores ad tantam dignitatem capeffendam inuitus audierat, illos in ea sponte deferenda non relu-

†††

Etantes

et antes adeo letis oculis spectavit Amedeus,
ut tū primū verē felix sibi, suisq; videretur,
quum Felix nuncupari respuisset. Et sanē si
nulla nisi de innocentia felicitas, felix, atq;
iterum felix Amedeus, quem neque error
nocentem fecit, & respicientia innocentis-
simum demonstravit: Hic operis scopus.

Scribendi modus à me susceptus, qui doceat
magis quam delectet, qui in alienis eru-
endis, & proponendis, quàm in suis dilatan-
dis exultet, qui deniq; ut aliena fidei totum
tribuat, nihil sua arroget. Quod si plura
descripsi, quae iam alij publici iuris fecerunt,
commodis tuis servire me credidi, ut ad ma-
num simul haberes, quae hoc de argumento
pluribus locis dispersa sunt, & fateor in-
vidia vitanda gratia, pluscula verbis alienis
quàm meis dicere voluisse; quae si in Conci-
liorum voluminibus, alijsq; probatis libris
impunè leguntur, huc à me translata nemo
iure vitio vertat: Propria tamen ab alienis
discerni velim, ne modestia nostra, acerbior
interdum aliorum zelus officiat. Quae vero
lucem nondum viderunt, ut sunt epistola
plures, & Pontificum rescripta, ea scias ex
instructissimo Serenissimi Ducis tabulario
fidelissimè deprompta, tum ut fidem huic

Com-

*Commentario facerent, tum ut quendam
 quasi gustum tibi praberent eorum, qua (si te
 mi Lector huic pralusioni fauētem habuero)
 integram Sabaudica gentis historiam ali-
 quando daturus, non vulgari uti spero pu-
 blica utilitatis commodo, optima fide com-
 paravi. Nam cum Regia Sabaudia domus
 nullis non Regum, Principumūe Christia-
 norum familijs iam olim inserta sit, rara
 quadam, & eximia suis habet in Archiuis,
 qua non modo ad suam, sed ad aliorum etiā
 Principum laudē, utilitatēq; pertineant.
 Fruere interim istis, & in ijs Amedeum,
 imo Deum ipsum, quem tantopere amauit
 Amedeus ama.*





A M E D E I
A CONCILIO BASILEENSI
in Pontificem electi sub allegoria Astro-
rum Solem eligentium

PROSPHONEMATICVM.



ELICI filia lucem occultabat opacam
Orbis amor, & spes viuida amoris,
Qua vitreis ridet fugiens Lemnius in undis,
Squamososq; greges florenti pascit in auro,
Ripaliaque verbas concordi murmure adorat,
Indomitas positæque iras. Sol dignior axe,
Lucis & imperio, quo lucem sponte tegebat,
Seque efformabat cælo, radiosque premebat,
Vt premeret cælos; tumido felicior ostro
Neglecto, meliorque ostro, & magis agnitus ipse
Quo latuit tenebris. Illum fortuna triumphos
Fastidisse suos, quos illi ingesserat vitro
Indoluit, celerisque rotas, & lubrica fata
Neglecto fregisse iugo: mirantibus astris
Augustum spoliasse iubar, cum purpura solum
Ambitiosa suis arderet enncere flammis;
Erubuit fastus Regem spreuisse Ducales
Ambitio, maiora parans, tantamque latere
Virtutem inuidit; Taciturni irrifere decorem
Coniurata suis educere sidera siluis.
Et Solem donare axi, qui lumine auito
Splendorem capiendo daret, proprioq; decore

Augures

Augeret luci pretium, maioraque ferret
 Rēda, quam illa daret, sceptris & sceptrā foveret;
 Qui Sol ante foret quam Solem nosceret axis;
 Solis & imperium, natiuo ferret in ostro,
 Sole ipso & Stellis maior. Sed qualis inemptus
 Est Solis splendor, qui nolens sidera cogit
 E tenebris proferre diem & non aurea gemmis
 Scintillat pietiosa eblamys, nec purpura reddit
 Natiuo augustum pretio, sed volat amictus,
 Qui radios horrere docet; non ferta pyropis
 Casariem ditant fluído que insulcet in auro,
 Sed rigidis intonsa comis vultus; & ipso
 Neglectu terret; Non sceptro innixus apricas
 Dum tangit facit esse vias; sed spinea virga
 Nutantes firmat gressus; Non regia opacis
 Ostentat confusa onicis, sed pinea silua
 Vix capit errantem; solum est in gramine lentis
 Intextum ramis, non flauo murice pictum.
 Sed lucet sine luce eblamys, vulgaris amictus
 Condendo diffundit opes, peregrinaeque fulget
 Lux tenebris animata suis: argentea spargit
 Canities augusta facies, & legibus orbem
 Virga rudis premit, & vili fastidit in auro
 Sulentando axes; animat tot silua smaragdos
 Quot frondes, ornat viuaci & Murice stratum.
 Regia liberior caelo stellatur aperto,
 Florenti ridetque solo; Sol aureus, aurum
 Et patrias dum linquit opes, mendicq; luxus
 Ornamenta fugit. PROPRIO SPLENDORE BEATVS.
 Quite digne astris & Sol pulcherrime siluis
 Abscondit, lucemq; tegit qua sidera viuunt;
 Ostrum spreuisti immortalis dignior ostro;
 Te maiora vocant; astra elegere serenis
 Imperij natum; curvus tibi debitus axis
 Sole alio fugiente diem; qui lumine terras
 Implesti nunc imple axem; tibi pompa relicta est
 Sorte tua minor; illius nunc sidera debent
 Imperijs seruire tuis, & in axe triumphos
 Illustrare tuos: Te solum deligit ether.
 Sol gemit potuisse legi, stellisque periclis
 Exultare suis, durata & fronte stupentes

Alloquitur

Alloquitur sensus; Errarunt sidera cum me
 Indocili officio Solem volueres, reliqui
 Augustum imperium, nimio ne pondere pressus
 Immorerer regno, sensu, quæ pœna regendi;
 Pungit adduc spinis animum cruciata potestas;
 Vixi alijs nimium, tandem mihi vivere cordi est,
 Hoc unum tardasse nocet. Vix nata parentum
 Sceptra pati potui. Libertas agnita nullis
 Imperijs emitur, satis est me instectere corda,
 Et cælo formare animum; insperata quietis
 Attigit extremos portus mea cymba procellas
 Naufragijs experta suis, non sustinet ultra
 Irritare necus, vitæ & tentare pericla;
 Impar ego tanta mole. Proh digna sereno
 Pugna legi cælo; radios ne fulgeat abdit
 Sol tenebris, stella quo luceat axe latentem
 Abducunt, fugit illo decus, fugientis & astra
 Nituntur firmare decus. Cum lucidus error
 Induit Astree formam, vultuque sereno
 Subridens lente Augustus facta obuia Soli
 Attonitum premit; O maior splendore futura
 Vix etas tanta credet miracula laudis;
 Vicisti inuidiam inuidia; tibi gloria crescit
 Quo reliquis posuit metas; Nunc purpura lucem
 Erubuit neglecta suam; tibi fama coronas
 Appendet satiata malo; sed vera profari
 Si licet oranti, turpe est ambire quietem
 Si cunctis nocitura quies; te publica vota
 Astorum, mundo errante, elegere, quadrigam
 Assucta quo luce regas, animæque labore;
 Acummas sentire Orbis tu legis Orbis
 Sol debes; & qui rixisti sæpi labantem,
 Nunc patrio augurio debos firmare ruentem;
 Iustitia adstringet, legum & seuera potestas,
 Si renuit; culpa est, nq̃ltras contemnere leges;
 Si recti te tangit Amor, si libera cœli
 Cura, labor tibi cura foret, mundoque cadenti
 Felicem præbere manum. Percussit acerbis,
 Non fregit pectus monitis Astrea, paratum
 Antemori placida quam dulcia linquere Pacis
 Otia. Nec stella incaptis cessere periclis,

Diuersis

Diuersis rediere armis; verum irrita semper
 Durato cecidere sinu; obstinata latendi
 Firmabat cura ingenium; sed vincere Solem
 Insidijs natura suis, & cedere Soli
 Edocuit, candore ipso monstrante triumphos;
 OFFENDI CUELV M NISI PVGNAM CEDERE ET ASTRIS.
 Inuitum hoc fregit pectus ne frangere nosset
 Culpa, malo cessit, ne culpis cederet; Axis
 Poena fuit cum pugna fuit; victoria etali
 Iudicio adscribenda Axi, cui maximus error
 Non errasse foret. Vix legibus innuit, orbis
 Agnouit Solem. Alipedes duxere quadrigam
 Felici cursu, Solique arrisit olimpus,
 Sol quamuis fleret. Monstris natura peremptis
 Latitiae portenta dedit; saturnia saecula
 Aeternum admiscere diem. At dum publica floret
 Spes radijs animata suis, & amabilis omnem
 Spem superans Sol luce implet, Sol alter in axem
 Erupit, Rhedamque suam nullo omine raptam
 Indignans, Solem se stellis esse, minaci
 Indicit sceptrum. Stupuerunt duos lucescere Soles
 Sidera, & in Solem Solem torquere sagittas;
 Ille tumens veteri sceptro, hic felicior ipso
 Neglecto imperio; causa ille audentior, ast hic
 Augurio meliore micans, animoque minorem
 Esse probans sortem; exitio tantum agnitus alter,
 Hic notus fama, & sceptris; felicior ille
 Hoc Sole aduerso, qui regnum luce tueri
 Magnanimum duxit, telis cum vincere posset.
 Certauere tamen; clara hunc pars aetheris, idem
 Ara focus tutata fuit; nec vincere utrique
 Sorte datum. etsi pugna fuit, quo cedere posset
 Riuali occumbente suis erroribus alter;
 Es sponte imperium nullo aduersante, sequenti
 Redderet, & lucis sceptrum cedendo probaret
 Inuitum accepisse. O sceptro maior, & Orbe,
 Prodigio vincente fidem. Sol lucis habenas
 Cessit sponte datas, & Solem reddidit Astris
 Vnitum, radiosque suos seruire coegit;
 Felici exemplo; varios nam sidera Soles,
 Et si assueta pati, diuiso & crescere sceptro,

Indi-

Indignata alium nitida supponere Rheda.
Hoc spernente faces: cum nullus clarior axem
Signasset radijs, signata est meta futura
Aetati, ne aliquis stellas illudere tentet,
Hoc facibus ludens suis, ut vinceret Astra.
Sed qui Fama tuam potuit superare relicta
Luce, tubam, inuidia didicit stimulare venena
Inuidia, monstroque mouo, cedendo stupentes
Irritare faces, nocuit vicisse triumpho
Peccem errorem; nebulas offundere capit,
Et turbare diem, infidum expumando venenum,
Et rabiem cruciando suam. satiataque monstra.
Nulla tamen te larua teget, maioraque monstros
Lumina, neglectis viuis sublimior Astris.
Quod si Solarem impietas obnubere crinem,
Audeat, innatam rabiesque inuolare lucem,
Tot Soles paritura dabunt tua lumina terris,
Quot lucem sensere tuam, Generisque micantem
Agnoscunt Patrem; Soles habuisse parentes,
Es soles peperisse alios, qui noscere caelo
Occasum nequeunt, dubia & succedere nocti,
Sola tibi natura fuit, quo clarior euo
Lucescas, totiesque nouis oriare trophais,
Quo geniti Soles accepta luce triumphant,
Vt posthac renouante diem splendore, triumphis
Inuidia aeternis intexere nesciat umbras.

P.P. ab Alexandris.





AMEDEVS PACIFICVS,

Seu

DE EVGENII IV. ET AMEDEI

in sua obedientia Felicis Papæ V. nuncupati
controuerſijs

COMMENTARIVS.

THEATRVM aperio, in quo pertinacibus scissa diffidijs Ecclesia laborabit, gemet, eluctabitur, ac demum, vt affolet victrix magno totius Reip. Christianæ plausu triumphabit. Scenam ingredientur Pontifices, Imperatores, Reges, Principes, & præcipua tum occidentis, tum orientis orbis capita, abreptis in partes studijs, prout cuique aut pietas, aut priuata commoda, aut ambitio, non aliena minus quàm sua cordi fuere. Eugenius id nominis Pontifex quartus, & Amedeus Sabaudix Dux, in sua obedientia Felix Papa quintus nuncupatus, primarum in hac scena partium actores spectabuntur: Sed ne quid incertis rumoribus, odio, vel assentationi datum videatur, è suis fontibus rei memoria erit arcessenda.

I.
Propositio.

A

Con-

Basileen-
Concilium
indicitur.
*Const. conc.
sess. 39.*

*Basil. conc.
sess. 1.*

Inchoatur.

Finis eius.
sess. 1.

Cōcilio Pa-
pā subijcit.
sess. 1.

Commone-
tur Eugen^{us}.

Renocat le-
gatos suos,
& Conciliū
abrogat.
sess. 1.

Constantiæ decretum fuerat vt decimo quoque an-
no generalia Ecclesiæ comitia coirent : indixerat
in eum finē Basileæ Concilium Martinus v. quo sub-
lato Eugenius Pontifex summus Iulianum S. An-
geli Diaconum Cardinalem sedis Apostolicæ lega-
tum, & præsidem eò destinarat.

Initium Concilio factum die Iouis 19. Iulij anni
MCCCC. XXXI. præuijs solēnibus formulis. Tri-
plex finis ei propositus, *heresium extirpatio, bellorum
inter Principes Christianos extinctio, & morum in Eccle-
sia reformatio.* Diu deinceps ab incepto opere vaca-
tum, prorogata sessione secunda ad 15. Kal. Mar.
anni sequentis. Qui dies Ecclesiæ funestus illuxit,
in eo enim sementis iacta est eorū omnium dissidio-
rum, quæ per totos sexdecim, & eo amplius annos
continua propagatione proserpserunt. Decreto
quippe edito statuerunt PP. *omnes cuiuscunq; di-
gnitatis sint etiam Papalis, Concilio obedire teneri, in his
quæ pertinent ad fidem, & generalem Reformationem Ec-
clesiæ Dei in Capite, & in membris.* Ad hæc, nullū qua-
uis auctoritate, etiam si Papali dignitate præfulgeat, Conci-
lium dissolvere, aut aliò transferre posse, Statutis penis in
quosvis, qui contra moliri, aut decernere aliquid tentarent.
Perculit ea res Eugenium, sensitq; inuidiam facti;
verum ne Basileenses audax initium contumaciori-
bus ausis propellerent, festinato Consilio Æmulo-
rum spes anteire parat. Abrogat itaq; pro pote-
state legationem Cardinali Iuliano, & toti Conci-
lio auctoritatem: Prudentior forte, certè acceptior
futurus, si lentio rem iram fecisset, *nihil enim æquæ
bona consilia pessundedit, quàm spretis quæ tarda, cum
secu.*

*securitate, præmatura, vel cum exitio properare. Faciebat sanè ab illo equitas causæ; quid enim turpius quàm membra, capiti; liberos, parenti; Patri familias, seruos; oues, Pastori moderari velle? Pontificem verò summum vniuersalis Ecclesiæ Caput, non Concilium modo Chalcedonenſe Leonem alloquens appellat, verum ipsi Basileenses, quorum de ipso Eugenio loquentium hæc sunt verba, *Nemo erit nostrum qui pedes eius vt beati Petri non osculetur, qui vt Vicariū Christi non honoret, erit Concilij CAPVT.* & Cardinalis Iulianus in responsione sua ad legatos Eugenij. *Quidquid in sacris statuitur Concilijs sua etiam* (hoc est Pontificis Rom.) *authoritate statuitur, quæ semper ibi reſulget vt prima, & præcipua, Caput, & directrix.* Nos enim unum Ecclesiæ corpus sumus, ipse huius corporis Caput sub capite Christo. Si caput, vnde membris in illud auctoritas? Certè nisi illi (vt cum Hieronymo loquar) *exors quædam, & ab omnibus eminens potestas detur, tot in Ecclesia efficiuntur schismata, quot Sacerdotes.* Eugenium ista absoluebant, nisi causæ confidentià seuerioribus remedijs se implicuiſſet.*

Namque vbi se Patres damnatos intellexere priusquam auditos, exarsere scilicet etiam illi qui neq; liuore, neq; ambitione iuerant in sententiam: nequid tamen turbidè agerent, per oratores suos Ludouicum de Palude Lausanensem Episcopum, & M. Henricum Staſter Decanum Traiectensem Eugenium adierunt, causam dicturi, si audiret, Intercessuri eius decreto, si obstinaret. Dum vltro, citroq; commeatur, exasperantur animi, incenditur

Et Iustè, si cautè.

Epist. ad Leō.

Concil. Basl. sess. 14.

Edition. Col. p. 114.

Lib. con. Luciferi.

III.

Intercedunt Basileenses abrogationi

Sess. 3.

Rumores
varij.

Eugenij acta
rescinduntur.
Sessio. 9. et 10.

IV.
Amedeus
Sabaudie
Dux Lega-
tos Basileā
mittit.

vlcus, contagio à Prælatiſ in Principes glſcit: & in eo res erat, vt vel eo ipſo probaretur cauſa Concilij, quod pluribus placeret. Iam erant illæ voces in omnium ore, Piſaniſ Patribuſ bene ceſſiſſe, quod Concilio Pontificem ſubiecſſent, fruſtra fuiſſe alia omnia priuſquam Conſtantienſeſ hanc viā inirent. Actum prope de Eccleſia ſuperioribuſ anniſ, niſi Pontificeſ in ordinem cogere licuiſſet. Cur verbis inuidia ſit, ſi de innocenti exemplo trahantur? quid plura? Ineunte anno trigefimo tertio Baſileam venit abſ Religioſiſſimo Imperatore Sigifmundo deſignatus Vulielmus Bauariæ Dux Cōcilij Proteſtor, adſunt Principum, Regumq; Legati frequentes. Abrogantur in publico cōfeſſu Eugenij Reſcripta, dieſ ei indicitur, fama eiſ laceratur, prope abeſt, vt ex albo Pontificum eradatur.

Vr ebant iſta Piſſimi Principiſ Amedei Sabaudie Ducis mētē de publica Pace ſēper ſollicitam: Neq; par erat, vt qui iunior componendiſ Eccleſiæ rebus in Cōſtantiendiſ Concilio vtilem adeo nauarat operam, nunc ſenilem prudentiam conciliandiſ animiſ exercitam, in tanto rerum diſcrimine deſiderari pateretur. Epiſcopum igitur Bellicenſem vna cum alijs, & generiſ claritudine, & multo vſu Illuſtribuſ viriſ Baſileam allegat, cōſilijs ſuiſ apprimē inſtructoſ. Duo potiffimum in mandatiſ habebant. Pacem vt omni via Francoſ inter, & Burgundoſ componere, & prorumpenteſ in Eccleſia motuſ comprimere ſtuderent; adeo incenſuſ Caritate Amedei animuſ niſi paciſ arteſ reuoluebat: Sed quoniam Principiſ magna gerendiſ auido, præcipua

cipua rerum in famam laboranda sunt, oratores suos in primis sollicitos esse iussit, honorificus vt in eo confessu locus ipsis attribueretur: neq; difficile fuit illis obtinere, quod cupiebant, prius quàm oratores Ducis Burgundię venissent, quibus cedere, vt indecorum videbatur, ita præire neutiquam sperandum. Tandem in eum modum composita controuersia, vt dexter Burgundioni locus, post Patriarcham Alexandrinum; sinister post Antiochenum Sabauda assignaretur: addita declaratione, hunc quàm proximum à Burgundione esse honoratiorẽ. Reclamauit tamen Amedeus his auditis, & per litteras cū patribus grauiter exposulauit, *in sedibus Oratorum suorum prægrauari se non ferens*, vt constat ex ea Epistola, quæ inter acta Concilij excusa legitur; Sed placet recitare quã super ea re oratores Amedei Contestationem ad patres habuerunt, ne quo præiudicio domini sui dignitas læderetur.

Controuersia pro Sede Oratorum.

Composita.

In Nomine Domini Amen. Tenore presentis publici instrumenti cunctis pateat euidenter, & sit notum; Quod anno eiusdem Domini 1433. indictione XI. die vero veneris, septima mensis Augusti, Pontificatus Sanctissimi in Domino Patris, & domini D. Eugenij diuina prouidentia Papæ Quarti, coram Reuerendissimis in Christo patribus, ac dominis Iuliano Diacono S. Angeli Germaniarum legato, in Sacrosancto generali Basiliensi Concilio in Spiritu Sancto legitime congregato Prasidente Antonio Ostiensi, Branda Portuensi, Ioanne Tit. S. Laurẽtij in Lucerna. Ioanne Tit. S. Petri ad vincula Præbiteri, Alfonso S. Eustatii, & Dominico S. Mariæ in Via lata Diaconis miseratione diuina Sacrosanctæ Rom. Ecclesiæ Cardinalibus, necnō

Ioanne

V.
Protestatio
Legatorum
Sabaudien-
sium pro lo-
co honora-
tiorẽ.

Ioanne Alexandrino, Ioanne Antiocheno Patriarchis, Am-
deo Lugdunensi, Hugone Rhotomagensi, pluribusq; Ar-
chiepiscopis, Episcopis, Abbatibus, ac venerabilibus do-
ctoribus, & magistris dictum Sacrum Concilium facienti-
bus, & celebrantibus in congregatione generali tena, & ce-
lebrata in Ecclesia Maiori Basiliensi existentibus, & cō-
gregatis in nostrū Notariorum publicorum, & testium in-
fra scriptorum ad hac vocatorum, & rogatorum presentia,
prælibatus Reuerendiss. Cardinalis in manibus quandam
Papiri cedula[m] concernentem certā ordinationem circa
assignationem locorum in sessionibus, congregationibus ge-
neralibus, & alijs actibus publicis, & priuatis Sacri cō-
cilij Dominis oratoribus Illustrissimi Principis D. Amedei
Sabaudia Ducis ad ausandum, & de super deliberandū
propositam, non nullis protestationibus interuenientibus, ad
legendum eandem, alteri videlicet mihi Petro Bruneti
exhibuit, atq; dedit, quamq; alta, & intelligibili voce de
mandato eiusdem D. Cardinalis legati, & Præsidentis
legi, huiusmodi verborum sub tenore. Sunt Ambasciatores
Illustrissimi Principis D. Ducis Sabaudia, videlicet Do-
minus Episcopus Bellicensis, & alij sui collegæ contenti ac-
ceptare locum quem eis assignat hæc Sancta Synodus in ses-
sionibus, congregationibus generalibus, & alijs actibus pu-
blicis, & priuatis; Ad sinistram partem, immediate
post Patriarcham Anthiochenum, nisi de nouo subueniant
aliqui Regum, vel Ducum Ambasciatores, qui iure suo præ-
cedere debeant ad euitationem cuiuscumq; turbationis, &
scandali: Protestatione tamen præhabita, & admissa per
Sanctam Congregationem generalem, quod possint, &
valeant probare quoties opportunum fuerit, & eis videbi-
tur: Quod antequam erigeretur Comitatus Sabaudia in

Ducatum, Comites Sabaudie, qui fuerunt pro tempore à trecentis annis præteritis, continuo fuerunt Duces Chablasij, & Augustæ, & sic se semper intitulauerunt in suis Patentibus literis, cum titulo Comitatus Sabaudie, prout Dux Sabaudie modernus est Dux Chablasij, & Augustæ, & ita intitulatur hodie in suis patentibus literis cum Ducatu Sabaudie, & propterea debere præcedere in honoribus Creatione posteriores, & cum protestatione quod casu quocorum Dominus non haberet ratum, & gratum, quod possint redire ad priorem locum, & prosequi iustitiam suam, & cum istis protestationibus, & causis expressis Dominus Episcopus Bellicensis continuabit in loco assignato ut Episcopus Ambasciator, alijs Ambasciatoribus eiusdem Domini nostri in suo loco remanentibus. Qua si quidem ordinatione lecta, & per verbum, Placet, acceptata, locoq; prius per Sacrum Concilium post Dominum Patriarcham Antiochenum ad partem sinistram iuxta ordinationem huiusmodi, eidem Episcopo Bellicensi assignato, & acceptato, Regratiatoq; per eundem Sacræ congregationi de dicta gratiosa ordinatione, ac protestato quod dictus locus honorabilior erat, quam locus ab alia parte post Reuerendum Patrem Dominum Episcopum Niuernensem, Ambasciatorem Illustriss. Domini Ducis Burgundie, ipse Dominus Episcopus Bellicensis nomine Ambasciatorio quo supra, de huiusmodi ordinatione, protestatione, & ceteris præmissis petijt à nobis Notarijs, & scribis infra scriptis sibi fieri, atq; tradi unum, vel plura publicum, vel publica instrumenta, ad futuram rei memoriam, &c.

His ita confectis, ad reliqua se accingunt, quæ sibi fuerant mandata; sed illis dum sedulo insistent quid interim Amedeus apud Eugenium moliretur audia-

Principes Sabaudie trecentis annis ante Basileense Concilium erant Duces.

VI.
Amedeus Legatos mittit ad Eugenium.

Rescribit
Eugenius.

audiamus? Præmiserat alios ad eum oratores Petrum de Menthone D. Montistroterij, Ludouicum de Montheolo, & Philibertum de Rupe, qui eum ad componendas Basileenses controuersias hortarentur, vt ex eiusdem Eugenij rescripto constat, in quo præter cætera hæc habentur. *Cæterum non amouentes cõgitationes nostras ab ijs rebus, quæ statum Catholicæ fidei concernunt, certis adujsamentis per venerabilem fratrem nostrum Archiepiscopum Ebredunensem à nobis postulatis annuimus, vt ea ab ijs, qui in Basilea existunt tractari, & ad effectum deduci possint. Et quia huiusmodi adujsamenta statui Reip. Christianæ atq; vniuersali Ecclesiæ salutaria sunt, gratum nobis erit si tanquam catholicus Princeps operam dabis, quod huiusmodi adujsamenta iuxta facultatem à nobis concessam ad exequutionem, & effectum deducantur. Datum Romæ apud S. Petrum An. In. D. 1432. 17. Kal. August. Pontificatus nostri an. 2.*

VII.
Iterum Legati Sabaudien-
ses Eugenij adfuit.

Cum verò tribus illis Articulis, propter quos Concilium dissoluerat Eugenius, nequaquam acquiescere in animum induceret, suos Amedeus iterum vna cum Imperatoris, Francorum Regis, & Ducis Burgundiæ oratoribus, Romam ire iussit, nequid intentatū relinqueretur: interclusis tamen ob Venerorū, & Mediolanensium bella itineribus, cū peruenire non potuissent, sic ad eum rescripsit Eugenius. *Intelleximus Excellentiam tuam misisse suos oratores, qui vna cum oratoribus Carissimorum in Christo filiorum nostrorum Sigismundi Romanorum Imperatoris, ac Caroli Regis Francorum Illustrum, & dilecti filij Nobilis viri Philippi Ducis Burgundiæ, qui huc venerunt, & debebant ad nos accedere super comprobatione Decreti cuiusdam*

Respondet
Eugenius.

cuiusdam facti in Concilio Basiliensi. Verum propter guerras circumuicinas non potuisse ad urbem venire, hoc perinde habemus, ac si illi ad nos venissent, & ita est nobis grata, & accepta tua bona voluntas, & diligens opera, quam in Concilio pro honore nostro, & sedis Apostolicæ demonstrasti, pro quibus tuam prudentiam in domino summis laudibus commendamus. Verum ante aduentum dictorum oratorum iam concluderamus super materia illa, cum venisset huc cum literis præfati Imperatoris Ambasciator Venetorum, quem remisimus cum Bullis opportunis. prout notum erit tibi. Hortamur tamen tuam deuotionem, ut quemadmodum hæcenus fecisti intentus, & feruens ad defensionem, & conseruationem nostri honoris, ac dignitatis, & autoritatis Apostolicæ sedis, quam velle impugnare ad præsens non expedit, neq; conducit Ecclesiæ vniuersali, quæ per debilitatem capitis, ut ipsa debilitetur, necesse est. Hoc igitur considerans dilectæ fili mandes, & exhorteris Prælatos tuæ ditionis in Concilio existentes, ut non permittant auctoritatem nostram, & Romanæ Ecclesiæ suppeditari, & quod hæcenus à sanctis Patribus constitutum, & huc usq; seruatum est, ut id quoq; obseruetur in posterum, totis viribus operam præstent, ut sic agens apud Deum merearis consequi æterna præmia, & apud homines laudem, & gloriam consequaris. Datum Romæ 1433. Prid. Id. Ian. Pontif. nostri an. 3.

Non de nihilo Eugenius magnam in optimi Ducis Zelo spem collocarat, nullus enim Principum erat, qui adeo constanter in ruenda ipsius auctoritate incumberet. Nec Christianæ Reip. salutem tantum, aut Pontificiæ dignitatis Maiestatem, sed singularem etiam cū Eugenio amicitiam studij huius

B

incita-

Amedei in
le beneuolē
tiam commē
dat Eugen.

VIII.

Eugeniu in-
ter, & Ame-
dum priua-
ta amicitia.

incitamentum habebat. Fidem vtriusq; facit Epistola proximo Mense Martio data. *Iam pridem*, inquit Pontifex, à multis fide dignis audivimus, & quotidie à venerabili fratre nostro Ioanne Episcopo Ambianēsi Referendario nostro audimus, & veraciter informamur, quantum tua nobilitas sit intenta, & omne studium suum apponat ad honorem, & Statum nostrum, & Romanæ Ecclesiæ conservandum. Accessit etiam fida relatio super hoc dilecti filij Ioannis de Griboual Cubicularij nostri, qui tuas credentiales literas ad nos tulit, & commissa sibi per te, nobis fideliter, & prudenter exposuit; Ex quibus optima voluntas tua nobis innotuit, quæ etiam cognita dudum erat. Et propterea regratiamur tibi, ac fidem, & devotionem tuam plurimum in domino commendamus, hortantes te, ut in similibus iustis operibus perseverans, quibus multos alios superasti, te ipsum superare coneris. Nos enim recognoscimus merita tua quantum cum domino poterimus, studebimus tuæ Excellentie complacere, sicut tibi præfatus Episcopus nuntiabit, & super ijs nonnulla commisimus prædicto cubiculario nostro ad tuam præsentiam venienti, & ideo velis eidem in his, quæ tibi referet parte nostra super ista materia adhibere credentia plenam fidem. Datum Romæ, apud S. Chrisogonum an. 1433. Pont. an. 3.

IX.

Prorogari
suspensionē
Eugenij pos-
tular.

Quibus verò officijs perfunctus sit Amedeus, seu ut aduersariorum Eugenij potentiam infringeret, seu ut facultatem criminantibus tolleret, seu denique ut invidiam factorum eius minueret, & si ex toto non sit traditum, plurima tamen ad nos perueniunt, ex quibus de reliquis facilis erit cōiectura. Nam cum flagrantibus vtrinq; odijs multa multi in vulgus iactarent, ederentq; scriptis, prout parti-
bus

bus implicitierant, tandem 14. Iulij eiusdem anni trigelimi dies à Concilio Pōtifici dicta erat, vt se sifteret; Recusanti, contumaciæ inusta pœna xi. Septembris, & nisi intercessisset Imperator, triginta dierū impetrata prorogatione, prona erant omnia ad extrema quæq; : quibus vt occurreret Amedeus, participato cum Burgundione Concilio Prolationem aliam, sicut in votis habebat Eugenius, à Patribus extorquere aggreditur. In eum finem vtriusq; Oratores communi studio libellum supplicem Præsidi Iuliano porrigunt die veneris secunda Octobris, cui in hæc verba responsum est.

Quod Serenissimus D. Imperator nuper omnia seruitia per se Ecclesiæ Sæctæ Dei impensa per suos Oratores referauit, supplicans, vt præmissorum intuitu sacram Cōcilium prorogare vellet terminum datum Papæ ad 30. dies; quod Concilium cum magna difficultate fecit, vnam in decreto apponens clausulam, quod nulla alia ad eum suis instantiam dabitur dilatio. Nihilominus tamen Concilium non intendit procedere, ad depositionem Papæ, nisi consultis Dominis Principibus, quodq; Domini in deputationibus singulis supra huiusmodi cedula deliberabunt, & respondebunt. Multa id temporis agitata, prout quisq; mollibus vel acrioribus Consilijs tutius res geri opinabatur. Incidit in manus meas scriptum per eos dies ad Duces Burgundiæ missum, in quo potissimæ rationes referuntur, quæ prorogationem dissuadebant. Pri-

Cōcilij Responso.

mo considerandum est (ait autor) quod Papa duobus, & viginti continuis mensibus per concilium fuit expectatus, Requisitus, & monitus, etiam per Reges, & Principes, vt adhereret sacro Concilio, vt reuocaret dissolutionē per ipsū

Rationes, quæ prorogationi obstitabant.

factam, & plures dilationes super hoc sibi datas, quod facere recusauit. Sed pendentibus dilationibus misit ad Reges, & Principes literas, & nuncios, fecit impugnari, & diffamari Conciliū, propter sibi acquirere fauores: propterea tū sufficienter, et amoroſe fuerit expectatus, & nō fuerit ſequutus niſi malū, nullo modo videtur alia dilatio danda. Secundō, pendēte dilatione data ad instantiā Imperatoris, ſi alia daretur ſuper eodem ad instantiam alterius, non eſſet ſufficienter delatum honori Imperatoris. Tertiō, omnes, & ſinguli iurarunt decreta Concilij conſeruare, & cuſtodire facere quantum in ipsis eſt. Nunc dare dilationem eſſet contra decretum venire, in quo eſt clauſula derogatoria, videlicet quod non poſſit prorogari ad instantiam cuiuſcumq; Quarto ſemper Papa quaſiuit quod darentur dilationes, ſperans aliquam cauſam ſuperuenire, quæ poſſet operari diſſolutionem, ſicut Peſtem, carentiam victualium, guerram, turbationem, ac ſeditionem in Concilio, quam aliās procuraui per literas, & vuntios. Quintō, Dare dilationem, & tempore pendente Concilium diſſolueretur, Bohemi ſumerent maiores vires, & debilitarentur Ciuitates, quæ ſe opponunt eis, & ſperant habere prouiſionem à Concilio, & ſi Concilium eſſet diſſolutum, concordarent ſe cum eis, & tunc diſſunderentur per Alamannias, & ad alias nationes. Sextō, Dare dilationem erit dare occaſionē Prælatiſ exiſtentibus in Concilio recedendi, qui ibidem fuerunt ſere tribus annis cum maximis expenſis, & laboribus; Reges Verò, & Principes qui nondum miſerunt, retardarent Ambaſciatores ſuos. Septimō, Non petitur dilatio, niſi ad euitationem ſchiſmatis, & ſcandali, ac ad iuſtificationem Concilij, ne videantur nimis leuiter reſceſſiſſe ab eo; ſed hoc non videtur ſufficere, niſi ſi fuerint certi, aut ſaltem ſperent Veriſi.

verifimiliter obtinere ab eo adhesionem puram, & ficut
 petitur, & ad hoc respondetur quod cum ad monitionem,
 & requisitionem Ecclesie, ac multorum Principum, & Ul-
 timatè Imperatoris noluerit adherere, & distulerit 22.
 Mensibus, & ultra; non faciet ad requestam cuiuscunq;
 alius, sed efficietur durior, sperans posse pacificare Principes,
 ut remaneant secum, & sic erit magis obstinatus. hæc
 & alia id genus ira properi, & Eugenio offensi.
 Cæterum non decrant sibi, & causæ Amedeus,
 alijq; Pontifici æquiores, aliam esse contendentes
 huius, aliam Constantiensis Concilij rationem, in
 eo neq; satis certum fuisse quis ex tribus legitimis
 esset Pontifex, & ipsorum consensione factum esse,
 ut Concilij iudicium subirent, nunc minime dubi-
 tari posse quin Canonice Eugenius fuerit electus,
 & ipsum non modo non consentientem, sed reni-
 tentem ad iudicium trahi. Magnum illum Franco-
 rum Regem, Imperatoremq; Carolum cunctis
 Principibus in oculis esse debere, qui Leonis quā-
 uis pessimis decriminibus insimulati, auctoritatem
 semper reueritus est, exemploq; suo Patribus in
 Concilio Romano preiuit in hæc verba: *Nos sedem*
Apostolicam, quæ est caput omnium Ecclesiarum iudicare
nō audemus. Nam ab ipsa nos omnes, & Vicario Dei,
scilicet Pastore eius, iudicamur, ipsa tamen à nemine iu-
dicatur, quemadmodum antiquitus mos fuit. Ut velit,
maximam omnium, quæ in Ecclesia Dei esse possunt,
controuersiam, nō esse in tantas angustias conijciē-
dam: bona consilia, mora valescere, impetum sce-
leri proximum, non nisi à famæ suæ prodigis peri-
culum imminens grauiore periculo redimi, hæste-

X.
 Rationes in
 oppositum.

Papa Iudi-
 cem in te-ri-
 non habet.
 distict. Bi-
 bl. n. in 2. co-
 ne 3.

nus Eugenio apud sapientissimos quosq; festinatâ sententiam præiudicasse non leuiter, cur igitur pari præcipatione illum absoluant, & suam apud Reges, & Principes integritatem corrumpant? Vel sapiant nocentis casu, vel innocentem fateantur.

XI.
Prolatio da
ta.

Y
Eugenius
conciliatur
Basileensi-
bus.

Sessio. 16.

Confirmat
acta Concilij.

Reuocat
omnia, quæ
contra Con-
cilium fece-
rat.

Valuerunt ista apud Patres, & prolationem obtinuerūt specie magis quàm reapse salutarem: assultantibus, quippe, & aures Eugenij continuò verberantibus Imperatoris, & Christianorum Principum monitis, frangi se passus est, vt ad conditiones eas pacis descenderet, quas Basileenses postulabant, quæ conditiones in ea Bulla describuntur, quam decimo quinto Decem. eiusdem anni trigesimali tertij Romæ dedit, & Basileæ in Concilio nonis Februarij anni sequentis recitata est, assidēte Imperatoria magnificentia Sigismundo, Vulielmo Bauariæ Duce, alijsq; Imperij Principibus, & Baronibus. summa est, quod cum certis de causis Eugenius Basileense Conciliū legitimè congregatum pro extirpatione heresum, Pace populj Christiani, ac generali reformatione Ecclesiæ; in capite, & in membris dissoluisset, & ex illa dissolutione ortæ essent graues dissensiones, & grauiores ariri possent, decernere se, & declarare præfatum generale Concilium Basileense à tempore Inchoationis suæ legitimè continuatum fuisse, & esse, prosecutionemq; semper habuisse, continuari, ac prosecutionem habere debere ad prædicta, perinde ac si nulla dissolutio facta fuisset. Quinimo prædictam dissolutionē manē, & irritam fuisse. Præterea reuocare se duas literas (addit alias quasdam suo nomine fictas, & vulgatas fuisse, quarum author nō esset, quod moneo, vt lector meminert multa per hæc tempora partium studio in
vulgus

vulgus exisse e mentita, & calumnijs foeda, quorum ipsa partium capita nihil noscent) à se promulgatas in Concilij præiudicium, & quidquid per se, aut suo nomine in derogationem eiusdem sacri Concilij, seu contra eius auctoritatem factum, & attentatum, seu assertum est, cassare, renouare, irritare, et annullare, verè autè fuerit legitima litatio, & defensio, velle se stare iudicio ipsius Concilij, hæc quàm cautè, & sapienter ab Eugenio scripta, factæue sint, aliorum esto iudicium, Enimuerò Basileenses his acceptis literis nihil antiquius habuerunt, quàm, vt decreta renouarent, quibus statutum erat, obedientiam à Papa Concilij deberi in his, quæ ad Ecclesiæ reformationem in Capite, & membris pertinent, vt sic non sua modo sed etiam Pontificis auctoritate stabilita viderentur. Certè cum recrudescere contentiones, hoc maximè Eugenium tēlo, velut suo, conficere nitebantur, qui præter vim sibi factam, quid opponeret, non habebat.

Redierat Ecclesiæ pax redintegrata Concilij cum Pontifice consensione, & ea rerū facies erat, quæ Principibus Christianis non modicam tranquillitatis spem exhiberet; magnā sane omnium voluptate, sed nostri in primis Amedei, qui per eos fere dies ad optatum solitudinis Portum cymbam suam apulerat, vt in eo ab irruentibus Aulae curis expeditior quiesceret. Sed quoniam exemplo suo fecit Amedeus, orbis vt Christianus agnosceret nullū adeo virtutum sterile sæculum esse, vt non illustri aliquo facinore clarescat, neq; morum colluuiem eo vsq; Principum Aulas fœdasse, vt purioris sanctiorisq; vitæ desiderium quorundam mentibus nō altè

Subiicit se
Concilij Iu-
dicio.

Damna in-
de sequuta.

Sessio. 18.

XII.

Amedeus
Sancita Pa-
ce cogitat se-
cessum.

altè infideat, enitendum nobis est, vt facti huius memoria, quâ fieri poterit incorrupta in postero sabeat.

Disponit
res suas.

Iam diu erat cum Amedeus secum ipse agitabat consilium abdicandi Principatus, & se totum Deo deuouendi: constituendæ tamen erant prius res domesticæ, publicæue, ne quod ex eius absentia detrimentum Resp. pateretur, collocandæ in primis filia, & Regum Principumq; potentissimorum necessitudinibus stabilienda Domus, Primogenito cõiux optanda è Regali Lusignanorum apud Cyprienses stirpe, componendæ cum Montisferratenli Comitæ controuersia, vt quietum, & securum filio Imperium reliqueret: his itaq; constitutis Princeps belli pacisq; artibus clarissimus adiectis ad paternam hæreditatem vltra, citraq; Montes amplissimis Prouincijs, Ducali dignitate auctus, affinitate cum maximis Regibus contracta, firmato sanctissimis legibus Imperio, restituta bis Ecclesiæ Pace, tandem quod multis ante annis prouisum, deliberatumq; habebat: re ipsa exequi, & perficere aggreditur. Sylua est altissimis opaca nemoribus ad ripam Lacus Lemani è regione Losannæ, vix duobus, tribus uè stadijs abs Thononensi oppido sita, amœnissimis hinc inde pratis, vinetis, & sationibus distincta: Amauerat locum hunc iam à primis annis Amedeus, in eoq; domum Regia magnificentia fabricarat, quam à vicina Lacus Ripa, Ripalliam vocarat, huic Paradisum addiderat, in quo Cerui, Dama, quæq; aliæ sanguinis humani innocentes feræ sunt, impune stabulabantur.

Ripallia
descriptio.

Verum

Verum ut erat etiam inter remissiones animi, & Ludicra ipsa, pietatis retinentissimus, Monasterium quoque magnis sumptibus inibi extruxerat, aduocatis è celeberrima Agaunensium Fratrum ordinis S. Augustini Abbatia Religiosis viris, qui Deo famularentur, & ipsi (cum eò se laxandi ex grauioribus occupationibus animi causa reciperet) ad pietatis studia facem præferrent. Siue igitur ex frequenti cum sanctissimis Cœnobitis consortio, seu insito, & prope innato quodam rerum diuinarum studio, quo iam inde à prima adolescentia tenebatur, seu, quod verius existimarim, longa rerum experientia edoctus quàm fluxa, & inania sint illa, quæ homines tanti facere solent, opes, honores, & dignitates etiam summæ, in altam quandam omnium istarum rerum despicientiam venit, quæ illum sensim ad tranquillum, omnisq; agitationis expertè secessum quærendum impulit.

Cogitabat secum vir sapientissimus quot, & quàm funestas in amplissimo orbis Christiani theatro tragedias quadraginta illis annis, quibus sceptrum tenuerat, excitatas viderat, & peractas. Replicabat animo horrendas illas tempestates, quas Burgundionum, & Aurelianensium rabies, immisissis ad eam penitus subuertendam Anglis, in vicina Gallia conciuerat, quas nisi singulari quadam prudentia, & autoritate, multisq; laboribus magnam partem sedasset, conclamata Nobilissimi Regni salus videbatur. Recurrebāt funestæ illæ clades, quibus quasata, & lacerata erat Italia Venetis in Mediolanenses sæuientibus, & Aragonensibus contra Francos

XIII.
Vnde illi
mens solita-
riæ vitæ ca-
pessendæ.

Calamitosis-
sima Chri-
stiani orbis
facies.

pro Regno Neapolitano digladiantibus. Obuersa-
batur oculis Hispania, quam sub infantia Ioannis
II. & licentiore vita Catharinæ Matris eius, nec nō
fratrū Aragonensium, Aluariq; Lunensis Tyranni-
de, gementem, & extremum prope spiritum vide-
rat exhalantem. Tenebat mentem fœda illa,
& monstrosa Ecclesię facies, quæ tot annis tria ca-
pita prætulera, in quibus refecandis adeo sibi fue-
rat desudandum. Audiebat quàm cruenta Angliã
bella funestarent, post exortas in ea purpureæ, cã-
didæq; Rosæ factiones. Denique quocumq; circũ-
ferret oculos, nihil nisi atrox, turbulentum, & in
ipsa pace infidum se se ostentabat, quod rerum hu-
manarum tædium in sapientissimo pectore maxi-
mum afferret. Illud præterea tacitus perpendebat,
fortunam, siue illam Prouidentiam, seu alio nomi-
ne dixeris, hætenus fere sibi fauisse, quare cum
natura sua versatilis sit, & inconstans, receptui ca-
nendum priusquam illa se auerteret, & reliquum
vitæ gratijs Deo agendis pro tot, tantisq; collatis
beneficijs impendendum. Nec desunt, qui asserāt
non lentos ei stimulos à Nepte sua accessisse: Mar-
gareta scilicet à Sabaudia Theodori Monferraten-
sis olim coniuge, quę marito orbata nuntiū mun-
do remiserat, vt inter Religiosas Diui Dominici
alumnas sanctimoniam non vulgarem Albæ profi-
teretur, spreto Ducis Mediolanensis Thoro, qui
eã (etiã interposita summī Pontificis autoritate) à
proposito reuocare modis omnibus tentarat: au-
dita quippe virtutis eius fama, quã miraculis haud
obscuris Deus illustrabat, vinci se Amedeus ab in-
firmiore

Margarita à
Sabaudia
Sanctita. &
vitæ cele-
bris.

infirmiore sexu in hac virtutum palestra minime decorum existimabat.

His igitur accensus facibus, cum aliquot è præcipua nobilitate viris agere cœpit, qui ætate prouecti, laborum pariter consiliorumq; eius in moderanda Republica fuerant participes. Ac primò, cum ijs, crebra de diuinis rebus miscere colloquia, incertos rerum humanarum exitus, fortunæ mobilitatem, pronas in deterius hominum mentes sub aspectum ponere, quàm fœlices porro essent illi, qui extra omnem hanc aleam positi vetus illud, atq; ab ipsis gentilibus toties vsurpatum præceptum attenderent, Deum sequere? Quid vero insipientius, quàm mentes nostras æternitati natus tum demum ad æternarum rerum cogitationē vocare, cum nos non cetera modo omnia, sed ipsa etiam deficit cogitandi vis, & perspicacia? his alijsq; ineundem sensum sæpe iteratis, vbi commotos sensit, tandem omnes animi recessus illis aperuit: satis se hætenus in ancipiti Imperij Circo decurrisse, eundem pene sibi ad Regni, qui ad vitæ spatium ingressum patuisse, & si senum sit publicis præesse rebus, totam vitam suam senium fuisse horrere adhuc animum quoties reuolueret, quàm lubrica sit hæc arena, quàm frequentibus Eurippis subdola, quàm tristibus exercita naufragijs; illos ipsos testes esse, quanta contentione cursus iste sibi fuerit emetiendus, ne vel populariter exerraret, vel adducto nimis giro æmulos incurfaret: quoniam igitur Deo Auspice satis fœliciter prouectus, non lōge abesset à meta, vltimum dumtaxat super esse

XIV.

Amedeus
socios adle-
git.

Oratio eius
ad illos, cui
argumentū
erat tum in
Testamento
ipsum, tum
in Diploma
te quo filiū
sibi suffecit.

ætatis flexum, in quem mortalium, immortaliumúc
oculi essent intenti, ceteros de isto æstimaturi.
Prospiciendum itaq; vt aliquando sibi viueret, qui
patriæ, qui suis semper vixerit, æquum esse, vt
quoniam ordine vitæ mutato iuuenis senum curas
non refugit, senex iuuenum otium nanciscatur,
non illud quidem iuuenili lasciuiâ conterendum,
sed æternitati imputaturus. Cõstituta domi omnia,
foris amicos Principes, longa pace diuitem, secu-
rumq; statum, liberos adultos, & iam Imperio ma-
turos, quid nî igitur eos vocaret ad clauum, exo-
neratòq; in primogenitum gubernandi pondere,
tranquillam deinceps, & quietam in secessu vitam
ageret, propitiando numini intentam? & quidem
nisi ætate, longisq; curis fracta valetudo aliud sua-
deret, in oculis sibi esse Lotharios, Hugones, Pipi-
nos, Carlomanos, Rachisios, Bambas, Veremun-
dos, Sigibertos, Elteredos, atq; ex decessoribus
suis Humbertos, qui Gallicis, Italicis, Hispanicis,
Anglicis Sabaudicisq; sceptris, & purpura valere
iussis, aut in solitudinibus latuissent, aut Cœnobi-
tico iugo collum inseruissent: Nunc quoniam vi-
res ad tantum onus ferendum minime suppediēt,
quantum in se esset eorum vestigijs insistere statu-
isse, neq; enim inuenire se quocum melius, quàm se-
cum esset; iam diu se vsu doctum quàm difficile vi-
tiorum cateruatim irruentium imperus feratur; vi-
cinum malum semper aliquid ex suo, etiam castiga-
tissimis mentibus allinere; facilem esse transitum
ad plures, Antonijs, & Hilarionibus excutere mē-
tem suam dissimilem multitudinem posse; turbam-
rerum

Exempla
Regum, qui
Monasticam
vitam profici-
siunt.

rerum, hominūq; desiderant, qui se pati nesciunt,
 satis diu scenam alijs à se instructam, sibi; Deoq;
 deinceps scenam esse velle; cum in vsum in vicino
 Ripallia nemore septemillas quasi viderint turres
 contiguas à se erectas, in quibus vnà cum sex alijs
 eiusdem propositi viris reliquum vitæ degeret, si
 non cœnobita, at certè cœnabit ibidem agētibus
 vtili familiaritate conjunctus: nihl magis animos
 honestate induere, dubiosq; & in prauum inclina-
 biles reuocare ad rectum, quam bonorum conuer-
 sationem, paulatim enim descendere in pectus, &
 quandam quasi legem imponere frequentem sapiē-
 tis, oculum; occursum ipsum Religioſum iu-
 uare, & esse aliquid, quod ex pijs viris, vel tacen-
 tibus proficias; hanc sibi deinceps scholam perpē-
 tuam, in qua se ipsum dediscere doceatur, vt Deū
 agnoscat. Viderint itaq; illi an quem hætenus mū-
 danæ militiæ, cœlestis deinceps Ducent habere ex-
 Alint? immo vero in illorum manu esse, vt quem tot
 annis Principem agnouerint, Commilitonem nūc
 suum experiantur; certum quippe sibi esse non cō-
 tuberni modo æquales, sed totā vitæ ratione pa-
 res eos habere, qui se ipsi socios adiunxerint. Me-
 minerint quōties communem secum fortunam for-
 tiri honorificum duxerint, nec vllo periculi, mor-
 tisue terrore à proposito abducere posse iactant.
 tantum p̄ptuisse sacramenti reuerentiam in medio
 esse, vt posteritas per eos sciat exēpli vim, fideiq;
 cōstantiā in castris Dei, quā mūdi nō esse ihmo ē.
 Stupor ingens primū, deinde pudor circumstantium
 animos incescit. Arduū prima specie videbatur Du-
 cis

Acquiescū:
 cū monitis.

cis consilium, sed quid non molliat tanti viri socia virtus? duceret igitur quo veller acclamant, quâlibet aula meo absente solitudinem sibi fore, eo presente quamlibet solitudinem celeberrimæ aula loco futurâ, neq; passuros: vt minus reuererentur sanctioris vitæ auspicem, quàm militiæ Ducē. Non tenuit lacrimas Amedeus effusi gaudij non dubiū pignus, ruit igitur in amplexus, & singulorū dextras stringens quasi nouo sacramento in sua verba addictos osculo dato Mauritanos milites inaugurauit. Pergere, & deinde secū ire iussos, Ripalliā abduxit vbi per eos dies multa cum illis, multa cum cœnobij moderatore in occulto agitauit, quæ ad nouam militiam stabiliendam pertinebant.

XV.
In Comitij
Ripallien-
sibus suâ men-
tem publicè
aperit.

Conuenerant interea Thononum è triplici ordine dilecti viri, quos ad publica comitia Amedeus euocarat. Placuit in Ripallienſi Palatio ea celebrare, cunctis mirantibus, & inter se disceptantibus quorsum euaderet: adeo insolentis loci delectus. Affulſerat indicta dies septima Nouembris, & Regia magnificentia cuncta erant instructa: aderant in dispositis subsellijs hinc Episcopi, & Prælati cæteri, illinc Cancellarius vna cum reliquo Magistratu, nec non è nobilitate procures, affusiq; circunquaq; ex tertio ordine delecti. Medius in altiore Podio federat Amedeus, latera eius tegebant, humiliore tamen in fede, Ludouicus, & Philippus eius liberi: paulo inferius Humbertus, ex impari matre Ducis frater, vnâ cum duobus Sabaudia Marescallis. Silentio per Præcones indicto, concionem instituit Amedeus, in qua multa de administratio-

ne sua per continuos quadraginta, & eo amplius annos differuit, quanto pacis, quanto securitatis ipsorum studio cuncta rexisset, curas præterea, labores, & pericula commemorauit (modestiae tamen ubiq; memor) quæ pro Reipublicæ salute roties exhauserat, nec pueritiam quidem suam vacasse à grauioribus munij, emerita iam pridem sibi esse stipendia, missionem, quam ne Gregario quidem militi neget quisquam, hand quaquam Principi inuidendam: liberos sibi esse iam adultos ijs artibus institutos, eaq; indole præditos, vt in partem Regiminis nullo Reip. damno, magno suileuamēto vocari possint.

Hæc cum singulari prudentia, authoritate, & charitate differuisset, mussitantibus, vt assolet multis, nemine contra hiscere auso, tabulas proferri iussit, quas in eum vsum paratas habebat. Ac primum eas per Notarium legi iussit, quibus Ludouicum primogenitū (abrogato ei Comitatu Geneuensi) Principem Pedemontium constituebat, quæ dignitas tum primū primogenitis huius domus tradi cœpta est: Placuit hoc loco potissimas publici instrumenti clausulas recitare, vt quæ fuerint huius instituti primordiā, quidē Amedei scopus, melius intelligatur. *Quis quidem* (ait Notarius post solemnes Principij formulas) *Dominus noster Dux, sedula meditatione perspicuens quanta morum vetustate Principum liberi sint alendi, quantaq; magnanimitatis alimonia sit cordibus eorum impingenda, vt cum in eis indolentis virgula flecti potest, prona virtutum semina infundantur, & impressi honoris caracteres adeo solidentur, quod dum domi-*
niorum

XVI.

Ludouicum
Primogeni-
tum Prin-
cipem Pe-
demon-
tiū erat
nouo exem-
plo.

Diploma
Principatus
Pedemontij.

niorum fastigijs sublatis sunt, Deum potissime timeant, & suis terminis contenti ceteros non spernant reuereri, confiderans quantum illustris eius primogenitus Dominus Ludouicus de Sabaudia Comes Gebennensis à suis puerilibus annis, quibus titulo Comitali præditus exiit, irrefragabiliter nixus est scientia, & moribus erudiri, volens propterea ipse dominus noster Dux diuino instructus exemplo quotalentorum authorem maioribus extolli nouit, & humi abdicatione pessundari, decreuit ipsam primogenitum, Deo Laudes, morum grauitati persistentem, maioris dignitatis titulo extollere, ut perinde sue cernens etimologiam dignitatis iuueniles mastitias exuat, & suo compos animo illis insistere studeat, quæ Reip. propagationem conspiciunt, & salutem; idcirco ipse idem Dominus noster Dux ad persuasionem attingentium, Vassallorumq; & subditorum postulationem ex eius certa scientia, & voluntate spontanea Principum, Prælatorum, Baronum, & aliorum suæ ditionis Procerum participato Consilio, ad Laudem Dei, cuius opem humiliter inuocauit, ad Sacri Romani Imperij exaltationem, dictum pristinum titulum Comitatus Gebennensis ab eodem illustri eius primogenito protinus abdicauit, illumq; in semet reuoluens, & retinens eundem illustrem eius primogenitum Dominum Ludouicum coram eo prouum stantem (procubuerat si quidem in genua fidelitatis sacramentum patri præstiturus), pro se, & suis liberis, & liberorum liberis masculis, naturalibus tamen, & legitimis ex suo proprio corpore de masculo in masculum legitime descendentiis dumtaxat, Principem Pedemontium constituit, stabiliiuit, & ordinauit, & ad huiusmodi Principatus nomen, titulum, & dignitatem singulasq; præminentias eiusdem extulit, præfecit, & sublimauit

mauit, &c. addidit tamen multas exceptiones, tum vt filium in officio contineret, tum vt auctoritatem suam factam testam conseruaret; voluit quippe, vt in iisdem tabulis habetur, licere sibi quoties vellet hoc instrumentum rescindere, vtq; integra administratio, dum in viuis esset ad ipsum pertineret; vsum præterea cudendæ monetæ vetuit, aliâq; addidit quæ longum esset recensere. Quibus omnibus (subdit Notarius) sic adiectis, & reseruatis successiue, illico, & incontinenti in præsentia dictorum testium, & mei publici Notarij, vt supra stipulantis Præfatus dominus Dux Sabaudia ad magnam Plateam Ripallia profectus, circumstantibus quam pluribus alijs Prælatis, Baronibus, diuersorumq; Principum Ambasciatoribus, aliâq; multifaria Procerum, & peritorum comitiua, Præfatum Dominum Ludouicum de Sabaudia eius primogenitum (quem hodie cingulo militari, & ordine eius Collaris insigniuit) præsentem, & humiliter pro se, & suis quibus supra liberis masculis, & legitimis recipientem, de ipso Principatu Pedemontium, eiusq; dignitate sub, & adiectis modis, reseruacionibus, & conditionibus superscriptis, per traditionem nudati ensis inuestiuit, &c.

His peractis, Philippum Secundogenitum militari cingulo donatum (Equestris torquis insigne in tempus dilatatum) Comitem Geneuensem (supremo tamen iure sibi, suisq; successoribus reseruato) instituit.

Subscripserunt vtrique instrumento testes aduocati Franciscus Episcopus Gebennensis, Ioannes Episcopus Lonnensis Ogerius Episcopus Maurianensis, Ioannes de Beloforti Cancellarius, Humbertus Bastardus Sabaudia,

D

Man.

XVII.

Philippum secundogenitum Comitatu Geneuensi donat.

Testes è præcipua nobilitate.

Manfredus ex Marchionibus Salliciarum Mareſcallus Sabaudie, Iacobus Dominus Miolani, Richardus Dominus Montifcanuti, Ioannes de Montelupello, Dominus Chantagnie, Ludouicus Baſtardus Achayæ (qui deinde fuit Mareſcallus Sabaudie) Lancelotus Dominus Luryiaci, Henricus de Colomberio, Claudius de Saxo, Franciſcus de Thomatis audientie generalis, Petrus Marchandi Conſilij ultra montes reſidentis Præſidentes, Humbertus de Glerens, Dominus Viriaci magni, Ioannes de Compeſſo Dominus Gruffiaci, Rodolphus de Alingijs Dominus Cordrey, Petrus de Mentone, Dominus Montifſtrocterij, Robertus de Monte Vagnardo milites, & Giulieſmus de Foreſta ſcutifer.

XVIII.

Ludouico
vices ſuas in
tota ditione
committit.

His magno apparatu in platea celebratis, reuertitur in Aulam Amedeus, medius inter Principem, & Comitum filios, cunctisq; adhuc expectatione ſuſpenſis, rurfus in Podio reſedit, ac poſtquam Populis ſuis nouum Principem gratulatus eſt, oratione ad Ludouicum conuerſa, grauem in primis, ac piam habuit cohortationem, vt eum ad Reipub. adminiſtrationem forti animo capeſſendam erigeret. Summa fuit, vt conſtantem in Dei cultu, & obſequio obſeruantiam, perpetuum erga neceſſarios, & ſanguine ſibi iunctos amorem, paternam erga ſubditos caritatem, fidem erga alienos inuiolabilè, iuſtitiam præ ceteris integerrimam ſuaderet: Porroq; meminifſet illis artibus Remp. à filio conſeruandam, quibus fuiſſet à Patre ſtabilita. Sibi quidè in animo fuiſſe omnè omnino imperij curam exuere, vt vniuerſam humeris eius imponeret, neque dubitare ſe quin par ſit oneri ferendo, ne tamen iuuen-

iuuentutem eius grauioribus frangeret laboribus, re maturius cum sapientibus deliberata, non detrectare se quin in arduis Reip. negotijs consulere-tur, imo vero pro sua auctoritate iubere, vt quoties vsus esset cum vel per se, vel per suos adiret Ludouicus, grauiissima quæq; deliberaturus. In eū finē delectos à se de præcipua nobilitate sex viros rerum vsu, scientia, & experientia exercitatis-simos, qui sponte abdicatis omnibus alijs solli-citudinibus, sibi assiderent, vnaq; secum ita Deo in secessu tranquillo toti famularentur, vt cum necesse esset in patriæ caritatem incumberet, eaq; suo consilio senes tuerentur, quam viri fortiter manu propugnassent.

Atq; vt scirent omnes qualem in filium potestatem transferret, à Bolomerio (qui à secretis ipsi erat) rescriptum publicè legi mandauit, quod super ea re condiderat in hæc verba.

In nomine sanctæ & indiuiduæ Trinitatis perenniter triumphantis. Amedeus Sabaudia, Chablasij, & Augusta Dux, &c. Illustri primogenito nostro Ludouico de Sabaudia Principi Pedemontium salutem, & felicem vitæ, ac morum propagationem. Seruire Deo regnare est. Regnum eius quærentibus cuncta adiunguntur, & singula offerendo, centupla accipiuntur. Operosus ergo pater ille familias, qui licet denario humanis cū indiuiduis pepigerit, nouissimosq; prius æquauerit pænis annuere, quàm cohibere cense-tur, vt quamquam ampla seges sulcis abdita frugem polli-ceatur vberiore, nos tamen talibus laceffiti caducibus extre-mæ vitæ exitum præstolari vereamur, & à quo talen-ta recepimus segnius occurrere, quàm præueniri debeamus.

Cum igitur diuini spiritus opitulante gratia, à quo bona procedunt vniuersa nostris puerilibus ab annis, quibus inclite recordationis Illustris Dominus genitor noster ad æterna vocatus, nosq; ad suæ ditionis gubernacula, vlla sine disceptatione assumpti fuimus, iam fere quadraginta annorum triuulstro tantæ rei sarcinam humeris nostris impositam, non sine solerti attingentium Prælatorum, Baronum, Procerum, & peritorum assistentia consiliariorum, pacis tranquillitate, subditorum quicquid, ac dominij fecundatione gestauerimus, ex his, & alijs de manu omnipotentis beneficijs susceptis nos indelebiter obnoxios merito reputantes, affectemusq; hac extrema cui nostri parte debitum soluere, mundanaq; deliramenta deferere, & illa felici Commercio ad æterna commutare, Prospicientes ætatem virentem, morum venustatem, & alia virtutum primordia, quibus omnipotentis clementia personam vestram dotare dignata est, nolentes præterea illam mundanis mestitijs sinere inertem sed potius sicut à lumbis nostris processit, esseq; nostrum continuat, & in typo nostrammet repræsentat, ex aggregatis diuturnis præmeditationum scrutinijs, virorumq; orthodoxorum persuasionibus, non lapsu, vel exemplo, sed vltro, & animo deliberato saluiferas ædes militares illius sanctimonia inclyti patiundo victoris Patroni nostri Maurij Theodorici Ducis, quas in conuentu nostro Ripallie instrui fecimus nuper ingredi decreuimus, altissimo, quemadmodum salubre nquerimus, indefesse famulantes, nosq; mole nostri Principatus partim exonerare, & illius regimine vos, ut plurimum onustum reddere, ut dum tempus habemus cernere valeamus quàm in vos tantæ rei gerendæ congeries perspicaciorum intellectum præbeat, expertarum rerum agnitionem augeat, procerum peritorum consilia roboret, & rei familiaris

Amedeo de
secessu diu
se deliberas
se profite-
tur.

familiaris praxim iugiter exhibeat mitiorem. His itaq;
 & alijs laude dignis moti considerationibus, vos ex nunc,
 & quousq; expresse contrarium gesserimus Locumtenentē
 nostrum generalem hac in serie constituimus, vobisq; libe-
 ram, & omnimodam potestatem impartimur pro nobis de
 cetero quacumq; Principatui nostro tam generaliter, quā
 specialiter incumbētia gerendi, exercendi, regendi, remu-
 nerandi, donandi, largiendi, exponendi, quittandi, re-
 mittendi, indulgendi, nos, & nostra obligandi, iurandiq;
 & alia peragendi in omnibus, & per omnia, ac si propria
 adessemus in persona, etiam si talia forent, quae separatū
 mandatum exigent, vel magis speciale. Decernentes
 praesentium patrocinio literarum quaecumq; nostro nomine
 gesseritis, perinde valere, illumq; obtinere perpetuae solidita-
 tis effectum, quem, & ac si per nosmet gesta adessent. Ve-
 rū ne quae vtiliter agere putamus aliquorum subuertantur
 suggestionibus in hac largiflua potestate vobis attributa, pa-
 cēto expresse adiicienda decreuimus, quae sequuntur.

Primò, quod in quibuscumq; arduis occurrentibus, maturo Pro-
 cerum, & peritorum consilio insistere debeatis, dignitatesq;
 Marchionales, & Comitales dum se casus ingesserint con-
 ferendas arbitrio nostro referuetis: confederationes vero, quae
 interdum subdolis versutijs illaqueant potius quam dissol-
 uant, absq; nostri iussu inire expresse probibemus. Guerras
 etiam, quae facultates subditorum prodigis sorbent hiatibus
 exosus habeatis, nec sine expresse assensu nostro facere, aut
 alias suscitare audeatis, Dominium autem nostri Principa-
 tus, illiusq; praerogantias sicut diutius, magnisq; cum dis-
 criminibus partae sunt, citra consensum nostrum nequaquam
 diminuatis, vel alias alienetis, sed quantum cum salute
 poteritis tueri, & augere studeatis. Monetis itaq; quas
 iusta

Reseruat-
 nes.

iusta debet ponderare statera, ne publica omittere possint commercia nullatenus deteriorabitis, nec quicquam in illarum detrimentum citra nostri assensum patiementi immutari: finantias equidem fiscales quibus moles gerendarum rerum dirigitur, occultari non permittetis, sed per manus Thesaurarij nostri generalis vniuersaliter recipi facietis, iustitiam inflexibili animo extolli facere curabitis, illamq; quantum rite poteritis cuiuspiam reiecta acceptione instabitis accelerari. Homagia etiam, fidelitates, & alia subditorum officiariorumq; iuramenta nomine nostro recipietis, & ipsos officarios velut nostros constituetis. Prælaturas vtiq; ditionis nostræ ne ad manus deueniant incapaces, nec ad illas pro indignis immeritisue aliquorum importunitate instetur sine scitu nostro conferri non instabitis. Etiam beneficia Ecclesiastica ad collationem nostram vacatura nobis remittetis conferenda. Et generaliter omnia alia animo indefesso facere curabitis, quæ ad honorem, & utilitatem nostri, & consequenter vestri noueritis facienda. Et licet noscamus ad præmissa vobis collata nostrorum applaudere vota subditorum, expressè tamen commendamus, & districte iubemus vniuersis, & singulis officiarijs, fidelibus, subditis, stipendiarijs nostris quibuscumq; statu, & autoritate fungentibus, quod ex tunc in antea vobis vestrisq; literis, iussibus, & mandatis pareant efficaciter, & attendant tanquam primogenito, generaliq; locumtenente nostro, & ac si propria illa ageremus in persona. Datum Ripallie die Dominica, septima Nouembris anno domini millesimo quadringentesimo trigesimo quarto, indictione decima tertia, per dominum, presentibus illustri eius filio Domino Philippo de Sabaudia Comite Gebennensi necnon Dominis Francisco Episcopo Gebennensi, &c. lidē
fere

fere qui supra testes enumerantur, quibus adduntur *Guiliermus Dominus Aulae nouae, Amedeus de Chalam, Ioannes ex comitibus Vallispergiae, Guiliermus de Gebennis, Petrus de Grolea, Guigo Gerbasij milites, Urbanus Siniferij, Rodolphus de Fesiniaco, Iacobus Orroy, Antonius de Draconibus, & Antonius de Romagnano doctores.*

Quæ ubi in confessu recitata sunt, reliquis ibidem consistere iussis, in proximum penetrale sese Amedeus abdidit, abiectoque paludamento, omniq; alio ornatu, vestes induit, quas in eum usum sepositas habebat. Idem sex socij fecere; nec mora, cum ecce Amedeus vnâ cum illis medium sese infert, non iam amplius diademate conspicuus, sceptrum insignis, purpura refulgens, sed in vili penula Heremitam potius, quàm Ducem præferens. Vestis omnibus erat talaris è panno rudior, & villosa cinerici coloris, zona latiore præcincta, atq; ad pedes demissa; pallium humeros tegebat, cui capitium erat adnexum, ea fere forma, qua etiamnum hodie Parlamentorum Præsides in Gallia vtuntur; sed erat eadem capitij, pallij, tunicæq; materia, baculus illis in manu retortus, qualis Prisci æui heremitis appingi solet, promissa barba, & capilli de industria intonsi, venerandaq; canitie conspicui augustiores faciebant, Crux aurea de collo suspensa pectori imminens, pietatem augebat, vnicum id natalium insigne retinuerant, cætera demissionem, paupertatemq; spirabant.

Commota tam insolenti spectaculo comitia, adeoque stupore defixi omnes, vt altum quoddam silentium late

XX.

Mauritiana
Militie prima
institutio.

Militum
vestis.

Postquàm
abdicauit Pon-
tificatum, pi-
leum rubrum
retinuit, quæ
male deinceps
nonnulli Com-
militibus at-
tribuerunt.

Motus ani-
morum vi o
Amedeo.

latè omnia obtineret. Vbi vero receptis animis se se collegerunt, intenti in Patrem, & liberos, quo tandem hæc eruptura essent auidè præstolabantur; sed repente auditi eiulatus, visæq; filiorum innocentes lachrimæ, liberam gemitibus in omnium peccatoribus viam laxauerunt. Confusæ plorantium, suspicientium, etiam invidentium voces sic cuncta miscuerant, vt cum omnes loquerentur, nemo audiretur, certabant singuli ad Amedeum accedere, sed cum omnes irruerent, religione tacti, nemo erat qui se se illi ad mouere auderet, manus eius osculari vnum omnium erat votum, sed tam eos reuerentia deterrebat, quàm amor stimulabat. Amedeus vt motum comprimeret, osculo liberis imperito, cæteris in commune valere iussis, priuatim, singulos se admissurum magna beneuolentiæ significatione recepit.

XXI.
Comitia sol
uantur.

Ita soluto Conuentu cuncti domos suas primùm, ac deinde vicinas latè Prouincias facti huius fama impleturi discedunt. Amedeus cum socijs nouo ordini fundamenta positurus, in optato secessu delitescit, tanto clarior factus orbi vniuerso, quantū obscurus esse amauerat. Commilitonum nomina diligenter inuestiganti, duo dumtaxat occurrerūt, Henricus de Colomberio, & Claudius de Saxo, cæteros ætas inuidit. Scio Monstreletium illis temporibus vicinum, atq; adeo nonnullos ipsum secutos, imo vero annales nostros Gallicos, in quibusdam ab his, quæ tradita sunt esse diuersos, vt cum multum auri vestibus Amedei, & sociorum circūponunt, eisq; vitam luxu disfluentem obijciunt: sed

Primi Equi
tes Mauricia
ni.
Monstrele-
tus non sa-
tis huius in-
stitutum gnat.
Parad. histor.
Sabb. 3. 114
29.

sed Monstreletius, aut incerta pro compertis tradidit, atque ita ceteros in fraudem induxit, aut quod propius vero est, qui Amedeum in hoc secessu secuti sunt, corruptis sacrae illius militiae legibus licentio rem vitam agentes, argumentum spectantibus dederunt de initijs eadem temere asseuerandi, quæ in progressu videbant: nos ex publicis autoritatibus, & illorum temporum actis manu exaratis certiora hausimus, quæ posteritati traderemus.

Quibus ut maior fides accedat, ea oculati, & locupletissimi testis autoritate firmabimus, is erit Aeneas Syluius (qui deinde Pontifex maximus Pij secundi nomen tulit) meminit iste non semel cum in epistolis, tum in libris de Concilio Basileensi, tum in opere de statu Europæ, Ripalliensis secessus: sed maxime in Commeotarijs vitæ suæ, quos (ut doctissimis viris placuit) sub Ioannis Gobellini Amānuensis sui nomine vulgavit, ut ita personatus liberius in laudes suas spatia retur. Referam hoc loco paulo pluribus, quæ libro septimo ex proposito his de rebus commemorat. *Sabaudia*, inquit, *in Alpibus sita est, quæ Galliam ab Italia determinant, & à Mari Ligustico usque ad Helucios protenditur. Arelatenfis Prouincia partem Sabaudia contingit, partem Delphinatus, & Rodanus magnam percurrit partem, præcipua Sabaudienfis dignitas circa Lemanium Lacum, cui, & Gebenna, & Lausanna nobiliores Ciuitates adiacent. Sabaudiensem domum ex gente Saxonica profectam memorant olim Comites fuisse. Sigismundus Imperator in Concilientensi Concilio extincto Comitatu, Ducatum erexit;*

XXII.

Aeneæ Syluij de Mauricianis militibus testimonium.

Ioann. Gobellini lib. 7. Commeot. Pij 2.

* Imo Monuelli in Sabaudia tempore Consilij Constant.

* Imo Ami-
tā, erat enim
Soror Ioan-
nis, & Phi-
lippi Audaci
filia.

Elogium
Amedei.

Aevi sui Sa-
lomon.

Ripallie des-
criptio.

Primus eius gentis Dux Amedeus fuit, cuius Imperium,
& Ultra, & citra montes late patuit. Duodécim Pontifi-
cales Ecclesiæ in eius ditione fuerunt. Uxorem duxit ex do-
mo Burgundicæ Philippi Ducis sororem : * filiarum alte-
ram Philippo Duci Mediolanensi tradidit, alteram. Lu-
douico Regi Siciliæ, cuius supra fecimus mentionem Lu-
douico filio primogenito coniugem ex Cypro copulauit : affi-
nitate omnibus fere Christianis Regibus iunctus est : Fortu-
natissimum, vicinorum miseriæ fecerunt, in Gallia Bur-
gundionum, & Armenicorum dissidia flagrauerunt, &
Angliæ furor Regnum vexauit, in Italia Veneti, & Flo-
rentini aduersus Mediolanensem Principem odio implaca-
bili contenderunt. Amedeus procul ab armis in montibus
regnâs, nunc horum, nunc illorum arbiter eligebatur, atq;
vñs omnium existimabatur, qui sibi, & alijs rectè con-
sulere noscet, diu ad eum quâsi ad alterum Salomonem hinc
Itali, hinc Galli pro consilio de rebus arduis recurrerunt.
Et paulo post, hic igitur relicto Ducali fastigio, & omni
seculi pompa procul eiecta, gubernatione subditorum pri-
mogenito commissa, ad Heremum concessit. In ripa lacus
Lemani è Regione Losanna altissima fuerunt nemora, &
sub his prata decurrentibus aquis irrigua : horum magnâ
partem muro cinxit, inclusitq; Cervos, & Damas, &
quæ non seuiunt in homines, feras; Prope in litore lacus
Ecclesiâ edificauit, Sacerdotes induxit, præbendas erexit,
& dignitates aliquas, & mansiones construxit, in quibus
Canonici commodè degerent : nec procul hinc Palatium
magni operis construxit, fossa, & propugnaculis oportune
munitum, in eo septem mansiones fuisse, sex æquales, di-
gna, quæ Cardinales reciperent, nulli sua defuit aula, nul-
li Camera, & anticamera, & secreta quædam cubicula,
seu

seu preciosarum rerum receptacula. Septimā Principi dicatam nemo Rege, aut summo Pontifice iudicasset indignam. Hic Amedeus habitauit, quem sex Proceres secuti sunt gradui, & aetate pares, quorum uxores iam pridem obierant, nemo non sexagesimum annum attigerat: & quoniam Equestris ordinis milites fuerant, & saepe in bellis ordines duxerant, nec sine gloria militauerant, in ipsa mutatione secularis habitus sub Amedeo Decano, & magistro suo professionem induerunt, & Sancti Mauritiij appellari milites voluerunt: neq; enim procul ab eo loco Sanctus Mauritijs cum Legione Thebea pro Christi nomine Martyriū pertulit. Cuncti penulam, & pallium, & cingulum, & baculum retortum, quibus Heremitas vti videmus assumpserunt, & barbam prolixam nutriuerunt, & crines insonfos gestauerunt, loco Ripallia nomen fuit, mille passibus fere ab oppido Thononio distanti. Cardinalis Sanctae Crucis cum iret secundo in Galliam de pace acturus, huc nauibus appulit. Amedeus per Syluam quam diximus muro cincta obuiam venit ad portam, quae erat in litore. Spectaculo digna res, & quam posteri dix credant. Princeps seculari. Potentissimus, Gallis, atq; Italis metuendus, quem aureis vestibus ornatum purpurati admodū multi circumstare consuebant, & secures praere, atq; armatorum sequi cohortes, & turba potentium, nunc sex tantum Heremitis precedentibus, & paucis sequentibus Sacerdotibus, in veste vili, & abiecta legatum Apostolicum excipit. Veneratu digna societas visa, Crucem Auream Heremite in pectore gestauerunt, id tantum nobilitatis signum retinere, cetera contemptum seculi praese ferebant. Venere in amplexus Cardinalis, & Amedeus, & multa se inuicem caritate deosculati sunt. Nec satis Cardinalis aut admirari,

aut collaudare conuersionem Principis poterat, &c. Hæc diffusius recitauit, vt quale fuerit Amedei propositum in hoc vitæ genere instituendo intelligeretur, quod ex eiusdem Amedei testamento, alijsq; auctoritatibus publicis confirmabitur.

Vt igitur in pauca contraham, quæ ad hanc nouam militiam pertinent, hæc fere sunt, quæ spectauit Amedeus: Vt scilicet multiplicibus curis sepositis quietam ageret reliquam vitam: in eum finem turres illæ in Ripalhenſi Nemore iuxta Monasterium ædificatæ, in quibus non Monasticam (falluntur qui scripserunt) sed secularem vitam non vulgari pietate coleret. Ne tamen secularem prorsus vitæ rationem ducere videretur, certas leges sibi, socijsque dixit, quas ab his etiã obseruari voluit, qui propositum eius deinceps æmularentur. Ac primo suū institutum, Ordinem militarē appellauit, eiq; à Diuo Mauricio Sabaudia Patrono nomen imposuit, crucemq; auream pro insigni addidit (hæc vera Mauricianorum Equitum origo, plerisq; omnibus ignorata) huic ordini magistrum præposuit, quæ Decanum appellauit (à quo nomine fluxit error eorum, qui decem socios ei attribuerunt) ceteros commilitones. Sabaudia Ducibus ad eos cooptandos ius summum esse voluit, participato tamen cū militibus consilio: vestis genus eisdem attribuit quale supra descripsimus, pannosum scilicet, & demissionem spirans, Continentiam illis indixit quā diu in eo loco agerent, missionem enim à Decano suo impetrare poterant, nocturnis, diurnisq; precibus in monachorum vicinorum templo adesse iussit

XXIII.
Mauricianorum Militū
institutum.

Onufrius Krā
1241 200.

Ordo est militaris, & se-
cularis.

Magistrum
habet quem
Decanū vo-
cant.
Dux Sabau-
dia ius ha-
bet illius eli-
gendi.

Vestitus.

Continentia.

Preces.

fit: Parsimoniam in victu singularem esse voluit, habitata tamen ætatis, & conditionis eorum ratione, quod ex annuo canone illis attributo facile colligitur, ducentos dumtaxat florenos auri singulis pro se, famulisq; suis assignauit, Decano vero, sexcentos, ita tamen vt iste suis sumptibus omnia ædificia facta tecta procuraret: delectus rationem haberi mandauit, vt scilicet homines grandæui, vt plurimum sexagenarij, è præcipua nobilitate cooptarentur, quiq; rebus gerendis, & maximè legationibus obeundis inclaruissent, vt nimirum quendam quasi Senatum constituerent, in quo grauissima quæq; negotia componerentur: ita fiebat, vt non suæ salutis modo, sed etiam publicæ utilitati in hoc ordine constituendo consuleret Amedeus.

Quæ ne quis ad libitum ficta suspicetur, præterea quæ ex eius diplomate supra descripta sunt, concepta Testamenti ipsius verba cauebūt. Item quia prænominatus Dominus noster Dux testator autore Deo iam erexit, & fundauit iuxta dictum Monasterium suum Ripallie à parte venticiduum Conuentum septem militum seculariū, & pro illorum statu, & incolatu septem domos contiguas in ipso loco cum membris opportunis sub clausuris, dote, & ordinationibus infrascriptis, videlicet in toto circuitu, & extra omnia ædificia dictorum Monasterij, & domorum militariū vnā bonā, & sufficientem clausuram mærorum, seu nemorum. Et extra ipsa mœnia ab extra bona, & profunda fossalia in ambitu dumtaxat nemorum, prædictis domibus, & ædificijs militarijs deservientium pro defensione, & securitate dicti Monasterij, & domorum militariū prædictarum, vult, iubet, & ordinat idem

Virtus ratio.

Quales eligendi.

Occupationes.

XXIV.

Confirmatur hætenus tradita ex Amedei Testamento.

idem testator infra biennium post ipsius decessum per dictū eius hæredem infra scriptum votivè compleri, & perfici ea, quæ de præmissis post mortē eiusdem domini testatoris restarent perficienda. Item decrevit idem dominus testator, ut dicit, quod tam hac vice, quàm in futurum post decessum, vel recessum alicuius ipsorum septem militum per ipsum dominum testatorē, dum vixerit in humanis, & post eius decessum per suos successores Duces Sabaudie viuentes pro tempore, ad quos idem Dominus testator ipsorum militum de nouo assumendorum, quotiens opus erit, electionē cum aliorum militum tunc ibidem degentiū consilio vult, & disponit perpetuè, & pleno iure pertinere, eligantur, & assumantur ad gremium dicti Conuentus viri egregij, in ordine militari constituti, ætate prouecti, in actibus militariibus honorabilibus, & longinquis viaggijs, ac peregrinationibus, Principum Consilio, & legationibus, ac alijs virtuosjs, & arduis negotijs diu commendabiliter exercitati, prudentia, & probitate comprobati. Et ab omni opprobrioso crimine immaculati, mundanæq; militiæ, ac pompæ profelici vitæ suæ conclusionē, & salute sponse renuntiare, & deinceps continenter, & virtualiter viuere dispositi, qui tanquam Procere, & consilij præfatorum domini nostri Ducis testatoris, ac eius successorum Ducum Sabaudie, eorumq; Patriæ in ijs præsertim, quæ militaria, & alia ardua politica concernunt negotia, in casibus occurrentibus, & de quibus eis dare consilium licebit, fideliter ipsis dominis, & Patriæ consulere valeant, ac etiam teneantur, prout idem Dominus testator singulariter confidit, & hac de causa post honorem Dei, ad huiusmodi foundationem pro Reipub. totius patriæ suæ utilitate asserit se specialiter esse motum. Item decrevit idem Dominus testator ut dicit, quod

ipsi septem milites habeant perpetuè à domibus suis prædi-
 ctis plenum, & liberum accessum ad Ecclesiam dicti Mo-
 nasterij Ripallie; dum ibidem diuina celebrantur officia
 die, ac nocte promissis, & alijs horis Canonicis audiendis,
 suisq; orationibus dicendis, ac deuotionibus exequendis:
 ita quod Abbas, & Canonici ipsius Monasterij sint in
 spiritualibus ministri, & seruitores militum prædictorum.
 Item decreuit idem dominus testator, ut dicit, quod unus
 ex Præfatis septem militibus per ipsum dominum testato-
 rem dum vixerit, & post eius decessum per successores suos
 prædictos Duces Sabaudie cum aliorum militum dicti
 Conuentus Consilio eligendus constituatur, Et sit Decanus
 aliorum sex militum, ac eis præsit, & imperet in, & circa
 honestum modum viuendi, cui ceteri in omnibus licitis, &
 honestis obedire teneantur: pro cuius quidem Conuentus mi-
 litaris dote, ac ipsorum militum congrua sustentatione Præ-
 fatus Dominus testator asserit se decreuisse, & velle dare,
 & assignare perpetuè, & securè prædicto conuentui mille,
 & octies centum Florenos auri parui ponderis, valente, seu
 computato pro quolibet ipsorum Florenorum duodecim gros-
 sos monete communis ipsius Domini testatoris annuæ reue-
 nutæ, in & super rebus, & locis conuenientibus; Volens,
 & disponens idem dominus testator, quod Decanus qui fue-
 rit ibidem pro tempore, inde percipiat, & percipere debeat
 singulis annis sexcentum Florenos, & quilibet aliorum sex
 militum, ducentos Florenos ponderis, & valoris prædi-
 ctorum, pro suis suorumq; seruitorum particularium vi-
 ctu, & vestitu; Ita tamen quod idem Decanus pro tempo-
 re existens suis proprijs sumptibus debeat manutenere, coo-
 perturam omnium domorum, & edificiorum, nec non sup-
 portare onus victus, & vestitus, ac salariorum seruitorū

communium ipsius Conuentus, cum alijs super hoc fiendis per ipsum dominum testatorem ordinatis: idcirco prefatus dominus testator singulari deuotione ductus ad predictæ foundationis complementum, vt dictum est, vult, & disponit, & iubet, &c. si forsitan idem dominus testator in vita sua foundationem huiusmodi quo ad dotem, & ædificia iam inchoata, clausuramq; ac fossalia predicta morte præuenus (quod absit) non adimpleuerit, hæres suus vniuersalis infra scriptus omne, & quicquid præmissorum omnium complemento, tempore obitus ipsius domini testatoris defuerit, perficere, & complere teneatur.

Ex his nemo non facilè intelligit quàm religiosa fuerit Amedei mens in hoc instituto capeffendo, quãq; aliena ab eo furo quem inuidiosè nonnulli, alij per calumniam ipsi adlinere tentarunt, de quorū imposturis suis erit infra dicendi locus.

Erant tñ fortasse aliquis cui tā impenſa Amedei in Mauricianos Equites cura suspiciōē iniiciet vileſcere tum cœpiſſe ordinem, quem ab Annunciatæ Virginis nomine clarum fecerat Auus eius Amedeus Viridis, ideoq; illum (quod in alijs Prouincijs contigiſſe ſcimus) antiquo, vel abrogato, vel ſtudioſo, nouo vni illuſtrando, & promouendo attendiſſe. Sed erat vir ſapientiſſimus, & antiqui moris tenacior, & auitæ gloriæ ſtudioſior, quàm vt vetera, nouis, non ſine leuitatis nota poſthaberet. Tantum igitur abeſt vt maiorum inſtitutis quicquā decedere pateretur optimus Princeps, quin cum de Mauriciano ordine ſollicitior videbatur, Virgineum (velut, præcipuum Sereniſſimæ Domus ornamētū) Primogenito conferebat, vti ſupra ex tabulis eius obſerua-

XXV.
Ordinem
Annunciatæ
Virginis il-
luſtrat Amedeus.

obseruatum est. Imo vero hoc ipso anno priusquā Ripalliā migraret, Comitia sodalitiij hui⁹ edixit ad Petrā Castri (vbi scilicet prima illius iacta sunt fundamenta) in quibus hæ leges conditæ, & ad primas additæ sunt decimotertio Februarij: Vt scilicet audita Sodalis cuiuslibet morte, cæteri oēs atrati incederent, totisq; nouem diebus ab Equestri Torqueferendo abstinerent. Vt defuncti Torquis solemni ritu offerretur: Vt admissionis ordine seruato in iustis persoluendis nullo discrimine Sodales incederent. Vt qui aliquam in se notam infamię suscepisset, ad petitionem Heraldī à Sodalitij Magistro missi, Torquem redderet. Vt denique Sodalium nulli integrum esset, vllum Torquaræ cuiusuis alius militię insigne admittere. Quibus Legibus ab Amedeo Duce, & Magistro supremo sancitis subscripserē Ludouicus Marchio Saluciarum, N. Comes montis Reuelli, Antonius de Grolea, Humbertus Bastardus Sabaudie, Ricardus Montis Canuti, Ioānes Chautagnia, Manfredus Saluciensis Sabaudie Marecallus, Ludouicus Moreæ.

Quæ quidem leges ad eas additæ sunt, quas idem Princeps primo Maij anni M. CCCC. IX. tulerat Castellione Dombarum. Earum exordium è Gallico de verbo expressum sic habet. *Nos Amedeus Comes Sabaudie, Dux Chablarij, & Augustæ, Marchio in Italia, Comes Geneuensis, &c. Omnibus, in quorum manus presentes venerint, notum facimus; Qued cum felicis memorię Dominus, & Auius noster Amedeus Sabaudie Comes Excellentissimus, & Potentissimus Princeps, qui in Apulia diem obiit extremum; ad honorem Dei, Beatęq;*

Rescriptum
Amedei in
quo declarā
tur initia hu
ius Ordinis.

Virginis, & xv. MYSTERIORVM eius, nec nō omnium Sanctorum, & totius Curiae caelestis instituisse Ordinem Collaris nodis intertexti, in symboli modum, eiusq; ordinis (in quem non nisi xv. ad legi possent) tum ipse, tum Successores eius Princeps, & Magister fuerit: Atq; ad eiusdem conservationem, certae quaedam Constitutiones, & Leges editae fuissent, quae tum ad vitae rationem, tum ad funus Sodalium & viuis abeuntium pertinerent, quarum Constitutio- num non satis constans esset memoria, periculumq; esset, ne in dies magis, ac magis ex hominum mentibus delerentur; Cumq; idem Auus noster Cœnobium Ordinis Carthusien- sium fundasset, & dotasset in oppido Petrae Castri Diœcesis Bellicensis, in quo quindecim Sacerdotes singulis diebus sa- cris mysterijs operarentur: Atq; hunc quidem Ordinem praedictus Auus noster, & felicitis recordationis Excellentis- simus, & Potentissimus Princeps, ac Parens noster, nosq; ip- si haec tenus obseruauerimus: Hinc est, quod nos dictus Co- mes de consilio carissimī, & dilectissimī Patris nostri Lu- dquici de Sabaudia Principis Morae, & carissimorum, di- lectorumq; consobrinorum, & fidelium nostrorum D. Odo- nis de Villars, Domini de Baucio, D. Humberti de Villars, Seissel, Domini Sancti Hipoliti, & Orbæ; nec non dilectorū, & fidelium Consiliariorum D. Ioannis de la Baume do- mini de Valufin, D. Bonifacij de Chalan Marechali Sabau- diae, & D. Antonij de Grolea, Volētes vt in posterum Leges, & Constitutiones eiusdem Ordinis obseruentur, Eas colligi, & quidquid ad eundem Ordinē pertinet in vnā summā redigi mandauimus, secundum quam perpetuo deinceps, & inuolabiliter obseruentur.

Non adscribam hic, ne sim longior, singula Constitu- tionū capita, quae in Historia nostra Sabaudica ma-
gis

Refelluntur
impure quo
rundan in-
pouitur & cir-
ca Ordinis
huius princi-
pia.

gis appositè referentur. Et ab his quoq; fusiùs hoc loco enarrandis abstinuissẽm, si ab olido pruritu temperarent Lasciuientium quorundam scriptorum manus, quæ Harpijarum instar sacra, profana contactu suo polluere non cessant. Diceres illos in foetutinis, & olenticeris educatos Camerinam secum trahere, quæ vel ipsa Pæsta corrumpant. Quid enim à Principe christiano vel cum Religione magis, vel magis cum fortitudine coniunctum potuit excogitari, quàm se, suorumq; fortissimòs diuino cultu ita mancipare, vt serui, vel captiui instar, insertu Catenæ collum præferre non dubitaret. Hic tamen impuri oris homines, vt omnia calumniuntur, nescio quos ab Idalia crobilos, nexus, & flores somniant, Principi nusquam cogitados. Crucem alij velut sacræ militiæ tesseram ferebant, eã Amedei Maiores Gentilitia familiæ suæ arma esse voluerunt, vt Religionis propagandæ studium, sibi prope innatum profiterentur. Verùm, vt auitæ laudi novos stolones viridis infereret Amedeus, felices numellas fabricauit, quibus generosissimum quemq; suorum vinciret, tum suo, tum Aui sui Amedei magni exemplo permotum. Hinc arcani characteres F.E.R.T. Torqui aureo sapienter intexti, vt quoties, vel ipse, vel Socij suum insigne aduerteret, illius fortitudinis æmulatione succenderentur, quæ Sarracenis fugatis, Rhodos esset in libertatem afferta. Verùm ne in catena seruilem auersarentur conditionem, Bullam de ea suspenderat, quæ Salutatam ab Angelo Virginem exprimeret, tũ cum Rex Regum, ac Principum Princeps *Formam serui*

accipiens habitu inuentus est ut homo. Ac ne quod Pietatis decisset argumentum, in honorem quindecim Myfteriorum, quæ in B. Virgine veneramus, totidē sacræ huius Militiæ Sodales esse iussit, totidemque Mystas, qui Deo pro illorum incolumitate litarent. His auspicijs Orientem ingressus Amedeus, Imperatorem Ioannem libertati, deinde Solio suo, atq; ad extremum Romanæ Ecclesiæ ingenti Christiani Orbis gratulatione reddidit. His cunabulis verè Sanctis, verè Religiosis increuit Sabaudici Torquis Nobilitas, cui, qui de procaci ingenio suo inuerecundas adiiciunt è Papho Conchas, & arcános caracteres petulanti interpretatione fœdant, ve ut sacrilegi impostores apud veritatis tribunal merito vapulabunt. Sed hanc laudem Amedeo nostro posteritas debet, quòd pro singulari sua in res sacras pietate, & in Auum suum obseruantia, Religiosissimi Ordinis verum institutum latere non sit passus, relatis in publicas auctoritates legibus, quas nascenti Militiæ dixerat Auum, nouisq; hoc ipso anno editis, quibus antiquæ illustrarentur, ac confirmarentur.

Crediderat Amedeus, cum se abdebat, constantiorem fore in Ecclesia pacem, quàm euentu didicit: videbat quidem animos partium, quasi ex longa, & graui valetudine emersos, nō tam morbi Reliquijs, quàm suspicionibus inquietari: Sed sanum esse corpus iudicabat, idque solum procurandum, ut sanitati assuesceret. Triennium ferè tenuit ea pax, quam Eugenio cum Basileensibus reconciliato factam diximus, crebris tamen initio motiunculis,

mox

mox grauioribus offensis labefactata: Procedentibus enim Basileensibus ad morum instaurationem, & multa molientibus contra Pontificiam auctoritatem, occulto paucorum odio, manifesta (quam fortasse non ita prudenti) aliorum caritate; tandem apparuit imperum offensionum languisse. memoriam valuisse, nec tam inductam, & coalitam, quam opertam fuisse veterem cicatricem. Non ferebat Eugenius indulgentias non de sua auctoritate promulgari, tolli appellationes ad Sedem Apostolicam, Annatas, ceteraq; iura Pontificia sine suo consensu abrogari, aliaq; tentari, de quibus grauius, modestè tamen in epistola quadam expostulabat. Et verò nondum satis confirmata potentia mitioribus consilijs tuenda, Patientiæ fama querenda, benignitate, & caritate innotescendum erat. valuitque apud plerosque eius contatio, quam eo vsque adhibuit; dum spes fuit concordia retinenda, sed cum Imperatoris Græci, & Patriarchæ Constantinopolitani aduentu erigerentur omnium animi, Pontifice eos ad se modis omnibus trahente, Basileensibus nullas non artes adhibentibus; vt Basileam, vel Auchionem tenerent, vtrisque diuersos vnionis modos proponentibus, Orientè latinorum insaniam ridere, qui sibi ipsi dissentientes aliorum vnionem tentarent, tandem Eugenius euicit, vt Græci Venetijs exscensionem facerent, Ferrariâ venturi, qua in vrbe eorum, vt aiebat, commodo consulturus, reuera, vt Basileenses dissiparet, Concilium edixerat. Quæ de re non erit vñ vestigio Amædæum Pontifex duxit, datis ad eum his literis,

Iterū turbæ
Eugenii inter,
& Concilium.

Epist. ad Legatos
suos in
apost. Conc.
p. 219.

Græcorum
aduentus.

Eugenius A-
medum de
Græcorum ap-
pulsu, & in-

dictione Fer-
rariensis Cō-
cilij ceruo-
rem facit.

Eugenius, &c. Dudū tuæ Nobilitati notissimū esse credimus cum septennumero antea, & ad extremum in Mense Maij præterito Græcorum oratores ad nos venissent, seq; ad sanctissimam, optatissimamq; Unionem nobiscum paratos esse proficerentur, post multa fuimus ab eis magna cum instantia requisiti, ut rem istam deseri non pateremur. Quin potius opera, & diligentia nostra ad optatū finem perducere curaremus. Asserebant omnes, qui quesierant eos in Unionem perducere, potius mortem eorum, quàm Ecclesiæ Unionem querere, cumq; nos hoc tantæ necessitatis articulo constringi videremur, neq; alium modum ad eam sanctissimam Unionem consequendam nobis superesse apertissimè cerneremus, eorum petitionibus libenter annuimus, Galeasq; & alia necessaria parare iussimus, licet eum magnis laboribus, & impensis, easq; Galeas cum oratoribus nostris, unā cum oratoribus tunc Basileensis Concilij, & alijs requisitis Constantinopolim misimus, fiduciam habentes in domino, ut sanctissimum opus, quod nostris mentibus inspirauerat bono, & felici fine concluderet, neq; ipso Deo miserante destituti sumus spe, & desiderio nostrō. Nam, quod ad tuā consolationem scribimus, die octaua præsentis mensis Carissimus in Christo filius noster Ioannes Imperator Græcorum, & Venerabilis frater Ioseph Patriarcha Constantinopolitanus cum magna Prælatorum, Nobilium, & aliorum Græcorum multitudine, ac Armeniorum Procuratoribus, cum Galeis prædictis Portum Venetiarum applicuerunt, Venturi quam primum ad hoc sacrum æcumenicum Ferrariense Concilium. Quæ ad cōsolationem tuam significauimus, quem veluti fidelissimum Principem non dubitamus plurimum gaudij suscepturum. Ecce manus Domini magnificata est in virtute, adduxit enim ad nos filios

nostros per multa annorum spatia à nobis ante diuisos, & una mentium fide, una pietatis actione nobis cum conueniant, exultent, epuletur, & delectetur in letitia, parati sumus illos tota mentis alacritate suscipere, cum illis ad consequendam huiusmodi vñionem omni studio, omni industria, omnibus denique viribus laborare; nec quicquam nobis possibile prætermittere, quo minus tam diuinum opus debitum sortiatur effectum. In quâ re operas, & fauores tuos plurimum adiuuentis speramus allaturos. Quare exulta in domino dilecte fili, illiq; nobiscum offeras hostias iubilationis, & laudis; qui fecit nobiscum misericordiam suam accingere deniq; Princeps inclyte, ut hoc sanctissimum opus orationibus, elemosynis, & ieiunijs inues, Deinde per tuos oratores ad hoc sacrum Concilium æcumenicum quàm primum transmittendos, & alios prout prudentiæ tuæ melius videbitur, opportunis fauoribus, & auxilijs assistas. Conuertentur enim ad te inferiorum oculi, præsertim fidelium tibi subditorum, putabuntq; omnes sibi faciendum esse, quod à tua nobilitate fieri videbunt. Ipsi quoque Græci ex istis tuis facinoribus, hac tua assistentia, & obseruatione sedis Apostolica quid honoris, obedientiæ, & deuotionis eidem debeant sedi, exemplum accipient, sicque operatio tua erit magistra publicæ disciplinæ, & multorum salute tuorum facies animæ tuæ. Enim vero dilecte fili nihil virtuti tuæ accommodatius, nihil progenitorum tuorum gestis conuenientius in presentiarum potest accedere, nihil solio gloriæ Principatus tui dignius, quàm ut tantorum bonorum particeps fias; & sis inter primos virtute, meritis, & exemplis: nihil ergo est reliquum, quàm ut quæ suprà præmisimus exequaris: ad quæ licet ipsa te animi tui magnitudo impellat, tamē ne nostrum desit officium, si quid
ad.

*adjicere potest adhortatio nostra, et hortamur per viscera
misericordiae Dei nostri, qui inter Principes terrae magnū te
fecit, et ea omnia parato, ac volenti animo intendas, quē
admodum de tua fide, bonitate, caritate, & virtute prae-
cipuam in domino fiduciā obtinemus. Datum Ferrariae an.
1437. 4. id. Febr. Pont. an. 7.*

XXVII.
Basileenses
Eugenio dic-
sunt.

Actum de suis rebus existimabant Basileenses, si Con-
cilium Ferrariae procederet: nullū igitur non lapi-
dem mouerunt, ut Graecos auerterent, omnibusq;
Christi fidelibus schismatis terrorem inijcerent, &
afferebantur quotidie ex Italia rumores noui, qui-
bus Eugenij fama non modicē onerabatur. Vn-
guem in vlcere non pono, hoc dico, persuasum fuis-
se quam plurimis seu inscitia, seu arte maleuolō-
rum, non nisi cū Christiani nominis opprobrio Ro-
manam sedem ab Eugenio insideri; non iniquum
modo illum in alios, sed in se ipsum quoque; qui
pro libidine facta sua infecta veller, & quam de-
derat fidē de non disturbanda Basileensium congre-
gatione, nulla Sacramenti Religione rescinderet.
Hæc, & id genus alia passim iactata, offensionum
audivi, lætis auribus; Modesti, inuitis, sed tamen cre-
dulis excipiebant, atq; ut pristinas iras reuoluenti-
bus prona est vindictæ cupiditas, facile fuit sopitos
ignes ex suscitare, lata in Pontificem sententia, qua
dies illi diceretur, decretis velut in contumacem
pœnis, si intercederet.

XXVIII.
Eugenius hor-
tatur Ame-
deū, ut Fer-
rariensi Concilio adhaereat

Occalluerat ad has minas Eugenius, seu factorum
conscientia, seu partium studiis securus. Illis igitur
pro autoritate increpitis, Principes Christianos
certiores de tota re facere pergebat, Sed Amedeū
(cuius

(cuius auctoritas per ea tempora suffragij prerogatiuam fere apud omnes obtinebat) ante alios, cui sua omnia aperire p veteri amicitia cōsueuerat. *Iam intelligis* (ait, expositis Basileensium atrocibus minis) *dilecte fili quid egerimus, quidque illi moliti sint, & molitur in dies.* Opus enim iusti ad vitam, fructus autem impij ad peccatum, praestolatio impiorum furor. Ingredere igitur (te per discera misericordiae Dei hortamur) ut bonus operarius in agrum Dominicum, & quomodo maiores tui Ecclesiae Dei, & Apostolicae sedis quieti, paci, & unitati, consilijs, & auxilijs, etiam personis proprijs astiterunt, ac fidem Catholicam longis finibus, & limitibus ampliare adiuuerunt, exterminantes etiam gladio saeuissimos hostes, qui illius gloriam obtenebrare conati sunt: Ita & te ad has necessitates felicibus auspicijs seruatum esse ostendas, ut in tempore opportuno tua Protectione, tua cura, tua opera defensentur, quantum tui animi magnitudo grauitas, & sapientia viderint expedire, ne homines temerarij Populos debiles, & infirmos terrendo, & seducendo corrumpant. Quod cum feceris, & per ipsam rem iustitia, & tuis dignis exemplis reliqui in hoc Dei opere cōtra seditiosos ipsos facile praeualebunt, quia non relinquet Dominus virgam peccatorum super sortem iustorum, ut non extendant iusti ad iniquitatem manus suas. Circa quae commissimus aliqua venerabili fratri Episcopo Canalicensi Nuntio nostro tibi referenda, cui velit tua Celsitudo fidem credulitatis plerariā adhibere. Datum Ferrariae ann. 1437. 15. Kal. Mart. Pont. 7.

Addidit Eugenius alias ad Ludouicum Principem per honorificas, in quibus praeter cetera haec habentur
Præterea quamquam scimus Dilectum filium nobilem

G

vi-

Sabaudi
Principes fi-
dei propagā-
da studiosis-
simi.

Amedei au-
toritas.

XXIX.

Eugenius Lu-
douico in
eundem sen-
sum scribit.

Virum Amedeum Ducem Sabaudia ad incertum fidei, nostrum, ac Ecclesie Romanae statum sincera voluntate dispositum, & superuacuum esse suam SERENITATEM hortationibus incitare, tamen magnitudo rei postulat, ut etiam a superuacuis hortationibus non desistamus. Propterea filialem tuam deuotionem requirimus, & hortamur in domino: ut dictum Ducem ad hoc ardentem, tuis suasionibus ardentior efficerere studeas, ut in hac nascenti perturbatione Ecclesie reminiscatur, & ea efficerere studeat, ut secum in deuotione, & fide certet, & seipsum superare conetur. Quibus in rebus Prasatus Dux, ac tua nobilitas nihil Deo gratius, fidei, & Ecclesie salutaris, nobis acceptius, & sue Celsitudini, & tibi conuenientius efficerere potest, & ob id dictam sedem, & nos plurimum obligatos efficietis, &c.

Quin, & ad ipsos Amedei Consiliarios eiusdem argumenti epistolam Pontifex eodem tempore scribendam duxit, cuius initium sic habet, *Eugenius, &c. Venerabilibus fratribus, & dilectis filiis Consilio dilecti filij nobilis Viri Amedei Ducis Sabaudia salutem, & Apostolicam benedictionem, &c.* caetera ferè, ut in superiore.

Cogitauerat Eugenius conciliatis sibi Graecis, Reges, & Principes Christianos facile Ferrariam suos Oratores missuros, ut in partem eius gloriae venirent, quae ex Orientalis schismatis extinctione redibat, sed ea erat Concilij renitentis auctoritas, quae multos sibi coniunctos detineret, multos anxietate distraheret, plerosque omnes à Pontifice abstereret, ita ut quam principio anni posse inchoari synodum crediderat, vix sine habuerit initium: grassantibus autem inter partes odijs, valere, qui Basileae maiori-

Amedei pietas erga sedem Apostolicam commendatur.

Eadem Consiliarios scripta.

XXX.
Turbis inuasent.

ioribus ausis promptiores, & zelo magis, quàm ex
 vsu præsentis, pridie kal. Aug. Monitorio edito; rur-
 sum Eugenio comminati sunt, in quo de multis,
 ijsq; grauissimis criminibus postulabatur: & quia
 sessione quarta decreuerant, vt Pontifex à creandis
 Cardinalibus pendente Concilio abstineret, eiq;ue
 decreto non à Præsidibus modo. Concilij, sed ab
 ipso quoque Eugenio auctoritas accesserat; alio de-
 creto 6. kal. Octob. edito Basileenses purpura il-
 los exuerunt, quos postea ab eodem Pontifice ea
 donatos intellexerant. Quo ipso tempore Euge-
 nius nouo rescripto Ferrariensè Concilium indi-
 xit, Basileense dissoluit, acta eius omnia deinceps
 irrita esse iussit, exceptis ijs, quæ ad Bohemos per-
 tinerent, suisq; literis, cum alios Principes Chri-
 stianos, tum Amedeum nostrum denuò hortari in-
 stitit, vt in suas partes transirent, misso ad singulos
 illius Bullæ exemplari, qua Basileensium conuentû
 abrogabat, quam quia Colonienfes ediderunt, nò
 repeto. Quas autem Amedeo inscripsit, sic habent.

Sessio. 26.

Sessio. 27.

In Append.
Cœc. pag. 215.

*Cum Basileense Concilium ad Ciuitatem Ferrariensem pro
 œcumenico Concilio ibidem celebrando, tam propter Occi-
 dentalis, & Orientalis Ecclesiarum unitatem, quàm
 reformationem Ecclesiæ, ac pacem Christiani Populi totis
 viribus Deo auctore procurandis, ac alijs iustis causis trā-
 stulerimus, prout tua Celsa nobilitas per copiam præsentis
 introclusam latius videre poterit, tibi tamquam nostro,
 & Romane Ecclesiæ filio inter ceteros Catholicos Principes
 carissimo, huiusmodi trāslationem significandam esse du-
 ximus: Eandem tuam nobilitatem enixe rogantes, ac in
 Domino exhortantes, vt cum per Dei gratiam speremus,*

XXXI.

Iterum Eu-
genius Fer-
rariensè Cō-
cilium sua-
det.

imo certi reddamur, quòd Carissimus in Christo filius noster Ioannes Romæorum Imperator Illustris, ac venerabilis frater noster Ioseph Patriarcha Constantinopolitanus, cum magna Prælatorum Græcorum multitudine, pro quibus cōducendis Galeas, & ceteras alias res opportunas, atque inter nos conuentas misimus, circa Kalendas mensis Nouëbris proximè futuri ad præfatum Concilium proculdubio venturi sint, tuos Oratores, iuxta rei huius magnitudinem sufficiens mandatum habentes, ad ipsum æcumenicum Cōcilium, & hanc Dei causam, quæ ceteris rebus præponenda est, quàm primùm poteris transmittere velis. Et insuper Prælatos in tuo dominio, & territorio existentes exemptos, & non exemptos, qui de iure, siue antiqua consuetudine ad generalia Concilia accedere tenentur, hortari, atque requirere velis, ut quàm celerrimè poterunt ad dictum Conciliū veniant, ut in eo, Spiritus sancti gratia suffragante, per tuorum assistentiam, ac sapientiam, ac aliorum Catholicorum Principum, ac Prælatorum, ea Deo propitio tractentur, & agantur, quæ ad ipsius Dei laudem cedant, fidei Catholicæ incrementum, Pacem Christianorum, & exaltationem Ecclesiæ suæ sanctæ. Datum Bononiæ, an. 1437. 12. Kal. Octob. Pontif. ann. 7.

XXXII
Ferraria Florentiā transferretur Concilium.

Conuenerant iam pridem Basileam omnes Prælati Sabaudienses, neque integrum erat Amedeo illos reuocare; maximè cum è Gallia nulli in Italiam cōmearent, vnus igitur Aymericus Antistes Montis Regalensis non inuito Amedeo Ferrariam tenuit, reliqui Basileæ confederunt, verito Duce consciētijs ipsorum vim inferre. Interea Ferrariæ pestis sæuire, adeoq; inualescere, ut alia Concilio sedes fuerit deligenda. Florentiam Eugenius maxi-

mè

mè omnium ex usu suo esse duxit. Eò igitur cum migrasset, nihil antiquius habuit, quàm sua cum Amedeo nostro participare consilia, ipso enim quo Ciuitatem ingressus est die, has ad eū literas dedit. Cum variæ nobis, multiplicesq; semper hæctenus incubuerint sollicitudines ad commissum desuper officium pastoralis curæ gregis dominici debitæ exequendum, & omni ex parte laudabilis sollicitudo est visa circa rem Unionis Orientalis Ecclesiæ cum ecclesia Occidentali, quæ Dei miseratione nostris temporibus oblata est: Ad quam tractandam, ut dudum iam feliciter cepimus Unionem, ac ipso domino, & Deo nostro propitio obtinendam totis animi, & corporis viribus properamus; Et licet multos hæctenus in ea re perpesi fuerimus labores, pluribus tamen antea actis mensibus, immixta laboribus ipsis multa, ob superuenientem in Ciuitate Ferrariensi pestem, subiijmus etiam mortis pericula, quam vigentem, & continuo inualescen-tem multis, ac pene omnibus in eodem loco pro æcumenico Concilio existentibus, & locum etiam propter hoc desiderantibus, ea ratione declinare supersedimus, ut si forte per hyemis aduentum, ut verisimile erat, ea cessaret pestis, inchoatam huiusmodi Unionem Orientalis Ecclesiæ, in loco ubi cæpta fuerat ad optatum finem perduceremus: cum vero ea pestis per ipsam hyemem, ut antea perseueraret, nulliq; à modo dubium videretur quin per ver, & æstatem continuo perseueraret, ne tantum, & diebus nostris incomparabile ex huiusmodi morbo pestis intercipi, aut aliquo modo turbari posset, & liberum esset omnibus pro Dei gloria in hoc sacro æcumenico Concilio in nomine Domini Sabaoth celebrandi nobiscum, & Occidentalis, & Orientalis Ecclesiæ, accedente consensu, dictum æcumenicum Concilium, prout ex copia

tran-

translationis, quam hic mittimus introclusam videre poteris, transtulimus ed Civitatem Florentinam, locum quidem ad id idoneum, & semper alias; quoties de ipso futuro Concilio tractatum fuit, nominatum, tanquam omnibus nationibus, & populis, ut audiebamus valde gratum. Ea autem translatione facta, & cedula de nostro, & Romane Curie descensu ex more publico in loco affixis, iter ingressi, tandem Duce Domino, ipsam Florentinam Civitatem praesenti die applicuimus, ubi magna cum Cleri, & Populi alacritate suscepti fuimus. Quod tuae Celsitudini ad gaudium facimus notum, eandem in Domino exhortantes, &c. ferè totidem verbis, ut in proximè superioribus. Datum Florentiae An. 1438. 6. Kal. Febr. Pont. an. 8.

XXXIII.

Basileenses
Concilium ab
Eugenio indi-
ctum dñat.
Sessio. 28.

Sessio. 29.

Exasperabant ista vehementius Basileenses, qui kalendis Octobris anni superioris Eugenium publicè contumacem pronuntiarant, & post aliquot dies Ferrariense Concilium ab eo indictum damnarat, multa Pontifici atrocita obijcientes, ac praesertim violatam fidem; quod cum ante aliquot annos declarasset, & iurasset se deinceps à novitatibus, & gravaminibus, seu praedicijs inferendis huic Sacro Concilio, aut suppositis eius, & adherentibus eidem realiter effectu destitutorum, idè tamen Concilium dissolvere tentaret. Hæc, aliaq; id genus sæpè retractata, adeo incenderunt animos eorum, qui Basileæ remanserant (secesserant enim Cardinales omnes, vno excepto Arelatenfi) ut quo tempore Eugenius Florentiam cogitabat, ei ab omni usu, & administratione Pontificiæ dignitatis interdiceret non sint veriti. Describam hoc loco decretum ab ijs editum 9. Kal. Febr. anni 1439. prout in eiusdem Concilij actis habetur,

Eiq; admini-
strationi in-
terdicunt.

tur,

tur, vt ex eo prudens Lector conijciat, quibus fluctibus fidelium mentes id temporis agitantur, maximè in illis partibus, vbi vix erat, qui pro Eugenio loqueretur, & passim per omnium ora volitarent, quæ sequenti scripto continentur.

Sacro sancta generalis Synodus Basileensis in Spiritu sancto legitime congregata vniuersalem Ecclesiam representans, ad futuram rei memoriam. Audiuit omnis Ecclesia iam à plurimo tempore, quo pacto hæc sancta Synodus inter cetera ob reformationem ipsius Ecclesie Dei in capite, & in membris specialiter congregata, cum sua decreta salubria passim contemni prospiceret, abusuumq; deformitatem continuari, atque etiam plus solito inualefcere in Diuine Maiestatis offensam, & vniuersi sacerdotij, atque totius Christianæ Religionis ruinam miserabilem, videretq; periculosissimum schisma per erectionem alterius præsentis Concilij, isto durante, & alia plurima scandala imminere Populo Dei, & vniuerso orbi perturbationem non modicam, ex resistantia, quam aduersus debitam reformationem Ecclesie, & salubri huius sanctæ Synodi opera, Dominus Eugenius Papa Quartus diuisionem assiduam fouendo, & libitum propriæ voluntatis, decretis, & ordinationibus Synodalibus præferendo, præstare videbatur, impulsæ est post longam plurimorum annorum expectationem, super regimine Ecclesiastico salubrem provisionem querere, & ipsum Dominum Eugenium inducere, vt ea, quæ salutis sui ipsius, & vniuersæ Ecclesie congruebant, in tantis tamque urgentibus necessitatibus agere curaret, cum hoc ipsum eidem sanctæ Synodo maximè liceret, atque incumberet, ex ea auctoritate, quam à Christo immediatè accipit, cui vniuersi fideles cuiuscumque status, etiam si Papa-

XXXIV.
Decretum de
suspensione
D. Eugenij
Papæ IV.

Sessio. 4. 19. 5.

Sessio. 16.

Sessio. 16.

lis existant, obedire tenentur in his, quæ pertinent ad fidem, extirpationem schismatis, & reformationem Ecclesiæ in capite, & in membris, delicti determinatio vniuersalis Ecclesiæ in sacris scripturis fundata, & in celeberrimo Concilio Constantiensi promulgata, diffiniuit; adiiciens, quod quicumque contumaciter ipsi vniuersali Concilio obedire cõtempserit in prædictis; & pertinentibus ad ea, condignæ penitentia subiiciatur, & debite puniatur, ad alia iuris remedia, si opus fuerit, recurrendo. Et tandem pridie Kal. mensis Augusti nouissimi præteriti, decreuit hæc sancta Synodus, terminum sexaginta dierum peremptorie præfigere, infra quem præfatus Dominus Eugenius coram eadem Synodo per se, vel per alium compareret, si qua super prædictis, & alijs in dicto monitorio expressis, cæterisq; in futurum proponendis, quæ tunc non sine rationabili causa tacebantur, pro sui excusatione, vel defensione duceret proponenda. Quo termino elapso, siue dictus Dominus Eugenius compareret, siue non, hæc sancta Synodus ad vltiora procedere decreuit, cognoscendo, & terminando, prout Ecclesiæ Sanctæ Dei, Spiritus sancto dictante, videretur expedire. Sed (quod cum dolore referimus) ipse Dominus Eugenius infra assignatum terminum, neque per se, neque per alium comparere voluit, aut minimam excusationem, si quam haberet, transmittere imo correctionem effugere volens, dissolutionem, translationemque Concilij, quam de iure non poterat, de facto, pendente termino, attentauit: cum tamen iam altera vice dissolutionem huius Concilij per eum attentatam, reuocasset, declarans eam irritam, & inanem, dicensq; ipsum Concilium pro reformatione Ecclesiæ in Capite, & in membris legitime inchoatum, continuatum fuisse, & prosecutionem habere debere, perinde, ac si.

ac si nulla dissolutio facta fuisset. Quibus attentis, elapso dictæ citationis termino, suam contumaciam in publica sessione promotores, & procurator fiscalis huius sacri Concilij accusarunt. Exigenteq; iustitia, hæc sancta Synodus in eadem sessione contumaciam ipsam Domini Eugenij sufficienter accusatam declarauit, ipsumq; contumacem reputauit, decernens, eius absentia non obstante, ad vltiora procedendum fore, prout ipsi sanctæ Synodo videretur; consideratis necessitatibus, & vtilitatibus vniuersalis Ecclesiæ. Et quamquam attenta contumacie magnitudine, eadem sancta Synodus absque vltiori expectatione in ea re procedere potuisset, volens tamen nihilominus cum omni mansuetudine, & benignitate procedere, ad instantiam inclitæ memoriæ Sigismundi Imperatoris Romanorum, & venerabilium Archiepiscoporum, cæterorumq; Illustrum Principum electorum sacri Imperij, per sexaginta dies adhuc censuit differendum, vt per huius sanctæ Synodi patiētiam probaretur, si ipse Domini Eugenij animus ad salutem sui ipsius, & vniuersalis Ecclesiæ inclinari vellet. Confestim autem plenius innotuerunt ea, quæ aduersus hanc sanctam Synodum, & eius supposita, in præfensa dissolutione iam attentata, ipse Dominus Eugenius perpetrauerat, transferendo hoc sacrum Concilium in Ciuitatem Ferrariensem, si contra ipsam, aut aliquem Oratorum suorum vltius procederetur. Et præcipiendo sub pænis, & censuris grauissimis, quas tamen inferre non poterat, suppositis huius sacri Concilij, vt ab eo discederēt: quæ in re decreta sanctæ Synodi Constantiensis, & istius manifestè violabat, transferendo Concilium pro libito voluntatis, præter consensum ipsius, ac etiam vsurpando auctoritatem supra sanctam

H

Synodum,

Hæc, & idgen^o alia huius Synodi cautè legēda sūt, ob multas grauissimas rōnes, quibus auctoritas Papæ astringitur, quæ his eleuatur.

I

Synodum, de reformatione Ecclesiæ in capite agentem, non rectè sentiens (ut videbatur) de auctoritate sacrorum Conciliorum, & determinationibus vniuersalis Ecclesiæ fidei concernentibus, tam in ipso Constantiensi Concilio, quam in isto promulgatis super obedientia, quam Summi Pontifices Synodis vniuersalibus exhibere tenentur, ac et schisma introducens, & aliud Concilium isto durante erigens, quod non fore Concilium sed conuenticulum schismaticorum, iam præcedentibus decretis fuerat declaratum, ad dissolutionem Concilij iam semel per ipsum reuocatum, iterum redeundo, & ex modo dissolutionis, ac pænarum adiectionis, supra Concilium iurisdictionem in facto reformationis assumendo, se non Concilio, sed Concilium sibi obedire tencri, factis suis protestando. Merebaturq; tantarum, tamq; grauium offensarum in Ecclesiam Dei, & scandalum ipsius iam pluries attentatum, ac præiudicium fidei multitudo, ut illico in ipsum Dominum Eugenium iusti iudicij sequeretur ultio, pro ipso, & vniuersalis Ecclesiæ salute: sed non immemor hæc sancta Synodus maternæ pietatis, adhuc expectare voluit. si forte ipse Dominus Eugenius à tanta inobedientia resipiscens, conuerteretur ad cor, euidentissimishq; iuribus, & rationibus declarauit, hanc dissolutionem, & translationem nullas penitus esse, nullusq; roboris, & momenti, cum omnibus inde secutis. Intermissa quoq; celeriori condignarum inflictione pænarum, hæc sancta Synodus eas dumtaxat pænas aduersus præfatum Dominum Eugenium tunc promulgare duxit, quæ ad uersus Romanos Pontifices sacra generalia Concilia dissoluere, & perturbare tentantes, ordinatæ fuerant: ut videlicet, nisi infra quatuor menses à die dissolutionis, &

trans-

translationis per eum attentatarum, respiceret cum satisfactione reali, ab omni administratione Papali esset ipso facto suspensus. Quæ quidem Papalis administratio ad generale Concilium deuolueretur. Et si hanc penam per duos menses sustineret animo indurato, post quatuor prædictos menses contra ipsum usque ad priuationem inclusuè per Concilium generale procederetur. Quas penas hæc sancta Synodus ipsum Dominum Eugenium, si non respiceret cum satisfactione reali (ut præmittitur) declarauit, & non solum declarauit, sed etiam expresse decreuit incursum. Cum verò iam, & prior terminus sexaginta dierum indultorum post contumaciam accessatam, & alius quatuor mensium post diem prætensæ dissolutionis, & translationis huius Concilij per ipsum Dominum Eugenium attentatarum, elapsi sint, & pendentibus ipsis dilationibus, nulla correctio, aut emendatio cōspiciatur prouenisse, imo potius continuatio abusuū, & deformitatum in offensam Diuinæ Maiestatis, & interitum animarum, rebellioq; & inobedientia Domini Eugenij aduersus sanctam Synodum vniuersalem, & decreta ipsius, procuratio insuper assidua erectionis illius prætensi Concilij Ferrariensis, per transmissionem litterarum ad diuersas regiones, & conuocationem plurimorum ad idem Concilium, quod fore conuentualium schismaticorum, iam declaratum commemorauimus. Ex quibus auctoritatis sanctorum Conciliorum pesundatio, & reformationis Ecclesiæ Dei extinctio, & inductio schismatis inauditi per erectionem alterius prætensi Concilij, isto durante Concilio, ac denique determinationum Ecclesiæ vniuersalis paruipensio, in lesionem irreparabilem Catholicæ Fidei sequeretur, nisi diuina pietas suæ Ecclesiæ

in tantis languoribus subuenires. Urgetur tandem hæc sancta Synodus, ne tanta mala dissimulando assensum illis præstare videatur, ne facilitas veniæ, incentiuū tribuat delinquendi, seu malè agendi, cum leniora remedia non proficiunt, vtiliorem; & salubrem adhibere medicinam, atque post varias expectationes tandem salutem vniuersalis Ecclesiæ providere, & ad suspensionem ipsius Domini Eugenij ab administratione Papali (quam pænā sacra Constantiensis Synodus Romanis Pontificibus in varijs casibus censuit inferendam) procedere, alias pænas duriores adhuc pro sua mansuetudine differendo, ut saltem per compulsionem iustitiæ cum temperamento misericordiæ, ipsius Romani Pontificis animus ad ea, quæ sunt salutis, & pacis in reformationem debitam Ecclesiæ vniuersalis, & animæ suæ, & totius populi Christiani salutiferam ædificationem, ipsiusq; Ecclesiæ futuris temporibus pacificationem gratissimam, & auctoritatis sacrorum Conciliorum conseruationem valeat inclinari. In virtute igitur Omnipotentis Dei, in cuius nomine hæc sancta Synodus congregata existit, & à quo immediate potestati super vniuersos fideles cuiuscumq; dignitatis, etiam si Papalis existant (ut præmissum est) accepit, eadem sancta Synodus prædictum Dominum Eugenium Papam Quartum manifestum contumacem, & in aperta rebellionem persistentem, ac notorie incorrigibilem; Ecclesiam Dei scandalizantem, omnibus præmissis tam coniunctim, quàm diuise attentatis, ab omni administratione Papatus in spiritualibus, & temporalibus suspendit, ac suspensum esse declarat, processura tandem ad vltiora vsque ad sententiam finalem inclusiue, si opus fuerit ipso Domino Eugenio non amplius vocato, prout

Hæc oia in
fmo conatu
attentata Cō
cil. Later. Je
clarauit.
de sic. xi.

to, prout utilitati, & necessitati Ecclesie Spiritu sancto dictante conspexerit expedire. Omnem autem ipsius Papatus administrationem in his omnibus, quæ in Spiritu alibus, & temporalibus, ad solum Papam, & Sedem Apostolicam de iure pertinere noscuntur, eadem sancta Synodus ad seipsam decernit, ac declarat esse deuolutam, ne propter gubernationis defectum, Ecclesia interim varia discrimina pati possit, decernens irritum, & inane quidquid durante hac suspensione, per ipsum Dominum Eugenium ratione Papatus factum fuerit, vel attentatum. Omnes quoque Reges, Principes, Communitates, & alios cuiuscunque status, & dignitatis existant hæc sancta Synodus monet, & requirit, & eisdem in virtute sanctæ Obedientiæ, & sub Diuini obtestatione iudicii mandat, Ecclesiasticis verò personis quacunque dignitate, etiam si Cardinalatus, Patriarchali, aut Pontificali præfulgeant, sub pœnis, quas ipso facto incurrant excommunicationis, & suspensionis ab omnibus dignitatibus, & beneficijs, & officijs, quocunque nomine nuncupentur, etiam si forent Metropolitanæ, aut Cathedrales Ecclesiæ, siue in titulum, siue in commendam obtineant: Vicarijs autem Gubernatoribus, Vassallis, Feudatarijs, & subditis Romanæ Ecclesiæ, sub pœna priuationis ipso facto omnium Feudorum, & aliorum quorumcunque iurium, & privilegiorum, quæ ab ipsa Romana Ecclesiâ obtinent, districtè præcipit, ut durante hac suspensione prætextu cuiuscunque iuramenti, subiectionis, aut promissæ fidelitatis, eidem Domino Eugenio nullatenus obediant. ipsos quoque ad iuramenta huiusmodi, & promissiones durante ipsa suspensione, nullatenus astringi declaramus, sed ad hoc sacrum Concilium in omnibus recurrunt, pro quibus ad Romanum Pontificem

recur-

recurrere soliti sunt. Intendis enim hac sancta Synodus mundi, iuste, ac sancte necessitatibus quorumcunq; providere, &c. Decernit autem hac sancta Synodus huius decreti publicationem in presenti sessione factam, eiusq; affixionem in valvis maioris Ecclesie Basileensis, vim habere monitionis, citationis, & executionis. Et ita uniuersos arctare, ac si personaliter comprehensi, & eis intimatum fuisset. Datum in sessione publica in Ecclesia maiori Basileensi solemniter celebrata, nono Kalendas Febr. anno a nativitate Domini 1439.

XXXV.
Quis plurimorum super hoc decreto sensus.

Nemo sane est, qui nunc non intelligat, quam multa in hoc decreto contineantur, quae iure merito Censuram Ecclesiae passa sint: Verum quam facile nobis est ex euentis saniora Consilia aestimare, & virtutem Eugenij, quam non fefellit exitus honorare, tam certe obscurum erat illis temporibus, cui parti tutius esset adiungi, cum celeberrimae toto Orbe Academiae Parisiensis, Colonienfis, & Louanienfis Concilij auctoritatem supra Pontificiam extollerent, & recens memoria Synodi Constantiensis (quam ut sacratissimam, & Ecclesiae utilissimam omnes venerabantur) Basileensibus, qui eius se nomine tuebantur, magnam aestimationis accessionem faceret.

XXXVI.
Graci reconciliantur in Concil. Florentino.

Quanquam aliundè ingens Eugenio accrescebat fama ex rebus foeliciter cum Orientalibus gestis: Eo enim auspice non Graci modo errores suos exuerunt, sed ipsi quoque Armeni missis Oratoribus in eandem fidei consensionem sponte concesserunt, quod vtrunque duplici decreto testatus est Pontifex, altero prid. non. Iulij, altero 10 kal.

Extant inter acta Concilij Florentino.

Decem.

Decembris eiusdem anni 1439. edito. Verum, vt institutum teneret Eugenius, de singulis Amedeū certiozem facere nunquam omisit. Postridie siquidem quā delectum promulgarat, hanc ad eum scripsit Epistolam. Eugenius, &c. Gloria in Altissimis Deo, & in terra pax hominibus bonę voluntatis, Iuuat dilecte fili in vocem exultationis erumpere, & gessiente animo cum Angelis miscere letitiam, quandoquidem ineffabile gaudium, quod erit Christiano populo nuntiamus. Tanto quippe mens nostra diuinę consolationis rore perfunditur, ita exhilaratur cor nostrum, vt quod sentimus explicare nequaquam valeamus, solaque in gratiarum actione, & voce laudis requiescat affectus noster. Ecce enim quod ardentissimo studio, & indefessa pietate olim, & longe antequā ad Pontificatus apicem assumere-mur optauimus, Orientalis, & Occidentalis Ecclesię diu-
turnum perniciosumq; dissidium post quadringentos quin-
quaginta annos Diuina tandem miseratione sublatum est. Qua in re licet omnem pro viribus diligentiam adhibui-
mus, quantum Dominus donare dignatus est, totum tamen infinitę illius bonitati tribuimus, sine cuius ope re totum est inane, quod geritur. Namque ab ipsis nostri Apostolatus initijs, omni studio elaborauimus, vt vtriusque Ecclesię unio felicissima sequeretur, & post multas hinc inde missas legationes, aduenetunt ad nos an-
no præterito adducti; & hætenus sustentati sumptibus nostris Carissimus in Christo filius noster Ioannes Paleolo-
gus Rómæorum Imperator Illustris, & bonę memoria venerabilis frater noster Ioseph Patriarcha Constantino-
pelitanus, & Locumtenentes Alexandrini, Antiocheni, & Ierosolymitani Patriarcharum, Legatiqu; Trapezun-

tij Imperatoris, Iberorum, Ruthenorum, & Valacorum,
 cum Metropolitanis, & Clericis, ac Nobilibus plurimis,
 & multitudine copiosa: Auidi quoque huius sacratissi-
 mæ Unionis, laboribus plurimis, marisque periculis se se
 exponere nequaquam cunctati sunt, sacro æcumenico Cō-
 cilio (quod intra Italiam, & Vbi nos commodè interesse
 possemus fieri magna cum instantia postularunt) adesse
 cupientes. Advenerunt autem ad disputandum parati,
 sine contentionis tamen vitio, aut pertinaciæ studio. Nos
 itaque Diuini, humaniq; Iuris professores omni ex parte
 congregare curauimus, qui cupientibus veritatem aperir-
 rent. Deoque largiente, postquam eis tam ex scripturis
 Diuinis, quàm ex sanctis Patribus Latinis pariter, &
 Græcis, veritas est per omnia patefacta, libentissimè con-
 senserunt inuentæ veritati, Spiritumq; sanctum ex Pa-
 tre simul, & Filio procedere professi sunt, summamque
 Romanæ Ecclesiæ, & sanctæ Sedis Apostolicæ auctori-
 tatem, quam improbè nimium quidam opprimere nitun-
 tur, grātè recognouerunt, atque in reliquis conseruerunt,
 prout ex decreto inde confecto, quod his inclusum mitti-
 mus, tua Excellentia apertius discet. Audemus sanè in
 Domino gloriari, atque confidentissimè dicere, id nostra
 ætate peractum esse, quo nihil maius, nihilq; dignius ab
 ipso Apostolicæ prædicationis tempore Catholica vidit
 Ecclesiæ. Neq; verò is erit finis diuinorum mirabilium,
 sed diuinæ miserationis latior campus aperitur, ut Sol ille
 iustitiæ, qui in Oriente iam ortus est, ad ipsas quoque in-
 fidelium tenebras radios suæ lucis extendat, fiatq; salus
 domui, atque ad extremum terræ, omnesq; vno ore, &
 vno spiritu glorificent Deum, & Patrem D. N. I. C.
 Expectantur ecce in dies cum nostris Nuntijs ad id mis-
 sis,

sis, & iam pro foribus adesse nuntiantur Armenij, gens magna, & celebris, parati se per omnia Romana Ec-
clesiæ, & S. sedis Apostolicæ subdere, eiusq; mandatis, &
doctrinis incunctanter obedire. Merito itaq; dilecte fili
cum in re, iam tam multa, in spe, etiam plura teneamus,
omnipotenti Deo hostiam contulimus Iubilationis, & lau-
dis: Tibiq; ista insinuanda putauimus ut nostrorū in Do-
mino gaudiorum particeps factus, diuine pietati nobis-
cum gratias referas, hortamur, vt Christianæ deuotionis
affectu per tuum dominium letanias, Processiones, ora-
tionesq; publicas fieri iubeas. Partim referendo gratias
pro acceptis à Deo muneribus, partim orando, vt comple-
re dignetur omnipotens suum opus, & barbaras nationes
in sua feritate gloriantes, sub sacratissimæ Christianæ
fidei iugū mittere. Et quoniam spes adeo leta sese vndiq;
aperit, pio monemus affectu, vt ad eripiendos ab infide-
libus, à quibus indignissimè opprimuntur, illarum par-
tium Christianos nobiscum animum intendas; lam enim
Deo inspirante Classē, terrestresq; copias proximo vere
parare intendimus, sperantes quod qui cæpit in nobis opus
bonum, ipse perficiet, ac per huiusmodi nostra studia à
iugo miserabilis seruitutis Catholicum gregem propitius,
ac benignus eripiet. Confidimus autem negotium facilli-
mè, felicissimèq; successurum per tuam, reliquorumq;
Christianorum Principum opem, atque operam. Accin-
gere itaq; fili, ardentiq; animo concurre ad hæc studia
pietatis, ex quibus, & in hoc sæculo gloriam consequere-
ris, & in futuro cum Pij, fidelibusq; Principibus, qui
ab initio Deo placuerunt conferibi mereberis. Nos enim
te per alias litteras nostras, & Nuntios requiremus, non
ambigentes te nihil à tua, maiorumq; tuorum Pietate, ac

Nobilitate degeneraturum. Datum Flor. An. 1439.

Non. Jul. Pont. an. 9.

XXXVII.
Amedeus
quid agat
incertus.

Nondum hæc Amedeus acceperat, cum longè diuer-
sa Basileensi è cœtu allata animum eius haud vul-
gariter cruciabant: angebatur quippè non me-
diocriter ob diuersa Basileensium studia, & sini-
stros rumores, qui de Pontifice tota Gallia, Ger-
mania, Hispania, & magna Italiæ parte inualesce-
bant. Rarus erat in illis partibus, qui Eugenium
defenderet. Atq; vt Pius II. in Retractatione
sua loquitur; *aduersus Concilij dignitatem mutire ali-
quid, crimen Hæresis fuit; vna omnium vox Concilium
Eugenio præferebat, de sedis Apostolicæ præcellentia, aut
silentium, aut contemptus, Concilium, Concilium cuncta
sonabant.* In hoc actu post varias cunctationes,
tandem Basileenses 25. Iunij Eugenium Pontifi-
catu lapsum his verbis declararunt.

XXXVIII.
Decretum
depositionis
Eugenij scilicet.

34.
Obserua
hæc omnia
irrita esse
post abro-
gationem a le-
gitimo Pô-
pulo Patri-
bus autori-
tatem.

*Sacro sancta generalis Synodus Basileensis, in Spiritu san-
cto legitimè congregata, vniuersalem Ecclesiam repre-
sentans ad futuram rei memoriam.*

*Prospexit Dominus de excelso sancto suo, de Cælo in terram
adspexit, vt audiret gemitus Ecclesiæ plorantis super
perditionibus animarum precioso Iesu Christi sanguine
redemptarum, & malis innumeris, quæ in Religionem
Christianam irruerunt. Et quoniam iustus est ipse Do-
minus, & iustitias dilexit, in dnum hominem, per quem
scandalum venit vniuerso Orbi, & quo grauius peccan-
te, atque correctionem spernente, ira super omnem popu-
lum venire videtur, iudiciũ facere disposuit, per ministe-
rium Ecclesiæ suæ congregatæ in nomine ipsius Christi
Saluatoris oĩum, qui ait: Vbiq; fuerint duo vel tres cõ-
gregati*

gregati in nomine meo, ibi ego sum in medio eorum, & qui de peccatore nolente Ecclesiam audire dixit: si Ecclesiam non audieris, sit tibi sicut Ethnicus, & publicanus. Eiusdem quoque diuina prouidentia prouidens, resistentias, & oppugnationes, quas aduersus reformationem Dei Ecclesie, & auctoritatem sacrorum generalium Conciliorum ipsam Ecclesiam representantium, ac bonum publicum totius Religionis Christiane suscitaturus erat in tempore suo Eugenius Papa Quartus, quantaq; scandala, diuisiones, & schismata facturus in orbe, sacram Synodum Constantiensem excitauit per Spiritum sanctum, ut declarationem veritatis fidei Catholice toti orbi explicaret, dicentem, quod Concilium generale vniuersalem Ecclesiam representans potestatem à Christo immediate habet, cui quilibet cuiuscunq; dignitatis, etià si Papalis existat, obedire tenetur in his, quæ pertinent ad fidem, extirpationem schismatis, & reformationem generalem Ecclesie in capite, & in membris. Item quod si quis cuiuscunq; status, vel dignitatis, etià si Papalis existat, qui mandatis, statutis, & sue ordinationibus, aut præceptis ipsius Concilij generalis in prædictis, & pertinentibus ad ea contumaciter obedire contempserit, nisi resipuerit condignæ Pœnitentiæ subijciatur, & debite puniatur, etià ad alia iuris subsidia (si opus fuerit) recurrendo. Qua si quidem declarationes viam paraui miserator Dominus, per quam Ecclesia Dei in præfatum Eugenium multiplices excessus (qui adeo notory sunt, quod nulla tergiversatione celari possunt) perpetrantem, & contumaciter Ecclesiam audire, ac præceptis, statutis, & ordinationibus Synodalibus obedire contemnentiem, iustum iudicium ferre haberet, iuxta cuius veritatis de-

clarata dispositionem, hæc sancta Synodus Basileensis in Spiritu sancto legitime congregata, vniuersalem Ecclesiam representans, necessarium esse iudicans, ut cui pia non prodest correctio, debita non pareat abscissio, postquam in multa longanimitate, patientia, & mansuetudine post plures admonitiones expectauit eundem Eugenium, ut salutarem emendationem, & excessuum prædictorum correctionem efficeret, tandem cum amplius differri non possit, quominus Catholica fidei, & salutis vniuersæ Christianæ religionis sub auxilio Spiritus paracleti provideatur, ne ex ulteriori protelatione iustitiæ, sanguis pereuntium animarum de nostris manibus requiratur, sed cum diligentia salubre regimen gregi dominico præbeatur, ut postquam veritas de terra militantis Ecclesiæ orta est, & iustitia de cælo prospexit, Deus ipse donet benignitatem, & terra nostra proferat fructum salutarem, oriaturq; simul nostris diebus iustitia, & abundantia pacis: eadē sancta Synodus pro tribunali sedens, per hanc suam sententiam diffinitiuam, quam fert in his scriptis, pronunciat, decreuit, & declarat Gabrielem prius nominatum Eugenium Papam I V. fuisse, & esse notorium, & manifestum contumacem, mandatis, seu præceptis Ecclesiæ vniuersalis inobedientem, & in aperta rebellionē persistentem, violatorē assiduū, atq; contemptorem sacrorum Canonum Synodaliū, pacis, & vnitatis Ecclesiæ Dei perturbatorē notorium, vniuersalis Ecclesiæ scandalizatorē notorium, Simoniacum, periurum incorrigibilem, schismaticum, à fide diuinum, pertinacem, hæreticum, dilapidatorē iurium, & bonorum Ecclesiæ, inutile, ac damnosum ad administrationem Rom. Pontificij, omni titulo, gradu, honore, & di-

Saniora de
eo post res-
piscenā suā
p̄finiet Ba-
sileenses re-
tulerunt.

& dignitate se reddidisse indignum. Quem propterea
 eadem sancta Synodus à Papatu, & Romano Pontifi-
 cio ipso iure priuatum esse declarat, & pronunciat, ac
 ipsum ab iisdem amouet, deponit, priuat, & abiicit; de-
 cernendo nihilominus contra eundem ad executionem etiam
 aliarum iuris pœnarum, ad quas hæc eadem sancta Sy-
 nodus, hac eadem sua sententia ipsum condemnat vlti-
 rius fore procedendum. Ac eidem inhibet, ne deinceps
 pro Papa vel Romano Pontifice se quouis modo nominet,
 seu gerat, omnesq; Christicolæ ab ipsius obedientia, fide-
 litate, ac iuramentis, & obligationibus eidem quomodo-
 libet, præstitis, absoluit, & absolutos esse declarat, ac
 omnibus, & singulis Christi fidelibus inhibet sub pœnis
 fautorum schismatis, & hæresis, ac priuationis omnium
 beneficiorum, dignitatum, & bonorum ecclesiasticorum,
 & mundanorum, & alijs pœnis iuris, etiam si Imper-
 rialis, Regalis, Cardinalatus, Patriarchalis, Archiepis-
 copalis, aut Episcopalis dignitatis, aut etiam si Commu-
 nitates, Vniuersitates, & Collegia existant; qui si con-
 tra inhibitionem fecerint, sint autoritate huius decreti,
 ac sententiæ ipso facto priuati, & alias iuris incurrant
 pœnas, eidem Gabrieli notorio schismatico, periuro, hæ-
 retico, scandalizatori incorrigibili, pertinaci priuato, de-
 posito, amoto, & taliter declarato, tamquam Summo
 Pontifici obediant, pareant, vel intendant, aut eum quo-
 uis modo sustineant, vel recepent, aut sibi auxiliū, con-
 silium, vel fauorem præstent. Nec non pronunciat, de-
 cernit, & declarat eadem sancta Synodus omnes, &
 singulos processus, inhibitiones, sententiæ, censuras, &
 constitutiones, ordinationes, & alia quæcunq; per eum,
 aut alios quoscunq; factos, & facta, quæ possent præ-
 missis

missis obuiare, irritos, & inanes, ac irrita & inania, nulliusq; fuisse, aut fore roboris, vel momenti. Datum in sessione nostra publica, in maiori Ecclesia Basileensi solemniter celebrata 7. Cal. Iulij Anno à Nasuitate Domini 1439.

XXXIX.
Decreti superioris iniquitas.

Pontifex
Sūmus nullius iudicio in terris subijcitur.
Can. aliorum 9. q. 3.

Conc. Rom. 4.

XL.
Quæ contra tunc & æporis differenter.

Audax sanè facinus, & ab antiquis Ecclesiæ institutis alienum; tametsi enim (vt Basileenses supponebant) alicuius culpæ reus fuisset Eugenius, meminisse debuerant quid olim ijs respondisset Ennodius, qui ausi fuerant à Theodorico Rege Arriano visitatorem cōtra Symmachum Papam anno Domini quingentesimo postulare: *Aliorum hominum causas Deus voluit per homines terminare, sed sedis ipsius præfulis, suo sine quæstione reservauit arbitrio: Voluit Petri Apostoli successores cælotantum debere Innocentiam, & subtilissimi discussoris indagini inuiolatam exhibere conscientiam. Et rursus. Sanctorum patet voce Pontificum, dignitatem sedis Romanæ factâ toto orbe venerabilem, dum illi quidquid fidelium est ubiq; submittitur, dum totius corporis caput esse designatur, de qua mihi videtur dictum per Prophetam. Si hæc humilietur, ad cuius confugietis auxilium, & ubi relinquetis gloriam vestram. Hinc celebris illa vox Patrum in Concilio Roma. 4. Symmachus Papa Sedis Apostolicæ Præsul ab huiusmodi oppositionibus impetitus, quantum ad homines respicit, sit immunis, & liber, cuius causam totam Dei Iudicio reservamus.*

Hæc quamquam verissima sint, non deerant tamen, qui alia omnia differerent: valuisse ista aliquando in Ecclesia cum priuati Pontificum mores, aut corruptionem, aut calumniam paterentur: vt ne-
mini,

mini homini fas sit in illos inquirere, ac Ecclesiæ integrum semper fuisse inuigilare an in ijs, quæ ad fidem pertinerent, aut vacillarent ipsi, aut cæteris titubandi occasionem præberent. Bonifacium Martyrē hoc vidisse cum diceret, huius (Pape scilicet) *culpas isthic redarguere præsumit mortaliū nullus, quia cunctos ipse iudicaturus, à nemine est indicandus: nisi deprehendatur à fide deuius: pro cuius perpetuo statu vniuersitas fidelium tanto instantius orat, quanto suam salutem post Deum ex illius incolūmitate animaduertit propensius pendere.* Porro ea, de quibus Eugenius insimularetur ad fidem pertinere ex Decreti Constantiensis autoritate contendebant. Idemq; Decretum esse in Concilio Basileensi, & in adhæsiōe ab ipsomet Eugenio facta receptum, & iuratum: nunc igitur manifestè teneri ipsum, neq; ab hæresis suspiciōe absolui posse occinebant. Etenim si decretum illud contra fidem erat, & ipse à fide deuiarat, qui sua illud autoritate confirmarat, sin cum fide minimè pugnaret, legitimūq; decretum esset, qui se ab hæresis macula purgaret, qui legitimo Ecclesiæ decreto parere recusaret? Quod vel maximè vim habere Basileenses prædicabant, cum statutis illis ab Apostolica Sede autoritas accessit, ac proinde Gregorium illum magnum huiusmodi decreta non minus se quàm sancta Euangelia reuereri affirmare, solitum. Nemini verò dubium esse quin, & illud Constantiense à Martino Quinto, & nouum hoc Basileense ab Eugenio fuerit confirmatum, ac proinde illi minime integrum ea mutare,

Can. Si Pa-
pa. distinc. 46

Hec passim
Basileenses
inculcant in
responsioni-
bus suis Sy-
nodalibus.

Negant ta-
men pleriq;
Acta Cōci-
lij Constā-
tensis con-

tare,

firmata, nisi
quæ Marti-
ni v. electio-
nem sequuta
sunt. Quæ
verò circa
primas sessio-
nes Basileën-
sis Concilij
declaravit
Eugenius,
præterquam
quod vi ex-
pressa vide-
ri possunt,
nō satis ma-
nifestam cō-
firmationem
habent.
*Concil. Bas.
sess. 38.*

*Julian. in E-
pist. ad Eu-
gen. ad quæ
tamen iā his
temporibus
transierat.*

XLI.
Motus ani-
morum varij.

mutare, idq; tentantē iure suspectum in fide cen-
sendum pronuntiabant. Denique vt maiorem
sibi apud omnes fidem conciliarent hoc semper
in ore habebant, & scriptis consignabant. *No-
tum se facere vniuersis Catholicis, quod nullum sensum in
suis decretis, quæ Eugenius reprobat, haberent, nec habere
vellent, nisi quem sacra Synodus Constantiensis habuerit
in declarationibus suis, quibus Papam Concilio submisit,
quarum declarationum vigore Ioannes 23. &
Benedictus essent depoliti, Martinus electus, &
tot Cardinales, Prælati, & Sacerdotes creati; quo-
rum creatio irrita magno cum Ecclesiæ damno
censenda esset, si vitiosa Martini electio credere-
tur. Quin si vitiosa Martini electio* (aiebat Iulianus
Cardinalis Eugenium alloquens) *fuit, nec sancti-
tas vestra Papa erit, quæ per Cardinales ab illo factos
electa est.*

Hæc aliaque innumera toto Christiano orbe ia-
stabant Basileenses, quibus non de vulgo tan-
tum homines, sed doctissimi quique, ac inte-
gerrimi haud parum percelliebantur. Hinc illi
animorum motus, & ingens tota Ecclesia trepi-
datio, multis in dies ab Eugenio deficientibus,
plerisq; omnibus, qui modestiores videri opta-
bant, neque Concilio auscultantibus; neq; Euge-
nio accedentibus, cunctis incerta expectatione
suspensis. Amedeus, vt in hoc ancipiti rerum
statu conscientia consularet suæ, eo utebatur tē-
peramento, vt dum se melior dies aperiret, apud
vtrosque Oratores suos haberet; ne quid tamen
labis vlla ex parte sibi aspergi sineret, hac prote-
statione

Statione statim edita cauendum esse duxit.

In nomine Domini Amen. huius publici instrumenti tenore cunctis appareat euidenter, & sit notum. Quod anno Domini 1439. Indictione 2. die vero vigesimo mensis Iulij, existente, & personaliter constituto Illustrissimo Principe Domino nostro Domino Amedeo Sabaudie Duce &c. Coram Reuerendo in Christo Patre D. Ioanne de Grolea Apostolico Protonotario, Preposito Montis Iouis velut authentica persona, Ripallia in Camera Cubiculari ipsius Domini nostri Ducis. Ipse enim Illustrissimus Dominus noster Dux Sabaudie animaduertens circa varietates, & alias multiplices differentias, & contrarietates presentialiter existentes inter D. Eugenium Papam, & sacrum Basileense Concilium, in presentia duorum testium, ac mei Notarij, ac Secretarij subscriptorum, Protestatus est, & tenore huius instrumenti proficetur, Quod si forsan eius procuratores, Ambasciatores, vel alij nuntij, tam in curia Romana, quam in dicto sacro Basileensi Concilio, vel alibi per eum destinati, & destinandi quicquam eius nomine comparuerint, dixerint, fecerint, aut peregerint, aut in futurum comparerent, facerent, dicerent, seu alias quouis modo peragerent, quod à vera obedientia, & debito Catholice, & vniuersalis Ecclesie quomodolibet deuicaret, quod absit, vel quæ forte, in posterum ipsi D. nostro Duci aliter præiudicare, seu impingi, vel imputari possent, eiusq; honori, conscientie, aut debito; Illa ex nunc, prout ex tunc, & ex tunc prout ex nunc sicuti verus Princeps Catholicus, & obediens Ecclesie filius non admittit, nec illis annuit, sed potius denegat, & penitus contradicit, de quibus præmissis omnibus, & singulis ipse Dominus noster

XLII.
Amedeus
protestatio-
ne facta sibi
cauet.

K

petijt

petijt à me Notario, & Secretario subscripto ibidem presente fieri unam, & plura tenoris eiusdem publica instrumenta, quæ iugiter possint, & valeant dictari, corrigi, augeri, & minui dictamine sapientum, facti tamen substantia in aliquo non mutata. Acta fuerunt hæc die, loco, & indictione superscriptis presentibus spectabili Domino Claudio de Saxo milite D. Rauoyrie, & D. Bolomeij, D. Neriaci Consiliarijs D. nostri Ducis testibus: ad hæc attestantibus in cuius rei testimonium præfatus Dominus Præpositus sigillum suum duxit apponendum &c.

XLIII.
Basileenses
Ioannē Engolismēsem
ad Pontificatū vocant.

Interea Basileæ consultabant Patres per plures menses quem Eugenio subrogarent, adeo distractis, & variantibus sententijs, vt nullus contentionū exitus esse videretur. Franci (quorum præcipua in eo cœtu erat autoritas) id agebant, autore Papyrio Massono, vt Ioannes Ludouici Aureliæ Ducis ex Valentina Insubri maior filius, Comes Engolismæ, & Petra coriorum eligeretur. Paristudio in id incumbibat Philippus Maria Mediolanensium Dux Ioannis auunculus. Datus hic erat (ait idem autor) obsec à fratre, Anglis anno 1413. cum nonum ætatis annum vix decurrisset. Iuueniles tamen annos in illo velut carcere sic religiosè cōsumpsit, vt de eo in Pontificem subrogando Basileæ deliberatum sit, propter heroicas virtutes, quibus eum affluere notissimum erat; & si frustra, quod Deus post annos exilij sui triginta duos, longiq; carceris molestias in Anglia perpeffas, uxorem ei, ac liberos, nepotesq; ac pronepotes potentissimos, ac maximos destinasset, Franciscum primum Gallicæ Regem, eiusq; filios. Huic autem Ioanni, & Carolo

Papyr. Mass.
Iu. in Eug. 4.

prolo filio eius, Aloyseq; Sabaude uxori quid acciderit mortuis, referre placet, ne id factum quod reuera maxime impium est, vlla vnquam debeat obliuio. Quieueram vsque ad annu 1562. Nam tunc Grandimontanus Calvinianæ seruiens sectæ, eius generis copias Engolismam rapuit, Urbem Aquisania secundæ ad Carantonum amnem Ausonij versu celebrem: Ab illis immanitate barbaris imagines in templis sunt dirutæ, & ornamenta, vestesq; Sacerdotum in priuatos vsus, & castrenses tunicas; sepulcra etiam Principu Regij nominis sunt aperta, Ioannisq; & Caroli filij, Aloyseq; murus cadaueris reperta, sed horum quidem aenubi attigit, statim in cineres abierunt: At Ioannis mirati sunt integram, & incorruptum permansisse. Itaque vnus ex his Ioannes Ruffierus, qui se Flandrum Centurionem vocabat, Engolismæ natus, adaucto indiscerato lato pugione, in Principem illum nefarie seiecit, vasumq; præscidit: postea ceteri milites caput ei crudeli feritate secerunt, relicto trunco in illa subterranea fornice, in qua funeratus olim fuerat. Tricennio post Carolus Rex Christianissimus, fraterq; eius Henricus, vtracum Catharina matre in illum fornitem descendunt Religionis causa, ut pio truncum illum venerarentur. Anno autem 1568. Urbe à Calvinianis capta, truncus optimi, sanctissimiq; olim Principis erutus è sepulcro, ac militari ioco diu per templum, quod Petro dicatum est, brachijs tractus, modopedibus captatus. Denique ab impijs in frustra consisus est. De eius eximijs virtutibus, pietate, diuinitute, sanctitate, atque obitu deposuerunt anno post mille quingentos decimo octauo coram Antonio Stanno Engolismensi Episcopo testes septuaginta omni exceptione maior,

Ioannis de-
mortui cor-
pus diu in-
corruptum.

Hæreticorū
immanitas.

V. IX. LA
S. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

Lib. 4. hiflor.
Geneal.

Quid in eo
diligēdo ſpe-
ctarent Ba-
ſileenſes.

XLIV.
Ad Ame-
deum animum
conuertunt.

res, & in deſcriptione illorum, quæ apud me eſt, reperi
deliberatum eſſe de Ioanne in Pontificem eligendo. Hæc
Maſſonus, & ex eo, Sammarthani fratres in Ioan-
nis Elogio. Quæ pluribus retuli, vt hinc Pogij,
Blondi, aliorumq; artes reregantur, qui Baſileen-
ſibus nihil aliud quàm quæſtum, & lucroſam nun-
dinationem propoſitam fuiſſe calumniantur. E-
go certè eorum, qui talem, tantumq; virum pro-
mouere ſtudebant, ſi cætera adſuiſſent, non niſi
rectum, ſincerumq; propoſitum dicere poſſum:
cum enim in eodem homine ſanctimoniam vitæ
ſingularem, vna cum autoritate, & potentia pro-
pe Regia coniunctam viderent, ab illa, morum
reformationē in Eccleſia (qui præcipuus erat Cō-
cilij ſcopus) ab hac, præſidium aduerſus impio-
rum conatus prouidebant, vt minus mirum videri
debeat, ſi quam de Ioanne Gallo ſpem fruſtra cō-
ceperant, in Amedeo, maximi vtique nominis
Principe, deinceps collocarint.

Sed hæc qua via, & ratione proceſſerint, non meis,
ſed oculati vtique teſtis Aeneæ Syluij verbis hic
recitabo, ſi prius ex eius Retractione pauca præ-
miſero. Quam quidem Retractionem eo edi-
dit conſilio, vt ea quæ contra Romani Pontificis
Primatum, & autoritatem in ſuis opusculis ſcri-
pſerat, reuocaret, ſuaderetq; omnibus, vt Aenea
reiecto, Pium audirent, nec priuatum hominem,
quàm Pontificem pluris facerent. Cæterum vt ea
damnat, quæ Catholica doctrinæ quoquomodo
aduerſantia publici iuris fecerat, ita iſs, quæ ad
hifloriam pertinent, fidem haberi poſſe declarat,
cum

cum disertis verbis profitetur se veritatis fuisse studiosissimum, neque odio, aut adulatione corruptum, *nihil ait mentiri sumus, nihil ad gratiam, nihil ad odium retulimus.* Hunc igitur veritatis retinendæ adeo studiosū indagatorem audiamus, memores tamen illum tum de Eugenio male sentiētem, nonnulla spargere, quorum deinceps illum pœnituit. Et erit operæpretium veteres Ecclesiæ ritus in conclauibus, vt vocant, cogendis agnoscere, maximè cum facilè non sit vsque adeo exactam celeberrimæ actionis descriptionem alio in autore reperire, ita vt Franciscus Modius Pandectarum triumphalium acuratissimus Collector, huius Cōclauis formam, tamquam omnium, quas legisset, aut audisset perfectissimam Christianæ Rep. spectandam dederit.

Postquā igitur placuisse patribus dixit Aeneas, vt qñ Cardinales deessent, qbus ius eligendi Pontificis præcipuè cōpetit, tribus grauissimis Theologis de lectus electorū committeretur, qui (sicut in Constantiensī Cōcilio factum erat) ex quatuor præcipuis Nationibus viros eligerēt omni exceptione maiores, ex qbus Conclauē cōponeretur; Hi ergo, inqt Syluius, quarto Cal. Nouēb. ex iussu Concilij relaturi, quos legerant in congregationē venerunt, quo loci iam oēs, vt aiunt, incorporatorū cœtus confluxerant, nec illa die ex his, qui poterant, quisquam defuit. Et quoniam nulli vnquā tres viri se aperuerant, quanto secretior res erat, tanto desideratior omnibus videbatur. Confabulari autem omnes inuicem, multa de tribus vi-

ris

XLV.
Electoris
modus ex
Sy. uij lib. 2.
de Concil.
Basil. quem
descripsit
Frācil. Mod.
in Pandec-
tis Trium-
phal.
Triūuiri le-
gendis Ele-
ctoribus de-
putati.

risdicere, multa etiam de nominatione vaticinari,
& alij istum, & alij illum electorem futurum con-
tendere, & vt affectio, & veri similitudo trahebat,
quemq; sic ratiocinari. Quia tamen nihil certi
habebant, mira omnibus erat audiendi cupiditas.
Et alij quidem festiuas induerant vestes, alij ser-
uitores novos conduxerant, alij etiam domum
amicis commendauerant, qui se futuros in nume-
ro electorum arbitrabatur: Fit enim nescio quo-
modo, vt se quisq; supra virtutem aestimet suam,
quorum ambitio magis postea irridetur, quam
impleatur. Cardinalis autem Arelaten, in tanta re
anxius, & pluribus occupatus negotijs, aliquanto
tardius venit, quam tempus exegit, expectatio-
nemq; sui non sine admiratione omnibus prebuit,
qui tamen ad subsellia resedit, mora sua primitus
excusata: hodie, inquit, magna res agitur in no-
minatione, quæ statim aperietur, status Ecclesiæ
pendet: sitres viri, quibus rem commisistis bene
egerint, fateor quippe tardiusculè me venisse: si
autem male, nimis cito adsum. Quæ verbis, & tre-
menti voce, & ore pallido, atque ex abundantia
cordis pronunciauit: qui sic locutus, aspectu tri-
stis, animo turbatus, & oculis minax cunctis ter-
rori erat: tantumq; mentis moerorem ostendit, ut
plurimi conlacrymati sint, qui eius in fronte, sta-
tum suum condiscunt. Verebatur namq; opti-
mus ille Pater, ne tres viri, spretis maioribus Pre-
latis, plures ex inferioribus accepissent: quæ res
eo erat suspectior, quoniam nunquā scire aliquid
de mente triumuirorum potuerat: qui ut corru-
garam

garam tunc Cardinalis frontem inspexerūt, quasi post coruscantem aërem ad sustinendam procellam se parauerunt: Timor tamen omnibus fuit, ne illo iterum die scinderetur Ecclesia, periculofiorq; illo tuuultus formidabatur, quem localias electio peperit. Iam enim vt quisque mente conceperat, sic aut laudationi, aut uituperationi triuuiorum se accingebant.

Quibus cognitis, visum est tribus viris, ante aperturam tabularum, parumper sermocinari, & animos audientium prius placare, quàm laderentur, nominationisq; suæ tunc causas aperire, cum audiri possent: scientes quia post vulnus inflictum nemo benignus, est auditor. Locutus pauca prius est Abbas Scotus triuuir, & post eum Ioannes Segonius: vt igitur nulli se spretos crederent, qui forent omitti præfariunculam istiusmodi premiserunt: cogitatum se maximum habuisse, quos viros intra conclaue reciperent quosque extra dimitterent, opusq; sibi visum fuisse non minus extra, quàm intus viros habere sensatos, qui & conclaue tuerentur, & fieri nouitates in Synodo prohiberent, idque ex Platonis summi Philosophi præceptis se didicisse, qui Rectores Ciuitatum sic curare totum Reipublicæ corpus iubet, ne dum partem aliquam tueantur reliquas deserant: quæ res eos etiam cômouerit electores quoq; sic per prouincias nominare, ne honoratæ aliæ, aliæ neglectæ viderentur: In electis verò magnam curam habuisse, ne vel Episcopum sine plebe, vel Abbatem sine Monasterio sumerent: In omnibus, au-

XLVI.

Triuiri rationem de-
lectus sui
reddunt.

temper se nominatis, aut bonitatem singularem, aut nobilitatem cum bonitate, aut summā scientiam cum bonitate, & nobilitate se inuenisse: & in Episcopis quidem cum Cardinali, qui Episcopus esset, numerum esse Apostolis æquatum: Abbatē septem, Theologos quinque, inter luminatos, ac doctores nouem, omnes autem in presbyteratus ordine constitutos. Alios quoq; officiales à se nominatos, & dignitatibus esse, & virtutibus insignitos. Vicecamerarium quidem vnum, custodes conclauis octo: cæremoniarum Clericos duos: promotores duos. Procuratorem Fiscalem vnum: Soldanum vnum: quam circa nominationem habuisse se, & ad deputationes, vt in iunctum sibi fuerat, oculum.

XLVII.
Quæ nationes Electores dederunt.

Quibus dictis aliquantis per multitudinem placuerunt, factoque miro inter omnes silentio, apertæ sunt nominationis tabulæ, quas Ioannes Segouius legit, fuitq; omissus in illis nationum ordo onerosum enim triumuiris putatū est nationem nationi præferre. Ideoq; vt quisque prior, aut prælatura, aut dignitate fuit, sic prius est nominatus. Ego autem nequaquam timebo nationē seruare ordinē, qui Constantiæ fuit suruatus; nec mihi inuidiam timeo, quia nec præpositis gratiam, nec postpositis, iniuriam faciam; ordinem namq; istum, neque nobilitas, neque maioritas, sed tempus peperit, quia vt quæque natio verbum Dei prius suscepit, sic prior habetur, nec aut laudi est mihi, aut vituperio, dummodo Christianus sim: maiorum meorum, vel matutina, vel vespertina

tina conuersio : nec plus habet in Euangelio , qui
mane ad vineam venit , quàm qui vesperi . Natio-
nem tamen Italicam etiam sedes beati Petri , &
Romanum Imperium facit priorem : seruabi-
mus ergo ordinem nationum , facilioremq; legē-
tibus præstabimus intellectum . Illud tamen prius
sciendum est , Cardinalem Arelatensem , non no-
minationis triumuiralis gratia , sed iure proprio
ad electionem venisse ; ideoq; primum eum extra
nationum ordinem pono , eundemq; locum cæte-
ri Cardinales habuissent , si qui aut reintegrati Ec-
clesiæ , aut Eugeniana labe minimè commaculatj in
tempore aduenissent . Primus itaq; omnium ele-
ctorum Cardinalis fuit Arelatensis , vir & Con-
stantiæ insuperabilis , & prudentiæ incomparabi-
lis , cuius virtuti haud ascribere titubauerim que-
cunque in Concilio gesta sunt , quia nec sine illo
prælati perseverassent , nec alicuius Principis um-
bra protexisset , sed pergo ad nominationem .

Ex Italica natione recepti sunt Episcopi , Guilielmus
Vercellensis , vir & in Concilio notus , & in patria
dilectus , & origine quidem Gallicus , dignitate
verò Italicus , & in quo prædecessoris odor sui
Eusebij adhuc spirat : Georgius Augustensis ex
clarissima Salutarum familia genus ducens , ac nō
solum sanguine , sed animi quoque generositate
& virtutibus nobilis : Ioannes Eporediensis , & li-
teris , & probitate clarus , ac senilem prudentiam
in ætate adhuc iuuenili ostendēs . Ludouicus Tau-
rinensis claris ortus parentibus , & scientia iuris
eminens , & moribus utique honestis excultus .

L

Abbates.

XLVIII.
Electores
Italici.

Abbatēs. Aleramus Sancti Benigni Fructuariensis, uir tam moribus, quàm ætate grauissimus, cui ex nobilissima dōmo de Carreto origo est, quæ tantæ olim sublimitatis fuit, ut Imperatores quoque habere meruerit. Et huic quidem Germanus est Mathæus Albigaunensis Episcopus, cuius omni in re prudentiam per plures annos sacrum Cōcilium demiratum est, & eorum sanè qui alterum videt, vtrunque videt, sic est vterque, & habitu corporis, & viuendi consuetudine assimilis. Iacobus de Secusia, & annis, & prudentia antiquus. Doctores, frater Ioannes de Montecanuto præceptor domus Sancti Antonij de Rouersio, cuius in toto ordine Sancti Antonij magna æstimatio est, quique post magnum Abbatem Secūsus habetur, & hic in Italia beneficium habet, in Gallia parentes. Frater Bartholomæus de Prouanis, præceptor domus de Clauasio eiusdem ordinis, vir bonitate non minus, quàm doctrina amabilis: cumq; ijs viris ad eligendum Romanum Pontificem Italicorum natio est admissa.

XLIX.
Electores
Franci.

Ex natione Gallica, quæ & ipsa secunda est, cuiusq; in Ecclesiam Dei per maxima extant beneficia, nominati sunt ex Archipontificali dignitate, Ioānes Tarentasiensis, vir vitæ præstans, & omnis inimicus ambitionis, quique inuitus ad tantam dignitatem vocatus fuit. Ex Pontificali, Franciscus Gebennensis antiquus Romanæ curiæ officialis, vir, vt parui eloquij, sic magnæ intelligentiæ, & cuius iudicium in omni re ardua sit præponendū. Bernardus Aquensis, Iurisconsultus admodum oculatus,

oculatus, subtilisq; quia tamen ob notissima corporis impedimenta, infestamq; sibi podagram, hic se excusauit, Lodouicus Massiliensis in eius locum suffectus est, vir animo vastus, & ab omni simulatione alienus: quem talem puta, qualem audis: nusquam fallax, nusquam deceptor: Et hic sententiam in Gabriele latâ publicè legit, cum ille ex Romano deiectus pontificio fuit. Ex Abbatiali Raymundus Conchenſis, scientiam iuris Pontificij apprimè callens, multaq; in rebus conciliaribus experientia tritus: quique pro sancta Synodo compluribus legationibus functus est. Ex gradu Theologico, Nicolaus Tibout Normannus, vir quondam negotiosæ, nunc autem nimium senescens otiosæ virtutis: Ioannes de Valle Brito, & patriam virtutem, & ingenium ostendens: Thomas vero de Corcellis triumphauit. Ex Iurisperitis, Guilielmus Hugonis Archidiaconus Metensis, vir nec prudentia ulli prædictorum, nec scientia inferior. Hi omnes cum Cardinali Arelatensi ex tota Gallia ad electionem Romani Papæ vocati sunt.

Ex natione Germanica, quæ omnium est amplissima, recepti sunt ex Episcopali præeminentia, Fredericus Basileensis nobilitate generis, & humanitate in omnes eximius. Ex Abbatiali, Conradus de Lucella Cisterciensis Ordinis, vir, vt Monachū decet, & à pompa sæculi, & ab omni superbia remotus, ac Thomas de Scotia triumphans vir. Ex doctorali Detzelus Archidiaconus Cracouiensis, Polonns genere, conuersatione suauis, & doctus.

L.
Electores
Germani.

Ioannes Vuiler, Decanus Basileensis, vir mansuetus, & sciens plura quam prædictus. Henricus de Iudeis in splendida Vrbe Colonienſi humanitate, ac doctrina patriam redolens. Iacobus de Salztburga, Canonicus Ratiſponenſis, vir neque precibus, neque minis commutabilis. Chriſtianus autem de Gretz (vſupra diximus) iam in confortio triumuiroꝝ erat aſſumptus.

II.
Electores
Hiſpani.

Ex natione Hiſpanica, quæ & ipſa vaſtiſſimos habet, ac pernobiles campos, quatuor Chriſtianis Regibus, & vno infideli regnata, hi ſunt ad electionem magni paſtoris acceſſiti. Pontifices octo, Dertuſenſis Conſilij vtilis, & animi ſtabilis, totaq; conuerſatione perlepidus; hic in ea ſeſſione, qua lata eſt in Gabrielem de poſitionis ſententia, præſedit: nec poſt, quamvis plurimi peſtem fugerent de reſeſſu habuit mentionem: ſidus ſemper & Arclatænſis comes, & Eccleſiæ filius: Georgius Vicenſis. ſumma doctrina, & grauitate, quonemo pluribus, nemoque grauioribus apud Principes Concilij cauſa legationibus vſus eſt, quas cum magnis vite periculis, magnisq; peregit ſumptibus, qui etiam illud ſingulare fecit. Is enim vt vidit Principes Gabrielis cauſam tueri, & Oratoribus ſuis præſinita loqui præcipere Eugenianis: legatione Regis ſui, quam tunc apud Synodum gerebat, ſe abdicauit, ne cum alijs Principum nuntijs dicere aduerſus conſcientiã cogeretur. Quod ſi alij feciſſent Epifcopi; nequaquam autoritatem Eccleſiæ Principes, cum ſua neutralitate paruiſſent: Sed omnia malorum, quæ in Eccleſiam

clesiam irruerunt, partem maximam ipsimet induxerunt Sacerdotes. Ludouicus Visensis, vir, & amicus amico, & conuersatione perplacidus; hic Orator Ioannis Portugalliae regis praestantissimi in Concilio fuit, quo vita functo etiam in Concilio mansit, tribusq; ipsius Concilij honorificentissimis legationibus functus est. Iuit ad Graeciam cum viro prudentissimo Ludouico Lausannensi, quem & viarum, & periculi, & honoris habuit comitem. Iuit Coloniam, & ad Ducem Burgundiae potentissimum, collega Ludouici protonotarij: & ambo quidem in reditu per quendam ex Comitibus Palatinis Rheni capti sunt, & iussu Gabrielis in custodiam mancipati. Qua in re virum se praeae virtutis Visensis ostendit. Namq; cum libertas sibi abeundi dimisso collega fieret, nunquam se inquit carceres egressurum, nisi cum socio: iuit & in eas Galliae partes, quibus Britannia hodie nomen est, Ducisq; illius excellentissimi annum ad Concilium flexit. Abbates recepti sunt Petrus Sancti Cucuphatis, vir solers, & Monasteriorum gubernationi aptissimus; ac Antonius Arularis, & aspectu, & alloquio gratus. Doctores, Bernardus Buscho, Canonicus Illardens. iudicij non minus recti, quam firmi, & Raymondus Albioli Canonicus Tirasonenfis sensum habens, & mores aetati conuenientissimos: Ioannes quoq; Segouius triumuir ex hac natione electionis interfuit. Hi quoque ex quatuor nationibus nominati ad eligendum Papam fuerunt. Anglici vero idcirco recepti non sunt, quia non aderant,

rant, nec alij assumi poterant quàm præsentēs.

Officiales autē circa conclauē necessarij vocati sunt, Ludouicus Episcopus Lausanensis Vicecamerarius, vir summi exercitij, summāq; vigilantia, & ad officium sibi commissum non solum aptus, sed necessarius: cuius in negotijs singulis diligentia, in sacro Concilio, & in omnibus rebus bonitas in tota Christianitate perspecta est. Custodes Cōclavis Perceuallus Bellicensis Episcopus, non minus rebonus quàm aspectu. Nicolaus Grossetanus genere nobilis, & fidelitate insignis, quem, & pro seruitio Ecclesiæ, & pro defensione fidei spoliari beneficijs nō piguit, veritatem cum paupertate, quàm mendacium cum diuitijs eligentem. Ioannes Sancti Michaelis de Clusa Taurinensis Diœcesis, præstanti ingenio. Et Franciscus Abundantiæ, tam scientia, & virtute, quàm temporalibus bonis abundans. Monasteriorum Abbates, Franciscus de Fuxe, Theologus, professione minor, eloquentia magnus. Guilielmus de Cōstantia Canonicus Spirensis antiquus Pontificij iuris interpres. Ioannes de Turicella, Decanus Segobricensis Iurisconsultus, ac Theodoricus Nagel Canonicus Rigenſis probitate cognitus. Clerici gratia Ceremoniarum, Aeneas de Piccolominibus Senensis, Canonicus Tridentinus, ac Michael Brunon, Canonicus Belluacensis in eo exercitio longo tempore tritus. Promotores, qui antea in Conci'io per plures annos negotia promouerant viri docti, & constantes, Hugo Gerardi, & Ioannes Slitzenerode: Procurator fiscalis,

fiscalis qui antea fuerat, vir exercitatus Robertus Magnani Soldanus verò Petrus de Atro, qui etiam ab initio nascētis Concilij eo in officio laudabiliter se habuerat.

Hi fuerunt viri conscripti ex nominatione triumvirali, qua per Ioannem Segouium lecta (vt antea diximus) exhilaratus est Cardinalis animus, qui usque ad illam horam trepidus, stupidusq; permanerat, nec persuaderi sibi poterat nominationem istiusmodi fieri. Vt autem vidit Episcopos, & Abbates in magno numero assumptos, & nationes, quæ in Concilio erant, æquis portionibus honoratas, & animi simul vigorem, & frontis recepit colorem. Factusque latus sereno vultu concionem quoque exhilarauit, quæ illo mœstiam ostendēte, non tristis esse non poterat. Habuit ergo Cardinalis de nominatione facta magnifica verba, triumq; patrum virtutem magnopere commendauit, qui in Concilio se semper bene habuissent, & nunc optimè: posteaq; concionem dimisit, eaq; die occupati omnes fuerunt ad præparandos in conclaui necessarios conuictus.

Serò autem singuli electores ad Cardinalis domum vocati, de cameris diuidendis, intra conclaue sermonem intra se habuerunt. Et quoniam camera-
rum magna differentia erat, videbatur Prælati diuisionem secundum dignitates fiendam: atque vt quisquis dignior, & antiquior esset, sic prior locum sibi assumeret. Nec ferendum esse dicebant, vt Cardinalis, & Archiepiscopus cum doctoribus veniret ad sortem: quo casu ridiculum esset,

L III.
Cameræ con-
clauis distri-
butæ.

esset, si Cardinalem infra, & doctorem supra locari contingeret. Cumque Prælati essent numero plures, omnesq; vno ore loquerentur, desperata res videbatur de sortibus cogitare: vt cumq; tamen res iret, visum doctoribus est etiam pro se verba facere. Dicebant igitur priscas consuetudines non debere rescindi: in omni conclaui obseruatum, vt cameræ per sortem diuiderentur, neque id inter Cardinales tantum, sed etiam inter Cardinales, & alios; fuisse Constantiæ Cardinales admodum multos, non tamen respuisse cū Episcopis, & doctoribus sortem subire. Prælatos autem nimium sibi ipsis fauere, qui cum essent numero plures, sententiam magis vocibus, quàm rationibus obtinerent: si sine sorte fiat electio camerarum, timendam esse collusionem inter electores, timendum quoq; schisma ne stantes infra & rigentes frigore, locatis supra inuideant. Quibus rationibus Cardinalis euictus, in sententiam doctorum consensit: ac post eum vir bonus Episcopus Dertusensis prophetatus est. Si quis enim est (ait) cui nocitura fors sit, ego ille sum, quem vltimum fors efficiet: ne tamen aut priscas consuetudines euertamus, aut inuidiosi Doctoribus simus, vtilius puto rem sortibus transigi, eiusq; in sententiam conclusum est, eademq; ipsa hora missi sunt ad conclaue, ex omni statu electorum cum Cardinali Arelatenfi, qui sortes super cameræ, ex consilio Vicecamerarij iacerent. Scripta igitur sunt electorum nomina singulatim per schedulas, quæ omnes clausæ, ac permixtæ, in quodam

quodam birretore conditæ sunt, atque exinde ad primam, dignioremque cameram ventum est, ubi tunc Cardinalis Arelatensis manū iaciens in birretum, schedulam, quæ sibi forè obuenit recipiens legit, eamque Vicecamerarius in fronte ipsius camerae confixit: sicque successiue per ordinem factum est, ut intraturi sequenti die electores conclauē, eam sibi cellam noscerent assignatam, ubi suo nomini obuiarent: fuitque primus omnium Decanus Basileensis, vltimus verò (ut vaticinatus extiterat) Dertusensis Episcopus. Miraque in hac distributio sortis fuit, aut potius diuina dispensatio, quæ consilia hominum reprobandos electorem primum, Episcopum autem postremum fecit, cum statuisent ante Prælati cellulas sibi digniores ascribere: id tamen in utroque bonitatis est visum, ut neque Decanus ex primo loco superbiat, neque ex vltimo Dertusensis Episcopus condoluerit, sed illum indignè se credere, istum dignè locatum humilitas faciebat.

Sequenti autem die, quæ fuit Veneris iij. Cal. Nouemb. habita est generalis congregatio, conclusaque sunt proximarum deputationum deliberationes. Sessioque mox secuta est: diuina autem officia Cardinalis Arelatensis celebrauit, quo nemo ceremonias nouit melius. Sermonem autem ad electores post Euangelium decantatum, Marcus insignis memoriæ Theologus habuit, qui enumeratis depositi Gabriëlis criminibus, suadere electoribus nitebatur, ut vitium assumerent, qui contraria imitaretur prioribus, qui que omnia euitas

LIIII.
Electores
omnes ad sa-
cræ Syna-
xim acce-
dunt.

Gabrielis vitia, vt ille calumnijs odiosus fuit, sic
se iste assumendus iustitia præstaret. acceptum:
Erat templum vbiq; populo plenum, stabāt inter
columnas superiores nobiles. Vrbis matronæ, re-
spectumq; in concionem habentes ordinem rerū
non sine deuotione considerabant. Aderat Ioan-
nes de Tierstein Comes, qui loco Imperialis pro-
tectoris cathedram adimplebat. Aderat Con-
sulatus vrbani, & alij complures nobiles, rem
insolitam conspecturi: seruabaturq; inter omnes
silentium; extra Ecclesiam quoque Ciues in armis
erant, sicut quod scandalum pararetur prohibitori.
Tantusq; ad spectaculum eius rei confluxerat po-
pulus, vt neq; in templo, neque in plateis recipi
posset, magnaue vndiq; intra Ecclesiam habe-
retur pressura. Vtigitur Cardinalis Arelatensis
intra Missarum solemnia communicasset, vocati
sunt ad altare communicaturi, etiam secundum
ordinem electores. Tumq; Archiepiscopus Ta-
rentasiensis, & decem alij Episcopi communi-
cauerunt, post autem septem Abbates, exinde quoq;
Theologi, ac demum Iurisconsulti nouem qui ac-
cedentes altare genibus flexis, & lacrymis vber-
tim fusis, sacratissimæ susceperunt Eucharistiæ sa-
cramentum. Eratq; venerandum spectaculum,
tot eximios antistites, totque præclaros patres,
nudam ante dominicum sacramentum ostentan-
tes caniciem cernere, & alios quidem orantes,
alios verò illachrimantes conspiciere. Deuotio-
nem autem maximè Cardinalis adaugebat, qui
Pontificalibus indutus vestibus nudato, & caluo
capite

capite dominicum corpus quibusq; ministrabat,
& confessionem in re tali solitam singulis repetebat: ac secutus pijsissima Saluatoris Domini nostri Iesu Christi vestigia, quemlibet deosculabatur: hortatus plurimum vt quàm quisque posset, purga anima susciperet Dominum: Quam rem sic ordinatè, sic solemniter, sic deuotè peregit, vt ex videntibus nemo tenuerit lacrymas, nisi qui petrus habuit aut saxum, aut ferreum.

Post hæc finita Missa, & congregatione generali peracta, Prælati omnes infulas, & vestimenta sessioni accommodata susceperunt! Inuocata aliis vocibus per omnes patres Spiritus sancti gratia, peractisq; litanijs, & orationibus, ac omni solemnitate sessionis impleta, Ludouicus Episcopus Lausanensis ambonem ascendit, triaq; illic per ordinem legit. Primò responsionem Synodalem, ad famosum Gabrielis libellum, cui principium est, Moyses. Secundò limitationem quandam circa decretum, de electionibus dudum in Synodo editum. Tertiò verò nominationem triumviralem, quam ex certa scientia sacrum Concilium approbavit. Quibus lectis interrogati Patres, vtrum placet? Responsum est ab omnibus, placet. Ex hinc requisitum Lausanensis iurandi formam ab electoribus præstandam publicè legis. Electoresque iuxta Concilij ordinationem iurare. Primus igitur Cardinalis Arelatensis aperto Decretorum libro, formam iuramenti cunctis audientibus legit, moxq; requisitus, vt ita iuraret. Ego (inquit) Reuerendissimi Patres coram Domino meo

L.V.
Iurandum
præstant.

Forma iuramenti.

In Iesu Christo cuius modo sacratissimū corpus in-
 dignus peccator manducaui, cuiq; in tremendo,
 & magno finali iudicio de omnibus per me factis,
 rationem sum redditurus; promitto, iuro, & vo-
 ueo, quoniam in hoc electionis negotio, ad qd
 nunc volente Concilio mittimur, nihil aliud que-
 ram, quā populi Christiani salutem, & vniver-
 salis Ecclesiæ bonum. Idque mihi curę erit stu-
 dere, ne autoritas generalium Conciliorum vili-
 pendatur, ne fides Catholica expugnetur, ne de
 patres in Concilio persistentes opprimi possint:
 hoc querā, hoc sollicitabo, ad hoc viribus totis in-
 cumbam; nihil in hac re, aut mei, aut meorum
 amicorum causa faciam, sed solum Deum, & Ec-
 clesiæ suę utilitatem respiciam: hoc animo, hac
 mente, hoc denique corde conciliare suscipio iu-
 ramentum. Fuitq; eius sermo, & viuax, & ter-
 micus; omniumq; gaudentiam commouit animos.
 Post eum Electores alij, suo ordine iurauerunt.
 Quia res electioni post facta maximam præbuit
 auctoritatem: Quis enim non illum Summo Pon-
 tificio dignum purer, qui tot Sacerdotum, Epis-
 coporumq; iudicio sit comprobatus? præsertim
 cum illi antea suscepto dominico corpore iurara-
 dum præstiterint, nullum se electuros, nisi quen
 senserint tantæ lidoreum dignitati; in ea etiam
 confessione, & Vicecamerarius, & Custodes concla-
 uis, & clerici ceremoniarum, & promotores iu-
 reiurando promiserunt officium sine fraude exer-
 cidere. Quibus peractis omnibus, hora iam pos-
 meridiam tertia adhuc populo ieiunante canta-

Magna ex
 hoc iurame-
 to electionis
 accedit au-
 toritas.

tum est vndique Te Deum laudamus, & organis respondentibus alternatim, vsque ad finem completus est hymnus.

Quo facto, egressi sunt pueri in stolis albis admodum multi longū processionis ordinem facientes, quos secuta pars cleri vrbani est: Et post veneranda incorporatorum multitudo cum doctoribus, & vniuersitatum Oratoribus, qui longis, honestisq; vestibus, Orantes incedebant. Exinde Sacerdotes vrbani, excolendas sanctorum Reliquias in vlnis gestantes proficiscebantur. Mox verò Ludouicus Lausanensis Crucem argenteam ante se habens, sequentibus quatuor Clericis incedebat. Post verò Cardinalis Arelatenfis adhuc, & mitra, & auratis fulgens vestibus, deuoto, & desideranti populo benedicens. Exinde insulati Episcopi, & Abbates ad processionem ornati innumerabili populo subsequente procedebant, sicque alijs orantibus, alijs suspirantibus vsque ad ostium Conclauis est processum, armatis hinc, atque inde propter custodiam conclauis existentibus. Vt verò ad conclaue ventum est, receptis electoribus, dimissi sunt cæteri. Intromissi sunt etiam dominorum seruitores concessi. Non tamen ostium conclauis statim est clausum, sed vsque ad nonam ante mediū noctis horam familiaribus inpatuit, res deferentibus opportunas, permissiq; vsque id temporis sunt amici ad amicos accedere. Cardinalis autem sic processionaliter ingressus, sequentibus electoribus in sacello quod celebrandis Missis paratum erat, ante altare, & ante

LVI.
Solennipō-
pa ad con-
claue per-
gunt.

ipsum Christi vexillum genibus flexis, & nudo capite orationibus Deo porrectis, & domui, & habitatoribus benedixit: sicq; positis pluuiatilibus, & mitris, illuc se quisq; recepit, vbi nomen suum recognouit. Cum verò iam noctis venissent tenebræ, ingressus est Protector cum quibusdam ciuibus, vt quisquis locatus esset, visurus & voluptatem magnā ex tanto ordine suscipiens: post eum verò intrauit Lausanēsis Vicēcamerarius, & ipsū secuti sunt custodes conclauis, aliqui ex ijs singulas cameras diligenter rimati, & personarum, & rerum examen habuerunt, excussuri extra conclauē, si quid contra leges reperissent, nihilque præter ordinem inuenientes abierunt. Et hora (vt dictum est) nona, tam intra, quàm extra obserata est ianua, & vndique admoti pessuli, cum catenis tenacibus.

L VII.
Conclauis
forma.

Sed quoniam de Conclauis sermo est, necessarium existimo ipsius formam conscribere. Domus erat in medio vrbis, apud plateam cathedralis Ecclesiæ, loco edito, & patenti, quam nobiles quondam in vsum struxerant chorearum, & supra, & infra perlatas habentem aulas: & superiorem sanè, quoniam igne poterat calefieri, hyemi, inferiorē, ætati deputauerant. Hic igitur Conclauē haberi posse est visum, vt esset domus orationis, vbi fuerat lasciuiæ campus: & succederent mores, vbi vitia triumpharant. Constructæ ergo illic sunt, & supra, & infra mansiunculæ opportunæ, quarum numerus æquatus est electoribus vna super adiuncta, quæ cæremoniarum cléricis deser.

deseruiret. Fuit autē structura earum admodum facilis: nec enim aut saxo, aut robore ligneo parietes instruxerunt medios, sed positis in columnarum morem ex abiecte sudibus cortinas simplices, visuque penetrabiles pro parietibus texuerunt. Camerarum forma plerunque quadrata fuit, perbreuis tamen, & angusti vix lecti, vnusq; mensæ capax: luce autem omnes ferè carebant, exceptis admodum paucis, quæ spiracula quædam in angulis conclauis habuerunt. In medijs verò cellulis perpetua mansit obscuritas; nec sine candela, aut legere, aut esse potuit quispiam. Noxq; vna ijs fuit dierum septem: ac camerae inferiores plus etiam incommodi habuerunt, quia in solo positæ frigidissimo, loca piscibus magis, quàm humanis apta corporibus præbuerūt. Quocirca omnes, qui eas inhabitauerunt, reumaticū morbum ex humore nimio contraxerunt, & tamquam alter alterum irrideret, tussientes inuicem respondebāt, nec illi frigori vllum erat remediū: vestes enim, & villosæ pelles magis grauabant, quàm calefacerent, ignem verò habere loci angustia, nec periculum, nec fumus permittebat. Murus Conclauis, & grossus vndique, & altus fuit. Omnesq; fenestræ clausæ fuerunt: nec appropinquare muro aliquis poterat, nisi armati custodes quid die, noctuque intra ipsos cancellos excubabant. In media verò parte ipsius conclauis in modum fenestræ ostiolum fuit, & hoc quidem duabus exterius clauibus, vna interius claudebatur. Et illarum quidem alteram Vicecamerarius, alteram

ram Protector custodiuit. Illam verò Cardinalis Arelatenſis habuit: nec ulli vnquam tradidit, niſi ceremoniarum clerico Aeneæ, cum aut admit- tendi cibaria, aut emittendi cœnarum reliquias fuerat tempus: bis namque ante prandium, & co- tiës poſt prandium reſerabatur oſtiolum. Et bis quidem recipiebantur ſercula, bis autem remit- tebantur fragmenta.

L VIII.
Ministerij
ordo.

Quibus in rebus hic modus obſeruabatur. Erant (vt antea diximus) in conclauſi familiares, qui domi- nis ſuis electoribus ſeruiebant, doctõribus ſingu- li, prælatis bini: extra verò vt quiſque potuit, ſic habuit ſeruitores. Et illi quidem qui extra re- manſerunt, cibaria comparabant, quæ horis in dictis in lignea capſa depiſta quam cornutam ap- pellant, vſque ad conclauſis oſtium deferabantur: & ne ſuſpicio veneni eſſet, deguſtare tam pocula, quàm cibaria cogeabantur. Exinde per cuſtodes conclauſis examen fiebat, ne vel litera, vel aliud quiduis præter eorum ſcitum intromitterentur. Quare omnia in manu Vicecamerarij præſenta- bantur. Et ille extendens ad oſtium manus præ- ſentabat Aeneæ ceremoniarum clerico, cui ſoli cum ſocio licebat adhærere fenestræ. Itaque nec qui extra erant, mandare aliquid in conclauem po- terant, niſi per Vicecamerarium: nec qui intra dictare aliquid foris, niſi per clericum. Et oportebat omnia alta voce, & latina dicere, vt qui pro- tectoris erat interpres, intelligeret, quæ manda- rentur: cum verò emittendi reliquias cœnarum hora aduenerat, vocabantur per clericum cere-
moniarum

moniarum familiares cum cornutis: qui venientes ad cancellos interiores ipsi clerico omnia assignabant, & ipse extra fenestram Vicecamerario contradebat: Mittebantur etiam extra paropside, & alia mensarum ornamenta, quæ lauacro indigebant. Et ea etiam perquirebantur, ne quid ab intra emitteretur literarum: fueruntque aliquæ deprehensæ, quæ stultitiam magis familiarium, quàm rem proderent: nonnulli etiam in ipsis vasorum fundis sculpendes literas, commovere amicos tentauerunt: sed inuentis omnibus, nec graue aliquid, nec quod ab electoribus proveniret compertum est. Vt verò perquisita singula erant; quæ extra mittebantur, quicquid cœnarû supererat, pauperibus Christi dabatur; quæ ex re plus quàm ducenti vitam trahebant, quocirca cum omnibus longissima videretur conclauis mora, solis huiusmodi pauperibus est visa breuissima. Illud etiam custodes Conclauis libenter obseruabant ne ad electorum escam diuersæ species cibariorum deferentur. Et oportebat quidem aut carnibus tantum, aut piscibus vesci: aut si neque hoc, neque illud placebat, ouis, & caseo. Rursusque qui carnibus utebatur, vna specie contentari debebat: nec qui bouem habuit, vti etiam oue potuit. Id quoque in piscibus fuit, nec enim cui murena est intromissa, offerri quoque anguilla potuit. Si quis autem in legem commisit, partem alteram in ostio perdidit; idque cum prima die familiares incautè commisissent, & dominis suis quasi nuptias celebrantibus dubiam afferrent cœ-

Victus ratio.

Lepida nar-
ratio.

Cardinalis
Archatensis
abſtinentia
mira.

nam, omnes in oſtio ſpoliati ſunt, nec plus una ſpecie intro miſſum eſt. Quos inter Cracouienſis etiam Archidiaconus diminutionē tulit. Cui cum aues, & arietinæ carnes afferrentur, ſubtraçtæ auiculæ ſunt, orante in porta famulo, vt quod plus eſſet id Domino dimitteretur: ſperabat namq; ex ariete partem, ex auib; autem partem non ſperabat: Dominus ramen auiculas præopraſſet, ideoq; cum ſpolium ſenſit vbique cōqueſtus eſt, publicèq; teſtatus, nunquam ſe diem poſtquam Sacerdos fuit tulſiſſe peiorem. Ac cum rogaretur, ne admirationem haberet, quoniam idem obtiſſet Cardinali: Proh; (inquit) Cardinalem mihi æquiparas, hominẽ gallicum, parcum, euen- trem; aut (vt veriùs loquar) non hominẽ? Ego apud eum meo infortunio ſum locatus, omnia quæ facit perluſtris mihi cortina indicat, nec ad- huc aut bibere eum, aut comedere vidi: & quod mihi moleſtius eſt, inſomnes noctes, inſomnesq; dies ducit (quamquam nulla eſt apud nos dies) aut legit ſemper, aut negotiatur; nulla ei minor, quàm ventris eſt cura, mihi nihil cum eo commu- ne eſt. Ego Polonus ſum, ille Gallicus, mihi ar- det, illi friget ſtomachus, illi ſanitas, mihi mor- ieiuniũ eſt: Ego ni multum comedam, & multum dormiã, cito deficiam; Illi è cōtrario omnia ſunt leiunent Gallici; & Poloni comedant. Quo ſtiç- cunctos in riſum vertit. Et quoniam de hoc face- to, & hilari homine facimus menciónem, id quoq; non præteribo; ea namque infelicitas eius fuit vt famulus eius, qui extra manſit, ſemper ad oſti- veniret

veniret ultimus cum cibarijs. Ex quo ortum in ostio prouerbiū fuerat, ultimum esse, qui prior esuriret. Fuit autē hęc lex de cibarijs antiquitus aliter instituta: primis enī tribus diebus nulla erat cibariorum apud veteres limitatio. Quarta die, ad vnam speciem redigebantur. Nona vero sublati alijs solum panis, & aqua electoribus tradebatur. Clemens autē uti clementia cupiens rigorem legis in modum, qui nunc seruatur moderatus est. Id quoque inter electiores seruatum extitit. Patentibus namq; pransitatum, & cœnitatum est cubiculis, ut sic oculis omnium testibus factis luxurię modus fieret. Et cibaria quippe inter se missitare non licebat, vinum licebat. Rigidusq; huiusmodi legum non solum obseruator, sed custos etiam fuit Ioannes Segouius, qui non aliter violare alienas leges exhorruit, quā suas proprias apud Romanos Arrius Restio, de quo illud memorabile fertur, eum foris quo aduixit, postea non cœnasse, ne testis fieret cōtemptę legis, quam ipse bono publico pertulisset.

Sed (ut eo redeam quo sum digressus) electores postquam obseratum ostium fuit, ac postquam aliquantisper in suis conuenerant mansiunculis, egressi ad visitandum se inuicem sunt, atq; ut quisquis in sua camera esset prospiciebant, quibus in locis nō aliter se vicissim recipiebant, ac si ex longa peregrinatione redissent, eāque visitatione ad magnam noctis partem producta, tādē ad quietem est itum: horaq; post medium noctis tertia ad matutinas singuli experfecti sunt: orātesq; vs.

LVIII.
Ordo in occupationibus, & eligendi ratio-
ne.

que ad quintam, exinde Missarum officio se tradiderunt, & alij quidem in suis cellulis, alij verò in communibus altaribus celebrabant. Episcopi namque altaria plerumque portatilia apud se traduxerant, ut possent complurimi celebrare. Ut verò dies illuxit, vniuersi ad communem Missam venerunt: qua completa, & decantato hymno quo Spiritus sanctus euocatur, habitis in Concilio patribus, de modis in conclaui obseruandis consultatum in medio est. Isque comuni consilio receptus est ordo: statutum est singulis noctibus, quatuor supra, & quatuor infra ex seruitoribus assumi vigiles, qui noctes inter partitè res curam haberent, ne vel ignis, vel alia quauis res nocumento esse posset. Cui rei nemo vigilantius incubuit, quam Rubinus antiquus Cardinalis de Cipro nobilissimi familiaris. Cuius excubatione nequaquam dubitauerim pleraque cuitata fuisse discrimina. exinde cautum erat, ut post mediam noctis horam inter quartam, & quintam euigilatio per omnes fieret: tumq; vsque ad septimam ut cuique animo esset, aut oraret, aut celebraret. Postea verò ad communem Missam omnes accederent. Qua peracta, & spiritus almi efflagitato patrocinio, concilium iniretur: utque in eo scrutinium fieret, & eo finito, prandium haberetur. Ac deinde, ut quemq; voluptas traheret, sic vel legeret, vel quiesceret, vsque ad horam post meridiem tertiam: quo tempore iterum intrantes Concilium illorum merita in examen ducerent, qui præcedenti scrutinio nominati fuissent;

sent; maturè inter se se confulerèt, quo nunc Ecclesiæ modo ferri auxiliū posset, Dimisso verò Cōcilio, hora circiter post meridiem septima cenaretur, ac post horis tribus ad quietem se cuncti redigerent. Eo modo tam diem, quàm noctem partiti sunt.

Omittam illam sacratissimam vitam, beatam, & omnistricta religione mundiozem: ubi nam gentium talis Patrum est chorus, ubi tantum scientiæ lumen? ubi prudentia? ubi bonitas est, quæ horum patrum æquari virtutibus queat? O integerrimam fraternitatem? O verum orbis terræ Senatū? quàm pulcra, quàm suavis, quàm deuota res fuit, hic celebrantes Episcopos, illic orantes Abbates, alibi vero doctores diuinas legentes historias, audire? & vnum ad lumen candelæ feribentem cernere, alium verò grande aliquid meditantem tueri? Carthusiam Gallici, Delfinatus, siue Sabaudia commendent, potuine vnquàm religio hac excellentior inueniri? Ac ego existimo illis in locis irriguos magis fontes, & splendidas cellas, aliaq; ædificia esse admirationi, quàm homines. In nostro verò Conuentu, cætera cōtemnēda, viri dumtaxat admirandi fuerūt. Quorum modestiam nemo potuit satis contemplari; nullæ illic rixæ, nullæ cōtentiones, omnia in amicitia, omnia in dilectione fiebant. Illic cum exētem cellam quempiam ex antiquioribus vidisses, nō alium certè videre putasses quàm vel magnū Antonium, vel Paulum simplicem, & illum sanè Hilarioni, illum Paphnutio, illū verò Amo-

ni

LX.
Cōuersatio
electorum
sancta.

ni æquiparasses. Plus etiam hoc in loco, quàm in Antoniana solitudine reperies. Siquidem Hieronymo etiam, & Augustino obuiasses, quorum literę in conclau fuerunt, in heremo non fuerunt. Custodiebatur inter dominos magna charitas, inter famulos bona dilectio, inter vtrosque optimum silentium. Et isti in dominos obedientes, illi in seruitores benigni erant: nulla superbia, nullus lior, nulla simultas vigeat, suus cuique status placebat: nihil secretum, nihil occultum fuit, omnia scire vicinum oportuit, quæ fecit vicinus.

LXI.
Famuli, seu
Coclauistæ
quales.

Sed neque mihi tacendi familiares videntur, quorum numerus fuit duo, & quinquaginta. Itaque omnes animæ quæ ingressæ sunt conclauē, tres de nonaginta dinumeratæ sunt, fueruntque inter seruitores complures & docti, & ornati viri. Erant cum Cardinali Arelatenſi Stephanus Plonerij, Petrus de Tridia, doctores, & Archidiaconi: cum Archiepiscopo Taranasiensi, Antonius Piceti Iuriscōsultus, qui auditor etiam Rotæ aliquando fuit. Cum Basileensi Episcopo, officialis suus, vir non minus doctus quàm facetus. Fuerunt, & alij complures, & docti, & egregij viri. Quapropter facile potest quis dominorum excellentiam recognoscere, vbi virtutes familiarium non ignorat.

LXII.
Sortiendi
ratio.

Sed iam tempus admonet, vt scrutiniorum seriem referamus, & modum: eo ergo in loco vbi & Cardinalis, & Vicensis Episcopi cella fuit, atque aliquam nouem, hinc, atque hinc sedilia posuerunt. In summo loco ara erat sacra, & ante ipsam, puluinar

Cardi-

Cardinali stratum. Ad cuius dextram sedebat Archiepiscopus Tarantasiensis, & ad sinistram Der-tusensis Antistes, & successiue hinc, & inde gradatim reliqui electores assidebant. Ante ipsum verò Cardinalem scabellum, supra scabellum ex argento peluis stabat. Huc audita Missa, & decantato Spiritus sancti hymno, singuli electores venerunt, & eorum quilibet schedulam suam iecit in peluim. Easq; post modum singulatim Cardinalis recepit, & legit, atque vt ipse legerat, quatuor alij ex electoribus electionem ipsius scribebant. Scriptio autem schedularum huiusmodi erat: Ego Georgius Vicensis Episcopus, eligo in Pontificem Romanum illum, vel illum, poteratq; vnum vel duos vno in scrutinio nominare. Et inscribebat se quilibet electorum nomine proprio, vt sic in electione schedularum seipsum quisq; recognosceret, possetq; contradicere, si aliter quàm ipse diceret scripsisset, quæ res excludebat omnem dolû. Vt autem omnes schedulæ lectæ erât, & nominationes eorum scriptæ, fiebat per scrutationem numeri ad numerum collectio. Et nisi aliquem in vnum duas schedularum partes reperiebant concurrere, easdem igne cremabant.

Igitur primo scrutinio confecto compertum est plurimos esse in Papam nominatos, nullum tamen habere voces sufficientes, septemq; & decem eodie ipso ex diuersis nationibus ad Pontificatum fuisse vocatos constat, vnus tamen omnes superauit vir præstantissimus Amedeus Dux Sabaudia, Decanus militum Sancti Mauritiij de Ripalia Gebennensis

LXIII.
Primo scrutinio diuina
suffragia.

Plura tamē
cæteris habet Amedeus.

Item in sequentibus.

LXIII.
Inquiretur
in eius vitâ,
& mores.
Quæ electione
eius
dissuaderet.

bennensis Diœcesis, quem iam cœlibem, ac religiosè viuentem, sexdecim electores primo scrutinio dignum, qui gubernaret Ecclesiam censuerunt. Exinde hora post meridiem tertia, habitus est in concilio electorum de nominatis diligens inquisitio: atque vt quisque opinatus est, aut extulit nominatos, aut depressit. Ea tamen habita est Amedei relatio, vt in sequenti scrutinio, quod celebratum est quarto nonas Nouembris, ipse Amedeus vnam de viginti, ac deinde in tertio vnam, & viginti, & rursus in quarto vnam, & viginti voces habuerit: quia tamen nullus adhuc duas habere partes compertus erat in omni scrutinio, exustæ sunt schedulæ. Cumq; ad electionem Summi Pontificis vna dumtaxat vox desideraretur, multiplicari orationes, & augeri deuotiones placuit, vt dignaretur Deus in vnum concorditer vota dirigere, qui pastorem curam super Dominicum gregem susciperet dignè.

Et quia proximior alijs Amedeus Romano Pontificio videbatur, habiti sunt in cœi sermones multi de vita, & moribus eius. Et alij non esse homini laico cito imponendas manus dicebant, quod videretur omnibus monstri simile, Principem sæculi ad Romanum Pontificium accersiri: quæ res nimium Ecclesiasticis derogat viris quasi nullum haberent tantæ dignitati idoneum. Alij hominem, qui fuerit coniugatus, cuique proles esset ineptum Sacerdotio existimabant. Alij Romanum Episcopum legis doctorem esse oportere asseruerant, multisq; literis præpollentem. Quæ
verba,

verba ut audierunt, alij mox assurgentes, longè aliter dixerunt. Ac Amedeum quidem, & si doctor non foret, peritum tamen & doctum esse qui cum alijs in iuuentute sua literarum studijs infudasset, non titulos, sed scientiam quæsiuisset, eumq; diuinum officium optimè nosse, & horas canonicas obseruare, septiesq; dietim domino, dicere laudes.

Obiecta refelluntur.

Quod si de vita, inquit alius, huius Principis edoceri vultis, iam me (obsecro) audite, qui eum & intus, & incutè noui: nempe hic homo ab ineunte, ætate, ac lacteis (ut aiunt) annis magis religiosè vixit quàm seculariter, parentibus quidem obediens, & pædagogis obsequiosus: semper autem Dei timore imbutus, nec vnquam aut vanitati, aut lasciuia operâ dedit, nec vnquam puer de domo Sabaudia natus tantam præ se indolem, aut spem tulit. Quibus ex rebus qui eum intuebantur, magnum sibi aliquid portēdebant. Nec fefellit opinio, siquidem, vir postquam adoleuit, animum semper ad altâ leuans, apud inclytæ memoriæ Sigismundum Cæsarem forensi certamine Gebenensem eulcit Comitatum, moxq; deinde familiam suâ honoribus cumulans, Ducales suscepit insulas. Ac si scire cupitis eius regimen & quale, & quantum fuerit, illud primū cognoscite, virū hunc post obitū Patris, iā annis circiter quadraginta regnasse: cuius tempore regina virtutum semper Iustitia floruit. Audiens enim per se ipsum subditos, nunquā vel inopes opprimi, vel circumueniri imbecilles permisit. Ipse pupil-

LXV.
Encomium
Amedei.

Pueritiæ in-
genia.

Adolescen-
tiæ exercita.

Iustitiæ stu-
dium.

Caritas in
subditos.

Pacis Amor.

Domestica
cura.

Vitam soli-
tariam initi-
tuit.

lis tutor, ipse viduis aduocatus, ipse pauperibus protector, siquarumquam in territorio suo, aut rapinis locus, aut latrocinij patuit; diuites, ac pauperes aequali iure apud se habebat, nec terribilis onerosum, nec aduenis importunū se exhibens: nullaq; in patria grauis exactio pecuniarū fuit, satis se diuitem existimans, si Patricolas abundare cognosceret: sciens quia boni pastoris esset non deglubere oves suas, sed tondere. In eo tamen præcipuè solers exhibuit studium, vt & pace subditi eius fruerentur, & nulli sibi finitimi causam succensendi haberent. Quibus artibus non solum paternum dominium tranquille gubernauit, sed alia quoque spontè ad eum venientia super adiecit: nulli vnquam intulit bellum, ilato vero resistens semper de pace magis, quàm de vindicta cogitauit; & hostes, & singulos beneficio potius vincere, quàm gladio studuit. Vxorem unicam duxit, eamq; virginem, & nobilem, & formæ, & prudentiæ admirabilis: familiam omnem suam non solum manus, sed oculos etiam abstinentes habere voluit: fuit in eius domo summa honestas, summa obseruantia morū, & in sæculari palatio claustralis obseruabatur religio. Ac vbi thori confors vitam commigrauit in aliam, vbi Ducatum eius firmatum, & ad posteriores sine controuersia venturum perspexit, animum, qui semper religiosus, & dedicatus fuerat, patefecit, & qualem in corde gestaret voluntatem demonstrauit. Contempto namque sæculi fastu, omniq; pompa mundiali despecta, vocatis se-
cum

cum charissimis amicis; in heremum concessit: ubi constructo miræ deuotionis, & artis Monasterio, in seruitiū Dei se relegauit, & tollens Crucem suam, sequutus est Christum. Quo loci per plures annos conuersatus, singularis sanctimonie dedit odorem: vestes quidem non alias induens, nisi quæ possent frigus arcere, epulasq; non alias sumens, nisi quibus pelli fames valet: vigilansq; ad plurimam noctem nullam vnquam diuini officij horam neglexit: Cumq; ibi pulcherrimum Deo, & Beato Mauritio sacellum construxisset, & honorificū Sacerdotum collegiū ordinasset, diebus illic singulis tres Missas, duas quidē legi, vnā autem decantari audiuit: tantus illo in Monasterio seruatus est rigor disciplinæ, tanta honestas, tanta religio, vt nusquam sub cælo putem, aut sanctiorem, aut deuotiorem inueniri locum. Quocirca nō nouiter (vt quidam ante sentire sunt visi) hic Princeps ad Ecclesiam uenit, qui natus Christianus, ex progenitoribus iam mille annis, & ultra Christianis nunc Deo in Monasterio seruit. Illud autem mihi risu magis, quàm responso dignū videtur, quod de filijs est obiectum; etenim cur filij, præsertim nati grandes Pontifici Patri sint impedimento? Nunquid ait scriptura: Væ soli, quoniam si ceciderit, non habet subleuantem se? hoc imputari Principi modo non poterit: Sunt enim illi filij duo, & forma, & ingenio admodum præstantes. Quorum alter Princeps Pedemontium, alter Comes est Gebennensium. Hi patriam Sabaudia, absente patre, gubernabunt,

Pietatis exercitia.

Tribus quotidie Missis deuorē adest

LXVI.

A filijs non timendū, sed bene sperandum.

indigentique sibi auxilia subministrabunt. Iam
 enim regere, ac præesse populis didicerunt: En
 quid mali hoc est, habere Romanum Antistitem
 potentes filios, qui Patrem contra Tyrannos iu-
 uare queant? Proh Reuerendissimi Patres; sanè
 quo magis huius peruersi temporis procellam in-
 tueor, quo magis angustias animo euoluo, qui-
 bus Ecclesia in hac nostra tempestate percutitur,
 eò magis non vtile tantum, sed necessarium esse
 arbitror, huic ipsum eligi Principem: existima-
 boq; misericordiam Domini super nos factam,
 si eum videro huius cymbæ suscepisse guberna-
 culum. Considerate (oro) paulisper: quibus in-
 terminis sumus, quibus angustijs premimur, qui-
 bus periculis agitamur? quis Principum est huic
 sacro Concilio obediens? Alij nec Cōcilium hic
 esse fatentur, nec mandata nostra suscipiunt: alij
 verbo hic esse Concilium dicunt, factò apud Flo-
 rentiam fore ostendunt. Quamuis enim verbis,
 & literis Ecclesiam hic esse non negent, promo-
 tiones tamen apud Gabrielem depositum procu-
 rant. Hic est status Ecclesiæ, his procellis navis
 illiditur: sunt exerūt filij impij aduersus matrem,
 qui nec suscepti lactis, nec materni laboris me-
 ritumores eam spernunt, eam lacerant, eam colaphi-
 zant. Quid hic fiendum est? nudum ne hominē
 eligemus, qui nostris Principibus magis derisui,
 quam venerationi habeatur? non sunt hodie fa-
 cula, quæ virtutem respiciant: Probitas (vt est
 apud Satyricum) laudatur, & alget; pauper lo-
 quutus est, & dicunt quis est hic? Bonæ est equidē
 virtus,

Eius opes &
 potentia Ec-
 clesiæ neces-
 saria.

virtus, sed multum interest ad nostrum propo-
situm, an in potente sit, an in paupere: vobis eligē-
dus est gubernator, qui non solum Concilij, sed
etiam viribus navim regat: validus ventus est,
nisi & Consilium bonum sit, & brachia fortia,
frangetur malus, & periclitabuntur omnes. Exē-
plū recens ante oculos est, quia virtutem impo-
tentem nihili pendunt Principes. Nunquid ma-
xima virtus hic ostensa est, qui nullum timentes,
aut vitæ, aut bonorum periculum pro veritate
Christi tandiu pugnavistis? Debuerant Principes
terram deosculari, ubi gressus vestri fuissent: quia
tamen potentes Prælati, ac famosi Cardinales à
nobis defecerunt, videtis quid Principes fece-
rint. Aspicit tamen ex alto maximus, atque op-
timus Deus talia, hisque (ut puto) resistet inso-
lentijs. Sæpius illorum opinioni assensus fueram,
qui expedire dicebant, temporale dominium ab
Ecclesia secerni. Opinabar namq; & Sacerdotes
Domini ad diuina mysteria reddi expeditiores, &
Principes sæculi erga clerum fieri obedientiores.
Nunc autem didici, quoniam ridiculosa est sine
potentia virtus, nec aliud est Romanus Pontifex
sine patrimonio Ecclesiæ, quàm Regum, & Prin-
cipum seruus. Quod prævidens Diuina pietas
Romanam Ecclesiam dotari, per Constantinum,
& locupletari voluit, ut qui spreto spiritali gla-
dio, aduersus fidem, & bonos mores tumultua-
rentur, potenti brachio possent compesci. At
cum hodie terræ Ecclesiæ, partim per Gabrielem,
partim per alios occupentur Tyrannos, proui-
dendum

Peroratio.

dendum nobis est, vt virum talem eligamus, qui
& recuperare Patrimonium queat Ecclesiæ: & in
quo Christi Vicarius non contemnatur: cuiusq;
potentię clypeo eorum contumacia conteratur,
qui rationem contemnunt, & veritatem. Ad quas
res nemo (vt mihi videtur) aptior est Amedeo
Duce Sabaudia, qui alterum in Italia, alterum
verò in Gallia pedem habet: cui omnes fere Chri-
stianorum Principes, aut sanguine attinent, aut
amicitia fauent: eiusq; quanta sit virtus, iam su-
pra retulimus. Quid igitur hunc hæreamus eli-
gere? nemo est quem magis dari sibi aduersariũ
Gabriel quàm istum timeat. Pereat igitur eo gla-
dio quo putauit. Nemo est qui magis pacare Ec-
clesiam quàm iste possit. Quæritis in Pontifice
deuotionem? nemo est eo deuotior. Quæritis
prudentiam? iam intelligitis ex antea acta vita quis
sit. Quæritis iustitiam? Populus eius est testimo-
nio: siue potentiam, siue virtutem efflagitatis, hic
omnia sunt: quid moramini? Agite (obsecro) bo-
nis omnibus hunc eligite: hic fidem augebit, hic
mores reformabit, hic auctoritatem Ecclesiæ con-
seruabit, hic aduersarios reprimet, hic pacẽ Chri-
stiano populo condonabit. Non audistis eos, qui
de futuris prædicant, has fluctuationes Ecclesiæ
prænuntiantes, annum qui iam instat quadrage-
gesimum, his terminum tribulationibus assigna-
re? nunquid iam dudum audistis Papam his tem-
poribus eligi debere, qui consolaturus Sion om-
nia ponat in pace? & quis erit (obsecro) ille, qui
italia queat implere, nisi istum assumamus? Cre-
dite

dicite mihi, scripturas impleri oportet, & traher (vt spero) animos vestros, etiam si nolimus, Deus: tamen vos quod rectum, & sanctum est volentes potius agite.

Hæc cum ille dixisset, maxima electorum pars sibi fauendo arrisit, eamq; habuerunt verba efficaciam, vt sequenti scrutinio perfecta res sit. Nonis enim Nouembris dum clerus Ciuitatis circa conclaue cum Reliquijs sanctorum staret, & processio Prælatorum Spiritus sancti gratiam inuocaret, hora circiter ante meridiem decima, aperto scrutinio, & facta collatione (vt moris est) numeri ad numerum, comperitum est, Amedeum Ducem Sabaudia: religiosissimum Principem, iuxta decretum Concilij, in Papam fore electum, sexq; & viginti voces, in eum concurrere. Quapropter subito inter omnes coorta lætitia est, omnesq; rem gestam amplissimis verbis collaudarunt. Quocirca vocatis notarijs, & intromissis testibus, confectum est de ipsa electione chirographum. Quare sic peracta, remissis testibus, horam circiter post meridiem primam, ad eas fenestras, quæ in plateam versæ erant, factus est impetus, omnesq; valuæ securibus infractæ, atque illinc miranti populo nouitatem, crux argentea est ostensa. Erat iam tota Ciuitas in platea, omnisq; multitudo in fenestram tendebat oculos, electum sibi nominari desiderans. Tunc Cardinalis Arelatenfis facto signo crucis, in nomine Patris, & Filij, & Spiritus sancti, electi Pontificis nomen publicauit, & oratione præmissa, populo benedixit. Postq; hora iâ tertia,

LXVII.
Concordi-
bus votis
eligitur.

Publicatur.

tertia, prælati cum pluuiialibus, & mitris, ac clerus vrbis cum reliquijs ad cācellos conclauis venientes electores similiter exornatos ad maiorem Ecclesiam reduxerunt: vbi gratiarum actionibus magnis Deo adhibitis, iterum populo, qui erat innumerabilis, publicata per Cardinalem electio est: ac deinde cum maxima omnium iucunditate hymnus lætitiæ, & organis, & humanis vocibus est decantatus, & congregatio dissoluta. Quocirca laudent omnes populi Deum, quia pastorem habemus, qualem ipse dedit amandum bonis, & malis timendum.

LXVIII.
Electores e
conclauis e-
gressi tem-
plum adeūt.
Conc. Lasil.
sess. 39.

Haec teneus Aeneas, quid verò deinceps fecerint Patres ex ipsorum verbis intelligemus. *Post varia scrutinia tandem, aiunt, compertum est Religiosum, & nobilem virum Amedeum Ducem Sabaudiae in solitudine Ripalliae Gebennensis Diocesis, iam à pluribus annis in virtute continentiae honeste conuersantem, & virtutum Domino in spiritu humilitatis, ac simplici, & humili habitu deseruientem, in Summum Pontificem vniuersalis, & Romanae Ecclesiae esse electum, iuxta praefati decreti nostri 37. sessionis dispositionem. Quae quidem electio post modum aperta fenestra Conclauis, fuit per praedictum dominum Cardinalem Arelatensem publice nuntiata, decantatoque Te Deum laudamus, per omnes supra dictos ad eligendum deputatos concorditer super electione ipsa Deum glorificantes, & orationibus conuenientibus subiunctis, ipsi à conclauis exierunt in pluuiialibus, & mitris, alijsq; habitibus condecantibus, prout statui vniuscuiusque compescbat, concomitantibusque Prælati, & alijs suppositis huius sacri Concilij, ac processionibus*

cessionibus omnium Collegiorum, & Conuentuum huius
Ciuitatis Basileensis, cum reliquis, & doctis orna-
mentis, populiq; multitudine copiosa, Ecclesiam maio-
rem Basileensem adierunt, Vbi ipsi Prelati, & alij de
sacro Concilio vnanimiter Deo gratias retulerunt. I tera-
toque sæpè dictus dominus Cardinalis Arelatensis in am-
bone, presentibus omnibus electoribus deputatis, & in
hoc consentientibus, atque id ipsum approbantibus, retu-
lit, quomodo ipsa electio, ritè, & canonicè fuerat cele-
brata, Notarijs Apostolicis, qui in conclauis fuerant etiã
idem attestantibus. Quæ omnia considerans hæc sancta
Synodus, & spem magnam gerens in Domino, quod
præfatus Amedeus pro sapientia, experientia, iustitia,
clementia, & cæteris virtutibus suis plurimos fructus
salutis efficiet in populo Dei, fidem conseruando, mores
reformando, pacemq; componendo inter Principes Chri-
stianos, atque populos, velut sanctitatis amator, & pa-
cis cultor, qui cum omnibus Pacem, & cum nullo diffe-
rentiam, aut discordiam habere famatur domui suæ be-
nè, & laudabiliter præpositus, grandiumque populorum
prudentissimus gubernator, & in rebus Ecclesiasticis, &
spiritualibus non mediocriter exercitatus, habita super
hoc in quatuor deputationibus omnium suppositorum hu-
ius sacri Concilij concordia, & vnanimi deliberatione, &
deniùm in generali congregatione conclusionem subsequuta,
ipsam laudat electionem, recipit, & approbat, & ex abun-
danti, & ex certa scientia hoc præfati decreto ratificat,
& confirmat, declarans eundem Amedeum absque ulla
exceptione ab vniuersali Ecclesia teneri, haberi, & re-
putari debere electum in verum, & legitimum summum
& Romanum Pontificem. Et hoc ipsum per præfentis

Iterum pu-
blicatur ele-
ctio.

Synodus e-
lectionem con-
firmat.

decreti publicationem ad notitiam volumus deduci eun-
ctorum. Datum in Sessione nostra publica, in maiori
Ecclesia Basileensi solemniter celebrata x^v. Kal. Decē-
bris Anno à natiuitate Domini 1439.

LXIX.
Legati ad
Amedeum
mil.
f. 40.

Post cuius quidem decreti publicationem præfata Synodus
dilectissimum Ecclesiæ filium Ludouicum tituli S. Ca-
cilie presbyterum Cardinalem Arelatensem vulgariter
nuncupatum, & de latere, & alios Legatos, & Oratores
suos, videlicet plerosque Episcopos, Abbates, magistros,
& doctores iuris diuini, & humani, nobilem virum
Ioannem, Comitem in Teyrstein, Protectoris dictæ Sy-
nodi Imperiali auctoritate deputati vicegerentem, & cer-
tos milites ad eundem electum transmittendos duxit, ut
ipsi electionem præfatam præsentarent, & consensum
eius exposcerent, & requirerent, iuxta formam in de-
creto 37. sessionis præfate Synodi statutam, & ordina-
tam. Quibus quidem Legatis, & oratoribus in præfati
electi præsentia constitutis, ipsumque præsentato sibi (die
videlicet Iouis decimo septimo mensis Decembris Anno à
natiuitate Domini millesimo quadringentesimo trigesimo
nono) decreto electionis prædictæ ex parte eiusdem Sy-
nodi supplici precum instantia repetitis vicibus requiren-
tibus, quatenus pro consolatione Ecclesiæ Dei, in maxi-
mis, his temporibus, aduersitatibus, & tribulationibus cō-
stitutæ, electioni huiusmodi, acquiescere, & consensum
præstare, aliaque ad quæ iuxta decretum 37. sessio-
nis huiusmodi tenebatur, facere, & adimplere dignare-
tur: idem electus tunc in magna (ut cernebatur) spiritus
anxietate cōstitutus, mœrore compressus, cum hinc deside-
rium quietis, cui sub suauī contemplatione deposita
temporalium negotiorum cura vacare delegerat, in soli-
tudine

Amedeus re-
luctatur.

tudine prædicta retraheret, & humane conditionis infirmitas oneris, & laboris magnitudinem refugeret, hincq; vniuersalis Ecclesiæ autoritas, & Reipub. necessitas impelleret: & licet diutius trepidauerit ignorans quid consultius ageret in præmissis, post multiplices seorsum cū grauib; personis, habitas consultationes, metuens etiam (vt dicebat) ne ipsius sic ad vniuersalis Ecclesiæ, & Reipub. ministerium necessitate cogente vocati, contradictionis reluctatio diuinam contra se indignationem prouocaret, & grauioris forsan dispendij in Ecclesia Dei, occasionem induceret, nō honoris, aut temporalium rerum cupidine ductus, sed obsequendi necessitate impulsus, & affectu publicæ salutis procurandæ in humilitatis spiritu tanti oneris sarcinæ humeros supposuit, & se Apostolicæ sollicitudinis iugo submitit, electionique de eo factæ genibus flexis, exortisq; lacrymis etiam infra statutu' ad hoc in decreto 37. sessionis huiusmodi terminum ad laudem Dei omnipotentis deuote consensit, & humiliter acquieuit, ac per dictum Cardinalem, quo vocari dellet nomine interrogatus, (prout moris est in Romanum per tempore Pōtificem electo) Felix nomen duxit sibi eligendum, chlamyde & caputio, quibus tunc utebatur, depositis, etiam genibus flexis, professionem iuxta præfate 37. sessionis continentiam, atq; formam emisit, & propria manu scripsit, die, & anno superius expressis. Quibus peractis Cardinalis, aliq; legati, & oratores prædicti iuxta commissionem, & potestatem eis traditam, ipsum electum, depositis sibi indumentis consuetis, per traditionem vestis albi coloris, & annuli, de Papatu inuestierunt, & alba, pluuiali, cæterisq; ornamentis Papalibus congruentibus induerunt, & in Cathedra posue-

Urgetur a
legatis etiā
intentata ira
cælesti.

Gemebun-
dus assenti-
tur.

LXX.
Inaugura-
tur.

runt ipse Cardinalis, alijque Episcopi, Prælati, & Principes, Comites, Barones, & nobiles reuerentiam, & obedientiam Romanis Pontificibus exhiberi solitas sibi exhibentes, præcedente in processione solemnī cruce, more Papali (ut decuit) ad Ecclesiam Monasterij Sancti Maurij ordinis S. Augustini in sancta solitudine constitutam processerunt. Et dum ipse electus fuit ante altare prostratus diu orauit, & hymni Te Deum laudamus, decantatione finita, & Pater noster, & alijs suffragijs, & Collecta consuetis per dictum Cardinalem dictis, eundem electum inthronizauerunt, ipsum super altare maius dictæ Ecclesiæ eleuantes. Demum ipse electus adstantibus ibidem solemnem benedictionem dedit, & indulgentias concessit, in his omnibus decentibus, & congruis sollemnitatibus obseruatis. Quæ quidē præmissa oīa sex notarijs publicis, & decem ad hoc specialiter requisitis testibus, plerisque prælatis, Principibus, Comitibus, Baronibus, nobilibus, magistris, doctoribus, & alijs insignibus, & notabilibus viris ibidē præsentibus, & ita attestantibus gesta fuere, prout instrumentis publicis, quorum tenores ipsa Synodus præsentī decreto habet, & haberi vult pro sufficienter expressis, plenius continetur.

LXXI.
Quis tum
Christiani
ortij sen-
sus.

Hæc Romam allata, & toto Christiano Orbe diffusa, Eugenium terrore, Ecclesiam vniuersalem sollicitudine, fideles anxietate impleuerunt. Tamen si enim dubitare iam nemo possit quin Eugenij Pontificatus fuerit legitimus, ac proinde minus valida Felicis electio, ea tamen erat illorum temporū facies, quæ doctissimis, integerrimisq; obscura, & perplexa faceret omnia: reliquis prout, vel discordijs imbuti, vel auditionibus præoccupati.

certiora

certiora videretur ostendere. Non alius per eos dies sermo Principum, priuatorum uē aures domi, foris uē tenuit, nec licentiū vnquam scripturientium libido in famam summōrum virorum lasciuijt, hic incredibilibz, & in miraculū corruptis narrationibz vulgi auiditatē pascere; ille atrocibus inuentis tanto faciliū populū inlicere quanto immania quęque citiū diuulgantur, & veris ante habentur. Camerinam hanc non moueo, quę vtinam diutiū quā par fuisset suo fœtore Christianam Rempubicam non impleuisset. Hoc agam, quod ab initio proposui, vt Eugeniū venerer, & Fēlicem ab ijs vindicem calumnijs, quibus illum malē sani homines impetiuerunt.

Atque, vt via, & ratione procedam.

Illud in primis velut certum, indubitatum q̄ne mihi sumam, constantem esse omnium Theologorum sententiam, licuisse semper fidelibus quoties in Ecclesia exortum est schisma, duobus, vel pluribz Pontificibus Romanam Sedem sibi vindicātibus, vel ei adhærere quem legitimū probabilius habent, vel si æquē incertum est, neutrum determinatē sequi, sed paratos esse illi obedire, quem Ecclesia legitimū aliquando decerner. Atque hoc quidem adeo cum veritate coniunctum est, vt Diuinę prouidentię certo consilio factum sit, nonnulli, vt homines vitę sanctimonii, & miraculis clarissimi, quibusdam constantissimē Pontificibus innocenter adhæserint, quos Ecclesia in album suorum Rēctorum non admisit: vetera non reuocabo, sed ea dumtaxat, quę Amedeo spectata.

Certē

Eugenius re
vera semper
Pontifex ve
rus, Amedeo
m̄ innocens.

LXXII.
Amedei In
nocentiā, q̄
atruant.

In dubio li
cet ei parti
adhærere, q̄
probabilior
videtur.

1. *corruptum.*
sum. de cele.
lib. 4. p. 1. c. 14
3. *yl. v. schis*
ma *Gerjrac.*
speculi ca de
re.

Nōnulli sã.
ēti pseudo
Pōtīfices co
luerunt.

B. Petrus Lu
cēburgicus.

Molanus in
natal. SS. Bel-
gij ad 6. non.
Iul.

S. Vincētius
Ferrerius.

Tom. 15. ann.
Ecclef. Ann.
1419.
B. Coletta.

Certè Beatissimus Iuuenis Petrus Lucēburgicus virtutibus, & prodigijs propè infinitis quàm Imperatoria stirpe illustrior, Robertum Geneuensem (cui in sua obedientia Clementi septimo nomen erat) non modo semper vt legitimum Ecclesiæ Romanæ Præsulē coluit, sed ab eo dignitatibus ornari se passus est, Canonicus primùm Parisiensis eius autoritate factus, mox Archidiaconus Carnotensis, tum Metensis Antistes, postremò Cardinalis tituli Sancti Georgij ad velum aureum: tot, tantisq; interea clarus miraculis, vt magni ad eum vndique concursus fierent, cumq; Auenione, vbi sedebat Clemens, anno salutis 1387. ad meliorem vitam concessisset, tantū eius meritis Deus tribuit, vt intra proximum ab eius felici trāsitu bienniū nongēta sexaginta quatuor miracula ab eo edita in publicas tabulas sit relatum; hodieq; magna veneratione sanctissimæ eius exuuie apud Cœlestinos eiusdem Ciuitatis coluntur. Quid splendidissimum illud Dominicani ordinis lumen S. Vincētius Ferrerius, an nō clarissimis coruscabat miraculis, etiam tum cum Petro Lunensi, (quī se Benedictum XIII. vocabat) à confessionibus erat, eiusq; Apostolici Palatii Magister? vt in eius vita Petrus Ranzanus, & qui eum descripsit Bzouius pluribus commemorant. Quid felicissima Virgo Coletta, quā Deus ad instaurandum Sanctæ Claræ ordinem in fœda collapsum, vnā ex omnibus delegerat, quantis cœlitus aucta est beneficijs? quàm raris illustrata prærogatiuis, illo ipso tempore, quo Antonium à

Chalan-

Chalanco eiusdem Benedicti à latere Legatum ad Christianissimum Francorum Regem Parisijs adibat, vt per eum sibi liceret ijs exire septis, quę nuncupato voto sibi pręscripserat? Num eundē Benedictum, pręsente Blancha Sabaudica Geneuensi Comite, Auētionem adiit, eoq̃ue Auspice vota emisit quibus D. Clarę Regulam profiteretur, Religioso flamine capiti eius ab eodem imposito? Certum igitur est non ideo vexandam esse alicuius conscientiam, quod ei Pontifici pareat cuius ad eam dignitatē sit ambiguū ius, modo temerē illi non se addicat. Quare non erat cur tāto perē Amedeo deinceps nonnulli insultarent, quod Archipręsulem Florentinum S. Antoninum sibi aduersantem haberet. Cur enim Amedeus nō crederet idē illi, quod plerisq; sanctitatis laude clarissimis contigisse, vt zelo erraret, qui secundum scientiam non esset? vitia, vt cumq; errores, nisi cum homine non exuimus.

Ad hæc certum quoque est tum cum passim ambigitur an is, qui se pro Pontifice gerit, dignitatem illam vitio sibi arroget, illum nequaquam peccatum, qui moderatoribus conscientię suę grauibus, & idoneis dicto audiens, in electionē cōsentiet, quā illi sinceram, probamq; iudicabūt. Ita factum est, vt Gregorius sextus, & Clemens secundus Pontificatū ritē tenuisse credantur, licet inuito Benedicto nono, cui tamen vt vero Pontifici diu Ecclesia, vniuersalis auscultaſſet: tacito reliquos, ne vulnera obducta resfricē. Ac tametsi, vel errore pręcipites, vel prauis cupiditatibus incensi

Jacobus Federicus in vita eius, & in Histor. Proſpiciat S. Bonauenturę ex 3. p. lib. 1. S. Franc.

nb 613
3 2
1

S. Antoninus Amedeo nihil officit. 3. par. tit. 22. c. 15.

LXXIII.
Vitiō electi
pōtēst aliqui
innocenter
electi onē tō
leniret.

119

119

incensi ferrentur electores, dum omnis ab electo temeritas abesset, non minus Deo gratus existeret. Hic Doctorum omnium sensus: Reliquum igitur est, ut videamus, non quidem, an Basileenses à flagitio fuerint immunes in his, quæ aduersus Eugenium statuerunt; ut enim plures temporum illorum iniquitas facile absoluerit, fieri cerrè vix potuit quin in aliquibus schismatis huius culpa hæserit: ut ut sit, in illos nunc minimè inquirō, id meditor, ut in medio ponam Amedeo non fuisse integrum post hæc tempora, vel in Eugenio personam Pontificis agnoscere, vel de suæ electionis integritate dubitare, ac proinde immeritò tanquā noxæ alicuius ream ob Pontificiam dignitatem acceptatam ab inuidis postulari. Quod utique compertissimum erit, si docuero, primum quàm validis adductus fuerit argumentis, ut Eugenium Pontificatu lapsum sibi persuaaderet. Deinde quàm multa, minimèq; obscura legitimæ electionis habuerit documenta.

Principia Pontificatus, haud satis moderatè Eugenius habuisse terebatur; adeo ut Philippus Bergomensis (quamquam cætera in laudes eius effusus) & Platina dicere non dubitarit *eum diuina humanaque omnia perturbasse*: Accedebat Francisci nepotis intemperantia, cuius inuidia flagrabat Pontifex, hinc secreta primum odia, dein vagi rumores, postremò contemptus, ac ferè vno tempore subditorum omnium discessio, initio à Romanis facta violentas manus iniicere in eum parantibus, ni cucullo inducto fugam maturasset,

quo

Electus defenditur nō itē electores

LXXIV.
Quoniam Amedeo plura deret Eugeniū iure depositum.
In c. q. r. u. Au. 1431.

Eugenius omnibus iniuriis.

quo comperto fremere populus, vestigijs hæ-
 re, ac tantum non telis opprimere cymba se pro-
 priipientem, *inclamantes furem, prædonem, ac pedico-*
nem, ait Craconus, ac largis probris odium exfa-
 turantes. Nec minus infeltos Bononienses, re-
 liquosque Ecclesiastici status populos expertus
 est, vt minimè mirum sit externis eum parum be-
 neuolis vsum, qui suis adeo esset exosus. Affi-
 duis igitur probris, cõtumelijs, maledictis, omni-
 busq; dehonestamentis, quæ oris humani duritia
 extudit oneratus, Patribus qui Basileæ cõuene-
 rant monendus, atque ad officium reuocandus
 visus est. Verum siue illi plus æquo sibi arroga-
 bant, siue ipse nondum satis domitas habebat cu-
 piditates, monita illa morbi irritamenta potius
 fuere, quam leuamenta. Cætera quæ deinceps
 consequuta, Basileensibus Concilium efferenti-
 bus, Eugenio contra annitente satis superque
 commemorata sunt: sanè constat Imperatorem,
 Francorum, Hispaniarumq; Reges, omnesq; fe-
 rè Principes Christianos, famosissimasq; toto or-
 be vniuersitates adeo malè de Põtificis causa sen-
 sisse, vt tandem manus dare, & Concilij Iudicium
 subire sit coactus. Hæc Amedeum latere nō po-
 terant, quo nemo in tuèda Eugenij autoritate, si-
 cuti vidimus, vel promprior, vel studiosior exti-
 terat: postquã igitur ad extrema ventum est, quid
 mirum si Amedeus ea de Eugenio tandem credi-
 dit, quorum vniuersam prope Europam autorem
 habebat? hoc posito fundamento, reliqua facile
 superstruebantur.

*In Eugen. 4.
 Plat. 5e.*

Sessio. 16.

Q

Etenim

LXXV.
Quibus argumētis adducebatur, vt crederet Concilium Basileēse legitimum esse.

Ioan. de Turrecrem. lib. 2. cap. 10. negat acta fuisse confirmata, sed dūtaxat progressum Concilii approbatum.

Et enim ita differebāt Oratores Concilij cum Amedeo electioni venientem experirentur, Concilium legitime fuisse congregatum, ad reformationem Ecclesiæ in capite, & in membris, prout in sanctissima Cōstantiensī Synodo fuerat decretum: Eugenium, qui caput erat, præ cæteris reformatione indiguiffe, vt qui in ea prorupisset scandala, quæ Christiani nominis dignitati vehementer officerent; nihil intentatum Patres reliquiffe, vt eū ad resipicientiam adducerent, obstinasse illum per duos annos, totisq; viribus annisum esse, vt Concilij autoritatem eluderet, victum tamen precibus Imperatoris, & aliorum Principum, in gratiam cum Patribus rediisse, decreta sua reuocasse, Concilij acta confirmasse, seq; ipsum Concilio spontè subiecisse; multa deinceps communi consensu gesta fuisse, ac præter cætera præsentibus legatis Pontificijs, minimèque reclamantibus renouatum decretum de autoritate Concilij supra Papam. Verum cum in pristina relaberetur, in Concilium insurgeret, nec modo Constantiensibus, & Basileensibus statutis, sed suis ipse contra fidem datam aduersaretur, neque Ecclesiam (quam vniuersale Concilium repræsentat) audiret, merito eam vindicem expertum, quam Matrem recusasset, pati illum quæ sibi imprecatus esset, si pactis non stetisset. Non esse integrum homini Catholico de eius abdicatione dubitare, qui eo ipso quod duorum Conciliorum Apostolica autoritate confirmatorum decreta (quæ velut certissimam fidei regulam Ecclesia semper agnouissent)

uisset) pertinaciter respuerat; hæresim sciret, ac proinde Pontificio lapsus esset existimandus. Neq; nouum, aut insolens esse Pontifices Romanos solio dimoueri, Ioannē 22. & Gregoriū duodecimum nuper (vt antiqua taceantur) neq; vitio creatos, neq; alia hæresi infectos quàm quod Cōcilium sibi post haberēt, gradu motos, ac licet ipsorum consensu factum pleriq; tueantur, certum tamen esse neque sponte consensisse, & eum qualemcunq; cōsensum reuocasse, idq; alterius mortem, alterius longum carcerem monstrasse. Imò statuisse Patres Constantienses nihil morari eorum consensum, & inuitos, reclamantesq; compellere, itaq; Basileensibus præiuisse, vt quod nūc exemplis tuerētur, posteris exemplum traderent. His alijsq; machinis viri grauissimi iuxta, ac disertissimi Amedeum oppugnabant.

Sed nihil æquè cōmouebat, ac eorum autoritas quorum in Concilio præcipuas fuisse partes nouerat, magna enim omnem in partē exempli vis, at cum anceps animus opinione perplexa distrahitur, pietatis, integritatis, ac eruditionis, ea est efficacia, vt sapientissimus quisq; eos libèter accedat, quos his virtutibus valere fama celebrat. Aderant autem Basileæ viri, & vitæ sanctimonia, & doctrina sacra paucis illorum temporū comparandi, quorum sententijs velut certissimis oraculis nemo ferre erat, qui non spontaneus acquiesceret. Inter est Amedei nostri innocētis vt præcipua illius cōfessus capita noscantur. Princeps occurrit Ludouicus Alemanius tituli sanctæ Cæcilie Cardinalis,

LXXVI.
Electionem
legitima esse
suadebat
autoritas, &
sanctitas electorum.

Ludouicus
Alemanius
Cardina--

lis Arelatē-
sis vir fan-
ctus.

Natales
eius.

Studia.

nalis, Arelatēsis vulgo nuncupatus, quem tanto libentius probris eripid, quāto religiosius est cōsecratos, & diuis ascriptos pia oratione tueri: Tamen si enim in ijs, quæ aduersus Eugenium gessit errasse illum nunc in cōperto sit, zeli tamen quā offensiois plus in eius actionibus fuisse ausim affirmare, neque nouum est Epiphānios, Chrysostomis: Augustinos, Hieronymis; Imo Petris, Paulos resistere. Galli non renuentibus Italis tāti viri natales sibi vindicant, Constans tamen est apud Salutienses Subalpinos fama eum gentilem suum esse, ex oppido S. Michaelis ad Vallem Ma-
cram, in quo oppido vicus est, itemq; turris, quæ ab Alemannis nomen habet; Alemannorum autē nobilissimam familiam; de Germania, quam Ale-
maniam vocant (vnde & illis nomen hæsit) or-
tam esse prehibent, easq; partes insedisse Otho-
nibus in Italia latē dominantibus. Ludouico pa-
ter fuit Antonius nomine, cui frater Franciscus
apud Arelatenses diuersatus, vbi etiā nepos Lu-
douicus melioris literaturæ tyrociniū posuit: tan-
toq; deinceps studio libris incubuit, vt inter do-
ctissimos illius æui merito censeretur: quo factum
est, vt Amedeus Cardinalis Salutiensis eum in do-
mesticis habere voluerit, enituitq; inter paucos
Auenione, in Aula Pontificia, vbi Maclouien-
sis Antistes, dein Præsul Arelatēsis est factus. Pe-
trum Lunensem, vt fere Galli omnes principio
coluit, tergiuersantem deinde deseruit, Præcipua
apud Alexandrum, ac Ioānem gratia, tantiq; sub
Martino nominis, ob Bononiam conseruatam, &
Ecclesiæ

Ecclesiæ iura constantissimè defensa, vt non modo purpura illum honestarit, sed præcipuis quibusq; negotijs ministrium adhibuerit, tanta porro vitæ integritate, morum suauitate, doctrinæ opinione, abstinentiæ rigore, aduersorum tolerantia, ac mentis æquabilitate, vt illius solo nomine satis sibi tuti Basileenses viderentur. Quid illum Eugenio commiserit non inuenio, nisi quod vir Ecclesiasticæ disciplinæ tenacissimus ferre non poterat Eugenij indulgentia in suos solui eas leges, in quibus condendis Constantiensis Synodus tam impensè incubuisset. Cumq; Cardinales ex urbe profecti (verba sunt Pij 2.) Eugenio infensi vitæ eius, moresq; carperent, accederentq; in horas cæternatim Curiales noui, qui (vt est ois multitudo maledica, & inimica Principi) Eugenij nomen modis omnibus lacerarent, non credebat mentiri alios, qui nesciret ipse mentiri. Hæc veriora quàm quæ cæteri de Duce Mediolanensi finxerunt, in cuius gratiam Eugenio fuerit infestior: nam vel Aenea Syluio teste, nemo adeo in Arelatensem exarsit, vt Mediolanensis Orator qui nec probra abstinuit, mira Cardinalis firmitate frontis, quasi assiduus in se conuicijs depudere didicisset. Non repeto Elogia, quibus eū Archidiaconus ille Polonus (vri supra retulimus) ornabat: id affirmo tanto illum zelo diuini cultus flagrasse, tanta in proximos caritate, tantòq; in se odio incensum, vt multis miraculis post mortem editis testari voluerit Deus qualis eius vita fuisset, cui sic mori contigisset: autores eius rei habeo non vnos. Pius 2. in libro de Europa sic scribit.

Cur Eugenio infensus.

Pius 2. in Bulla retract.

Letas. de Concil. Basl.

Num. 51.

Miraculis clarus.

Syll. c. 42. lib.
de Europa.

Chron. lib. 19.

In fasciculo
temporum.

In Fel. 5.

Lib. 3. hystor.
Sab. c. 32.

In Amed. 8.

Histo. prou.
par. 6.

bit. In Arelate ad sepulcrum Ludonici Cardinalis S. Cæcilia eius urbis Episcopi, quem Basileæ in confessu Patrum præsentem vidimus, magna miraculorum opinio orta est, & inualidorum frequens undique concursus spe sanitatis factus. Pium ferè descripsit Philipp. Bergomensis in chronico. Lud. inquit, Arelatensis vir doctissimus, atque eloquentissimus, qui Basileensi Synodo ex consensu omnium Patrum præfuit, his temporibus cum multa edidisset opuscula, & quidem digna, non sine magna sanctitatis opinione decessit. Et eam ob rem ad eius sepulcrum magna miraculorum opinio orta est, & infirmorum magnus concursus. Accedit Vernerus illorum temporum æqualis. Ludovicus Alemanni inquit, Episcopus Arelatensis vir sanctæ vitæ, ac miræ patientiæ, singularisq; columna Concilij Basileensis, cui diu præfedit, multis corruscat miracolis. Totidem ferè verbis Philippus de Lignamine in chronologia sua quam Sixto 4. Pontifici Summo dicauit. Hinc factum est, vt Paradinus in chronico illum scientia incomparabilem, & miraculis editis celeberrimum vocet, cui consentiens Vandeburchius, miraculis mortuum inclaruisse commemorat. Facit cum istis Prouincialium Antiquitatum inuestigatur Nostradamus, Ludovicus inquit, Alemannus Cardinalis Arelatensis, Archipræsul vir sanctæ vitæ, & patientiæ inaudite: singularis columna Concilij Basileensis celeberrimi, cui diu præfedit, multorum, & grandium miraculorum fama illustris. Quæ verò fuerint ea miracula declarat eius Epitaphium Altæ combæ in Sabaudia apud Cistercienses Gallica lingua exaratum. Amabat siquidem vir sanctus locum illum velut

velut orationi (cuius erat studiosissimus) oportu-
nissimum, habetq; vetus traditio ibidem ex cor-
poris ergastulo euolasse (quod Arelatensis Eccle-
siæ dyptica 17. Septemb. anni 1450. contigisse
habēt) quamquam sacræ eius exuviæ magna ex
parte Arelatem deinceps translatae sunt, Cuius
pastorem suum ne mortuum quidem abesse ferē-
tibus. Sacellum tamen Altæ combæ illi extru-
ctum, nomen eius Beatis insertum; Inuocato eius
Patrocinio vt cōfessoris Pontificis, numini in Mis-
sa litatum est in hæc verba, *Sacerdos, & Pontifex, &
virtutum opifex Cardinalis gloriose, Pastor bone in po-
pulo in patria Prouinciæ: qui placuisti Deo vivens Reli-
giosè, intercede pro nobis in cælis victoriam, ad Dominum
Deum cantans melodiosè Alleluia.*

In Missæ sa-
crificio in-
uocatur.

*Ora pro nobis S. Ludouice Cardinalis, vt per te eruamur ab
vniuersis malis.*

Oremus.

Dens qui meritis, & intercessionibus Beati Ludouici
Alemandi confessoris tui, atq; Urbis Arelatensis
Episcopi, & S. Cæcilie presbyteri Cardinalis dignaris
mortuos suscitare, cæcos illuminare, claudis gressum, &
surdis auditum restituere, concede propitius, vt omnes, qui
eius implorant auxilium petitionis sue salutarem conse-
quantur effectum. Per Dominum, &c.

Hoc autore, & hortatore præcipuo Amedeus ad re-
gimen Ecclesiæ capeßendum ferebatur, hunc ha-
bebat, & dignitatis auspicem, & si renuere perge-
ret, diuinæ iræ denunciatores accerimus; quid

igitur

igitur mirum si Eugenium iure depositum, sequeretur electum tandem persuaderi sibi passus est?

Secundum Arelatensem proximi autoritate fuere Triumviri, quibus Electorum nominandorum ius Basileenses permiserant, eos Ciaconus insignis è Dominicana familia scriptor, viros graves, prudentes, eximiaque probitatis agnoscit. Erant autem isti Thomas Abbas de Dunduno ordinis Cisterciensis, Diocesis Candidæ casæ, Thomas de Corcellis Canonicus Ambianensis, & Ioannes de Segouia Archidiaconus de Villa Vissosa in Ecclesia Metensi, cuius, ut de cæteris taceam, tanta erat autoritas, ut etiam æmuli eius virtutem hominis summamque bonitatem, vel inuiti reuererentur, inquit Syluius. Qui ne partibus id elogium dedisse videatur, longo post tempore fato funestum his laudibus prosequutus est. Ioannes Segobienensis homo Hispanus, moribus, & doctrina illustris, qui cum summos Theologiæ Præceptores doctrina æquaret ab Amedeo dum se Papam dixit Cardinalatus eminentiam accepit, cui sub Nicolao Quinto renuntiavit, imo, & Pontificatum Cæsariensem exiit, ut se in paruum abderet Monasterium, in quo magnam (ait Philippus Bergomensis) sanctitatis vitam exegit. Nec deerant è Religiosis ordinibus viri doctrina, & probitate clarissimi, quos Amedeus conscientia suæ sponsores haberet: Aneas sanè commemorat Nicolai cuiusdam Burgundionis ex ordine Prædicatorum opera maxime, & solertia factum esse, ut Eugenius hereticus haberetur, quem alibi virum ingenio, & sollicitudine admodum præstantem appellat, & cum in eo res esset, ut de summa

con-

LXXVII.
Triumviro-
rum sanctimo-
nia, & maxi-
mè Ioannis
Segouienfis.
Ciacon. in Fe-
lice.

Lib. 1. de Cœ.
Basil.

Cap. 42. lib. de
Europæ.

In Chron. An.
1449.

Dominicani
& Franciscani
electione
Amedei pro-
bant.
Lib. 1. de Cœ.
Lajil.

concluderetur *Franciscus de Fuxe*, & *Andreas Hispanus* professione *Minores*, gradu *Theologi*, auribus *Arrelatensis* imminerebant: neque tacendus hoc loco *Christianissimi Regis* orator *Amedeus Talaruenfis* *Archipræsul Lugdunensis*, vir (vt in historia sua *Paradinus* aduertit) *Religiosissimus*, *Sæctissimus*, *Doctissimus*, optimiq; *Antistitis emēdatissimum exemplar*, qui nihil carni, & sanguini, nihil potentie, aut gratie daret: cuius in hac cōtrouerfia quis esset sensus, aperit *Aneas* his verbis. *Rogatusq; sententiam Lugdunensis Archiepiscopus* *Orator Regius*, vir inter omnes, & probitate vite, & scientie copia *eminentissimus*, post quā *hereticum esse Eugenium* pluribus rationibus comprobauit, amare conquestus est, illorum ignauiam plurimum deiecit, qui talem hominem *Romano Pontificio* praeficissent, omnesque *astantium animos commouit*, vt secum calamitates *Ecclesie* deplorarent.

Idē lib. 2. de Conc.

Archiepiscopus Lugdunensis magnę integritatis vir, eandem laudat. *Iustor. Lugd. lib. 2. c. 97.*

Idē. 1. de Conc. Basil.

Ita zelus sua debeat, sed q non secundu scientiā esset

Haud scio tamen an maior ab vilo quā à *Nicolao Panormitanorum Præsule*, & *Ludouico Romano* *Iurisconsultis* ea tempestate longē doctissimis auctoritas *Concilio* accederet, quæ *Amedeum* ad eiusdem *Concilij* partes traheret. Certē *Pius II.* non alio firmiore clypeo *Innocentiam* suam tege re se posse credidit, quā si tantos obtenderet viros, quibus non acquiescere quasi nefas videbatur. *Adiuerunt*, inquit per id temporis duo viri ex *Italia* *Basileense Concilio*, *Nicolaus Panormitanus* *Archiepiscopus*, & *Ludouicus Pontanus* *Apostolicæ Sedis* *Notarius* *Alphonfi* magni *Regis* *Oratores*, qui velut duo orbis sidera, seu *Pontificij* iuris, & totius *Ciuiilis sapientie* duo præcipua lumina, & clarissima censebantur.

LXXVIII. *Panormitanus* *Antistes* & *Ludouic⁹ Roman⁹* *Basil. Conciliū* probant.

Pius 2. in Bul la retractat.

Hi dictis, scriptisque Concilij gesta probabant, Eugenij facta damnabant, atque ita damnabant, ut nemo (verba sunt eiusdem) Eugenij errata magis quam Panormitanus publicaret, cuius maximè opera, & suasu & decretum Monitorium aduersus eum fuisset, & suspensio admissa. Nec minus studiosè Ludouicus, què iterum his laudibus Syluius extollit, vir totius humani generis gnarus, cuius tanta memoria fuit, ut nulli veterum cedere putaretur, siue Simonidem, siue Theodetem, siue illum, qui à Pyrrho missus ad Senatum venit Cyneam, siue Carneadem, Scriphium, Metrodoriū, Hortensium, siue qui horum ultimus fuit Lucium Senecam de diuinate memoria commendamus. Erat enim memor omnium, quæ ipse inquam, aut legisset, aut audisset, nec oblitus eorum erat aliquid, quæ ipse vidisset. Nec ut ceteri iurisperiti principia legum in disputando allegabat, sed quæsi codicem legeret, sic textum memoriter referebat. Vir non Romæ tantum, sed cælo dignus. Et cui nemini mortalium comparandus videretur, non admirationi, sed stupori fuerat omnibus populis se, ut æquum videbatur, ætatis tempora duplicasset. Sed inuidit fortuna Italiæ, nec tantum scientiarum lumen crescere passa est: immisit pestiferum morbum, virumque vix trigesimum egressum ætatis annum abstulit. Hic igitur tantus vir nō modo tres articulos quibus Concilij supra Pontificè autoritas stabilitur sua sententia confirmabat, sed etiam à Cōcilio missus Orator in Germaniam, eos doctissimis quibusque suavit. Nec nos fugit (aiebat Amedeus Lugdunē. Antistes Christianissimi Regis Orator) Ludouicum Protonotarium has veritates Louanij, & Colonia prædicasse, easque illinc vniuersalis studij

Lud. Romani
elogiū ex lib.
Patri Coccaij.

Sylu. lib. 1. de
Conc. Basil.

Louanienses,
& Colonien.
Cōcil. aduer-
sus Eugeniū
subscribunt.

dij auctoritate firmatas reportasse . Nec verbis modo, sed scriptis etiam Concilium propugnasse suadet illa eiusdem Syluij verba, cum obitum eius, & Patriarchæ Aquileiensis deplorat . Iamque duas Concilij columnas prostratas esse dicebant, Protonotarium, & Patriarcham, quoniam iure alter, facto alter veritatem synodi defendissent . Imo vero usque adeo se Ludouicus Concilij propugnatorem gerebat, vt Eugenij iussu paratæ sint illi insidiæ, in quas cum incidisset longo carcere marceratus est .

Lib. 1. de Cœc.

Idem .

Neque tamen diffitebor tum Panormitanum tum Ludouicum vacillasse, & visos in gratiam cum Eugenio redire ; nam cum venisset in spem Alphonsus Aragonius (cuius Oratores erant) fore vt Eugenius deserto Renato Andegauensi ad se transfret, Regnumq; Neapolitanum fiduciario iure sibi permitteret, suis Oratoribus seuerè mādauit Eugenij partes, quam possent acerrimè propugnarent; sed turpius erat quàm tantos viros deceret tam facile sententiam mutare : ne tamen non obsequi viderentur, articulos illos quorum causa tota proruperat controuersia, veros, & iustos confirmabant, quod tamen inde necessariò conficiebatur, Eugenium abdicari meruisse, concedere detrectabant . Quàmquam ita molliter Ludouicus, *vt satis appareret, obseruante Syluijo, nihil magis cum cupere, quàm quod peteret non impetrare :* Et sanè nisi ita res se habuisset, nequaquam eo è viujs erepto altera Cœcilij columna (sicut supra dictum est) corruisse fuisset credita : Animosior in speciem Panormitanus, vt ex crebris eius apud Æneâ disputatio .

LXXIX.
Panormitanus, et Ludouicus vacillant, sed non sponte.

Lib. 1. de Cœc. Basil.

tationibus videre est. Caterum neque de Concilij autoritate dubitare se profitebatur, neque id agebat, vt decreta eius antiquarentur, sed vt Eugenio tempus prorogaretur, idque etiam adeo inuitus vrgebat, vt Syluius affirmet *sola necessitate compulsum, vt Principi suo obediret ea molitum, Vbi tamen* (Syluius loquitur) *veritas esset non ignorabat, nec libenter ei resistebat, sapiusq; ego illum in sua bibliotheca de suo Principe vidi conquestum, qui aliorum monita sequeretur.* Hinc facile iniuriarum rei tenentur, qui Panormitanum ambitus postularunt, vt qui se totū ad Amedei gratiam finxisset, Purpuræ consequendæ studio; quique asseuerarunt ipsum Amedeo cedere meditati pertinaciter oblectatum, ne dignitatis iacturam faceret, qua etiam priuatum illum contendunt, tam vanè, vt compertum sit quatuor ante annis, quàm Felici cum Nicolao V. conueneret, migrasse Panormitanum, tantumq; ab Amedeo demerendo abfuisse, vt nullus in Cōcilio Eugenij abrogationem diutius distulerit. In quo sanè Amedei modestia singularis extitit, qui noluit, vt Panormitani virtuti, & meritis legati persona officeret, quam inuitus sustinisset, maximè cum alioqui Cōcilij doctrinam semper esset amplexus. Satis igit quis esset animi sui sensus Panormitanus aperuit cum Amedeo electo continuo adhaesit; hactenus enim dum restitit, legatus videri; deinceps Panormitanus esse amauit. Cum igitur Oratores, qui Amedeū adierant ingentia hæc Panormitanorum, & Romanorum nomina extollerent, premerentq; optimum Principem, ut famam suā illorum

Lib. 1. de Cōc.
Basil.

Paradistit.
Viderbit. b.
Amed. 8.

Panormita-
nus ab Amedeo
Carolo
in dñm.

illorum suffragijs permetteret, quem amabo non expugnassent? maximè cum non iam singulos, sed totas cateruatim Academias obtenderent, quæ vno ore Concilio contra Eugenium subscriberet, ita enim Ludouicus Romanus è Colonienfi, & Louanienfi, & è Parisienfi Nicolaus Amici luculentis autoritatibus afferebant.

Ac ne quid omnino deesset, busta quoque sollicitabant; vt formidine diuini iudicij cogerent, quem humanis rationibus non vincerent narrabât enim Episcopos Ebronensem, & Lubecensem, ac Abbatem Vrgeliaensem cum ad suos redirent morbo percussos non satis sibi consultum putasse, nisi publicè Eugenio renuntiassent: *Nam ubi adeste migrationis horam sensere (loquor cum Aenea) compluribus ad se viris grauibz accersuis, corâ ipsi Christi corpore, quem statim sumpturi, & ante cuius tribunal intra paucas horas comparituri erant, vos omnes, qui adestis, dixerunt, orate Deum, vt illos conuertat, qui Gabrielem pro Summo Pontifice recognoscunt, quia in eo statu saluari non possunt, sè in fide Basileensis Concilij morituros professi, absque vlla trepidatione dormientibus similes ad dominum migrauerunt.*

Hæc verbis ad terrorem compositis viri disertissimi auribus Amedei intonabant, vrgebantque vehementer, multa cumulantes argumenta, quibus diuinam in eius electione prouidentiam elucere cõfirmarent. Et quæ enim ynquam, aiebant, purpuratorum Patrum comitia, vel seueriore disciplina, vel maiore pietate, vel libertate securiore celebrata? quâ cõcordibus Patrû suffragijs (licet aliquos

in eo

celeberrime
vniuersitates
stant à Basileensibus.

LXXX.
Antistites
magni in extremis positi Sacramenti religione adhibita Eugeniũ respuit.

Lib. 2. de Cõ.
Basil.

LXXXI.
Conatia in
quâ beatus
Amede magna sanctitatis specie celebrata.

in eodē cœtu haberet Amedeus infēlissimos) cooptatus? quanto omniū ordinū plausu renuntiatus esset? nec defuisse euidētissima diuinæ mētis signa, quando eo potissimum t̃pis articulo conuenissent Patres, quo sanctorū Reliquiæ toto conclauī circumfusæ, vna cū totius populi votis numen propitiarent. Addebant satis constare Patres eū elegisse quem sanctissimum putarent, quando Ioannem Engolismensem miræ sanctimonix virum prius optassent, ac deinde Frānciscum de Maresme Carthusiensem Generalē Religiosissimum.

V. sup. num.

*3.
Petraus in
Elucid. Cbr̃.
Cartib.*

LXXXII
Amedeus à
temeritate,
non ab erro
re absolu
tus.

Tot argumētis victus Amedeus nisi Pontificiā Pro-
uinciam ab omni temeritatis labe nitidissimus ad-
dijisse credatur, nullus sanè conscientijs nostris
securitatis locus superesse videbitur: quis enim
vel plura vnquam humanæ sapientiæ præsidia ad-
hibuit, vel sponsoribus vsus est locupletioribus
quàm Amedeus noster? Quid igitur? Aliæ sunt
diuinæ, aliæ humanæ sapientiæ leges, ludit illa in
orbe terrarum, & illudit vel oculatissimis, ne plus
æquo sibi placeant, tuncq; se maximè cæcutire
intelligant, cum lynceos habere oculos opinan-
tur: verum vt hoc agnoscere demissi animi est, ita
errare hominis, sed neque hic error innocentiam
exuit, neque hominem reum facit, imo (quæ di-
uinæ sapientiæ laus est, vel maxima) felicius sæpe
errant, qui se ad eorum, qui vulgò sapientes ha-
bentur nutum totos fingunt, quàm qui præfide-
ti audacia nullum in consiliorum suorum cōscien-
tiam admittunt. Ego sanè cum Petro Lucembur-
gico, Vincentio Ferrerio, alijsque bene multis

errare

errare malim prudentium monitis acquiescens, quàm cum plerisq; casu potius quàm consilio bene sentire. Dabo igitur Amedeo, quod sanctissimis viris contigisse, vt innoxio errore hominẽ se esse testatus sit, at temere fecisse, vel culpã cõtraxisse aliquam, tam iure inficiabor, quàm id iniuria proterui homines calumniandi libidine cõmenti sunt. Quanquam autem Amedeus ab omni iniuria tutus proiecti in mare scopuli instar affilientes cõuitiorum fluctus ita semper fregerit, vt nulla sæuitiæ vestigia tot sæculis verberatus ostendat, facere tamen hoc loco nõ possum, quin strepentes circa illum oblatrãtis inuidiæ hirritus cõpescam.

Amedeum
nonnulli fru-
stra calum-
niantur.

Princeps infremit Blodus, cuius nomine audito statim intelligunt omnes Blandum Mercenarium, tam seruiliter quibusdam assentantem quàm maleuolè alios mordentem: Erat is Eugenio ab epistolis, eoq; procacius in Felicem lasciuiebat, specie fidei in Patronum, re vt in intima eius irreperet. Ignoscerem nihilominus intemperanti calamo, si dum seruebant partium odia, vti facetiarum scriptor Pogius, furori indulisset: At cum longo post tempore historiam scribebat, cur in eius innocentem memoriam crudeliter læuiebat quem Christianus orbis vniuersus longè magis Pontificatu sponte cedentem, quàm si vel iure retinisset suspiciebat? meminisset saltem, si quid saperet, decreti Põtificij à Nicolao editi quo suas, aliorumq; epistolas, & quæcunque calente ira in Amedeum scripta erant induci, & penitus abole-

LXXXIII.
Blodus Ca-
lumniatorũ
Princeps
Decad. 3. lib.
10. & De-
cad. 4. lib. 1.

B'odus de-
cretis Pon-
tificijs aduer-
satur.

ri iubebantur . Et quidē hoc ſcripto ſatis abundē Amedeo cautum videbatur , cum Blondi , aliorūq; maledicta de ſcelere nata , non niſi ſcelere cōſeruentur , ſitq; pro impenetrabili clypeo aduerſus omnia frementiū conuicia , ſpōgia ipſo à Pontifice Summo illis decreta .

Quod quam ſanctē præſcriptum fuerit promptum erit , vel ex ipſis criminationibus intelligere quas ad examen vocare non pigebit : has autē ex vnus Blondi officina depromam , tum quod eius opilio Pogius fabulis , anilibuſq; deliramentis ſcribendis otium conſumpſiſſe paſſim cenſeatur , tum qđ quæ maximē virulenta apud alios ſparſim extāt , ea Blondus in vnum coacta quaſi validiore conatu expreſſurus in Hiftoriam ſuam coniecit . Huius igitur machinis diſturbatis , occæcatuſq; tormentis , quidquid eſt apud alios , conſoſſum conſectumq; putandum eſt , ſic igitur Blondus .

LXXXIV.

Blondi primus impetitus.

Cum Albertus Auster Caſar declaratus arcendis à Pannonia finibus Turcis intentus , diem obiffet , congregata apud Baſileam factio Conciliaris , illius liberata metu , in facinus quod tā perditū , ſamq; afflictiū diu concupierat prorupit , Amedeo Sabaudie Duco in Romanum Pontificem declarato , cuius electionis modum paucis abſoluemus .

Albertum Imp. Baſileenſib. inſenſum calumniatur.

Quid ais Blonde ? Baſileenſes mortuo Alberto metu liberatos ad Amedei electionem ſe accinxiffē ? At quomodo ſibi ab Alberto metuerent , quem Concilij defenſorem habebant , à quo Baronem magnanimum , & apprimē inſignem Conradum Uinſpergenſem Proteſtorem acceperant ? Qua ex re (Syluius loquitur)

loquitur) *ut alienatum ab Eugenio aduersarij, sic Patres sacri Concilij optimam erga se fore mentem Caesaris cognouerunt: quia nec protectorem misisset, nisi legitimū Concilium reputasset, nec rursus Concilium in Basilea esse putauisset, si Eugenio fidem habuisset.* Neq; verò Protectorem tantum, sed Oratores etiam in Concilio perpetuos habuit Episcopum Lubecensem, ac Georgiū tam literata, quàm armata, ut ait Syluius, insignem militia. In Cōcilio vero Florentino Burgundionis Ducis Oratores subscripsisse lego, Cæsareos non lego, ut vel hinc palàm sit à Basileensibus stetitisse Albertum, Sigismūdi decessoris sui vestigijs insistentem. Sed vnde Basileensibus ex Alberti morte animus meditata perficiendi? Eugenium iampridem gradu mōuerant, principio Octobris de electoribus deligendis deliberarant, Triumuiris in eam rem tertio id. Octob. deputatis, qui 4. Kal. Nouembr. ad Patres de suis suffragijs retulerunt, postridie, tertio Kal. itum est in conclaue, ac post septem dies nonis scilicet Nouembr. renuntiatus Pontifex Amedeus. Quid interim Albertus? *Hic cum intellexisset, (vtor verbis Philippi Bergomensis) Turcos Smederoniam Raxie Urbem obsidere, ad eam liberandam multo cum exercitu eò processit. Verum morbo dissenterie in via cōtracto, infecto negotio Viennam repetere statuit, sed in itinere eo morbo affectus, relicta uxore pregnante, confecto testamento in villa quæ longa dicitur 6. Kal. Nouēb. vita decessit.* Biduo igitur antequam Patres conclaue ingrederentur vixerat Albertus: vin igitur Blonde tanta pernecitate nuntios è Pānoniā Basi-

Basileensi-
bus impo-
nit.

In chron.
an. 1449.

Médacij te-
netur.

leam aduolasse, ut Patres de Cæsaris interitu certiores facerent? Ne si testinantis quidem calami tui pennas addidisses, tantum itineris ementi essent. Præproperus es fraudum Blonde, dumq; maturè ringeris, canem te prodīs festinantem, quæ cæcos parit catulos. Sed perge.

LXXXV.
Atrox Blô-
di calūmnia
qua Ame-
deū ad strig-
es ablegat.

Is etenim (Amedeus) quem ante proximum decennium multis narraſſe nouimus prædictum ſibi à Phitonibus futurum ut Pontificatu Romano decoraretur, Ducatus, Dominiq; quod poſſideret ingentis curam natis ſpecie reliquit, Anachorita Vita ſolo habitu inſtituta, eſſe remoto ab urbibus dico, cum paucis nobilibus ſimili opertis pallio deguit, omnia ut erat ſolitus Ducis, atque Domini Prouinciæ munera exercebat.

E fabulis ſi-
dem querit.

Solemne eſt fabulas texentibus Deum ſemper aliquem è machina deuocare, qui impeditos caſus, & perplexas ambages explicet, neque enim ſpectatorum oculos tenerent niſi incredibilia, & in miraculum corrupta proponerēt. Sentiebat Blô-
di frigida fore in vulgus commēta ſua, niſi prodigio aliquod inclarēſcerēt. Tireſiam ergo in ſcenam dedit qui præſtigijſ ſuis nec opinantes ſcinnaret, dum Amedeo tâto ante ſacras infulas ariolatur. At enim Blôde quem nobis mirabiliſ iſtorum autorem laudas? *Nouimus*, inquis, nimirum te in Arcanorum ſuorum conſcientiam Amedeus adhibebat, ut hæc nobis ſecreta referares? A-
deone, verēcundiam omnem proſtituiſti, ut Religioſiſſimum, ſapiētiſſimumq; Principem ſtrigibus implicares, itaq; dementatum effingeres, ut demonum artibus gloriaretur? Dolebat tibi ere-

bris

bris toto orbe sermonibus Amedei sanctimoniâ celebrari, altamq; animi demissionem extolli, quę ipsum in solitudinem abdidisset; corrumpendâ illustri mendacio tantę virtutis fama tibi videbatur, nec difficile populo imponitur, qui vt plurimum, & in Dominantes iniquus est, & eorū Cōcilia ex euentis iudicat, falsisq; in eos auditionibus statim accedit. Amedeum igitur callidus impostor ad Pytones ablegat, infelices Genios sacre illius militię auspices facit, quę à Diuo Mauritio nomen habet, Gausape Ducem velut larua induit, qua hypocrisim suam tegat, socios illi tamquam voluptatum emissarios adiūgit, totam denique ambitionis fabulam ita exornat, vt omnia inter se apta satis nexa quę videantur, & inualuit apud plerosque commentum Gobelino referente, incertq; autore vulgatum. *Obierat* (inquit) *uxor Amedei quę vnica eius fuerat: Ariges, vt aiunt, futura vanē predicentes Amedeum adiere, ei quę summum Pontificatum obuenturum prędixerunt, quod in Concilio deponendus esset Eugenius, & ipse instituendus Amedeus siue hac spe ductus, siue suo pte ingenio repleto quidem charitate, & religione &c. Modestē sanē, vt qui antea & Principis optimi vitę longē quā in certis rumoribus tribuendum censeret; quapropter rectē paulō infra, calumniatoribus dumtaxat suspectam fuisse mutationem adiungit, dicētibz Amedeum scilicet sperare Papatum, atq; idcirco heremitam factum. Verum facile est ex ijs quę supra narrauius sincerum Amedei propositum agnoscere, quod tanto ante animo pręceperat, tantaq; reli-*

Lib. 7. comment. Pg. 2.

Num. 10. & scqq.

gione perfecerat, publicæ rei, & tranquillitati sue in cōmune cōsulturus: Id tota eius vita innocen-
tissimè acta id religiosorum hominū amor, diui-
narum rerum studium, Monasteria constructa, &
tota Ripalliēsis secessus moles proclamabat, fru-
stra tanto molimine excitata, si occultæ machi-
nationi tantum obtendebatur. Denique spontè
laxatur hæc machina hiātibus fraudum cōmissu-
ris: aiunt enim striges ei Pontificatum denun-
tiasse, quod in Concilio deponendus esset Eugē-
nius. At quomodo *ante decennium* id nariare po-
terat Amedeus, vt sibi compertum affirmat Blon-
dus, cum neque Concilium, tunc vllum Basileæ
esset. Nec Eugēnius in Pontificem electus? Et si
iam ab initio Concilij venerat in illam mentem
Amedeus, cur adeo sollicitè Eugēnij partes fo-
uebat, vt non alio defensorem magis Eugēnius ipse
glorietur? cur in Patribus cum eo conciliandis
adeo studiosè per Oratores suos incumberebat?
cur potius quem ruentem videbat, non propel-
lebat? cur heremum tunc non cogitabat cum Im-
peratorem, Regesque omnes, cum è Purpuratis
Patribus doctissimos quosque, ac Religiosissimos Cō-
cilium celebrantes, Eugēnium dampnantes vide-
bat? At ille non nisi integra pace se abdidit, exeū-
te scilicet anno sæculi eius trigesimo quarto, cum
nonis Februarij eiusdem anni Basileenses in gra-
tiam cum Pontifice rediissent, vt vel hinc nemini
latere possit quàm in Amedeum alia omnia cogi-
tantem adsit iniquus, qui simulatione pietatis in
supremam dignitatem grassatum esse ex falsis
auditio-

Contradi-
ctio euidens
in hac calū-
nia.

↑ Amedeus
sine anni tri-
gesimi noni
est electus.

Martinus
principio tri-
gesimi primi
vixit. Eugē-
nius ei succē-
dit Concili-
um Basileę
aperuit. 19.
Iulij eiusdē
annis.

Observatio
peruicacia.

auditionibus criminatur. Et vero cur Iacobum Borboniũ Hungariæ, & Siciliæ Regẽ paucis ab Amedeo mēſibus Franciſcanis Patribus poſt oĩum fortunarum ſuarum euerſionem additũ, captandi pariter Pontificatus gratia Religioſam induiſſe vitam ſimiliter conſingere non licuiſſet?

Sed ne deinceps blandiatur ſibi Blondus dabo illi pro incertis rumoribus quos adducit teſtes locupletiffimos, qui Amedeum ab omni ſimulatione abſoluant, nec niſi ſanctimoniam in eius ſeceſſu agnoſcant. Princeps erit Pius 2. non ille quidẽ adhuc Concilij fautor, ſed Amedeo ẽ viuis erepto factionis expertus. *Cum Amedeus* (inquit) *admirandus adaucto paterno imperio, parta undique pace formidandus, cumulatſis opibus ſapientia plenus, vicinis populis, ac Principibus videretur, relictis Principum, & gloriæ faſtibus in heremum ſe recepit. Cardinalis S. Crucis apud Gobelinũ, non ſatis admirari, aut collaudare Principis conuerſionẽ poterat. Idẽq; Gobelinus, ſeu veriũs Pius 2. Amedeum ſuo pte ingenio. repleto quidem charitate, & religione, relicto Ducali faſtigio, & omni ſeculi Pompa procul eiecta, gubernatione ſubditorum primogenito commiſſa ad heremum conceſſiſſe prædicat. Vernerus Amedeo Coetaneus, & illum, vt opinor ſublegens Philipippus de Lignamine Felix (aiunt) fuit Dux Sabaudie Princeps deuotus, ac ſenex. Ioannes Sabellicus, etſi poſtea mutationem imputat, in ſolitudinis tamen capeſſendæ propoſito nihil niſi ſanctũ agnoſcit, dixerat, is ait, annos circiter quadraginta in florentiſſimo Principatu. Subijt inde tedium rerũ humanarũ, in-*

ſtutinq;

Chiff. 2. par. V. ſont.

LXXXVI.
Scriptores
Amedeo æ-
tate ſup-
pares
ab omni am-
bitu eũ ab-
ſolunt.

*Lib. de Euro-
pa. cap. 42.*

*Lib. 7. com-
ment. Py. 2.*

*In faſciculo
4. em.*

In chron.

*Ernead. 10.
lib. 3.*

Lib. de scibis-
mat. cap. 14.

Errat in nu-
mero socio-
rum.

In chron. an.
1438.

Lib. 2. Gener.
48.

Lib. 3. Geo-
graf.

Lib. 2. Geo-
graf.

Lib. 28. cbron.
German.

stituitq; heremiticam vitam. Sūpsit, & pallium here-
miticum per quæ magnum erat nomen sanctitatis a-
deptus. Marius Belga Ludouici 12. Historicus, A-
matus (sic Amedeu vocat) in heremo degens per ali-
quod tempus vna cum decem nobilibus etate prouectis
vitam solitariam vixit, prominentem barbam alens, ve-
stimentum vile indutus, ac clauam nodosam manu ge-
rens, &c. cum autem sanctitatis, ac innocentie opinione
celebris esset, à Concilio Basileensi Pontifex est electus.
Philippus Bergomēsis illi etati suppar. Vir cetero (A-
medeus) omnium virtutū claritate adornatus, quas ob
res Imperium suum ultra citraq; montes mirum in mo-
dum auxit. Qui cum guberuacula sue gentis xl. an-
nis tenuisset, pacem undiq; pace, multis cumulatam diui-
tijs, relictis Principatus sui glorie fascibus, Ludouico uni-
genito (primogenitum dicere voluit) Imperio tradi-
to in heremum se tradidit, atque recepit, vbi aliquandiu
cum sancte vixisset, tandem Summi Pontificatus hono-
rem accepit. Nāclerus, vixerat is (Amedeus) an-
nos circiter 40. in florentissimo Principatu, subiit deinde
rerum humanarum tedium, instituitq; heremiticam vi-
tam. Raphael Volateranus, Sabaudie Duces è Sa-
xonū Ducibus, ac stirpe Augusta originem ducunt annos
prope cccc. Inter quos Amedeus ab Imperatore Friderico
(Sigismundū voluit dicere) Dux primus fuit appella-
tus, qui defuncta vxore, relictāq; Regni cura Ludouice
filio cum paucis suorū secessit in agrum Gebēnensem, stu-
dio rerum diuinarū propellacum Lemani Cœnobio cōstru-
cto. eadē totidē verbis repetit Mūlterus quāquam
Catholicis Principibus parum æquus Mutius, &
ipse Sectarius, Ducatus administratione relictā, vi-
tam,

tam spirituales contemplatiuam amplexus erat, vestitus, & tota victus ratione religiosam ducebat vitam. Iacobus Spiegel doctus Austriados à Bartholino cōscriptæ interpres. Gebennensem agrum Patrum nostrorum memoria nobilitauit secessus Amedei primi Sabaudie Ducis, qui deinde ob abstinentiæ, clariq; nominis famam, inuitus in Concilio Basileensi Pontifex factus est. Nec modo vicinos sanctimonix Amedei fama, sed totam latè Europam peruasera, Græcum autorem Laonicum Chalcondilam testem habeo: Ea tempestate, inquit, Germani Basileæ erant congregati dissidentes sententijs contra Eugenium Pontificem, quem reprobantes crearunt Pontificem nomine Felicem virum inter ipsos in primis spectatæ probitatis. Merito igitur Paradinus in chronico asserit, Basileenses ideo Amedeum delegisse quod Religiosissimum, sanctissimumq; Principem esse noscent, nec dissimilia ante eum Champerius, Nota erat, inquit, Patribus pietas singularis, & sanctitas Amedei, ideo quæ illum Pontificem crearunt, ut Ecclesiæ laboranti succurreret. In eundem sensum recentiores. Vanderburchius, Eugenio Pontificatu priuato Amedeum sanctitatis, pietatis quæ apud omnis ordinis homines opinione clarum in eius locum substituunt. Facit cum istis Ioānes Mariana Amedeus abdicato Principatu, ac aule cultu relicto in heremum abiit purioris vite studio incensus, sex senioribus ex suorum nobilitate Comitibus. Huc pertinent illa Petri Mathæi verba. Amauerat hunc secessum Amedeus, ut Mundo illuderet: ut ipsi illuderet mundus illum inde abducit. Et multo illultriora Ioannis Baptistæ Pignæ, Ripallie Amedeus ma-

In commentar. ad lib. 9. Austria.

Lib. 6. rerum Turcicæ

Lib. 3. Histor. Sabæ. 32.

Champer. in Amed. 8.

In Amed. 8.

Histor. Hist. lib. 11.

In necessitatibus Franci Sabaudie.

Lib. 7. Histor. Eflens.

*lib. 3. de Pō-
tis. & Carā.
creatione.*

gna demissione agebat, & procul à seculi curis, vni-
spiritalibus attendebat. Neque omittendus Onufrius.
Amedeus Ducatu relicto, Christi amore succensus soli-
tariam vitam elegerat. Hic cælibe ac religiosè viuens à
Patribus Concilij Basileensis ob multa crimina Pontifica-
tu Romano abrogato Eugenio Quarto in eius locum Ponti-
fex M. est factus, & paulo infra, Amedeus in solitudi-
ne Ripariæ Gebennensis Diæcesis vitam Angelicam agēs
in Pontificem R. electus est.

LXXXVII.
Quid natio-
nes oēs de
heremirica
Amedei vi-
ta senserint.

Hæc sunt quæ de Amedeo norunt Itali, Galli, Bel-
gæ, Germani, Heluetij, Hispani, Burgundi, Græ-
ci, (nostros enim hoc est Sabaudos nequis calum-
niatur missos feci) hæc inquam de Amedeo no-
runt nequaquam suspectæ factionis viri, secessisse
videlicet illum vt Principum, & gloriæ fastus re-
linqueret, vt se ad Deum conuerteret, vt in here-
mo sanctè viueret, vt rerum diuinarum studio se
traderet, vt vitam spirituales contemplatiuam
amplecteretur, vt uestitu, & tota victus ratione
religiosam duceret vitam: idq; Christi amore suc-
censum, charitate, & Religione motum, actædio
rerum humanarum, & purioris vitæ studio, vnde
merito apud oēs audiret Princeps deuotus, spe-
ctatæ probitatis, sanctitatis, & innocentiae opinio-
ne celebris omnium virtutum claritate adornā-
tus, abstinentiæ fama clarus, Angelicam vitam
agens. vnde igitur habet Blondus, vnde nouit de-
monis artibus ambitiosè factum esse, quod totus
orbis sanctissime, Religiosissimeq; factum testa-
tur, & suspicit: sed illum portò audiamus.

LXXXVIII.
Blondus A-
medei gesta
in Concilio
criminatur.

Concilio autem Basileensi interea quandiu Romani Ponti-
ficis

ficis Eugenij consensu celebratum fuit, paucos præstitit fauores, sed postquam Pontificem, & orbis Christiani Principes illud tanquam perniciosum detestari vidit, omnes eo augendo, manuque tenendo adhibuit vires, adeo ut quibus temporibus proximo superiore exacto biennio suspensionis ab administratione primum, deinde priuationis machinationes in Pontificem sunt intentatæ, impulsæ à Duce Sabaudia Clerici aliorum qui apud Basileam interfuerunt impietati, numerum æquauerint.

Quam omnia ad inuidiam, ad fraudem, ad calumniam ornata? Sed illud primum à te quaero Blôde quâdiu de Pontificis consensu celebratum, hoc est, quandiu legitimam fuerit Concilium? an vsque ad proximum ante Eugenij abdicationem biennium ut innuere videris? cur igitur decreta respuuntur, quæ per plures in ante annos in eo edita leguntur? quâdo igitur deesse illi auctoritas cepit? an cum illi tres articuli promulgati sunt, qui Pontificiæ auctoritati detrahunt? At statim ab exordio Concilij sunt promulgati, nunquam igitur legitimo Concilio fuit Amedeus. An cum Eugenius suos legatos reuocauit? At reuocationem hanc damnauit Eugenius, & irritam esse iussit: sed quando Amedeo fauere cœpisti, cum eius beneficia cômementas; dicam abo Blonde, quæ sint hi fauores vel pauci quos legitimo Concilio præstitit? ego enim multa, eaquæ valde illustra Amedei in Eugenium beneficia lego, in Conciliū verò nō lego. Audio sanè Eugenium Amedeo gratias habentem, quod intentus ac feruens esset ad defensionem, & conseruationem honoris ipsius, ac dignitatis, & auctoritatis

Blondas se
ipse impe-
dit.

Seff. 2.

Disimulat
egregia A-
medei in Eu-
genium be-
neficia.

et sup. nuy.

¶ num. 8.

Apostolicæ sedis. Scio eundem Eugenium scribere se à multis fide dignis quotidie audire, & veraciter informari quantum Amedeus intentus esset, & omne studium suum apponeret ad honorem, & statum suum (Eugenij) & Romanæ Ecclesiæ conservandum, ac pròinde fidem eius & deuotionem plurimum in domino commendare, hortarique ut in similibus bonis operibus, quibus multos alios superarit, se ipsum superare conetur. Noui Amedeum per suos Oratores in Concilio euicisse ut quam tantopere desiderabat Eugenius prorogationem illam obtineret, hæc tibi Blonde obscura esse non poterant, qui Eugenio esses à secretis: quid? hisne cuniculis in Pontificatum irrepebat Amedeus; his machinationibus Eugenium euertebat? cur hæc tacebas ut nescio quos fauores Concilio paratos referres? nullus sanè dubito quin semper Amedeus Concilium uti debuit, reueritus sit, nihilq; non egerit apud Pontificem ut auctoritatem illius illibatam esse pateretur, idq; literæ ipsius Amedei ad Concilium scriptæ declarant, sed si verum amamus, erit utique fatendum Basileenses Amedeum Eugenio quàm sibi longè fauentiorem existimasse. Quid quod affirmare nõ verebor exacerbatos ex illis in Amedeum plurimos quod cum Eugenio quàm par esset amiciorem crederent? quo factum est, ut vehemèter de illis in causa Lausanenſis Epì expostularet, ut qui durius in eum quàm in barbarum, & ignotum hominem se gessissent: Nunquàm (inquit) potui obtinere quod vnus Sarraceno non fuit denegandum. Sed in rem erit controuersiam hanc non transmutare leuiter.

Vaca-

*In Appen ad
Conc. Basil.
pag. 233.*

*Amedeum
Basileensem
minus sibi
æquum putabant.*

*Seuerius cum
illo agunt.*

Vacauerat forte per eos dies Episcopatus Lausan-
sis in ditione Ducis Amedei positus. Hic, ut iure
nominationis vteretur, quod Pontifices olim, &
recenti memoria Martinus Quintus illi attribue-
rat, Ioannem de Preugino ad eā Sedem vocabat,
factione tamen quorūdam Canonicorum Ius ele-
ctionis sibi vindicantium, Ludouicus de Palude
cooptatus iuerat in possessionem: Grauius iniu-
riam tulit Amedeus, & ne in posterum ferperet
damnum, cū Eugenio per legatos suos Nicolaum
Festi, & Ioannem Championis egit, ut Ludouicū
gradu moueret, aut alio transferret. Eugenius
Iudices dedit, Iordanum de Vrsinis Episcopum
Sabinensem, & Angelotum tituli Sācti Marci Car-
dinalem, suos ad Basileensem Synodum legatos,
cum literis ad Amedeum quarum initium est.

*Eugenius, &c. Ex his quæ per singulos dies de constanti de-
uotione tuæ nobilitatis sentimus, clarè contuemur supra
cetera, quæ ad tuam gloriam ordinantur, splendere since-
ritatem fidei qua Progenitores tui Romanam Ecclesiam,
Sedem scilicet Beati Petri magna semper cum reuerentia
coluerunt, unde præclaris tuis exigentibus meritis Pater-
na inclinamur affectione ad ea, quæ decus, & bonum tuæ
Nobilitatis aspiciunt, &c. Cætera delegationē tan-
tum habent cum reseruatione Ecclesiæ Matisco-
nensis. Datum Romæ Anno 1433. prid. id. Mar. fine
anni Pontifex Ioannem Episcopum dixit, com-
mendatitijs in eius fauorem Amedeo datis prid.
non. Nouembrijs: sed erat Ludouicus Concilio
acceptissimus, quemque præcipuis legationibus
adhibuerat, interq; primos audiebat, & ægrè se-
rebant*

LXXXIX.
Magna Basi-
leensis inter
& Amedeū
controuersia
pro Episco-
pato Lausa-
nensi.

Eugenij ad
Amed. literæ

Commēdat
eius in se be-
neuolentiā.

rebant Patres Amèdeum à Pontifice pendere voluisse, cum decreto facto statuissent stante Concilio Prælatos ab eo esse constituendos. Obstinauit igitur in proposito Ludouicus, Patribus eius causæ fauentibus. Imminuta vero Pontificis auctoritate (id enim temporis ad eas incitas venerat, ut suis antiquatis, Concilij decreta cōfirmare necesse haberet) non poterat Amedeus non interpellare Patres ne iniuriam sibi fieri paterentur. Sed quoniam sciebat illos maiorem partem alieniore à se animo esse; Armigerum, & Feciale (Heraldum vocant) pro tribunali dumius diceretur adesse iusserat, quisi causa caderet, à Concilio ad Pontificem prouocarent: nec falsa aughratus est, sententia secundum Ludouicum dicta, damnati Amedeus, & Ioannes electus, statimque interposita prouocatione, tanta in prouocantes vociferatio est sequuta, exardescantibus plerisque omnibus, ut vix ab illis manus abstinerint. Et sanè Basileenses nihil molestius vrere quàm huiusmodi prouocatio poterat. nam cum tantam Concilij auctoritatem esse decernerent, ut nemini ab eo ad tribunal aliud appellare liceret, exemplum tanti Principis periculosissimum fore animis præcipiebant. Ille vero nequis de sua mente dubitaret, oratoris sui prouocationem non modo ratam habuit, sed denuò coram legitimis testibus, & Præsidibus, verbis ore proprio conceptis appellauit. Hic vero lectori æstimandum relinquo quàm cōsentanea veritati Blondus scribat, cum Amedeu omnes vires augendo, manniendoq, Concilio adhibuisse,

Amedeus à
Concilio ad
Eug. prouocat

Hinc Basileenses in
eum odia.

Blondus im
posturæ cō
uincitur.

se scribit, in quem Basileenses velut decretorum suorum violatorem palam insurgerent. Neque vero in hac vna controuersia diuersus abiit à Basileensibus noster Amedeus. Sententiam illi in Antonij Vadimontani, & Renati Andegauensis: Lite pro Ducatu Lotharingæ, secundum hunc dixerant, illi Amedeus, ira fauit, vt eius potissimū opera æmulum in potestate habuerit. Quod si sagacissimus Princeps agitabat animo Pontificatum Concilij suffragijs obtinendum, an non demereri Patres, fauorem eorum eblandiri, illorum statuta laudare, amplecti, cæterisq; exemplo præire debuerat? obseruatione porro dignum est hæc ab Amedeo gesta post aliquot dumtaxat menses quā exuto Imperio Ripalliā secesserat; vt vel hinc manifestissimi teneantur mendacij, qui simulata Religione Basileenses sibi conciliare voluisse calumniantur. Etenim fine anni trigesimali quarti abdicarat ille se, Ludouico sibi successore, causa autem Lausanensis per primos sequentis anni menses est agitata; literas siquidem expostulatorias dedit Amedeus ad Concilium prima die Maij anni trigesimali quinti, quarum aliquot capita fidem dictis factura recitabo.

Confessus, ait, de V. R. P. benigna supportatione conqueri cōpellor apud eos hostibus seclusis, super ea quod nuperri me dilecto fideli scutifero Oratore, ac Procuratore meo ad hoc deputato Ioanne Championis in conspectu vestro in Ecclesia maiori Basileensi, & bi ut credo debebat, & debet sibi, & omnibus seruari totalis immunitas, & plena securitas personaliter constituto, post intimatam eisdem

Vanderb. in
Amed. 8.

Nota.

XC.
Expōstula
tio Amed.
ad Conciliū
In append.
ad Con. Bas.
pag. 233.

dem P.V. & parti aduerse videlicet dicto D. Ludouico aduersario, & hosti meo ibidem iunc presenti appellationem iustam, à quadam prætensa sententia generaliter, vt fertur in causa Lausanensis Ecclesiæ, sicut placuit infauorẽ dicti aduersarij contra Reuerẽdum in Christo Patrẽ D. Ioannem de Preugino Episcopum Lausanensem nuper lata, quæ vtiã pro honore Concilij sine alio præuio moderamine, & causæ maturiori iustificacione nõquam fuisset promulgata: statim insurrexerunt quidam ex Procuratoribus, nec non Procurator fscalis, ac etiam Procurator fidei, qui tamen vt prudens, fuit alijs magis sēperatus, licet urgeretur, & cum clamore valido petierunt, quatenus idem scutifer, & Procurator meus caperetur, & grauius puniretur, eo quod huiusmodi appellationẽ intimauerat: surrexerũt etiam innumerabiles alijs cum clamore, & strepitu pariter acclamantes capiatur, incarceretur. Nec defuit aliud verbum violentum, nisi vt crucifigeretur. Hostis insuper prædictus particulartter debitum suum hostilitatis, hoc idem vociferando persoluit, in quo mihi quam plurimũ complacuit, quia qualis erat, & est apud me, inimicum meum se palam declarauit. Quod tanto molestẽ fero, quanto ipse prodijt ex Vassallis meis, quorum meritis præteritis ex hoc, & alijs operibus suis reddidit se indignum perpetuum. Vnde super hoc quod in præsentia vestra clamigarat se ex parētibus magnis (quorum aliqui defuncti sunt in parentum meorum obsequio) traxisse originem, fateor, verum esse hoc quod dicit, quia ex bonis, & fidelibus parentibus ortus est, qui tã erga me, quàm inclytos progenitores meos, debitum fidelitatis firmiter exhibuerunt, vtiã non fuisset idem aduersarius degener, contra me, & iustitiam meam

Amedei O-
ratores in
Cõcilio in-
iuriõse ha-
biti.

meam attentando; quamuis cum diuino, & Dominorum meorum auxilio, non poterunt ipse, & sui prauales: scio enim remedia mea quibus vtar loco, & tempore contra ipsos, in hoc autem quod allegat magnitudinem parentum allegat veritatem; sed non credas aliquis me non habere sine comparatione potiores se, habeo enim per Dei gratiam Vassallos, & subditos insignes in bono numero, Ducali, Archionali, Principali, Comitali, Baronali, & Banneriali dignitatibus insignitos, ultra Valuasores, &c. Tum deinceps, Nunc habetis efficacissimum mee voluntatis indicium in hoc quod non per procuratorem, sed in propria persona coram authenticis personis appellauit. Miror qualiter, & quomodo V. R. P. tot vicibus permiserunt, & permittunt se à prædicto aduersario, & eius fistulis dulcetanentibus sic decipi, sed omnibus consideratis non admiror, quia facies dealbata multos seffellerunt, atq; fallunt. Non credebam tamen quod ad placendum Vni Monacho iustitiam in sui iniuste auferre sat agent, maxime ex actu ordinatissima iustitia, videlicet appellationis, debuisset in persona mei scutiferi, et procuratoris sic offendi, & etiam in sedibus Oratorum meorum prægruari. Non enim sic turbari debuissetis ex appellatione supra dicta. Et maxime contra me qui me consuium alicuius offensa sacro Concilio, vel alicui ex eius supplicis huc vsque illata non sentio. Quinimo ad profectum, & augmentum ipsius Concilij vix possibilibus, tam erga sanctissimum Luminum nostrum Papam, cuius sanctitatem plus debito, sed Dei zelo, hac de causa frequenter stimulaui, & nimis exasperaui: quam erga Principes, consanguineos, confederatos, & amicos cum omni seruire laboraui. Nescio tamen vnde fuit, quod supplicatio

Quomodo
se erga Co-
ciliū ges-
serit.

per

Iniquius se-
cti agi que-
ritur quam
cū Barbaris.

per me iterata, & reiterata (videlicet pro causa Ecclesie
Lausanensis, quæ mea fuit, est, & erit) aliquibus pro-
bis auditoribus peritis; & partibus non suspectis com-
mitteretur, via, & ordine iuris tractanda, & definien-
da, nunquam potui obtinere; quod vni Sarraceno non fuit
denegandum; nisi quia sic placuit illi bono D. Ludouico,
& suis fautoribus satis mihi notis, scio enim, & fateor
indubitanter in ipso sacro Concilio plures, & plures ad-
fuisse, & adesse Dominos sapientissimos, iustos, mansue-
tos, & pios, quibus præmissa attentata tanquam iniqua
displicerunt, & displicent, quos inde culpare nescirem,
nisi ex hoc, quod alijs partialibus forsitan ex metu, vel fal-
sa persuatione consenserunt. Hæc mira libertate Ame-
deus; quæ si quis hominis Concilij auram captan-
tis iudicer, næ ego Amedeum captasse non infi-
ciabor. Erat in eo Principe facilis cæterarū re-
rum contemptus, autoritatis tamen retinendæ
præcipuum studium. Quare sic deinceps in hac
se causa gessit, ut cum statuissent, Basileenses, quod
quæcunq; appellationes à Concilio emanassent, indeq; se-
quuta, & sequenda cassarentur, irritarentur, & annulla-
rentur. Et tam Iudices, quam Commissarij partes, pro-
curatores, & Notarij, qui circa præmissa culpabiles
reperi fuissent, monerentur etiam per edictum, & puni-
rentur; disertis tamen verbis personam Domini Du-
cis Sabaudie exciperent, statuerentq; quod ex parte sa-
cri Concilij scriberetur eidem Duci super materia huiusmo-
di Lausanensis; Quodq; Concilium paratum est sibi, &
cuicunque de suppositis concilij querulanti, iustitiam mi-
nistrare. Et si opus sit eidem transmittentur viri nobi-
les pro actu huiusmodi. Ita concordarunt domini de duo-
decim

Euict. ut pro
necatio sua
locū habe-
ret.

Apendix ad
Com. Basl.
pag. 131.

decim die Iouis 15. Septemb. 1435.

Hæc satis superq; videbantur, vt Blondus Impostor haberetur, qui Amedeum vnum omnium esse voluit in augendo, & manuteneudo Concilio damnato pertinacem. Sed antequam ad alia pergo, doceri à te velim Blonde, quinam illi essent orbis Christiani Principes, qui Concilium ante Eugenij depositionem tanquam perniciosum, vt ais, detestarentur? An Sigismundus Imperator? At eius potissimum autoritate factum est, vt Eugenius irrita esse iuberet quæcunque in Concilium decreuerat, & ipse in rem præsentem veniens insigni pompa medius in confessu Patrum spectatus est; quo factum est, vt *Concilium à Sigismundo incrementum habuisse* Platina verissimè affirmaret. An Albertus eius in Imperio successor? At Protectorem Concilio dedit Conradum Vuimpergensem. An Christianissimus Rex? At Oratores suos in eo habuit constantes, & Amedei Lugdunensis Antistitis, eiusdem legati, oratione maximè permoti sũt Patres ad Eugenij abdicationem. An Reges Hispaniarum? At nulli frequentiores in Concilio Prælati Hispaniensibus, & quamuis Aragonum Rex ad extremum mutata velificatione Eugenio studuerit, nunquam tamen Oratores eius Panormitanus, & Romanus, vel autoritatem Concilio deesse, vel articulos de autoritate Pontificia conditos veritati repugnare contenderunt. An Germaniæ Principes? At potentissimus inter illos Vilielmus Bauariæ Dux diu protector in Cõcilio sedit. Et ex eadem familia Albertus, ac Stephanus

V

fratres

XCI.
Fictitios Hostes Basileensibus opposuit. Blondus.

In Eugen. 4.

V. sup. num. 76.

fratres constantissimè Felicem semper coluerunt: quos imitatus est Albertus alius Austriae Dux Cæsaris frater: Eugenium verò reliqui Germani, non nisi paucis ante obitum eius diebus Pontificem agnouerunt. Qui nam igitur amabo sunt illi Principes, quos Concilio inensos fuisse Blondus prædicat? Credo cum ex Europæis Burgundionem priuatis odijs incensum recensuerit, non alium facilè numeraturum, Sed habet Blondus cum libet in signis suis Principes, sicut totas videt in Concilio Sabaudienſium Clericorum legiones aliorum numerum æquantes, quas quidem illum sibi obieciſſe crediderim, vt eſſet in què cæco impetu Adabaturum more pugnaret; sed eius vanitatem, quæ ſequuntur aperient.

XCII.

Protestationem ab Oratoribus Principum contra Amedeum factam fingit Blondus.

Quibus in rebus adeo contraria ſenſit Philippus Mediolanensis Dux, vt licet illi gener eſſet, & multa ſibi olim cum Eugenio Pontifice interceſſiſſent odiorum, atque inimicitiarum cauſa magnam ſuorum partem ab ep conciliabulo reuocari, paucos vero, qui manſerunt, nedum illis actio- nibus intereſſe voluerit, ſed contra ſimul cum alijs Principum Oratoribus proteſtari curauerit.

Refellitur, qui Ducem Mediolanensem Amedeo ſocero ſuo ad Pontificatum obtinendum autorem fecerunt, in quibus *Parad. l. 3. diſſor. Sabaud. cap. 31. Sequitur S. Antoninum*

Ego te Blonde libenter hic adiuuo, vt Amedeum inuidia liberem quã apud plurimos eo nomine contraxit, quaſi Eugenio Ducis Mediolanensis artibus deſiſſo, ſocero ſuo iſte ſuum ſuffici per ſuos maximè obtinuerit, quod ſi falſum eſſe cõtendis, mei quoque teſtes idem dicent: nullus enim, Aeneateſte, vel ſtudioſius, vel ardentius deſiſſio- nem Eugenij prorogari inſtitit Archipræſule Mediolanenti, qui proteſtationi quoque vna cum alijs

alijs Principum Oratoribus accessit, quam Panormitanus Aragonēsis Regis sui nomine fecit; sed tantum abest vt hæc protestatio, vel contra Amicum esset, vel contra eius sententiam, vt oratores eius cum aliorum Principum oratoribus perpetua consensione conspirarint. Quorsum igitur illa protestatio? habebant in mandatis Principum legati, vt pacem componere Eugenium inter, & Concilium omni via, & ratione tenderent, atque inter se statuerant nihil se recepturos ex his quæ durante pacis tractatu inter eos in apto, vel Papa contra Concilium, vel Concilium contra Papam fecisset. Quare cum Basileenses in eo essent vt decerneret tres illos articulos, ex quibus (si vt fidei veritates ad mittebantur, quod sanè neque potuit, neque debuit admitti) necessario conficiebatur Eugenium hæreticum esse, ac proinde Pontificatu lapsum, ita vt nullus deinceps paci locus relinqueretur, Panormitani protestationem sequi, si forte ita intercedere possent, deliberarunt: Verum Arelatēsis nihil ista moratus, non passuram cōtendebat Ecclesiam, vt iudicio Principum res suæ, fideiq; terminentur. Nec enim spiritum S. Principibus, sed ipsos Principes illi subesse. Quare cum ex Prælatīs trepidare aliquos cerneret, nonnullosq; se abdere, plurimas sanctorum Reliquias tota vrbe, ait Syluius, perquiri iussit, ac per Sacerdotum manus in sessione portatas absentium Episcoporum locum tenere, quæ res maximè deuotionem adauxit, in tantum vt vocato post modum de more Spiritu sancto, nemo lacrymas continuerit. Erat namq; per totam Ecclesiam tenerrimus, ac suauis fle-

no satis istarum rerū diligentem.

Vidēda responsio Synodalis ad schedulam Francisci de Barbauiaria Oratoris Ducis Mediolani. Edit. Coloniæ. p. 112. Quam procellā diuissimam Principum Oratores habuerint.

Sylui. lib. 1. de Conc. Bas.

Ibidem.

Ibidem.

tus bonorum virorum, qui lacrymantes diuinum auxilium implorabant, quiq; matri Ecclesie, ut opem ferret, magnum Deum deprecabatur. Inter alios quoque magnificus ille Baro Imperialis Protector, vberissimas Ecclesie lacrymas prestabat, & inter flendū haud modicam tali actu consolationem recipiebat. Quadringentos in subsellijs sedisse ibidem commemorat, qui magna consensione sessionem illam celebrarūt, illiq; ipsi Prælati, qui in rem præsentem venire non sustinerant, per suos tamen procuratores adesse voluerunt; sed nequis Amedeum leuitatis insimulet, quod cum minimè ignoraret repugnantibus tum aliorum Principum, tum suis legatis ea esse in Concilio determinata quæ abdicationem Eugenij inuoluebant, non debuerit postea eandem abdicationem, neque suam consequenter electionem ratam habere, audiendus omnino Syluius, qui sua eum planè narratione absoluer.

Ea inquit quæ sequuta est Veneris die vigesima Maij, Oratores Principum præter omnium spem generali congregationi, & a tribus conciliaribus se miscuerunt, eo vel saltem factō præterita sessioni præstantes assensum, in qua celebranda si Patres errassent, nequaquam fas erat Oratores Principum cum eisdem Patribus Concilium celebrare: sed existimati sunt remorsu conscientia tacti iam abhorrere quod egerant: quod de Oratoribus Casareis, ac Gallicis nequaquam fuit obscurum. Lubacensis namq; Episcopus id sibi absentia causam præstitisse dixit, quoniam iussu Casareo ad pacem fuisset destinatus, ex qua re non decuisset eum alicui negotio interesse, unde ille perturbaretur, cum quo pax esset pertractanda, sed tamen sessionem

XCIII.
Principum
Oratores p-
restationem
reuoant, &
Cōcilio ac-
cedunt.
Sylui. lib. 1. de
C. X. R. J.

sessionem præhabitam plurimum commendare, decretū-
 que in eadem promulgatum optimum se ac sanctissimum
 credere, veritates quoq; in eo comentas apud se semper
 indubitatas fuisse, eisq; & nunc & vsq; ad mortem velle
 adherere. Turonensis autem Archiepiscopus plurima-
 rum literarum, & ornata Prælati eloquentiæ, pro se,
 ac suis collegis loquens: Audisse se (inquit) inter aliquos
 sibi esse detractum, quod in sessione illa sanctissima Re-
 gem suum non honorassent, quem maximè tueri fidem,
 ac exaltare deceret, qui ideo esset præ cæteris Regibus no-
 men sortitus (Christianissimum; habere se tamen non il-
 legitimam excusationem, quando eos qui essent ad pa-
 cem missi, nihil omnino agere conueniret, quo suam im-
 pedirent legationē. Duo quoq; iniustitiæ fore genera, qui-
 bus aut fienda non fierent, aut fierent non fienda. Pri-
 mum quoque non semper obligare, quod oporteret tempo-
 ris, loci, personarumque rationem habere, vltimum ve-
 rò semper tenere. Neque in eo se incidisse, qui nihil tur-
 pitudinis admisissent: Circa primum tamen posse aliqui-
 bus videri se errasse, quod in veneranda sessione non af-
 fuissent, sed esse quoque hic quod responderent, quia si ses-
 sionē illam adissent inutiles post modum tractatui pacis
 cum Eugenio se reddidissent: Ideoque licet desiderassent
 tam sancto negotio interesse, secutos tamen se fuisse ex in-
 de exemplū Pauli, qui licet euperet dissolui, & esse cum
 Christo, adhuc tamen vt magis prodesset Ecclesiæ disse-
 rebat: sicq; se nunc fecisse, quoniam non idcirco abfuissent,
 quia de conclusionibus dubitarent, quas veras, sanctasq;
 reputarent, & quibus vsq; ad martyrium adhererent:
 sed ne tractatui pacis, pro qua venissent, redderentur ine-
 pti; se tamen quod suis non fecissent in personis, domesti-

corum

corū impleuisse, quos omnes honorare sessionem iussissent.

Hæc de protestatione, quam neque Oratores Principum aliorum, neque Mediolanensis in Amedeo edidit, tametsi ijdem Oratores eam postea reuocarint, neque vel minimo indicio colligi potest Amedeum circa Eugenij depositionem aliud à cæteris Principibus, uedum Mediolanensi sensisse. Autores certè habeo non contemnendos, qui Mediolanensem Ducem asserunt ingentem Amedeo Felici nuncupato exercitum obrulisse quo viam sibi in Italiam aperiret, Eugeniumque Roma exturbaret, cui tamen Felix dicto audiens esse recusarit, minimè decorum ratus, vt qui pacis artes Princeps semper coluisset, armorum strepitu Pontifex gauderet. Et verò sciebat nihil vsq; adeo Principes Eugenio inconciliasse, *quàm quod præter Pontificis dignitatem* (verba sunt Bergomensis) *mirum in modum bella amasset*. His si Blondus attendisset, ingeniosiore penicillo fabulam suam delineasset, nunc reliqua officinæ eius cromata videamus.

Gobelin. lib.
7. Comment.
p. 2.
Amedei mo-
delia.

Eugenius
belli nimium
studiosus.
In Chron. an.
1431.

XCIV.
Confertur
Blondi im-
posturæ.

Cæca men-
tiendi libi-
do.

*Quare cum ad Idoli creationem est ventum, ex quinque or-
bis nationibus quæ Concilia constituere consueuerunt, sele-
cti sunt quibus suffragium ferre concessum est tres, & tri-
ginta, quorum duo de viginti ex Ducis Sabaudia domi-
nio fuere, cum tamen ceteros homines sordidos, & maio-
ri ex parte ob admissa apud suos flagitia sedibus proprijs
pulsos illius largitione corruptos fuisse constiterit.*

Hactenus Blonde nobis compertum erat te aduer-
sus omnem pudentiam animum emunitum habe-
re, sed mihi nunc videris non pati hanc cōtrouer-
siam

siam transire sine aliqua stuporis tui nota, cætera enim fraudum callidus artifex credi poteras, hoc loco præter supinitatem quid accusem vix habeo: nisi forte vt in præceptis datis corporibus nullum sui arbitriū est, ita animus tuus in iram odiumq; proiectus impetum non cohibet, *sed consilium omne* (vt cum Seneca loquar,) *& penitentiam, irrevocabilis præcipitatio abscidis, & non licet eo non peruenire, quo non ire licuisset;* rapiat te oportet, & ad imum agat tuum pondus, & iam vitiorum natura proclivis. Amedeo affectatam in rem Ecclesiasticam Tyrannidem, affectu rapiente obieceras, resistere amplius, aut morari calumnia deiecta non poterat, impellenda igitur potius, & grauiore mendaciorum pondere urgenda: quid enim aliud in extrema tua oratione quàm cæca, & sola stupiditate admiranda audiuntur mendacia? nam vt omittam non minus inuidiosam, quàm vanam observationē tuam de quinque nationibus, quæ Concilium componunt, quæ si vera esset, neque Florentinum quo tantopere gloriaris, neque plurima alia legitimoꝝ Conciliorum nomen obtinerent; vt inquam hæc omittam, qua fronte dicere sustinebas ex triginta tribus electoribus duo de viginti fuisse ex Ducis Sabaudie dominio? num Concilij acta legeras in quibus nominatim erant designati? num Syluij de Concilio libros euolueras, in quibus singulorum ortus, & dignitates recensentur? num cum multis egeras qui oculati testes affuissent, à quibus doceri poteras vix decē omnino fuisse de ditione Ducis Sabaudie in eum numerum

Vana Blōdi
obseruatio.

Luculērum
eiusdem mē
daciū.

V. sup. nu. 41
& 122.

Qua fraude
confictum.

merſi cooptatos, atq; ex illis decem tres fuiſſe origine Gallos, quanquam dignitate inter Sabaudienſes Prælatos cenſeretur. Quid igitur in mentem tibi veniebat tam vecordi mendacio famam tuam onerare? ſentio fraudem. Solemne, eſt ijs, qui factionem in huiusmodi Comitijs ducunt, id moliri vt cum ſuffragia tot in poteſtate ſua habere nequeant, quot ad Pontificem pro arbitrio ſuo legendum requiruntur, tot ſaltem mēdicent quæ quouis prohibendo qui minus foret gratus ſufficiant. Voluit igitur Blondus hoc figmento invidiam Amedeo facere, vt qui regnare per ſuos in eo coetu voluerit, & ſingulos arcendo, tandē electores incommodis fatigatos, & moræ impatientes ad ſe ſeclere; ſed dum in quod cepit pertinax, & intenta Blondi præcipitat indignatio, ruinis ſimillima euadir, quæ ſuper id qđ oppreſſere franguntur, ſic ille dum fidem facere tam luculento mendacio nritur, fidem amiſit. Eſt quippe certifiſimum Sabaudienſes alijs excludendis pares non fuiſſe, & potuiſſe reliquos Pontificem dicere, quāuis reclamantibus iſtis, quando ad legitimam electionem duæ dumtaxat ſuffragiorum partes ſatis eſſent.

XCV.
Fœda in electores de
Simonia Calumnia.

Sed ceteri (ait Blondus) erant homines ſordidi, proſcripti, & largitionibus corrupti, vt ad Sabaudienſes accederent. Itane calumniam Blonde perbibuiſti, & viſceribus immicuiſti, vt nullum ſine maledicti amaroꝛe verbum ex ore acido prodire poſſit? ergone illuſtriſſimorum, doctiſſimorumq; virorum latus ſodiendum ducebas, vt per illorum vulnera peteres

Amedeum

Amèdeum ? Tibi igitur Antistites, Abbates, Do-
ctores omnes in Conciliū ire iussos (quorum ali-
quos Principum, Regumū familijs insertos fuis-
se in comperto erat) sectores esse nefarios, gen-
tis suæ propudia, infames simoniacos, sine teste,
sine autore, sine vllō argumento mentienti poste-
ritatem crediduram sperasti ? si quibus virtutibus
Historicum carere cōtingat, modestia illi nouis-
simè exuenda est : hac quippe detracta, nulla nisi
meretricia laus illi reliqua est. Hoc si Blonde co-
gitasses Sapientissimū, Religiosissimūq; Principē,
Prælatos nobilissimos, viros spectatissimos nō vs-
que adeo inuerecundè pulsasses. neque hoc pa-
trocinio tutior erat Eugenius, quem sua virtus, &
occulta Dei prouidentia, non aliena conuitia sa-
tis propugnabant. Id certè tibi succurrere de-
buic nemini suāsum iri tot illustres viros, domi
nobiles, ac dignitatibus præcipuos incerti lucel-
li causa vitam suā propè certæ morti exponere
voluisse, in ea vrbe vbi peste atrocissimè sæuiente
funera funeribus contexebantur, assidueq; mor-
tibus dies continuabantur. Quod si tanta auri cu-
piditate æstrabant, quorsum tot annis in ea vrbe,
tot ex haustis incommodis nullis parcentes sum-
ptibus externi hominēs perseuerabant ? Quis por-
rò tam sordidæ illos avaritiæ reos esse suspicabi-
tur, quos in Conclauis ingressu tātō pietatis sen-
su sacris Epulis participasse, tamque horrendo
se Sacramento deuouisse legimus, dignissimum se
optaturos profitentes. Mihi sanè memoria repe-
tentipræcipuaPurpuratorum Patrum Comitū, in
X
quibus

quibus Pontifices olim electi sunt, non aliud occurrit, in quo plura Religionis, Christianæq; pietatis vestigia sint relicta, ut in his, vel horum plurimis felicitas potius in cognoscenda veritate adfuisse quam studium in ea persequenda in illo considerari videatur.

XCVI.

Amedeum inuicem ad Pontificium vocari multi asserunt.

In Chron. an.
1438.

Lib. 28. c. 60.
Germ.

In 4. Austr.
Lib. 2. Geogr.

V. sup. num.
35.

Sed ut electores iuxta ac electum à Blondi criminationibus liberem, dabo testes affectu vacuos, nulla cuiusquam gratia, aut odio motos, qui non modo Amedeum ab ambitu absolunt, sed eum ad hanc dignitatem capeffendam præter spem, imò inuitum, & reluctantem adductum esse confirmant. Philippus Bergomensis sæpe laudatus id disertis verbis asserit. *Amedeus heremita dudum Sabaudie Dux ad Pontificium munus inuicem delectus fuit.* Mutius non dissimilia scribit, *hic igitur (Amedeus) ex heremitica vita ad culmen Pontificium præter omnem expectationem vocatus.* In eandem sententiam Iacobus Spiegel, Volateranus, & Munsterus totidem verbis, *ob abstinentiam* aiunt, *clariq; nominis famam inuicem in Concilio Basiliensi Pontifex factus.* Paria scribit Ioannes Stella. Venerus, quæ breuitatis causa prætermitto: uti etiam ea quæ in eundem sensum pluribus referunt Paradinus, Væderburchius Boterus, cæteri q; nostri: eodemque pertinent eximia illa sanctitatis, & innocentie Elogia quæ supra ex probatissimis autoribus recitata sunt: quomodo enim sanctimoniam illius prædicaret, nisi eum procul ab omni ambitione, ne dicam turpissimo simonie vitio fuisse cõpertum habuissent? Quæ qui perpenderit, nequaquam dubitabit verè à

Basi-

Basileensibus scriptum esse Amedeum auditis oratoribus Concilij suppliciter instantibus, ut electioni acquiesceret, in magna anxietate constitutum, & mœnore compressum, diutius trepidasse, nec nisi post multas preces, hortationes, ac etiam obiurgationes divinam iram intentantium, non sine verberibus lacrymis passum se persuaderi.

Sess. 35.

Et vero si tam efflictim quàm Blondus fingit hanc dignitatem deperibat Amedeus, si tot machinis ad eam grassabatur, si tot ante annos spem illius tanta auiditate præceperat, cur non confestim è nemore suo recessit? cur Basileam quo Patrum votis adeo incensis vocabatur è vestigio non adijt? cur magnâ sequentis anni partem in secessu egit, nisi quia ægrè tranquillam quietæ vitæ stationem deserebat, ut infido, & scopulis, tépestatibusquè horrido mari se committeret. Sciebat vir sapientissimus adeo iniquis rerum æstimatoribus se vsurum, ut si citra exitum propositi sui subsideret integritas, damnaretur: ita enim natos homines ut apud plerosq; vel gloriâ virtutis interciperet fortuita felicitas, vel infelix virtus amitteret gloriæ titulum Accedebat arcta illa quasi Religiosæ vitæ necessitudo, quæ illi cum suis Cômilitonibus intercedebat, è quorum diuelli complexu nō ferebat; illud quoque metuebat sagacissimus Princeps, ne suus ille ordo, cuius tâto molimine fundamenta iecerat, nondum satis firmata compage per absentiam suam solueretur: Quæ cogitatio tanto acrius eum mordebat, quâto impensius suis inuentis velut proprio foetui homines indulgent.

XCVII.
Inuiti animi
argumenta.

Prima igitur postinitum Pōtificatum cura fuit, vt sacre Militiæ de Magistro prospiceret, qui eā iuxta leges à se conditas temperaret. Fuit is Claudius de Saxo, vt ex Bulla super eare edita est manifestū; quam hoc loco inferere placet, vt Amēdei propositum clari⁹ innotescat.

XCVIII.

Amēdeus
De canum
Mauricianis
militibus
dicit.

FELIX EPISCOPVS Seruus seruorum Dei. Ad futuram rei memoriā. Dudum cum inter præsētis seculi fluxus, & rerum mundanarum varietates, curis adeo implicarem innumeris, vt plasmatori omnium Dominio pro bonis largitus recepissē ad debitas laudes, & gratias (prout corde gessimus, & animo) assurgere sepius non valeremus, cerneremusq; dies nostros continuo transire, & properare ad exitum. Nos almi ferī Spiritus sancti gratia cōmoniti ad hoc, vt quietius, deuotiusq; gratijs, & laudibus pradiētis vacare valeremus, qđ locum Ripallia Gabernensis Diocesis in qua antea vnum Monasterium Canoniorum Regularium ordinis S. Augustini ereximus, & fundauimus nostros dirigentes affectus simul, & incolatus, certas ibidem mansiones solitarias pro nostra, & aliorum sex militum vsu, & habitatione ad Dei laudem, & gloriā, ac Beati Mauritiij honorem erigi, & construi fecimus, vbi primum redacti cum totidem militibus se nostris vtijs conformantibus incepimus diuere, atque viximus solitarie sub nuncupatione, & vocabulo militum Sancti Mauritiij diuinis officijs, & suauibus contemplationibus sub humilitatis habitu in Ecclesia dicti Monasterij, & alias conuenienter, & deuote intendendo, nobis insuper eisdem militibus decano constitutis. Cum autem post modum sacra generalis Synodus Basileens. in Spiritu sancto legitime congregata.

Mauricianorum militū instituta.

gregata vniuersalem Ecclesiam representans; Nos illic constitutos licet immeritos ad Summi Apostolatus apicem, & Sancti Petri Sedem duxisset eligendos. Nos qui ad acceptandū tanti regiminis onus, ad quod nos diu indignos non immerito censuimus, ex parte Dei omnipotentis, & ipsius Ecclesiæ repetitis vicibus requisiti, tandem electioni huiusmodi in Christi nomine cōsensum præbuimus, onusquē Apostolicæ seruitutis in nos, Domino ex alto propitio, deuote suscepimus, cupientes locum prædictum continuò salubriter vigere, nec non ipsos milites, quibus afficimur, ope nostra quantum valeamus, & possumus in suis laudabilibus vita, & proposito conseruare, ac dirigi continuò ad existentiam saluarem, eisque nostri loco idoneum surrogare Decanum; & ad dilectum filium Claudium de Saxo militem Dominū Rouorie propter suæ nobilitatis, & virtutum merita, claramq; vitam, qua ipsum laudabiliter nobiscum conuersari cognouimus, nostræ conuertentes considerationis intuitum, eundem Claudium militibus prædictis, ipsorum etiam requisitione interueniente, in Decanum tenore presentium constituimus, & etiam deputamus. Mandantes ex nunc Thesaurario generali, cæterisque officiarijs nostris Sabaudie, ad quos spectabit, quatenus sub penâ priuationis suorum officiorum præfato Claudio annis singulis quo ad vixerit, & huiusmodi decanatu præserit, de summa mille, & octingentorum florenorum monete nostræ Sabaudie in terminis, & locis in alijs nostris literis Ducalibus designatis, quarum tenores presentibus haberi volumus præexpres-
sis, integraliter respondeant, & satisfaciant cum effectu, de qua quidem summa Claudius prædictus cuiuslibet sex Commilitonum prædictorum qui nunc sunt, & pro
tempore

Amed. ele-
ctioni suæ ri-
luctatur.

tempore erunt, pro opportunitatibus suis ulterius deducēdis ducentos distribuere, & solvere debeat, & teneatur. Residua parte sibi ipsi integrè reservata. Quocirca omnibus, & singulis, qui nunc sunt, & pro tempore (dante Domino) erunt in loco prædicto militibus huiusmodi tenore præsentium iniungimus, atque mandamus, ut præfato Claudio ipsorum Decano, iuxta rationabilia, ordinationes, statuta, & stabilimenta dudum adhuc per nos in minoribus constitutos in præmissis, & circa ea facta, & edita in omnibus, & per omnia pareant, atque obediant eiusq; salubria monita, & mandata suscipiant humiliter, & deuotè curent adimplere. Volumus autem, & præsentium serie ordinamus, ut Claudio, vel pro tempore existente Decano militum huiusmodi cedente, vel decedente, dilectus filius noster Nobilis vir Ludonicus, & successores sui Sabaudie Duces pro tēpore existētes alium ex militibus prædictis, qui tunc erunt magis habilem, & idoneum de quo ipsis visum fuerit, alijs militibus etiam tunc existentibus prædictis modo parili in Decanum præficere, & deputare debeant pleno posse. Nulli ergo omnino hominum liceat hanc paginam nostræ constitutionis, deputationis, mandati, voluntatis, ordinationis, & potestatis infringere, vel ei ausu temerario contraire. Si quis autem hoc attemptare præsumpserit indignationem omnipotentis Dei, & Beatorum Petri, & Pauli Apostolorum eius se noverit incursum. Nec miretur quis quod Bulla exprimens nomen nostrum non est appensa præsentibus. Nam hi qui fuerunt hæctenus in Romano: electi Pontifices ante suæ consecrationis, & coronationis: solemnia in suis bullandis litteris, modum hunc obseruare consueuerunt. Datum Thononj Gebennensis Diœcesis

Non.

Non. Ianu. Anno à Natiuitate Domini millesimo quadringentesimo quadragesimo, suscepti à nobis Apostolatus officij Anno primo.

Eadem sapientia prospiciendum domesticis rebus exultimauit priusquàm ad sacros Ordines promoveretur, ne quid vitio factum vel in Testamento, vel in alijs dispositionibus posteritas causaretur. Testamentum igitur condidit, filios emancipauit, Primogenito Ducatum cum omnibus alijs dignitatibus attribuit, vt dimissa reliquorum cura, vni Ecclesiæ se totum impenderet: Pietatē eius commendant ipsa Tabularum verba, quæ ad posteros manare iussit: præcipua Lectori suggerere nō gra uabor.

In nomine Sanctissimæ, & indiuiduæ Trinitatis, totiusq; cælestis curiæ triumphantis. Amen. Rerum gestarum memoria hominum in eisdem præsentium facili corporea corruptione peremptionem paratam obtinent, nisi fidelis scripturæ testimonio sustentaretur. Idcirco præsentis Veri, & publici instrumenti serie ad cunctorum tam præsentium, quam futurorum veram notitiam deducatur, Qd postquam superni Patris luminum concedente clementia, à quo dona, bonaque profecta procedunt vniuersa Sanctissimus D. noster Felix electus Quintus, propria nominatione Amedeus, & iure hereditario Dux Sabaudia, Chablasijs, &c. ad præfatæ suæ Ducalis dignitatis fastigium tenera in sua ætate fuit vocatus, ipsius, & vniuersæ suæ ditionis, ac Reip. eiusdem Regimen longæuis temporibus eam operant dederit, vt in augmentum se se in dies Deo propitio propagauerint, & successiue eorum felicitatem anhelans, Cernens etiam amplas naturæ dotes, & plurima

XCIX.
Am: deus
Ludouicum
emācipat, &
Ducem insti
tuit.

Tabulæ emā
cipationis.

plurima virtutum merita, quibus ipse plasmator noster illustrem primogenitum suum D. Ludovicum de Sabaudia Pedemontium Principem iam floridam aetatem attingentem praeiunxit, & opere commodo suam Reip. ab ipso Deo eidem ad regendum, & protegendum commissam, in posterum cum ad aeterna vocaretur, regeret comprobare: Salutiferas ades quas in honorem S. Mauritiij martyris apud Ripalliam miro, & honorabili, decenti quae modo Religiose constituit, ingressus est, Eundem D. Ludovicum eius primogenitum, & Locumtenentem Generalem suum constituerit, ipseque huiusmodi sibi iniuncto munere, paterna insequendo vestigia, Accedente eidem praelatorum, ac procerum, nec non peritorum suae ditionis salubri consilio, fructiferum vberissime in eodem atque virtuosum omnimode in dies se se reddiderit. Vltroque Deus sua clementia, qui semper humilibus corde dans gratiam, eos exaltat, & affluit abundanter muneribus, praefatum Sanctissimum D. nostrum ad electionem Sedis sui Apostolatus, quam in B. Petro Principe suorum Apostolorum stabilivit, factam per generalem sacram Synodum in Spiritu sancto Basileae legitime congregatam. Pro quibus tam largifluis beneficijs ipse Sanctiss. D. noster electus, vniuersique eius felicitate gaudentes, eidem gratiarum condignas relationes exhibere debent. Considerans propterea eis, quae caelestia sunt, & ad suum Apostolatus Officium pertinent, dimissa secularium, mundanorumque, & su Principatus cura, eum intendere oportere iuxta Dominicam doctrinam scriptam in Genesi, dum inquit, dimitte Patrem, & Matrem, & adhaerebis uxori tuae, idest Sanctae Matri Ecclesiae. Et ut manus suas atque mentem à cogitationibus, & palpatione temporalium reddere expeditas,

expeditas, quatenus liberius Deo omnipotenti in sui Vicariatus exequutione famulari valeret, suum ultimum die sexta vltimi lapsi mensis Decembris condiderit testamentum, in quo inter cetera de dignitatibus, principatibus, dominijs, rebusq; & bonis suis, per legata, institutiones, fideicommissa, aliasq; vias, & modos legitimos plenius disposuerit, quibus per infra scripta in aliquo derogare non intendit. Hinc est quod idem prefatus Sanct. D. noster in Christi Vicarium nuper electus, ante aliqualem Sacrorum Ordinum ingressum, ex eius certa scientia, & potestatis plenitudine prefatu Illustrum D. Ludovicum de Sabaudia primogenitum suum, in sui presentia, atq; eius Venerabilis Consilij, cuius ad hoc Tribunal elegit specialiter, propter hoc constitutum recipientem, & ita fieri humiliter supplicantem, à patria potestate, & ipsius nexibus, quibus Romano iure prius subditus existeret, exemit, liberauit, emancipauit, & extra eiusdem Patriam potestatem posuit, ac plenarie reddidit libertati eundem sui iuris pleno iure efficiens per presentes. Retentis tamen in sua Patria potestate Illustribus * Amedeo Comite Vercellarum, ac Ludouico, &c. In pretium autem huiusmodi emancipationis, ipse Sanctiss. Dominus noster Electus eidem Illustri D. Ludouico primogenito suo presenti, & stipulanti dedit, cessit, remisit, et perpetuo tradidit, datq; , donat, cedit, & remittit per presentes titulo puræ, perfectæ, simplicis, & irrevocabilis donationis. q̄ dicitur inter vivos, dignitates, Ciuitates, Ducatus, Principatus, etc. Deueniens se de dictis suis dignitatibus &c. Acta, data, & publicata fuerant præmissa in Castro Thononij in Capella ipsius S. D.N. post Missarum solemnias, die Mercurij Festiuitatis Epiphania Domini 6. die mensis Ianu.

* Hic est ille
qui deiceps
Beati nomē
meruit.

Anno 1440. Indict. 3. *Assistentibus ad hæc, & presentibus Reuerendissimo in Christo P. D. Ludouico titu. S. Cecilie S. R. E. Præsbytero Cardinali Arelatenſi. Reuerendiſq; in Christo Patribus, & Dôminis, DD. Francisco Gebennensi, Ludouico Lauſanenſi, Georgio Auguſtenſi, Othone Derthufenſi, Georgio Vicenſi, Ludouico Viſenſi, Ioanne Argenſi Episcopis. Nec non Spectabilibus Egregijs, Venerabilibusque, & Nobilibus viris DD. Ludouico Baſtardo Achaie Domino Raconisij, Mareſcallo Sabaudie: Ioanne de Montelupello, D. Choutagnie militibus. Iacobo de Balma, Ioanne de Compeſio Domino de Thorens, Ludouico de Montheolo Præsidente Conſilij Camberij reſidentis &c.*

C.
Baſileenſes
Felicem ad-
nunciant.

Non ferebant Baſileenſes tam longâ Felicis ſui moram; iteratis igitur legationibus miſſis, tandem flexerunt inuitum vt Baſileam cogitaret, vbi de more coronaretur. Vere exeuſe bonus ſenex iter ingreditur ingenti ſuorum caterua ſtipatus (Quatuor milia nobilium virorum in equis adfuſſe leguntur) magna omnium populorum quocunq; tranſiret gratulatione exceptus. Baſileam 24. Iunij anni quadrageſimi poſt milleſimum quadrigēteſimum tenuit, vbi adeo celebri apparatu, & aduenarum concuſſu tiaram accepit Pontificiam, vt nō aliam auguſtiorē inaugurationem apud veteres potuerit vir doctiſſimus Franciſcus Modius reperire, quam velut formulam in pandectis ſuis triumphalibus exhiberet. Eam ſicuti reliqua elegantiſſimè Syluius expreſſit in ſuis ad Ioannem Segouienſem literis quas hic ſubijcio.

VE NE.

VENERABILI, ET DOCTISSIMO

Viro Magistro Ioanni de Segouia Theologo excellenti:

Sanctissimi Domini Nostri Felicis ad die-
sam Bituricensis Oratori.

AENEAS SYLVIVS SENENSIS DOMI-

no suo Ioanni de Segouia, sacrae Theo-
logiae Magistro. S. D.

CORONATIONEM Summi Pontificis va-
rio rumore notam esse tibi, tuisque collegis arbitror.
Quia tamen varia apud vos confecta esse opinor, quae in-
ter se non cohaereant, dignum ipse putavi meis literis satis-
facere veritati, vobisque ibidem sitientibus harum rerum
narrationem efficere veridicam, remque (ut gesta est) ad
vnguem referre: atque (ut breuior sim) iam incipio. Ro-
manorum Pontifices coronari in generalibus Concilijs ra-
rò auditum est, tu tamen & Alexandrū Pisem, & Mar-
tinum Constantiae coronatum audisti, sed praecedet huius
coronatio tanto illas, quanto & Felix illos nobilitate an-
teit. Ita enim iudicium eorum est, qui & illas, & hanc
contemplati sunt. Referam igitur ego de hac, sed paucis:
non enim ut historicus scribo, sed ut seruus Domini res ge-
stas epistolari genere doceo. Transeo electionem de hoc
Principe, auctoritate huius Synodi factam, quam aliolo-
co non paucis verbis scripsi: praetereo legationem sibi mis-
sam, & consensum per eum praestitum, de quibus tu pla-
nè instructus es.

Pergo ad coronationem, quae nono Kalend. Augusti celebra-
ta est in Ciuitate hac Basileenfi. Ipse autem Dominus
noster triginta ante diebus, octauo Kalendas Iulij ingres-

CI.
Solēnis co-
ronatio Fe-
licis.

Theatri de-
scriptio.

sus erat : cuius introitus suum habere tractatum mere-
 tur , sed non omnia vno in tempore scribi possunt. Locum
 est ante cathedralem Ecclesiam late patens , ubi specta-
 cula populo fiunt : illic sublimis tumulus constructus est ,
 & super illum altare , excelsio in angulo : desuper preciosi
 panni , ne vel pluuia , vel Sol noceret. Prospectus exinde
 in omnem plateam fuit : huc clerus , & vniuersa nobili-
 tas , ipseque coronandus Pontifex conscendit . Existimati
 sunt hominum circiter duo millia tribunal conscendisse. Ve-
 nerat precedenti die Ludouicus Sabaudie Dux , ipsius
 Romani Pontificis generatus : vir comis aspectu , & affa-
 tu placidus , consilio , & animo iusto : statura illi medio-
 cris , & oculi praealbi . Cum ipso autem Summo Pon-
 tifice alter generatus profectus erat Philippus Comes Ge-
 bennensis , summa virtute , & honesto corpore , honestisque
 moribus adolescens : sociusque illi Ludouicus Marchio Sa-
 lutiarum fuit , quo in homine nescias formam , vel eloquen-
 tiam magis admirere . Magna praeerea tam Ducem
 ipsum quam etiam Summum Pontificem tota Sabaudia
 sequuta nobilitas erat , sui Principis visura coronationem :
 contenderantque ita (ut fit) singuli spectabiliores venire .
 Itaque fuit magnus virorum , magnusque equorum appa-
 ratus , quorum numerus ad quatuor millia diiudicatus
 est . Ex Alemania Marchio de Roerelin iuuenili etate
 decorus , flauos ventocrines fatigans . Conradus de Vuin-
 spurg Romani Imperij hereditarius camerarius , annis ,
 & sensu senex . Comes de Tierstein cui nemo forma co-
 parandus iuueni viroque fuit , nec adhuc senem senex
 aequalem habet . Oratores Argentinenfis , Bernensis , Fri-
 burgenfis , Solodorenfesque , omnis circumuicina nobilitas
 confluxit . Tantaque forensis populi multitudo concur-
 rit ,

Sab audico-
 fii insignis
 apparatus.
 Ludouicus
 Dux .

Philippus
 Comes Ge-
 bennensis .
 Ludouicus
 Marchio Sa-
 lutiarum .

Quatuor
 Equum mil-
 lia .

rit, ut nulla capi platea posset: ac se iocari licet, quicquid vini erat sit bibitum. Capita hominum ad quinquaginta millia credita sunt. Civitas verò mille robustos iuvenes in armis habuit, ne quid tumultu, ne quid rixarum fieret prohibuit: aciem non minus timendā quā admirandā, horum alij tribunal, alij palatiū observare; tecta omnia domorum fenestrasq; & arbores viri, semineque obsederant. Platea verò sic populo plena fuit, ut nec sinapis grano dedisset locum.

Quibus omnibus expectantibus, aduenit in ipso die ortu Felix electus, veneranda canicie, decorus aspectu, & facie tota prudentiam præferens singularem. Statura hominis (ut filiorum) communis. forma egregia, quantum senio datur, pilus albus, cutisq; sermo paucus, & morosus. Ante ipsam Prælati infulati, & clerus Urbanus cum reliquis introierant. Locatus ille in præeminenti sede est: ceterisque confidentibus, & facto ubique silentio, ceremoniæ inchoatæ sunt; qua re sic peritum se Felix ostendit, ut nihilo monitoris egerit. Putassetq; nemo patrem illum secularibus negotijs quadraginta, aut eo plus annis versatum, tantum inquam oculi potuisse habere, ut ritum Ecclesiæ sic imbiberet. Castigabat itaque ipse per se aliorum errata, nec aliquid vel minimum extra ordinem fieri ferebat. Celebravitque Missam suam, & cantando, & legendo, plusquam dici posset solenniter, nihil omittens, nihil perueriens. Mira res omnibus, & spectaculo digna videbatur, Patrem illic grā deum celebrare, illic prolem insignem celebranti servire. Quasi enim novellæ oliuarū circum altare duo nati officiose, attentæque, quantum laicis permittitur ministrabant, meritoque dici hunc Felicem omnes aiebant, qui post ex-

etiam

Quinquaginta millia hominū cōfluunt.

CII.
Felix procedit.

Celebrat.

Ministrant filij.

Etiam laudabiliter in seculo vitam, post administratum feliciter Ducatum, generosamque sobolem educatam ad regimen vniuersalis Ecclesie accersitus à Deo esset. Vidisses plurimos præ lætitia lacrymantes, benedicentesque Dominum, qui ad tantum spectaculum viuere eos permisisset, qui rem suis oculis intuerentur, antea nec visam, nec auditam ulli.

Tiara infirmitur.

Ut igitur finita Missa est, Summusque ipse Pontifex consecratus, sacer Tiaras triplici corona insignis, compluribus gemmis prælucidus allatus est. Spectanteque vniuersa multitudine, & animam comprimente Ludouicus Cardinalis (cui id officij quod Hostiensis Episcopo debetur, Synodus commiserat) quasi fructum suorum laborum iam colligens, coronam ipsam excellentis præcij, quam plurimi ad triginta millia aureorum censuerunt, Felici capiti Felicis imposuit: moxque per vniuersos acclamatum est, ut vita Papa esset, postmodumque plenarie indulgentiæ, quas nunquam antea populus ille habuerat, concessæ sunt. Completisque coronationis solennibus ex tribunali in processionem est itum: omnesque in equis per ordinem, progressi sunt, qui huiusmodi est habitus: Primi omnium laici & vulgaris turba famulantium. Secundo nobilium distinctæ familie. Tercio nobiles ipsi & milites. Quarto loco Barones, Comites, & Marchiones. Quinto, Dux ipse consilio suorum comitatus, aureis vestibus in terram demissis. Inter eos ut potuit, expompare nixus est quilibet. Hic qui ostro, & auro tecti: hic saga militum gemmis, & argento onusta: hic tubæ tibicinesque, & mimorum cohors præludens: Variæ vestes varia ornamenta, ut nulli sat vidisse sit visum. Post hos Urbanus clerus in pedes Reliquias sanctorum dectitatis, et puero-

Tiaræ præiurium.

Processionis ordo.

puerorum cantantiū candidus ordo. His succedebat ūmbraculum rubei croceiq; coloris, & apud illud scutiferi, quos honoris vocant, locatierant; rubeos gestantes pileos. Iuxta hos fuissent præfecti nauales, si qui adfuiſſent, ſed loco illorū heremita Ripallia, quos milites Sancti Mauritiū vocitant, ſuffecti ſunt; viri graues, & æuo præmaturi, qui Felicis Papæ, & ſæculi, & religionis fuerant Comites, & qualis habitus illius antea fuiſſet, in ſuis habitibus præmonſtrabant, plurimumq; reuerentiæ videbantur mereri. Illinc Prioribus quibuſdam pluuialia ſine mitra gerentibus locus fuit. Mox ſucceſſere ſcriniarij & Aduocati pluuialia ex tranſuerſo geſtitantes, habitum cantui quem habuerunt valde conformem. Idem geſtamen debitum his qui ſequebantur iudicibus, quod minimè obſeruatum eſt in curia promotorum: habuerunt autem cappas, & pileos tanquam Prælati. Hos ſequuti ſunt Abbates, & inde Epiſcopi ornati pluuialibus, inſulatiq; equis inſidentes phaleratis. Hoc in ordine præteritiſſimus duodecim equos, qui ante ūmbraculum candore niuali, quales Rheſus ad Troiam duxit, rubeo tamen tegimine veſtiti collo icinus procedebant. Secundum Epiſcopos Saluatoris noſtri Domini Ieſu inter magna luminaria corpus deferretur. Cuius conducendi cura Ioanni Epiſcopo Argenti Theologo non minus vtilis, quàm laudatæ doctrinæ tanquam Sacriſtæ cōmiſſa erat. Sequenti in ordine duo Cardinales, duoq; Epiſcopi Veruſenſis, Viſcenſisq; qui Diaconorum Cardinalium tenebant locum. Vltimo in loco ſummus ipſe Paſtor aureo tectus papilione triplicem geſtans coronam, populoq; benedicens, vnus omnium oculis deſideratus, in ceſſu maturo procedebat, Marchione di Rotſtem, & Conrado de Vvinsperg equum eius du.

Eg. res Mauri-
ciani.

Ad Domi-
nicorum
Templum
adit.

CIII.
Visceratio-
nē, & publi-
cas Epulas
facit.

ductantibus. Post eum *Thesaurarius*, clericiquē came-
ra, & qui pecunias in populum iaciebat, ornatu decenti
veniebant. Simul quoq; Principū, qui aderant *Oratores*
magnāq; & cōfusa populi multitudo. Sicq; per plurimos
Ciuitatis recessus est itum, donec Iudæi illū expectantes no-
ua, & fallaci spe ducti, legem *Mosaicam* obtulerunt,
quā ipse laudans, ritum damnauit eorū. Exinde ve-
rō in cænobium *Prædicatorū* ventum est, ubi *Fratres*
cū *Priore* obuiā procedentes, *Papam*quē ante *Altare* sta-
tuentes clauē cænobiū sibi dederūt. Moxq; finito letitiæ
cāico, hora iā post meridiē tertia magis ad quietē, quā ad
prandium, quāuis adhuc ieiunus foret, dimissus est felix.
Altera die illuc ad *Missam* omnes conuenere, qua finita,
consumatisquē nonnullis, quæ restiterant ceremonijs, præ-
latis omnibus qui interfuere, duo argentei nummi, & vnus
aureus traditus est: atq; exinde tota multitudo ad conui-
uium conuocata, ubi nec *lex orchia*, nec *fannia*, nec *lici-
nia* locum habuerit, nullaquē alia sumptuaria quibus,
vel pretium eduliorum, vel obsoniorum copia præscribi-
tur. Cænitatum est, ut libuit lautē, sumptuoseq; pran-
sitatum quoq; dubium est enim, prandium an cæna fur-
rit: horis circiter quatuor, homines plus mille cænati fue-
runt. *Pincernæ* Summo Pontifici pulcherrima proles,
duo filij fuerunt, *Architriclinus* *Marchio* *Salutarum*.
Ad horam tertiam post meridiem cessatum est. In hora
vero quinta, eodem ordine quo itum erat reditum: du-
ctusq; *Papa* ad virginis templum, quod est *Basileæ* præ-
cipuum, in Palatium per posticum ad quietē redijt. Hæc
de coronatione Domini nostri Sanctissimi *Felicitis Quinti*
Volui ut scires: tu nunc quibusuis cōmunica, daquē ope-
ram, ut patrem hunc quem tanti facio, quam primum
repetas,

*repetas, feliciaque de Vestro Conuentu nobis reportes.
Vale, ex Basilea, Idibus Augusti Anno Domini millesimo quadringentesimo, quadragesimo.*

Quæ autem deinceps à Felice gesta, quantaq; integritate cuncta sint administrata scribere animus erat, nisi Geneuenses, meliores nobis tabulas inuidissent, ex quibus, sicut hætenus fecimus temporum illorum memoriam fideliter hauriremus. Nam cum diu in ea vrbe (cuius etiam post abdicationem suam Episcopatum retinuit) sedisset, factum inde est ut acta eius in publicas auctoritates (Registrum vocant) relata, apud eos manerent. Itaque etiamnum hodie in publica illius Ciuitatis Bibliotheca sex, septemue volumina videre est, quibus epistolæ, Bullæ, cæteraq; id genus continentur, quæ toto nouennio ab eo sunt profecta. Venio tamen in spem fore ut Geneuenses in animum aliquando inducant hæc Sabaudicę domus monumenta, nullo suo damno, magna Serenissimi Ducis voluptate; vel gratum munus ei, vel iusto redempta pretio sponte concedere. Interea ut innocentiam Amedei nostri luculentioribus prodæ documentis, nonnulla perstringam ex quibus fieri coniectura poterit, quàm multos in obedientia sua haberet, nam & hoc ad conscientiam eius pertinet, quam tãto securiorem ducere poterat, quo plures, Religiosioresq; Prælatos secum sentire agnosceret. Qui vel odio vel incuria veri scripsere, Heluetios dumtaxat, & Sabaudos ab Felice stetit, Reliqui maiorem Europæ partem in obedientiam eius transisse narrant. Sabellicus sa-

CIMI.
Qua latè pa-
uerit Feli-
cis obedi-
tia.

Registrorū
eius libros
Geneuenses
habeant.

ne (quanquam Eugenio Veneto amior) ita scribit. *Fauere nouo Pontifici (Felici) Carolus Gallie, & Alfonsus Aragonie Reges, Philippus Vicecomes, & Fredericus Imperator. Amedeo, inquit Ioannes Marius Belga, Pontifici creato Imperator Fridericus tertius Pater Maximiliani Imperatoris, Carolus septimus, Alphonsus Rex Aragonie, Philippus Maria Dux Mediolanensis adhaeserunt. At Dux Burgundie quantumuis inter ipsos esset affinitas, ei ut dicunt contrarius fuit, quod Amatus ipsum in bello, quod ante aliquot annos contra Ducem Borbonium mouerat, deseruisset. At fertur Burgundum pace cum Borbonio facta tunc Duci Sabaudie significasse, se quodam tempore huius futurum memorem, idq; usque ad tempus Concilij Basileensis fecit. Nec dubitandum cum eius autoritas, ac existimatio tunc per magna esset, quin facile Felici nocere potuerit. De eadem re sic Christophorus Hartmannus, Felicis electionem probarunt, Obedientiamque promiserunt Albertus Dux Austriae Caesaris frater, Albertus, & Stephanus Duces Bauariae, Magnus Magister Borussiae, Elizabetha Alberti Caesaris vidua cum suis Bohemiae, & Ungariae Regnis, Sabaudia, magna pars Insubriae, Heluetia: Adhererunt etiam Concilio Rex Francia, & Dux Burgundiae &c. Mihi non nisi certa scribere meditati illud succurrit, ut ex ijs quae per eum in diuersis Prouincijs gesta sunt, in cognitionem veniamus eorum qui eius se Regimini permittebant.*

Cum igitur cetera omnia singulari prudentia, & castissima integritate moderaretur, tum in praelatis Ecclesiae legendis diligentiam adhibebat summam: Purpuram Ecclesiasticam Christi sangui-

ne

Enn. lib. 3.

Lib. de scrib.
cap. 14.In Annal. He-
remi B. Virg.
ann. 1440.CV.
Cardinales
& diuersis
prouincijs
creati.

ne tinctam sanguini suo (licet plures ex filio Ludouico nepotes haberet) numquam immiscuit: sed eam virtutis præmium, non necessitudinis pignus esse voluit. Episcopos celeberrimarum Ecclesiarum ad eam dignitatem euexit, Argentinensem in Germania, Nouariensem in Longobardia, Lausanensem in Antuatibus, in Hollandia Traiectensem, in Germaniæ Italiæq; finibus Tridentinum, Dertusensem in Hispania, Vicensem in Lusitania, in Frisia Frisingensem, in Sicilia Panormitanum, in Polonia Gnesensem. E Gallia plures ostro donati, Parisiësis, Lugdunensis, Turonensis, Nannetensis, Caltrensis, Aqueusis. Nec Sabaudiam suam frustrari hoc honore sustinuit, assumptis ex ea Tarëtasensi, Geneuensi, & Maurianensi. Verum qui erga familiæ suæ Principes inexorabilis fuit, aliarum virtutem facile cohonestauit. Nam Alexander Ducis Moscouiæ filius, Tridentinorum Antistes, Ioannes Frisingiorum, Bauarici, Ioannes Nannetensium Regij apud Britannos sanguinis, in eorū numero sunt quos Cardinales ab eo dictos recensuimus. His ego Bartholomæum Vitelescum, virum nō minus ea tempestate sanctimonix fama quàm maiorum nobilitate, & rebus præclarè gestis celeberrimum accenserem, nisi eius singularis demissio hanc Amædeogloriam inuidisset.

Eius igitur latissimè patuisse autoritatē necesse est, ad quem è tam diuersis Regionibus Principes viri, ac Prælati adirent eius dictis audientes futuri. Certè Galliam vniuersam ei obsequentem fuisse

Nullum tamen ex consanguineis.

Ex Onufrio, & Ciacono.

CVI.
Gallia tota illum veneratur.

Et Bavaria.

Et Austria.

Lib. 28. cbrs.
Germ.
Germani cæ-
teri Neu-
trales.

Adhæſionē
cū Eugenio
fœdē pacif-
cuntur.

Cap. 42. lib. de
Europa.

non modo ex Metropolitanorum, & Primatis ip-
ſius cōſenſu intelligimus, ſed ex ipſius Regis Ca-
roli factis; eius enim precibus adductus eſt Felix,
vt quos dixi è Francorū numero in Senatum ſuum
adlegeret, eumq; ipſum qui Carolo erat à con-
feſſionibus Ioannem Nannetēſem eodem hono-
re pſequeretur. In Germania, tametſi multos habe-
ret in partibus, atque in primis Potentiſſimos Ba-
uariæ Duces Albertum, & Stephanum (Sabau-
dis ſemper mira conſenſione deuincti fuere Ba-
uari) & ipſius Cæſaris fratrem Albertum, con-
uenerat tamen inter Electores, vt medijs ſtarent, &
tertiā quodammodo factionem componerent,
quam neutralitatem dixere: Cum tamen, ad ſuas
quas vocant dietas ter coiſſent, *Pauci ſunt inuenti,*
inquit Mutius, *qui non conſentirent Concilio Baſileenſi*
contra Eugenium. Sed erant in illis, qui iactarent
vtilia opera volūrate inchoari, occaſione perfici,
ſeruiendum itaque tempori, & dum in arcto eſ-
ſent Eugenij res, redimenda eſſe priuilegia quæ
alias haud facile pararentur. Inſtare igitur illi, vr-
gere; & diſceſſionem ab eo palam minari ni poſtu-
latis annueret. Trepidare Eugenius, adeoque
conſternari, vt paucis antequam è viuīs excede-
deret menſibus multa illis indulſerit, quæ laxio-
rem in Germania deinceps fecere diſciplinā Ec-
cleſiaſtica. Id ſcilicet Syluius è legatis vnus
alio colore diſſimulare voluit his verbis. *Cum*
ſex Principes Electores in eam ſententiam fœdus iniſſent
vt niſi Eugenius poſtulatīs eorum annueret, (poſtulabant
autem res prorsus negandas) in Amedei quem Felicem
Quintum

Quintum appellabant, obedientiam transirent, illorum Consilia Federicus peruertit &c. Sed Doctor Cocleus rem vt erat fideliter narrauit. Romæ, ait, Eugenius Pāpa ab Oratoribus Germanorum persuasus, & exoratus ad tollendam inclisæ nationis neutralitatem, lōgam Concordiæ Bullam edidit, in qua sanè pacis gratia multā Germanis dispensatione indulgit, admisit, approbavit, & ratificauit, quæ tempore schismatis facta, citra, & contra Sedis Apostolicæ autoritatem per se inualida erant. Sensit Pius hæc vera esse, quare alio loco satis habuit dicere, Eugenio in lecto agnitudo constituto nos inquit ad eum Venimus ab Imperatore Friderico transmissi, & nationis Germanicæ nomine neutralitatem abdicauimus, obtentisq; nonnullis literis (erubuit scilicet plura diuulgare) quibus desiderio Germanorum fieret satis, obedientiam Romano Pontifici restituiimus.

*Hist. Huff.
lib. 9.*

Lib. de Moribus Germanor.

Sed quoniā Friderici Imperatoris meminimus, cui se parti addixerit inter est referre. Sabellicus, & Ioānes Marius Belga Felici illū inscribere, non nemo alius Eugenio, ego verius dixerim fecisse illum qđ plerique omnes id xui Principes, vt nunc se Felicianos, nunc Eugenianos prædicarēt, vt se nunc hic, nunc illic varia aperiebant commōda. Mira rerum mutatio (aiebat per hæc tempora Syluius) qui ante fauebant Concilio, iam impugnant; & qui impugnabant, modo fauent. Lusus iam Ecclesia est, qualem de pila feri videmus, dum huc, atque illic impellitur lusorum ictibus percussa, sed aspicit ex alto Deus &c. Eādem cum Cardinali Arelatensi exposulabat, cum ita ad eum scriberet anno 1443. Post hæc inquit, significabas recessum illorum Cardinalium ex Basilea

CVII.
Fridericus Imperator, in eū inclinatus.

Principum inconstantia.
Epist. 10.

Epist. 193.

filea quos abijisse inuitos asseruisti. Cupiebasq; ut omnia
Maiestati Regiæ referarem, sed iam omnia ex Italia
erant sibi nota, nec latet Regem nostrum plerisque Prin-
cipes esse qui magis sua querunt, quàm quæ Iesu Christi.
tum subdit, scripsit nuper Serenitas Cæsarea sacro Con-
cilio in fauorẽ Henrici viri optimi, & literati (is erat Cæ-
cellarij Cæsarei frater) ut eum Frisingensi Ecclesiæ
præficeret Episcopum. Aestimauit tantum Principẽ exau-
ditum iri; præter opinionem accidit ut preces eius reiectæ
fuerint. Interim electus est per capitulum siue iure, siue
iniuria Cardinalis Sancti Martini. Is recursum ad
vos habebit confirmationis causa. Rursus scripsit Cæsa-
reum culmen ut supersedere velitis &c. Urget maxi-
mè tota epistola, ut Cæsari gratificetur. Obse-
cro, si Fridericus Felicem damnabat, cur Conci-
lium legitimũ habebat, ab eoq; postulabat Epif-
copi confirmationem? Certè si verũ amamus Cæ-
sari Pontifex erat ille futurus, qui maiori præmio
inuitasset. Fridericum, ait Bergomensis, ut tenacem
omnes accusabant, & ad promissa minus attentum: per-
crebuerat autem latè rumor ingentem esse apud
Felicem pecuniarum vim, quam illi per tot annos
pacificè regnanti succreuisse putabāt: huic igitur
Fridericus inhiabat: cogitanti vero qua via eam
corraderet, succurrit Amedeo filiam esse quar-
ducere posset, si dotem illi Pater grandem dice-
ret: eius rei causa Basileã iter flexit, cum Felice in
arcano locutus est, spe iniecta ut si inter eos de
nuptijs conueniret, palam se ipsi adiungeret, sec-
vbi sensit Amedeus non tam necessitudinẽ suam
quàm opes quæri, quamquam alia suadētibus Pa-
trum

In chron. an.
1441.

Fridericus
 Felicis opi-
 bus immi-
 net.
 Gener eius
 Geri tentat.

trum plurimis, negotium elusit, cupiditati Cæsareæ imparem se professus. Cæsar spes suas frustratas grauitè tulit, sed ut erat tegendis cōsilijs artifex optimus, Felici corruptelæ meditatæ famam inussit, ut auiditatis suæ infamiam tegeret; quæ omnia deinceps mirificè auxit Syluij (qui deserto Felice Cæsari factus erat ab epistolis) ingeniosa dicacitas: sed ego Naucloero potius accedo, qui neutri vel insensus, vel obnoxius, nulla neq; assentandi, neque detrahendi libidine ab oculato teste, quæ de hac re accepisset ingenuè tradit: *Audiui ego, iquit, à quodam Prælo, qui Concilio interfuit renuisse Felicem dotis tantum dare, licet Concilium omnino suaserit dādum. Hac igitur statione deserta Cæsar quo se benignior ventus intendebat, vela cōuertit, & reapse verum esse demonstrauit, quod Iulianus Cardinalis apud Gobelinum diserebat.*

Nam cū Eugeniani magnopere sibi à Felice meruerent, quod opes inestimabiles seposuisse crederetur. *Nihil est (aiebat Iulianus) quod tam nobis profuit quàm pecuniosum aduersarium existimari, cunctis ab eo aurum petent, neque impetrantes inimici abibunt. Nec vana (subdit Gobelinus) Iuliani opinio fuit. Carolus Franciæ Rex cum aureorum triginta millia petiuisset, neq; impetrasset, Eugenium ei præposuit. Idem fecit Dux Mediolani qui centum millibus aureis, & Bononiam vendere, & Nicolaum Picininum cum nouè millibus Equitum in eius exercitum frustra tentasset ascribere. Solebat Amedeus dicere cum aurum ab eo peteretur, pulcherrimam sibi sobolem esse, nolle se filios inopes relinquare. Certè si largitionibus aditum sibi ad su-*

premam

Eluditur à Felice.

Vol. 2. Gener. 48.

CVIII.

Felici opes suæ damnosæ. Apud Gobelin. l. 7. Committ. Py 2.

Eugenio Carolus nunquam adhesit, nec Felicè, ut vult Gobelin. deseruit Mediolanensis insidiatur opibus Amedei.

premam dignitatem emuniuisset, ijsdem artibus quibus parauisset retinere studuisset, idq; vel maximè Felicis' laudibus accrescit, quod suis opibus tueri noller oblatum sibi Pontificatum, què alienis Eugenius iure sibi debitum conseruare non dubitaret. Certè sciebat Felix non alijs adductum suasionibus Alphonsum Aragonum Regè vt Eugenio aggregaretur, quàm his legibus, *vt Eugenius Renato* (non sine magno Gallici nominis dedecore) *abdicato Alphonsum Regem Neapolitanum decerneret, appellaretq; Ferdinando Regis filio* (licet notho) cui *Rex post mortem Regnum destinauerat, potestatem succedendi faceret, Terracinamq; Regno adijceret.* Alphonsus contra Eugenij auctoritati se subijceret, nec patiatur tres ex suis qui Cardinales sub Amedeo Sabaudiensi creati fuerant, reuertentes pro Cardinalibus suscipi haberiue.

Alphonsus Aragonum Eugenio magna mercede accedit.
Aen. Sylu. lib. de Eur. c. 65.

CIX.
Eugenij obitus, pacis initium.

Felix ad pristinum secessum re-spectat.

Interea dum pro se Principum quisq;, opes, potentiam, securitatem infausta vt plurimum nundinatione emerçatur, Eugenius ad plures vocatur, anno sæculi eius post quadragesimum seprimo, quo cum odia quibus orbis exarserat expirarunt. Vir fuit ingentis, excelsiq; animi, dubio (si Principia Pontificatus spectes) vitiorum, virtutumq; temperamento, & præualuisse illa videbantur, nisi primi Regiminis mala, vltimi virtutes obliterassent: nunquam fortasse Imperio dignus, nisi imperare prohibitus esset. In eius locum Romæ suffectus est bonarum artium instaurator, literarumq; Pater Nicolaus V. mitissimi vir ingenij, qui pacis, quàm belli artibus inclarescere optabat. Id vbi

Amedeo

Amedeo auditum, sensit se propitio numine diutius in eo gradu stare non posse, in quē non sponte conscenderat: & instabat vltima senectus, quā improbis conatibus in nouas spes disponere, hominis videri poterat in funeris sui pompam laborantis: iterum igitur portum respectare, sanctum otium reuoluere, consilia odisse, quæ quietem excusserant, in vna secessus amantissimi cogitatione cōquiescere, eius oblectatione incitari ad dulcissimum votum, tantoq; pronius ista sibi persuadere, diu iam in hoc Consilium imminente affectu. Hæc quanquam inaugurato Nicolao statim agitauit, quia tamen infirmitatis humanæ natura tardiora sunt remedia quàm mala, in alterum atq; alterum annum processere. Nec liberis ingrata erat Patris deliberatio in tepefcente scilicet gloriæ æstu, quem prima accēderat species Pontificatus, & succrescentibus in dies incommodis, quæ nimius initio ardor suppresserat. Sed nihil æquē vrebant animum quàm cum parentem suum audiebant vltimis apud maleuolos (& erat ingens numerus postquam Principum deferbuerat gratia) probris differri: nunquam hætenus læcessitam familiæ suæ famam, vel nāuo, vel nāui opinione, apud posteros sordidandam, nisi dum recens macula est elueretur. Sed nihil temerē in tam arduo negotio statuendum, magnis cōsilijs adita Christianæ Reip. Procuratio, maioribus deferenda: providendū in primis ne nō tam recessisse, quàm deiectus esse videatur, non minorem spontaneæ abdicationis, quàm inuitæ assensionis gloriam fo-

Consilium
probat Liberi.

De exequēdo deliberrant.

re. Hęc dum secreti Pater filiusq; agitant, placuit Caroli Francorū Regis interuentu præcipuo cūcta componi, adhibitis aliorum etiam Principum Ministris, sic potentissimum Regem, Ecclesiæque pacificandæ studiosissimum dementum iri, & dignitati consultum dum eius, cæterorumq; Regum precibus datū erit, quod nulla vi extorqueri possit. Procliuem ad ista viam esse, quando Christianissimus Rex per literas sæpe Felicem de concilianda pace interpellarit, Ludouicoquē Duci autor fuerit vt Patrem ad eam flecteret.

CX.
Ludouicus
Regē Fran-
corū adit.

His in arcano imbutus cōsilijs Ludouicus Dux, professionem in Bituriges adornat, vbi Rex per eos dies cōfederat. Opportunus venisse omnibus creditus est, Carolo in primis, qui mentem continuo fatigabat qua via Pacem Ecclesiæ sinceram redderet. At vbi Ludouicianimum non tractabilem modo, sed penē vota sua anteuerentem vidit, exultare scilicet ille magnificē & rem prope confectam habere. Multus igitur illis per eos dies sermo, Delfino in consiliorum arbitrium aduocato: & quia Nicolaum venerari certum erat, eos enim, qui sibi assidebant, & maximē Cardinalem Arelatensem sensim ad suum sensum adduxerat Amedeus, id tantum agēbatur quā integrā Felicis fama esset exequendum. Colloquio super ea re habēdo Lugdunū deligitur, eo legati Francorum, Sicilia, Angliæq; Regum, Treuirēsis Antistes, atq; oratores Coloniēsis Præsulis, & Saxoniæ Ducis (cui hæc vnio maximē cordi erat, credo ob antiquas familiæ suæ cum Sabaudienfines-
cessitudines

Colloquiū
super ea re
Lugdunū ha-
betur.
Meminis Ge-
neb. an. 1449

cessitudines) conuenerunt, affuit quoq; à Felice missus Cardinalis Arelatensis, vna cum Monio- uensi Præposito, nec minore zelo ille Nicolao accessit, quàm ab Eugenio discefferat: Amedei tamen honori tanto impensius studendum affirmabat, quanto caritatis in Ecclesiâ suâ illustrius documentū parabat. Consuli ante omnia Pontificem placuit, vt de eius in Felicem animo certiores facti, felicius omnia componerēt. At dissidia extingui prope ambiciosi votis optabat Nicolaus, sic igitur ille rescripsit.

Nicolaus &c. Regis Pacifici in cuius ortu Angeli in terra bonæ voluntatis hominibus pacem pronunciauerunt, & in cuius manu est orbis terræ, & plenitudo eius, vices licet immeriti gerentes in terris, summo desiderio, & cordis affectione operam damus quantum nobis ex alto conceditur, vt pacem optatam Ecclesiæ & animarum Christi fidelium, quorum cura nobis cælitus est commissa, salutem per Dei ineffabilem misericordiam Catholicorū Principum interueniente opera consequamur. Sanè enim post turbulentas tempestates, quibus hætenus temporum culpa Ecclesiæ Dei quassata est per opus, & diligentiam Orationum carissimorum in Christo filiorum nostrorum Franciæ, & Angliæ Regum Illustrium, qui prout Catholicos Principes decet vnitatem ipsius Ecclesiæ summo studio procurarunt speremus in Domino per concessionem, & renūciationem Amedei olim Sabaudie Ducis, Pacem, & vnitatem ipsius Ecclesiæ futuram, & omnes Christi fideles vnum Pastorem, & vnum ouile recognituros. Nos si, & postquam ipse Amedeus, omni iuri quod in Papatu se habere prætendit, omnibus eius insignibus depositis

CXI.
Nicolai Pa-
pæ decretū
in suorem
Felicis.

plene, & legitime renunciauerit, & cesserit, ac nos Christi verum Vicarium recognouerit, præfatum Amedeum auctoritate Apostolica de fratrum nostrorum S. Romanæ Ecclesiæ Cardinalium consilio assumimus in Episcopum Sabinensem S. R. E. Cardinalem, ac eum Collegio Cardinalium aggregamus, & ex nunc talem haberi, & reputari volumus, & censemus, nec non priorem titulum, & locum digniorem inter Cardinales ex nunc ei damus, & dandum fore decernimus per presentes, eiq; ex tunc pileum aliaq; Cardinalatus insignia damus, & concedimus, ita vt illis quemadmodum ceteri Cardinales vti libere & licite possit, &c. Reliqua pertinent ad annuos redditus, & beneficia ecclesiastica quibus eum gaudere volebat.

CXII.
Nouo decreto iterum
Felicis famæ consulti-
tur.

Non fiebat Amedeo satis hoc rescripto, neq; paci satis consulebatur: quid enim fieret illis omnibus, qui in eius partes abierant? quid ijs, qui ab eo beneficia, aliaq; priuilegia impetrarant? eos ne ad extremum desereret, qui extrema omnia pro eo pati decreuerant? Quæ priuatim ad ipsum pertinerent impetrari haud ægrè ab Amedeo posse arbitri norant, ijs vero, quæ suorum commodis officerent, inexorabilem non dubitabant: muneris tamen sui esse rebantur, vt de eius potissimum dignitate solliciti essent, qui vt in cõe consulere sui prope obliuisceretur. Soluta itaq; Conuentu Lugdunensi visum est legatis præsentē adire Felicem, Geneuæ vt plurimum per ea tempora commorantem; sed illi dum se accingunt quid interea Romæ fieret audiamus: Eodem tempore missi ab ijsdem Principibus ad Nicolaum Oratores alio

alio mitiori rescripto ab eo impetrato Felicem deliniendū putarunt; Nam cum nihil eum vehementius vexaret, quam famosis libellis lacerata fama, & Pontificio fulmine deuotum suum, sociorumq; nomen, inducenda erat maledictorum memoria, & deuotationes non tā exoluendæ, quā irritas fuisse vanasq; declarandæ, quod concepta formula fecit Nicolaus.

Tandē nos, inquit Pontifex, pacem, & tranquillitatem cunctorum fidelium procurare conuenit, quanto desideramus fructus vberrimos inde sequi; In eo quippe cor nostrum suauissimē delectatur, quod diebus nostris sancta Dei Ecclesiam in pacis, ac vniōnis pulchritudine & debita integritate florentem videre valeamus. Cum itaq; superioribus temporibus propter diuisiones subortas inter felicitis recordationis Eugenium Papam Quartum predecessorem nostrum, & tunc Basileense Conciliū plurimum turbata, ac varijs modis afflictā fuerit Ecclesia Dei, iam autem diuina fauente, ac dirigente clementia tractati Oratorum carissimorum in Christo filiorum Francorum, Angliæ, ac Renati Siciliæ Regum, nec non Delfini Vinnensis Primogeniti Francorum Regis Illustris, integræ pacis, ac vniōnis consequendæ dispositio optima videatur, Amedeo in sua obedientia Felice Quinto nominato Iuri, quod in Papatu se habere asserit cedere volēti, eis qui olim Basileæ, nūc autem Lausane sub nomine generalis Concilij permanserunt, & permanent concurrentibus in id ipsum, aliasq; ad pacem Ecclesiæ, laborantibus. Cupientibus igitur quantū omnipotens donauerit id agere, quo ad vniuersi fideles ipsius pacis iucunditate fruētes animorum coniunctione sibi inuicem cohæreant, & reiectis, que

Bulla Nicolai qua irrita esse iubet quæcūq; in Amedeū dicta, facta, scripta sunt.

ex discordia exorta fuerant, Status inuisiusque honor, fama, & reputatio illæsi, & integri remaneant, literas, Processus, mandata & decreta quæcunque: Nec non excommunicationis, suspensionis, & interdicti, Anathematizationisq; etiam priuationis beneficiorum, &c. per præfatum Eugenium prædecessorem nostrum, in quibuscunq; literis suis, & quorumcunque tenore, & sub quacunque data existant, etiamsi cum approbatione Ferrariensis, seu Florentini, aut alterius Concilij generalis, siue per nos, aut per alium, siue alios, ipsius, aut nostra, seu quauis alia auctoritate contra dictum Basileense Concilium, & eos, qui sub nomine Generalis Concilij, tam in Basileensi, quam Lausanensi Ciuitatibus memoratis fuerant, & perseuerauerant ut præfertur, ac in præsentia perseuerant. Nec non contra præfatum Amedeum Felicem Quintum in sua obedientia nominatum, ac quasuis personas ecclesiasticas seculares, vel regulares, ac etiam laicales eisdem coniunctim, vel diuissim adherentes, assistentes, obediens, obsequentes, recipientes, ac quouis modo fauentes, eosq; sequentes, qui sunt, & fuerunt cuiuscunque dignitatis, præeminentiæ, status, gradus, seu conditionis existant, etiamsi Pontificali, Cardinalatus, Regali, aut Ducali dignitate præfulgeant &c. Motu proprio, & ex certa scientia, ac de Sedis Apostolicæ potestatis plenitudine, nec non de venerabilium fratrum nostrorum S. R. E. Cardinalium consilio, & assensu decernimus, & declaramus nullum effectum penitus sortiri. Sed perinde haberi debere, ac si nullatenus emanassent, eaq; omnia & singula cum inde sequutis in Registris ipsius Eugenij prædecessoris, & nostris, & alijs locis quibuscunque aboleri, & deleri mandantes omnino tollimus,

Imò induci,
& obliterari
penitus mā-
dantur.

tolimus, cassamus, irritamus, & annullamus, ac pro in-
fectis haberi volumus. Datum Romæ apud S. Petrum
Anno Incarnationis Dom. 1448. 15. Kal. Febr. Pontif.
ann. 2.

Asserta in posteros aduersus omnem detrectatorum
 perulantiam hoc diplomate videbatur Amedei,
 & partium fama, sed quoniam eadem in pari oc-
 casione nonnullis se se abdicantibus fuerant con-
 cessa, non videbatur satis tanto Principi consul-
 tum, si ad aliorum exēplum traheretur, & in eun-
 dem cum his ordinem cogeretur. Constans igitur
 omnium qui hætenus eum coluerant senten-
 tia erat, ipsum à reliquis eximium esse faciendum,
 & præcipuo aliquo honore venerabilem posteri-
 tati tradendum. Aequa postulari legati fateban-
 tur, quare sicut Romæ olim triumphare vetitis,
 triumphalia tamen permittebantur, ita Felici Pō-
 tificē eiuranti, Pontificalia non tolli haud incom-
 modum videbatur. Sed suspecta Romanis erat
 vel larua Pontificatus, & meminerant in arena
 plures esse qui per ipsa feriant ornamenta. Hic
 scopulus dum superatur, in annum extractum est
 negotium, & in tempore occurrisset Bolomerio vi-
 debatur, vt per hanc moram cuncta disturbarer.
 Floruerat is Amedei gratia diutissimè & occulta
 sideratione sic eū afflauerat, vt in consiliorū con-
 scientiā vocaretur à Principē non audituro quid
 expediret, sed prope imperata facturo; adeo nul-
 la est tanta hominis sapientia, quæ non aliquan-
 do cæcutiat? Ille quem velut alterum Salomonē,
 vel æmulis testibus, orbis pars melior adibat, ho-
 muncionis

CXIII.
 Mora paci
 iniecta.

Bolomerius
 abdicationē
 dissuadet.
 Paradis. &
 Vanderb. in
 Amed. 8. &
 Gobelins. l. 7.
 Cōmē. P. 1.

muncionis genium reuerbatur, qui qua virtute gratiosus esset haud facile dixisses. Is igitur ut latius regnaret abdicationi semper infensus, proiecta, ut erat audacia, hoc rerum articulo senem superciliosè adortus, illi vilitatem sui, populorum rumores, Principum despicientiam, æmulorum triumphos tantum non exprobrabat. Adèone odiosum esse ipsum sibi, ut inimicis fauere sustineret, quibus nihil acceptius esse posset, quam si dimisso Pontificatu fateretur, vel leuiter à se susceptum, vel ambitiosè quæsitum? certare scilicet Reges solita in eum inuidia, quâquam specioso amicitiae nomine adumbrata, ut illi tanquam victimæ pompam adornarent: & ire illi tam sponte ad aram, in qua odijs, & ostentui inimicorum, risiueque totius orbis Christiani esset immolâdus? Hæc aliaque inuidiosissima oratione exaggerata, tanta tempestate Amedei mentem inundarât, ut periculum esset ne litus prope tenentes in altum reuèheret. Sensit Ludouicus Dux à quo vëto fœda hæc procella sæuaret. Consulti procures, vno ore omnes pronuntiabant, fatis vigentibus Bolomerium extrema hæc ausum, ut impotentis felicitatis aliquando pœnas daret. Quæsitores illi in occulto dati, qui vbi multis ex capribus reum deprehenderunt, in carcerem rapiunt, à carcere damnatum in Lacum Lemani præcipitem agunt, fluctibus satiandum, qui fluctus in Republica perpetuos excitarat.

Defunctus hoc periculo Ludouicus instaurando fœderi animum denuò adijcit. Et venerant, uti de liberatum

Quæsitores
Bolomerio
dati.

Damnatur.

CXIV.
Conuentus
Geneuz ce-
leb.atur.

liberatum erat, Geneuam Regum, Principumq; legati frequentes, Francus, Anglus, Siculus, Delphinus, alijq; Prælatos prudentia, & eruditione precipuos, destinabant, aderat, & cum Francis Comes Dunensis in nominatissimis ea tempestate Princeps. Horum se arbitrio totum permisit Amedeus, nec frustra, eorum quippe industria singulari, & zelo studiosissimo factum est, ut his legibus cum Nicolao Pontifice conueniret. Nicolaus verus Pontifex esto, Amedeus omne ius ad Pontificatum eiurato, & Nicolao obediens esto. Nicolaus eos honores, qui decreto Lausanensi continentur Amedeo decernito. Quæcunque ab eodum Pontificem ageret acta, indulta, cõcessa sunt, rata, firmaquẽ esse iubeto. Sed hæc ne quis temere ficta suspiceretur, publicis de more tabulis firmanda sunt. Sic igitur habet decretum Lausanense.

Pax firmatur.
Pacis leges.

Sacrosancta Lausanensis Synodus in Spiritu sancto legitime congregata, Reuerendissimo & carissimo filio Amedeo, pridem Felici Papæ Quinto, Salutem, & omnipotentis Dei benedictionem. Tam maxime de venerabili Ecclesia meritis es, ut presentes habeant vberissimarum laudum memoriam, futuris quoque tui nominis felix sempiternaq; recordatio relinquatur. Tu ad Ecclesie subsidium euocatus, quanta inquam fuit persecutione vexatus venisti. Tu illi profusa liberalitate, summa industria, ex acta diligentia, dedita opera opitulatus es. Tu tandem tranquillam populo Christiano concordiam reddidisti, pariter & pacem. Leguntur quam multi qui belli, pacisq; tempore inseruierunt Ecclesie cõmemorandis

CXV.
Honores
Amedeo de
creti in Synodo Lau-
sanensi, & à
Põtificæ pro
bati.
Exstat apud
Parasim, &
Vanderb.
Amedeus
de Ecclesia
impensẽ me
ritus.

per omne seculum obsequijs: sed persone causa; rerum
 temporisq; disparitas super eminentiam meritorum coar-
 guunt. Nouit orbis vniuersus sanguinis tui regiam cla-
 ritate: vidit, & audiuit quam continuas sollicitudines
 indefinensq; certamen, pro autoritate sacrorum genera-
 lium conciliorum, & veritate Catholica sustinendis no-
 biscum inisti, opulenta quiete abiecta retrorsum. Nunc
 autem dum per tue humilitatis excelsum medium pax
 in oēs Christianos diffunditur; quo te nomine nisi ZELA-
 ROREM CONCORDIÆ, PACISQ; AVCTO-
 REM appelleret? Quas ob res cōgratulationibus, pmeritisq;
 honoribus personā tuā prosequi cupiens hæc sacrosancta in
 Spiritu sancto congregata Synodus vniuersalē Ecclesiam
 representās, & inter cætera considerans, q te ipsum parui
 facere voluisti, vt pacata, quietaq; exaltaretur Ecclesia;
 Te Sabinensem Episcopum, Sanctæ Romanæ Ecclesiæ
 Cardinalem, Sedis Apostolicæ in terris, & iurisdictioni-
 bus dilectorum Ecclesiæ filiorum, nobilium virorum Du-
 cis Sabaudie, & Principis Pedemontium, ac Monisfer-
 rati, & Salutarum Marchionum, in Comitatu, & ter-
 ritorio Astensi, nec non in Prouincia Lugdunensi citra Sa-
 gonam, atq; Augustensi, Lausanensi, Basileensi, Argen-
 tinenſi, Constantienſi, Curiensi, & Sedunenſi Ciuitati-
 bus, & Diœcesibus Legatum Vicariumq; perpetuum fa-
 cit, creat, & nominat. Tibiq; in sancta Dei Ecclesia
 primum post Romanum Pontificem locum pro tempore
 constituit, consignat, & decernit: qui quidem tibi ad suā
 præsentiam accedenti assurgat, dumtaxat oris osculum
 exhibendo. Atque vs altissimi in terris honoris quem so-
 la dilectione vniuersalis pacis contempsisti, multa ma-
 nifestaq; in tua persona signa remaneant; tibi vt habi-

tum

Zelator cō-
 cordiæ, pacis
 auctor.

Cardinalis
 reuuntiat.

Sedis Apo-
 stolicæ lega-
 tus Vica-
 riusque per-
 petuus.

Primus post
 R. Pontif.

Cui ipse Pō-
 tifex assur-
 gat; & oris
 osculo exci-
 piat.

Orti, & insignia Papalia, deſcripta delatione Corporis Chriſti, in annulo piſcatoris, Cruce in pedibus, ac umbraculo deſerere, ac inſignis, ac poteſtate legati vii quoties te extra terminos tue legationis egredi contigerit, valeas, Nec non ut in curia Romana, vel generali Concilio perſonaliter comparere minime tenearis concedit, & indulget per præſentes. Datum Lauſannæ, &c. Septimo Kal. Maij, Anno à Natiuitate Domini M. CCCCXLIX.

Inſignia Pa-
palia non-
nullis dem-
ptis reti-
neat.

Extant huius honoris Amedeo habiti nonnulla monimenta in inſignibus quæ poſt abdicationē eius iuſſu efficta ſunt, habent enim pro crifta ſeu Apice, alibi Clauēs Pontificias ſine tiara, Tiarā alibi ſine clauibus, documentum poſteris non indecore geſſiſſe Pontificatum, cuius memoriam vellet eſſe perennem. Hæc Lauſannenses, quid Pōtifex & ille ſcilicet in gaudium effuſus nec ſe præ lætitiā capiens aris aduolui, largiſſimas Deo gratias exoluere, ſupplicationes per omnia vrbiſ, imò orbis tēpla edicere, exemplūque omnibus ad litandum honori diuinō præire, tanta, tamquē prona omnium ordinum conſenſione, vt nullam mundo multis inante annis feliciorē illuxiſſe diem populorum illa vox teſtaretur.

CXVI.
Nicolai Pa-
pæ, & totius
Eccleſiæ pro
hac pace ef-
fuſa lætitiā.

Fuſit lux mundo, ceſſit Felix Nicolao

Eaq; concordia (ait Bergomenſis) non modo lætatus eſt populus Romanus, ſed etiam totus mundus à tanta ſeditione liberatus. Nicolaus verò ne ingratus Deo tanti beneficij videretur ſupplicationes admodum celebres cum populo, & clero habuit. Idem & omnes, Italiæ populi effecere. Sed ne intra verba hæreret Pōtificis gratia, tribus Bullis eadem die (quæ fuit decima quarta

In chron.

Nouis de-
cretis cōſu-
litur tamæ
Amedei.

Iunij eiusdem anni quadragesimi noni) editis voluntatem suam testatus est. Prima rata habet omnia indulta, priuilegia, beneficia, honores, & dignitates, quæ tum Amedeus (quem semper Felicem Papam Quintum olim in sua obedientia nominatum nuncupat) tum Synodus Basileensis, ac deinde Lausanensis contulerunt, vt vel hinc approbata esse constet quæcunq; in Amedei honorem decreto illo Lausanensi, quod recitauimus, constituta leguntur. Secunda seuerè præcipit, vt si qui bonis exuti, beneficijs deiecti, vel aliquo honore deturbati sint, eo quod Felicem Eugenio ante haberent, continuò in suarum omnium rerum possessionem redeant, easquæ sibi tanquam proprias asserant. Tertia deniquè irrita esse iubet quæcunque in eundem Amedeum, & fautores eius vel Eugeniũ, vel Nicolaus seu quiuis alius decreuisset, eorumquæ memoriam damnat & penitus interdicit. Quæ omnia tam illustribus formulis, tam in Amedei honorem compositis verbis sunt concepta, vt nihil vel ad memoriam honorificentius, vel ad commendationem exquisitius potuerit excogitari. Sed præstat præcipua horum rescriptorum capita recitare. Ac primum quidem sic habet.

CXVII.
Bulla Nicolai Papæ super approbatione actuum in Cœc. Bas. & Lausan. Extat in Edit. Colô. pag. 96.

Nicolaus, &c. Ut pacis, qua nihil desiderabilius in vniuersali Ecclesia amplissimè diffundatur, & perduret serenitas, & omnium corda, quos exagitauit, & defatigauit diuisio, vnitatis integra ad cuiuslibet status, & honoris prosperitatem consolidet, libenter secundum nostræ, & Apostolica autoritatis plenitudinem; magnitudinemquæ voluntatis

Voluntatis omnia complectimur, per quæ non solum super
 presentibus & futuris, sed & præteritis, ut firma il-
 libataq; permaneant, debite prouisionis adhibeatur re-
 medium. Cum itaque post crebras, variasq; conturba-
 tiones, quibus multis ab annis sancta Dei subiacuit Ec-
 clesia, causantibus diuisionibus, quæ inter felicitis recorda-
 tionis Eugenium Papam Quartum Prædecessorẽ nostrum,
 & tunc Basileense Cõcilium vixerunt, hoc in nostro tem-
 pore ex altissimi Dei prouidentia ineffabili, interpositione
 tractatuque Oratorum carissimorum in Christo filiorum
 Francorum, Angliæ, & Renati Siciliæ Regum, nec non
 Delfini Viennensis primogeniti Francorum Regis Illu-
 stris, Pacem Ecclesiæ redditam videamus: Dum per-
 cipimus Venerabilem, & Carissimum fratrem nostrum
 Amedeum primum Cardinalem Episcopum Sabinensem
 in nonnullis Prouincijs Apostolicæ Sedis legatũ vicariũque
 perpetuum Felicem Papam Quintum tunc in sua obediẽ-
 tia nominatum, iuri quod in Papatu assererat se habere
 ad huiusmodi pacem Ecclesiæ obtinendam, cessisse. Eos
 Verò qui Basileæ, postmodumque Lausannæ sub nomine
 Generalis Concilij hætenus congregati permanserunt, or-
 dinaße, & publicasse nobis tamquam vnico, indubitato
 Summo Pontifici obediendum esse à cunctis fidelibus, &
 præfatam Lausanensem dissoluisse congregationem. De-
 siderantes igitur toto affectu ea perficere quibus Christi fi-
 deles suppressis, & extinctis dissensionum, & differen-
 tiarum Seminarijs communi fruantur concordia, cuius-
 libet eorum status, honoris, & reputationis, & quietis sta-
 bilitate firmata. Quasunque promotiones, electiones,
 confirmationes, postulationum admissiones, translatio-
 nes, commendas, administrationes, & prouisiones, Re-
 seruatione,

seruationes, vniões, & incorporaciones, reuocationes, pallij dationes, consecrationes, benedictiones personarum, de ordine ad ordinem translationes, infeudationes, absolutiones, liberationes, Quitationes super quibuscunque debitis ratione decimarum, indulgentiarum, Annatarũ, Dispensationes, tam super etatis, quàm natalium & aliarum inhabilitatum defectus, &c. Ac omnia & singula tam iustitiam quàm gratiam cõcernentia siue in foro conscientie, aut contentioso, in personis & locis quæ tẽpore concessionis, & aliorum præmissorum obediuerũt præfato venerabili, ac carissimo fratri nostro Amedeo Cardinali, Episcopo, legato, & vicario supradictõ tunc Papa Felici Quinto nominato, ac congregatis ante dictis, seu eorum alteri, aut alterius eorum auctoritate, etiam de latere legatos, seu delegatos ab eis potestatem habentes cõiunctim, vel diuisim qualitercunque facta, gesta concessa, indulta, data, disposita, & ordinata, etiam si maiora, aut graviora, aut alterius cuiuscunque nature à præmissis existant, & specialem requirentia expressionem, cum omnibus, & singulis inde sequutis. Ac etiam omnia & singula per ordinarios in dictis locis facta pro bono pacis, et vniõis Ecclesie Motu proprio ex certa scientia, & de Apostolica potestatis plenitudine de consensu venerabilium fratrum nostrorum S. R. E. Cardinalium præsentium serie approbamus, ratificamus, & etiam confirmamus, ratãq; & firma fieri volumus, &c. Cætera deinceps in hunc sensum fusissimè, quibus omni studio cauet Põtifex vt nihil grauius illis accadat, qui Felicẽ coluerant, & oĩa ab ijs gesta, ex eorũ sententiã succedant, ijs quæ in oppositũ ab Eugenio, vel alio quouis statuta essent omni auctoritate detracta.

Secundum

Secundum diploma post exordium totidem ferè ver-
bis cum superiore conscriptum, omnes personas cu-
iuscunque dignitatis, ordinis, &c. quæ ratione adhesio-
nis, fauoris, & obedientiæ Felici, seu Concilio præstitæ
Beneficijs, pensionibus, feudis, iurisdictionibus &c. per li-
teras præfati Eugenij aut alias priuatæ fuerint, aut de-
stituta ad Ecclesias, Monasteria, dignitates, Castra, Do-
minia &c. restituit; & bona huiusmodi in illum statum
pristinum, in quo ante tempus, & tempore priuationis, &
destitutionis, huiusmodi erant, ac si factæ non fuissent pro
bono pacis, & Unionis Ecclesiæ realiter, & cum effectu
restituendas, ac reintegrandas fore decernit, & decla-
rat, &c. quæ cautiones omnes adhiberi solitas
habent.

Tertium ea dumtaxat repetit, & confirmat, quæ an-
no superiore 15. Kal. Febr. concessa fuerant per
eam Bullam quam supra descripsimus, sed quia
tunc non planè fuerat compositum fœdus, ideo
placuit hoc anno nouo rescripto decerni, & pro-
mulgari, nempe vt quæcunque odiosè facta, scri-
ptaue essent obruerentur, ac quantum fieri pos-
set ex hominum memoria obliterarètur perindeq;
haberentur ac si nullatenus emanassent, eaq; omnia &
singula cum inde sequentis de Registris ipsius Eugenij, ac
locis alijs quibuscunque aboleantur, & deleantur.

Hæc de Felicis abdicatione ex antiquarum tabula-
rum fide haud paulò certiora protulimus, quàm-
quæ vel indiligentia, vel malignitas quorundam
turpissima interpretatione corripuit; cum scribunt
Felicem quasi ex vltima desperatione, cum iam
se omnibus cõtemptui esse cerneret, nec spes vlla
esset

CXVIII.

Bulla eius-
dem Nico-
lai, qua Basi-
leniens eo-
rûque fau-
tores in in-
tegru resti-
tuuntur.

CXVIX.

Bulla tertia,
qua è rita ei-
le, & obli-
rari iubetur
quæcunq; in
Amedeu, &
eius fauto-
res scripta
sunt.

CXX.

Refelluntur
qui Felicem
necessitate
adactû ces-
sisse crimi-
nantur.
Gobellinus.
Sabellicus.
Platina.
Ciaconus.
Simoneta.

esset obedientiæ nanciscendæ Friderici Imperatoris seu precibus, seu minis adductum fuisse vt cedere vellet. Etenim si adeo conclamata erat, vt fingunt, Felicis autoritas, quid necesse erat tot tantorumquæ Regum tanto tempore interuentû adhiberi? quorsum tot honores, priuilegia, ac prærogatiuæ non Amedeo modo, sed fautoribus eius decreta? vnde illa in tota Repub. Christiana gestientis lætitiæ effusa significatio? num horruerat Christianus orbis aliorum schismatum monstra? num iactata erat grauissimis procellis Ecclesia? nulla tamen tam læta celeumata, nullos tam sinceros plausus aut veriores acclamationes editas legimus, quàm cum auditum est tantum Principem omnium pene Christianorum Regum affinitate subnixum, tam illustre, tam sanctum, tam inauditum præbuisse veræ demissionis documentum. Neque ille sanè sic euiluerat vt non instaurare, si animus fuisset, partes posset, nec minus senascenti Nicolao, quàm adulto, confirmatoquæ Eugenio præstare formidabilè: sed hanc aciem non erat ingressus vt in Ecclesiam, sed pro Ecclesia staret: persuasum illi erat vexillum Pontificiû de signiferi manibus extortum grandi Christiani exercitus periculo iacere; illi erigèdo magnis hortatoribus piam manum accommodauerat, nunc videt adesse qui fidenti animo superis fauentibus signum gerere possit, cur illi non concedat, missionemquæ emeritus impetret honorariam? Non igitur renitenti extortum à Cæsare Pontificij vexillum, sed à volente sponte permissum; Et quorsum

sum amabo Cæsarem hic miscent, qui nullus plane huic negotio interuenit? Pontificis appello diplomata, quæ retuli: Reges Principes uel alios cōmendant, qui in partem huius sollicitudinis uenire, Cæsaris ne uerbo quidem meminerunt, ut uel ex hoc cōmento de reliquis, quæ in Amedeu conflata sunt, coniecturam capiamus.

Qui uero nulla gratia, aut ambitione, bonæ tantum conscientia pretio res illorum temporum tradidere, tabulis nostris sua narratione fidem faciunt, Felicemque non inuitum, non obluentem, non in extremis positum, sed prouum, ac suæ spontis pacē orbi dedisse memorant. Genebrardus LIBER se Pontificatū abdicasse pronūtiat. Onufrius, *Papatum SPONTE deposuisse, omnesq; Cardinales ab eo creatos, aut qui ei adhæserant, et adhuc uiuebāt in Cardinalium numerū receptos. Facile, inquit Mutius, bonis iunguntur, nisi enim uterque Pontifex*, (Nicolāus inquam, & Felix) *bonus fuisset uir, non ita coniungi potuissent, uidebatur enim difficillimum. Nam habebat Felix totum Conciliū Basileense à sua parte, neq; dici pōt quod desperarit rebus suis, magnis enim, Potētib; AMICIS INVITIS renunciauit Pontificatum. Fuit enim uir Pius, minimeq; ambitiosus; his gemina scribit Philippus Bergomensis, ubi enim Nicolai electionem cōmemorauit, id à Deo (inquit) factū fuisse animaduertens Felix, ē uestigio ad tollēdum omne schisma Pontificatu se SPONTE abdicauit, & per Oratores suos eum Pontificē uerum salutauit: quapropter Nicolaus uisa hominis humanitate, statim galorum Cardi-*

C c

nalatus

CXXI.

Felicē sponte abdicasse testes minimē suspecti affirmant.

In chron. an.
1439.
Lib. 3. de creatio. Pontif.

Lib. 12. chron.
c. 11.

In chron. an.
1447.

nalatus eidem solenniter transmisit, atque Sabaudie, & Germaniæ totius legatum ex latere creauit, & quidquid in Pontificatu sanciuerat approbauit. Hæc ille in Nicolao, paria in Felice verū tamen, ait, cū pacis, & humilitatis amator existeret mortuo Eugenio Pōtifce, NVLLIS PVLSATIS PRECIBVS, Nicolao Pontifici eius successori humiliter cessit, & in loco pristinae humilitatis rursus redijt, quo cognito Nicolaus, & ceteri Patres (confirmatis prius omnibus per ipsum gestis) in patria suam eum delegatum ex latere crearunt. Quin & posterioris æui scriptores adeo hanc Amedei demissionem suspexerunt, vt non nisi ab insignis sanctimonix viro proficisci potuisse statuerint. Tillius Gallus ita pronunciauit. NON INVITVS, inquit, Pontificatū abdicauit, tanta enim erat integritatis & ad tollendū schisma legatione fungi satis habuerit. Stephanus Paschasius item Gallus, Felicis recordationis Felix Pontificatum SPONTE deserit: illustri Sanctitatis exēplo effrenatas ambitionum damnans cupiditates.

*In chr. Frā.
ann. 1440.*

*Lib. 3. Disq.
Fran. c. 21.*

CXXII.
Heremū op-
tatum repe-
tit Amede.

Reddit ergo Amedeus iterum se sibi, qui se publico Christiani nominis bono commodauerat, nō addixerat. Otium ille suauissimum iuxta ac sanctissimum abruperat, vt fatiscenti propè Ecclesiæ valentibus humeris, quanquam magno labore succollaret, nunc postquam inuenit quemadmodū plus quies sua illi proffit, quàm ætatis defectū ultimi conatus, non ille quidem fortunæ tanquam se destituēti iratus, aut turbido ingenio fata obiurgaturus, sed serena mente, vultuq; pari placidus, lætusq; ac velut sibi ipsi superstes euolat ad ambitum

ambitum secessum, in quo anxietas illius, & turbulentæ vitæ seruitutem cum præsentium bonorum libertate securus componat. Felix vel eo ipso Princeps quod veram felicitatem in arcano quàm in publico facilius inueniri, securius regi, dulcius possideri agnouit. Latere amabat Amedeus, sed nullos Deus minus latere patitur quàm qui mundo delitescere ambiunt, ut se totos ipsi impendant, hocq; illi præstent ne tanta eius opera sine teste sint. Amedeum ex illa velut nube quam sibi circumdederat instar Solis omnium oculis gratissimi breui erumpere, illustribusq; miraculis tamquam radijs iussit inclarescere: quod illorum temporum vicarius Bergomensis affirmat his verbis. *Deficiens demum in senectute bona post obitum etiam miraculis multis clarus effulsit.* Vixit Amedeus principio anni Iubilei (quingagesimi scilicet post millesimum quadringentesimum) pro fluxu & expiranturo, constans, & perenne celebraturus in Cælis Iubileum. Scio de tempore alios alia tradidisse, sed quod dñi certum facit rescriptum Nicolai Papæ, quo tanti Principis, adeoque de se, deq; tota Christiana Republica bene meriti memoriæ duxit parentandum, & honori iuxta ac utilitati Serenissimæ domus eius consulendum.

*Nicolaus &c. Postquam accepimus bona memoria Amedeum primum Cardinalem Episcopum Sabinensem si-
cut altissimo placuit debitum nature persoluisse, in-
tenti cogitamus merita sua omni amplitudine prosequi
fauorum. Talem enim se ad unionem, & pacificatio-*

Sanctitatem
eius Deus
miraculis il-
lustrat.
*In chron. an.
1438.*

CXXIII.
Mortuū Ni-
colaus Papa
insigni or-
nat Elogio.

nem Ecclesiæ in oculis nostris, & omnium Christi fidelium exhibuit, ut quidquid nobis factu possibile viderimus, sue recordationi, ac honori, & Utilitati dilecti filij nobilis viri Ludovici Ducis Sabaudie eius nati, ac ipsorum illustri domui libenter tribuamus. Cupientes igitur post tranquillitatem, & pacem quæ domino inspirante Universali Ecclesiæ reddita est, omnia præterita divisionis, quantum cum domino possumus, eradere vestigia, & maxime in præfata domo Sabaudie tantam quietem stabilire, quod à modo prætextu administrationis quam dictus Episcopus Sabiniensis suus genitor dum Papatui à nonnullis præse diceretur, Et post ea facta per eundem Cessione dum legationem in nonnullis Italiae, Gallie, & Germaniæ partibus exerceret, præfatum Ducem aut suos hæredes, & successores quoscunque impeti; perturbari, & inquietari non contingat, de omnibus, & singulis dominiorum, terrarum, possessionum, locorum Castrorum, & iurisdictionum, nec non iocalium, & bonorum mobilium quorumcunque emptionibus per præfatum Amedeum Papatum, & legationis prædictorum tempore factis & contractis, præfatum Ducem tenore præsentium ex certa scientia absolvimus & liberamus &c. quæ solennes clausulas habent. Datum Romæ apud S. Petrum, Anno Incarnat. Dom. 1450. prid. Kal. Mart. Pontif. nostri ann. 4.

CXXIV.

Amedeus
sua demis-
sione cuncta
deinceps
schismatici
extinxit.

Facere non possum hoc loco, quin singularem Dei providentiam erga Ecclesiam suam magnopere suspiciam & extollam: Laborauerat illa iam toties procaci Pontificum schismaticorum ambitione lacerata, quos neque piorum preces, neque sceleris

sceleris pudor, neque conscientiae stimuli a proposito reuocarant: alios diuturno carcere maceratos, alios longo exilio multatos, horrendis alios de celo tactos supplicijs vitam prius quam pertinaciam exuisse ingemuerat. Quibus igitur artibus, quavia usque adeo exitialis Lerna tolli poterat? Vide numinis sapientiam. Schismatis ceruices excindit, cum robustius attolli credebantur. Quis enim cum videret potentissimum Principem, Regijs necessitudinibus nixum, opibus praepollentem, sapientiae fama Salomoni equatum, sanctitatis opinione celeberrimum, non paucorum factione, sed generalis Concilij votis Pontificem creatum, quis inquam non crederet extrema omnia prius ausurum, quam aliquid de suo iure cuiquam concessurum? Sed aliud Deo visum erat: Amedeum namque praeter ceteris in Basileensibus Comitibus eligi voluerat, ut esset qui praesenti Ecclesiae statui, & futuro, rara, & si verum amamus, inaudita demissiones exemplo consuleret. Neque enim existimandum est illis dumtaxat temporibus opportunam fuisse tanti Principis virtutem, ut pacem Ecclesiae redderet, quam cuius forte alius contumaci duritia respuisset, verum posteris etiam utilissimam, ut exemplo eius omnis aetas disceret, *Solum Regnum esse, nolle regnare cum possis.* Cuius exempli tantum vim fuisse hactenus Christiana Republica comprobauit, ut post illa tempora nemo adeo proiectae fuerit audaciae, ut in legitimos Pontifices ambitiosus Aemulus

mulus insurgere tentarit. Nisi forte agnoscere malimus adeo Numini supremo acceptam fuisse optimi Principis eximiam erga Ecclesiam charitatem, vt eius meritis dederit, ne vllus deinceps sponsam suam Antipontifex procaretur: sicque PACIFICVS noster AMEDEVS orbi Christiano optatam daret pacem, æternamq; impetraret. Sic auguror, & voueo;

Vosum secundet qui potest nostrum Deus.

F I N I S.

Ad maiorem Dei honorem, & S. R. E. gloriam, cuius iudicio Commentarius iste submissus esto.

ANT 1216205



8hhk

xviii

D/17